

Синтаксис единица	Подлежащій	Предикат
Актант, ситуация член	Объект	Вуджана керём
Сёрникузя	<i>Ставыс</i>	<i>вёчсьё.</i>

Тайё тшётш өти актанта тэчас, көні подлежащійыс петкөдлө объект, код былө воё керёмыс, шуам,

О ←—————
Кывбуръяс кокниа лыддьыссьёны.

Тшөкыда пассив артмё рефлексив суффиксъяс содтөмөн, көні бөръяыс сетö сёрникузяыслы дзоньнас пассива вежөртассö, шуам көть, *Гудёк мек моз чукралөм гөленя сапөгъяс пөрччыссисны зэлыда, и батьыс велөдышитс* (В.Юхнин), *Кокньыдик комбинезон, куртка позьö бөрйыны тулыс-ар кезлө. Найö бура неслассьёны, өтиыс сувтас 20–25 сюрс.* Коми кывйын кадакыв бердын оз вермы лоны керём вёчысьö петкөдлысь абу веськыд дополнение. Подлежащійыс век петкөдлө ловтөмтор, керөмлөн субъектыс төдчөдтөм, сийö петкөдлытөм, шуам, *Ставыс төдмавсьö орччөдөмөн, Татишөм лицей-интернат йылысь сёрниыс эз нин өтчыдысь пансьыв бөръя 15 вонас.* Сöмын корсюрö позьö казавны рочысь веськыд грамматика калькаяс: *Отияс — колана гөстьяс, кодъяс бурöсь гортын да бура гөсти-төдсьёны Степан гозъяөн* (В.Юхнин), *Керкая стрөйтсьёны плөтничьясьён.* Либö роч кодь метафораа шуөмъяс: *Асывсянь шондi занавесассис оръявлытөм кос кымөрөн* (И.Габов). Татшөмторйыс коми кывлы некыз оз лөсяв, тайö рочысь пыртөдөмтор, кодi медтшөкыда өнiя кывйын бергавлө туялан уджъясын, шуам, *Коми кывйын прөстой глагольнöй сказуемöйыс вермö петкөдлысьыны и -ысь суффикса причастиеөн, кодi индö активнöй действие былö* (В.Лудыкова). Онiя коми кывйын пассива кадакывъяс ёна паськалөмны, кызвынсö роч кывлөн төдчөм вöсна, найö пöшти век бергалöны онiя да колян кадъясын, шуам көть, *Ок тэ, дона пöра, Казьтывсян тай дыр — Öдйö кольö бөрö шуда челядьдыр; Выль гыдъя пуксис сиктын олөм лад, кор торпыригысь тэчсис өтув овмöс* (А.Ванеев), *План эз мөд тыртсьыны, нажөткаяс йөзлөн усисны* (Г.Шуктомов). Медтшөкыда пассива вежөртаса кадакывъяссö пыртöны коми журналистъяс, роч кыв бала серти бара жö, шуам, *Но делöйс сэтчань мунö, өнi Войвывлөн уна корём оз могмөдсьы, деньгасö оз сетавны, Оз збыльмөдсьы тайö документсьыс и мукöд пункт* (И.Белых), *«Мэрия» картина снимайтисны США-са специалистъяс. Видзөдсьö фильмыс* (В.Каракчиев). Тадзи вөдитчöны кадакывъясөн сиджö туялан уджъясын: *Россияса национальнöй библиотекаын (Санкт-Петербургын) видзсьёны тайö төдчана учёнойыслөн уна гижөд, рукопись* (И.Плосков), *Быд кывсикаслөн стилистическöй позянлунъяс йылысь юртөм бөрын вайөдсьёны уджъяс...; Уджъяс динö сетчöны* воча кывъяс;

*Татшом сикас велөдчан пособиес лэдзсё первойсы на да автор водзвыв аттьоалё лыддысысысясёс (Е.Игушев). Тшөкыда гижысыс, журналистыс вывтасёны, пассива кадакывьясё пыртёны ковтёг, рочыс мисьтём каль-каяс вёчалёмён, шуам, **Некыз эз аддзыссы Павел аслыс көрталан йёйён ни гут кодь наянён; войтыштан ныра Павеллөн эз видзёдссы** збойлун да зумыдлун; **Бокысджык аддзысис** пестерыс, орьёдлём да дульёсьтём лапё-да (Г.Юшков), **Инвестиция вёчсё** войтён-войтён; **На костын индыссьё граница да сувтёдсё** еджыда-сёда визя сюръя (КМ). Та вылө видзөдтёг, пассива кадакывьяс тшөт весьтё рефлексив сёрнивизь ёна паськөдө ассьыс вежөртассё.*

50 §. Аспектуальность йылысь

Кор сёрнитёны кадакывлөн морфология категорияс йылысь, то век сувтё юалём: кызди кадакыв вермё петкөдлыны ассьыс керөмсё кад серти да процесс мунанног сертиыс. Быд кывйын эмось аслысикас поэялуньяс, кызди петкөдлыны керөмсё: помасьём али помасьтём, өтпыр өдий мунана али дыр кыссияна, өтпырысь али унаысь овлана да с.в. Став татшом йитөдсё, кодьяс серти кадакыв индө аслас процесс вежөртас вылас, кыв туялөмын нимтёны аспектуальнөйсөн. Тайё йитөдьясё да грамматикаын найёс петкөдлан поэялуньясё шымыртё аспектуальностьыс. Позьё шуны, мый аспектуальность сертиыс став кывйыс өткодь — быдын кадакывлөн эм аслысикас система, код отсөгөн сийё вермё петкөдлыны керөмлысь мунанног. Керөм мунанног улын аспектологияын гөгөрвоёны зэв паськыдтор, стөчджыка кө: 1) кызди кывьясын петкөдлөма помасьём керөм да помасьтём, процессуальнөй керөм; 2) кызди кадакыв петкөдлө керөмлысь мунанногсё (өтпыр овлана, ичөтмөдана, дырджык мунана процесс да с.в.); 3) кызди индөма керөмлысь заводитчөмсё, мунөмсё да помасьёмсё (фазаяс вылө юклөмөн). Аспектуальность шымыртё аспект да керөм мунанног грамматика категорияс.

Аспектуальностьын шөр юрподувьяс

Быд кывйын пытшкөсса грамматика системаыс котыртөма аслыспөлөс ногөн. Аспектуальность эм быд кывйын, но быдын сийё тшөтш торьялө. Коми аспектуальностьын татшом юрподулыс некымын. На гөгөр буретш сөвмөмаёсь морфология категориялөн петкөдланторьясыс либё суффиксыясыс. Тайё юрподувьясыс ышөдісны суффиксысё сөвмыны, паськөдісны, вежисны либё векнөдісны налысь вежөртасьясё да сёрникузяын могьясё. Шөр юрподувьясыс петкөдлөны керөмсё, кызди: 1) стөч өтчыдысь вөвлөм (кад серти локализуйтём) керөм да век овлана, унаысь, неөтчыдысь овлана керөм (абу локализуйтём, абстрактнөй процесс), шуам, *көть, нуны — нулыны — нулывлыны* (кратность юрподув); 2) нейтральнөй керөм — омөля мунан, сөмын неуна сөвмысь керөм, шуам, *сёйны — сёйыштны* (интенсивность по-

дув); 3) нейтральнӧя, ӧтпыр мунана либӧ другӧн овлана керӧм да дырӧн мунысь, процессуальнӧй керӧм, шуам, *котӧртны* — *котравны*, *стойны* — *соявны* (континуатив юрподув); 4) ӧти нога да уна ногӧн сӧвмысь керӧм, пример пыдди, *гижны* — *гижавны* мыйкӧ унатор либӧ уна йӧзлы (дистрибутивнӧй юрподув); 5) кызди помасьӧм да помасьтӧм керӧм, шуам кӧтъ, *луйны* кадакыв век индӧ пытшкӧсса предела керӧм, кодӧ ачыс нин индӧ помасьӧм процесс вылӧ. Помасьтӧм керӧмсӧ вермӧны петкӧдлыны мукӧд артмӧм кадакывъяс, шуам, *луйсьыны*, *луйлыны*. Помасьӧм, результата вежӧртассӧ кадакывӧ содтӧ тшӧтш *-лы*, *-л*, *-ыв* суффикс, кодӧ артмӧдӧ ӧтпыр/неӧтпыр мунан керӧм вылӧ индан сикас, пример пыдди, *сунны* — *сунлыны* «*сунны ваӧ и петны бӧр*», *Ваня лыддис небӧг* (ми ог тӧдӧй, лыддис-ӧ помӧдз небӧгсӧ), но *Ваня лыддылис небӧгсӧ* (Ваня коркӧ лыддыӧма нин помӧдзис небӧгсӧ). Уна артмӧм кадакывлӧн керӧмыс век гӧгӧрвосьӧ кызди ӧдӧй, друг мунана да помасьӧм, шуам, *югнитны*, *гӧрӧктыны*, *муркнитны*, *шутӧвтыны*, *рукӧстны*, *косышитны* «*кучкыны*, *луйны*» да с.в. Бӧръя юрподулыс, результатив либӧ перфектив юрподув, коми кывйын грамматика системаын оз тыдав сэтшӧм ясыда рочын да мукӧд индоевропейскӧй кывйын моз. Тайӧ юрподув вылын комиын оз артмы морфология ӧти категория, кодӧ эськӧ индис керӧмсӧ кызди локализуйтӧм (помасьӧм) да локализуйттӧм (помасьтӧм). Унджык кадакывйыс вермӧ бергавны и локализуйтӧм, и локализуйттӧм вежӧртасъяс, шуам, *Катя бура шойччис* (локализуйттӧм вежӧртас), *Катя бура шойччис Крымын таво гожӧмнас* (локализуйтӧм вежӧртас, Катя воис шойччӧм бӧрын гортас). Но бӧръя юрподулыс век жӧ ас ногӧныс котыртӧ кыв системасӧ да артмӧдӧ *аспект* логико-грамматическӧй категория.

Аспект категория

Коми кывйын аспект категорияыс логико-грамматическӧй, да сийӧ шымыртӧ тшӧтш синтаксис, текстлысь тӧчасног, фонетикалысь петкӧдланторъяс (интонация, логикаа да фразаа тӧдчӧдӧм). Аспект категория кызди быд кывйын универсальнӧй, ӧтувъятор, коми кывйын сӧвмис категориялӧн шӧр юрподув вылын, кодӧ петкӧдлӧ керӧмсӧ кызди помасьтӧм, абу ӧтувъя, торйӧдтӧм либӧ кызди помасьӧм, ӧтувъя, локализуйтӧм, торйӧдӧм, шуам, *Ваня висьӧ гортас* (Ваня ӧнӧ висьӧ, керӧмыс торйӧдтӧм) но *Ваня висьлис гортас* (Ваня коркӧ висис нин и бурдис, керӧмыс ӧтувъя, торйӧдӧм). Комиын аспект мыччӧ асьсӧ мукӧд категорияяс пыр да дзоньнас контекстын, текстын, ситуацияын. Уна кадакывлӧн вермӧ лоны и помасьтӧм, и помасьӧм вежӧртас. Та вӧсна позьӧ эрдӧдны аспект категорияысь паныд сулалысь кык член — помасьтӧм керӧм, континуатив да помасьӧм, торйӧдӧм керӧм петкӧдлӧм, перфектив.

1) П о м а с ь т ӧ м а с п е к т с ӧ петкӧдлӧ векджык ачыс кыввужйыс, шуам, *висьны*, *мӧвпавны*, *уджавны*, *чайтны* да с.в. Векджык помасьтӧм керӧмыс овлӧ ӧнӧя када формаяслӧн, примеръяс пыдди, *Варук талун печканӧн*

коралё, гостьясёс чукёртё. Куим лун чёж нин лёсьёдчё, быдлаті пелькёдё, быдсён ваа рузумён **чышкалё** (И.Сажин). Сідзкё, ёнія кад индё локализуйтём, помасьтём керём вылё. Артмём, тэчаса кадакывьяс аслас пытшкёсса вежёртаснас тшётш вермёны петкёдлыны помасьтёмлун. Шуам, **луйны** кадакывлён узуальнёй (пырджык овлана) вежёртасыс индё другён овлан помасьтём керём вылё (*Ошкёс эн лый кыкысь*), но кор кыввуж бердё йитчё -лывл/-ывл суффикс, сэки кадакывлён вежёртасыс вежсьё, сійё лоё помасьтём: **луйлывлыны**, пример пыдди, *Гожёмъяснас-аръяснас Сандыр век лыйлывлё уткаясёс*. Татшём жё век овлана, уна пёрйё вёчан керём вылё индё -л, -лы, -ыл суффикса актионсарт, коді ляскысьё ёнія када кадакывьяс бердё, шуам коть, А.Ванеевлён «Кёка войяс» кывбурын: *Шонді, ытва, нюмдём чужёмбан — Быдторнас сэж нимкодьяслам тан: Бурдлывлёны, чайтсьё, бурдём дойяс, Кодыр Коми муын кёка войяс*. Помасьтём керём медшёр петкёдлыснас коми кывйын лоё ёнія кад. Кор кадакыв сулалё ёнія кадын, сэж помасьтём керёмсё вермё ёнмёдны тшётш рефлексив сёрни-визьлён -сь, -сьы, -ч суффикс, орччөдём вылё сетам кык откодь сяма сёрникузя: — *Кыдзи тэныд, пиук, овсьё Микуняд?* — *Кыдзи, пиук, тэныд ов-сис Микуняд?* Медводдза сёрникузяс -сь суффикс тёдчөдө, мый керёмыс помасьтём, ёні мунё на, пиыс Микуньын на олө. Мөд сёрникузяс, мөдарё, -сь суффикслөн юёртанторйыс содтө помасьтём вежёртас, төдчөдө сійёс.

2) П о м а с ь ё м, л о к а л и з у й т ё м а с п е к т ы с, коді индё конкретнёй да дзонь отувья керём вылё, коми кывйын артмөдө вель уна петкөдлантор, кодыс пиын эмөсь семантика, грамматика, синтаксис да интонация средствояс. Помасьтём аспектыслөн медшёр юёртанторйыс йитчөма сыён, мый быд керём гөгөрвосьё кыдзи отувья, дзонь, торйөдтём, кодлөн эм либө вөлі аслас помтшупөд, шуам, *нылышитны* кадакывлысь вежёртассө он вермы юкны фазаяс вылё, сійё сідзи нин отувья. А вот тэчаса жё *ныылавны* кадакывлён пытшкёсса помтшупөдыс абу, сійё индө помасьтём аспект вылё. Помасьтём аспектлөн петкөдланторьясысь медшөрьясыс со татшөмьяс: а) К а д а к ы в в у ж л ө н в е ж ё р т а с ы с унаысь ачыс нин индө отувья, помтшупөда керём, кодёс он вермы юкны фазаяс вылё. Татшөм сяма кадакывьясысь өти — *кувны*, кодөн йөз сёрниын вөдитчөны векджык помасьтём вежёртасын: *М.Н.Лебедев кулис 1951-өд вося рака төлысья 5-өд лунө Көрткерёсын*. Мукөд кадакывьяс асьныс нин пасйөны отпыр овлана керём, примерьяс пыдди, *сувтны, зэвтны, мыччыны, курччыны, чепöльтны, горөдны* да с.в. Найө сёрниын век петкөдлөны помасьтём керөмьяс. б) А р т м ё м к а д а к ы в л ө н у н а суффикс пыртө другён мунан керөмлысь моментатив вежёртас. -*Овт(-ёвт)*, -*өст*, -*өбт(-өпт)*, -*өкт*, -*нит* суффиксыс артмөдөны буретш татшөм вежёртаса кадакывьяс, найө век индөны отувья, локализуйтём керём вылё, примерьяс пыдди: *шутёвтны, воськовтны, исковтны, чипөстны, рукөстны, тявөстны, варс-көбтыны, дзенөбтыны, сетөбтыны, горөктыны, дзурснитны, корснит-*

ны, ыпнитны да с.в. Сёрниын, гижӧдъясын татшӧм сяма кадакывъясыс векджык бергалӧны колян кадъясын. Корсюрӧ ичӧтмӧдан да ӧтпыр/неӧтпыр мунан керӧмъяс петкӧдлысь сикасьяс (актионсартъяс) тшӧтш пыртӧны помасьӧм процесслысь тыдалана вежӧртас. Шуам, -ышит суффикс тшӧкыда кутӧ ӧдйӧ мунана помасьӧм керӧмлысь вежӧртас: *шуны* → *шуышитны*, *Марпа тайӧс ӧдйӧ и шуышитис*. Унаысь -ышит збыльысьсӧ артмӧдӧ нин выль кадакыв да бергалӧ кызди кыв артмӧдысь суффикс, шуам кӧть, *думышитны* (*Иван тӧндун бара думышитӧма* выль кывбур), *луйышитны* (*Кӧч ӧдйӧ зэв луйышитис* бокӧ), *курышитны* «босьтны, гусявны мыйкӧ» (*Иван Ӗндрей кольӧм гождӧм вель уна сьӧм пӧ курышитӧма*). Суффиксыс ӧнӧ весиг лясӧма кыввуж дорас сэтчӧдз, мый кадакыввужыс суффикстӧгыс оз нин бергав коми кывйын сёрнитысьяс пӧвстын. Татшӧм ӧтувъя помасьӧм керӧмсӧ петкӧдлӧны *мӧвнышитны*, *пӧльышитны*, *сьӧльышитны*, *шенышитны* кадакывъяс, шуам кӧть, *Владик некор эз и мӧвнышитлы*, *мый орчча парта сайын пукалысь нывкаыс коркӧ лоӧ сэтшиӧм донӧн* (В.Безносиков), *Лэчыд тӧв, пӧльышит*; *Сьӧльыштам* синмас ми сылы (В.Лыткин), *Шуйга кинас саб-лянас шенышитӧ*: *турун моз киссьӧ йӧзыс* (фольклор). Ӗнӧя коми морт оз тӧд мӧвпны, пӧльны, сьӧвны да шенны кывподъяс, кывйын бергалӧны нин сьӧлавны, сьӧласыны, пӧлявны, шенасыны артмӧм кадакывъяс. Сидзжӧ тшӧтш -л, -лы, -ыв(-ыл) суффикса ӧтпыр/неӧтпыр мунан керӧм петкӧдлысь сикас содтӧ кадакывйӧ помасьӧм вежӧртас. Но кызвынсӧ сӧмын сэк, кор морта-сяна кадакывйыс сулалӧ локтан либӧ колян кадъясын. Ӗткодялӧм вылӧ сета-там куйм сёрникузя: 1) *Петыр звӧнитлас* миянлы *Канкарсянь* (локтан кадын); 2) *Петыр звӧнитлӧ* миянлы *Канкарсянь* (ӧнӧя кадын); 3) *Петыр звӧнитлис* миянлы *Канкарсянь* (колян кадын). Мӧд сёрникузяын керӧмыс неӧтпыр, век овлана, помасьтӧм, (*Петыр век, кадысь кадӧ звӧнитӧ* миянлы), а 1) да 3) сёрникузяыс -л суффикслӧн аспектуальнӧй вежӧртасыс дзик мӧд — сийӧ индӧ ӧтчыдысь лоана либӧ вӧвлӧм помасьӧм керӧм вылӧ, помасьӧм, локализуйтӧм аспект вылӧ: *Копыртчылӧ* улӧдз сэк *Ме рӧдвужлы* (В.Лыткин), — *Мый нӧ?* — *вӧрзыйлис* быдӧн *батьыс виччысьтӧмысла* (Г.Юшков), *Ме видзӧдлӧ патронташӧ, приметитӧ, кӧнӧджык пуляӧн зарадитӧм патронъяс* (И.Пыстин). в) Коми кывйын унджык кадакывйыс петкӧдлӧ помасьтӧм да помасьӧм керӧм, медшӧр петкӧдланторнас помасьӧм аспектлӧн лоӧ кад, к о л я н либӧ, шочджыка, л о к т а н к а д. Коми кывйын колян кадъяс буретш индӧны керӧм вылӧ, кодӧ кутӧ помасьӧм, результата вежӧртас, примеръяс пыдди, *Степан заводитис лечитны Катшысӧс. Перйис лазсьыс рузум ёкмыль, босьтис сэтись ош гыж*. Мӧд кинас *дасьтис* нянь кусӧк. *Кутис* Катшысӧс. *Ош гыжнас вирӧдз парсышитис* понлысь нырсӧ, *вирнас мавтис* няньсӧ да *сетис* понйыслы (В.Юхнин). Тайӧ юкӧнас сёрникузясас кадакывъясылӧн вежӧртасыс помасьӧм, локализуйтӧм. Пӧшти век помасьӧм керӧм вылӧ индӧны II колян кадын сулалысь кадакывъяс, кодъяс зэв тшӧкыда индӧны процесслӧн результат вылӧ, шуам,

Бытьё нароинё, эвакуация кежлё поводдяыс лёкысь **көдздөдөіс**, пашиак весиг лыйсьё. Лым этиа, ог төд — ракалы пидзёсөдзыс лоё оз, муртса туй-бокса эжасё **вевттьиштёма**. Туй вылас лымйыс пөшти абу — **ниртчёма** додьясөн, **сорасьёма** лыаыскөд, чирссьём кын няйтыскөд (В.Савин). Помасьём аспекта керөмсё вермёны петкөдлыны тшөтш локтан када кадакывъяс, кодыр локтан кадөн вөдитчёны колян када вежөртасын, сідз шусяна абу веськыд вежөртасын. Коми кывйын тадзисё векджык овлө мойдьясын да вөвлөмторъяс йылысь висьтавліг. Но корсюрё коми гижысьяслөн кывйын I локтан када кадакывъяс индёны помасьём аспект вылө, со көть, Ёна нин и йёзыс скөрмисны. Оланноз эз понды лоны. Белёйяс пыр юёны да йёз вылас играйтчёны. Некытчө петны он лысьт, пыр бытьё мыйыськө лоё повны. Аслад гортыд абу и горт кодь. Белёйяс крестьяналысь вөвъяс **нуасны** да дзонь вежон чөж **новлөдласны**, сэтшиёма **омөлтөдасны** (И.Сажин). г) Помасьём аспектсё вермёны төдчөдны тшөтш к а д а к ы в б е р д ы н с у л а л ы с ь к ы в ь я с ы с, у р ч и т а н ь я с, кодыс аслас кыввора вежөртаснас индёны сы вылө, мый керөмыс эштёма, шуам, **Толя гөрис помөдзыс** (ми огө төдөй стөча, мый Толяыс гөрёма, но төдам, мый уджсө сійё эштөдөма). Позьё индыны нөшта татшөм урчитанъяс — **дзикөдз, тырвыйё, ставнас, дзоньнас, өтитөг**. д) Индөм урчитанъяс моз жё, помасьём керөм вылө индылө тшөтш в е с ь к ы д о б ь е к т, нимвежтасьяс, эмакывъяс керан вежлөгын, кор найё петкөдлөны стөч, конкретнөйтор. Медся тшөкыда локализуйтөм керөмсё петкөдлөны **ставсё, дзик ставсё, нач ставсё** кывъяс (**Петя весалис ставсё нин**). Веськыд да конкретнөй объект вылө векджык индёны колян када кадакывъяскөд. Вайёдам сёрникузяс: **Но кызкө-мыйкө Ёньё өктыиштіс мыйтакө пес** көтасьём, кок улын нельсмунысь ялаа яг вылысь. **Кульиштіс сюмөд** берегдорса медматыс кыддзысь. **Лёсьөдөіс** коз улө **төв сай, наськөдөіс** көтасьём куртка **пөлаяссө, пытикөс** зепсьыс **сүдзөдөіс истөг**, тіралысь чуњьяснас **перйиис истөг тув** (И.Торопов). е) Помасьём аспект вылө индө д з о н ь н а с к о н т е к с т ы с, коді подуласьё стөч ситуацияс вылө. Торйөн тшөкыда кадакывлөн локализуйтөм вежөртасыс петө сёрниын, серпаса литератураын ворсөмъясын, шуам, Марпа. **Мый висьталан?** Йөвлампей. **Гижжи.** **Мый лоанаыс ло.** Марпа. **Мый гижин?** Йөвлампей. **Мый көсийысьлі.** Марпа. **Мыйкө оз мичаа висьтав.** Йөвлампей. **Рапорт гижжи, рапорт.** Мед чинтасны менё, бырөдасны тась милиционерсө. **Ог төд, кутиём юөр воас-а** (Г.Юшков). Медводдза репликасыс абу на гөгөрвоана, помөдзыс-ө гижёма Йөвлампей да нөшта төдтөм на, мый гижёма. Сөмын контекст сертиыс сэсся тыдовтчө, мый сійё гижёма нин рапортсө. Коми кывйын кык аспектыслөн петкөдланторъясыс уна пөлөсөсь да наён сёрнитысь/гижысьяс вөдитчёны өтвылысь, оз өтикөң, унаён. Аспект категория коми лингвистикаын абу на пыдіа туялөма, таын төдмавтөмторйыс уна на. Но помасьтөм да помасьём аспектыс кызынсө мыджсьёны кадакывлөн морфология вылө, сэтчөс категорияс вылө.


51 §. Керӧм мунанног категория

Коми грамматикаясын ӧнӧдз век вӧдитчывлісны в и д терминӧн, код улын гӧгӧрволісны суффиксяс сэтшӧм сикасьяс, кодъяс индывлӧны керӧм мунанног вылӧ, шуам, *узьны* — *узьыишны* — *узьлывлыны* — *узьлыны* — *узявны*. Тайӧ велӧдчан небӧганым пыртӧма а к т и о н с а р т л и б ӧ к е р ӧ м м у н а н н о г категория, выль термин, кодӧ бурджыка петкӧдлӧ коми кывлысь торъялана ӧбичасӧ. Уна ӧтувъя теория подулалысь уджын тӧдчӧдӧма, мый актионсарт пӧ артмӧдӧ кадакывлысь лексико-грамматической юкӧдув, кодӧ петкӧдлӧ кутшӧмкӧ стӧчджык вежӧртас. Збыль, коми кывйын керӧм мунанног сикасьяслӧн вежӧртасыс тыдалана, сійӧ ӧти ногса. Шуам кӧть, *-лывл* суффикслӧн век овлӧ ӧти вежӧртас — регулярнӧй, унаысь овлана керӧм вылӧ индысь: *Пӧчӧ менӧ видзӧдлывліс, Потан дорын сьывлывліс «Ӧввӧ, ӧввӧ, ӧввӧ»* (В.Чисталёв). Коми кывйын позьӧ стӧча сёрнитны грамматика классъяс йылысь, кодъяс артмӧны суффиксясӧн, кадакывлӧн кыввора стӧч вежӧртас вылӧ видзӧдтӧг. Керӧм мунанног категория комиын лючки сӧвмӧм грамматика категория. Унджык кадакывйыс вермӧ йитны ас бердас актионсартлысь суффиксяс да индыны керӧм мунанног вылӧ, серпасавны предикат кывсӧ аслыспӧлӧс ногӧн. Таысь торъялӧны сӧмын сэтшӧм кадакывъяс, кодъяс асьныс артмӧны *-ав(-ал)* кыв артмӧдан суффиксӧн. Сэки на дорӧ мӧд *-ав(-ал)* оз нин йитчы, шуам *лов-, лолавны*, позьӧ артмӧдны сыысь *лолалыишны, лолавлывлыны, лолавлыны*, но оз позь шуны *лолалавны*. Танӧ *-ал(-ав)* суффиксыс кыв артмӧдантор.

Керӧм мунанног петкӧдлан система

Керӧм мунанног категория пырӧ аспектуальностьӧ. Сійӧ ачыс тшӧтш артмӧдӧ пытшкӧсса система, сійӧс котыртӧ немын юрподув. *-Лывл* (*-лывлы*), *-ывл* (*-ывлы*), *-ыиш* (*-иш*), *-л*, *-ыв* (*-ыл*), *-лы*, *-ав(-ал)* суффиксяс позьӧ лыддыны грамматика вежӧртас да функцияс петкӧдлысьясӧн сы вӧсна, мый найӧ: 1) кызди формантыс, кутӧны ӧти вежӧртас, индӧны ӧтмоза мурталана аслыспӧлӧс ногса керӧм вылӧ, шуам, *Нывъяс, сьылӧй, нывъяс, сьылӧй, Менӧ кӧть гажӧдыиштӧй. Менӧ кӧть гажӧдыиштӧй, Менсьым шог пальӧдыиштӧй* (частушка); 2) йитчӧны матӧ став кадакыввуж да кадакывдін бердӧ, налӧн кыввора вежӧртас вылӧ видзӧдтӧг, найӧ продуктивнӧйӧс, шуам, *мӧвпавлыны, мунлыны, узьлыны, вӧчлыны, котӧртлыны* да с.в.; 3) налӧн вежӧртасыс оз зависит контекстысь, оз вежсы кадакыв гӧгӧр сулалысь кывъясысь, шуам, *Лӧдзлы сынӧдас, завод, гудӧктӧ, Пальӧд ывлалысь ылалӧм садь!* (А.Размыслов); 4) индӧм суффиксясӧ позьӧ кокниа вежны ӧта-мӧдныскӧд, найӧ оз зумыда ляскысьны кадакыввуж дорӧ, шуам кӧть, *Ваня узяиштіс, Ваня узялывліс, Ваня узяліс, Ваня узяліс*. Тайӧ суффикс-

ясыс артмөдöны керöм мунанног ыплö индыс сикасыяс. Таыс öтдор, коми кывйын эмöсь тшöтш керöм мунанног индыс сикасувьяс, сикасыясыс посниджык статусаяс, кодьяс артмöны татшöм суффиксыясöн, кызди *-нит*, *-öбт*, *-öкт*, *-овт*, *-öст*: *бакöстны*, *гöрöктны*, *гымнитны*, *юрöбтыны* да с.в. Налöн вежöртасыясыс матынöсь, найö индöны другöн мунан öтувья керöм ыплö, кодi век гөгöрвосьö кызди помасьöм, локализуйтöм, шуам, *Жöник дöзмöма*, *скöра зымнитö* *кокнас* (М.Лебедев). Та вöсна найö артмөдöны аслыспöлöс граммема, кодi тшöтш индö керöмлöн мунанног ыплö. Но тайö кадакыв суффиксыясыс абу продуктивнöйöсь, найö йитчöны сöмын лыда кадакыввуж бердö, пример пыдди, *сявкнитисны* кадакывйын кыввужыс *сявк*, кодi оз нин паныдасылы сэсся некутшöм мöд кадакывйын. Татшöм суффиксыяссö оз позь вежлавны öта-мöдыскöд. Та ыплö видзöдтöг, индöм суффиксыяс юкöдыс (кытчö пырöны торья сикасувьяс) тшöтш босьтö керöм мунанног категорияс системаыс ассыс ин, сы вöсна мый сийö юкöдыс тшöтш петкöдлö аслысыа актионсарт, керöмлыс аслыспöлöс мунöмсö. Видлалана категорияын шöр оппозицияыс мыджсьö сы ыплö, мый суффикса кадакывьяс, керöм мунанног ыплö индысыяс, сулалöны паныд Ø суффикса кадакывьяслы, кодьяс петкöдлöны нейтральнöй, сьöктöдтöм тшупöд, шуам, *пуны* — *пуышитны*, *пулыны* да с.в. Но коми кывйын оппозицияыс вермö лоны тшöтш Ø формаа кадакыв да сьöктöдöм, кык суффикса либö суффиксыяс тэчаса кадакыв костын. Тайöс ставсö позьö петкöдлыны татшöм схема отсöгöн:



Сьöктöдöм кадакывьяс, кодьясын öтпыр бергалö 2 либö 3 актионсарт суффикс, тшöтш паныда сулалöны нейтральнöй тшупöда кадакывлы да индöны уна нога керöм мунанног ыплö. Татшöм сям кадакывьясас грамматика вежöртасыясыс содтысьöны, пример пыдди, *А öткöн быгыльтчыс керсьыд позьö öтарччышитлыны* (В.Юхнин), *Но колö вöли нес чукöртыштавны да би пестыны* (И.Торопов), *Колякöд мошкоритчигас на Васька мöвпыштавлö ас кejas* (Г.Юшков). Керöм мунанног категориялыс система йитöдьяссö позьö серпасавны татшöм ногöн:

Ичѳтмѳдан сикас *-ыит(-ит)*

Ѳтпыр овлан, ѳдйѳ мунан керѳм-
лѳн сикасув *-ѳѳт, -ѳѳт, -нит,*
-ѳѳт, -ѳѳт

Кратнѳй, унаысѳ/ѳтчыл овлан
керѳмлѳн сикас *-л, -ыл(ыл), -лы*

Регулярнѳя овлан керѳмлѳн сикас
-лывл, -ылвл

Неѳтпыр овлан (процессуаль-
нѳй) керѳмлѳн сикас *-ав(-ал)*

Кыдзи тыдалѳ вайѳѳѳм серпасысѳ, торѳя сикасысѳ (актионсартѳяс) па-
ныда сулалѳны оз сѳмын нейтральнѳй тшупѳдлы, но ѳта-мѳдныслы тшѳтш.
Такѳд ѳттшѳтш на пиысѳ некымынлѳн грамматика вежѳртасысѳс вермѳ-
ны лоны ѳткодѳѳсѳ либѳ матыссаѳсѳ. Тайѳс позѳѳ аддзыны сыысѳ, мый
керѳм мунанног орчча сикасысѳслѳн визѳясыс крестасыѳмны, шуам кѳтъ,
Вѳрѳѳ-яѳѳд ветлывл, Рыжик, ельдѳѳг вотлывл. Тиак вотысѳкѳд аддзысѳ-
ла, Гусѳѳникѳн кутчысѳла. Вотчигтырий вочасыла, Зѳв топыда окасыла
(В.Савин). Танѳ *-лывл* да *-л* суффиксысѳ, кадакыввужѳс дѳнѳ ляскысиг,
индѳны керѳмлѳн ѳткодя мунанног вылѳ — петкѳдлѳны унаысѳ овлана ре-
гулярнѳй керѳм.

-Ыит(-ит) суффикса ичѳтмѳдан сикас

1) Ичѳтмѳдан вежѳртаса керѳмлысѳ мунанног петкѳдлысѳ сикас (дже-
ныда кѳ, ичѳтмѳдана керѳм сикас) артмѳ *-ыит* суффикслѳн, кодѳ йѳтчѳ
либѳ веськыда кадакыввуж бердѳ, либѳ мукѳд суффикс дорѳ, шуам,
Пукалыитѳс, шензыитѳс конѳѳр узѳысѳ Ванѳ. *Сѳсѳя кѳмкот пасѳтавтѳѳ*
петѳс корсыны нянѳ (М.Лебедев). Видѳѳдлыны кѳ кыв историяѳ, ачыс суф-
фиксыс танѳ сѳмын *-ит*, а воддза *-ы* шыыс вудѳѳма суффикслѳ кадакывдѳнса
бѳрѳя вокалысѳ. Тайѳ тѳдчѳ ѳнѳ на, вокалѳн помасын кывдѳна кадакывѳсын,
шуам, *лѳпты/ны — лѳпты+ит+ны, лыдѳѳы/ны — лыдѳѳы+ит+ны, кыскы/ны —*
кыскы+ит+ны. Кыв артмѳм боксянѳ ѳнѳя коми кывѳын бергалѳ суффикслѳн
-ыит да *-ит* кык алломорф, ѳтиыс овлѳ консонант вылѳ да вокалѳн по-
масын кывдѳнѳяса кадакывѳс бердын (*мунны — мун-ыит-ны, нуны — ну-*
ыит-ны, воны — во-ыит-ны) да мѳдыс *-ы* вылѳ помасысѳ кывдѳнѳяса ка-
дакывѳскѳд (*йѳкты-ны — йѳкты-ит-ны*). *-Ы* вылѳ помасысѳ кывдѳн асыѳѳ
петкѳдлѳ тшѳктана сѳрнитанноглѳн 2 морта ѳтка лыда формаын, шуам,
Ваня, йѳкты, но *Ваня, йѳкты+ит*. Та вѳсна тайѳ велѳдчан небѳгын эр-
дѳѳѳма тшѳтш *-ит* алломорф, кодѳ бергалѳ сѳмын *-ы* гора вылѳ помасы-
сѳ кадакывѳс бердын (*лѳсийыны, кѳсийыны, ливзыны, кывзыны*), сѳдѳжѳ *-лы*,

-сьы суффиксьяс бёрын, примерьяс пыдди, сёйлыштны, пывсьыштны, повзьыштны, ловзьыштны да с.в. Дерт жё, -ышт алломорф сёрниын да гижёдын паныдасьлө тшөкыджыка -шт алломорфысь: *Мизя первой шайпаймуні. Сэсся чуймём сылөн вуні. Ёзйис сьёлём шёрас би, Нывлысь топёдыштис* ки (В.Лыткин). Серпаса литератураын овлёны содтөд пыдди сёрнисикасса алломорфьяс. Шуам, паныдасьлёны Сыктыв вожын бергалысь -ш да -ышты: *Зептын казяла Дас шайт! Сы бөр — шензьыш! — Мөд дас ая-эньсьыс! Воас бара, зон!; — Сьылін-ё, тэ шуан? — «Пыр! Лолыштыны некодыр!»* (И.Курагов).

2) Тайё керём сикассё унджык грамматикаас лыддьёны ичөтмөданөн (рочён кө, *уменьшительный вид*), төд вылө босьтөмөн суффикслысь медшөр вежөртассё, коді первойсяньыс воё юрад, кадакывьясылысь кывподсё видлалігөн — *пубыштны, вёчыштны, легыштны*. Тайё небөганым тшөтш кольёма ичөтмөдан терминыс, көть грамматика вежөртасыс тайё керём мунанног сикасылён ёна паськыджык, сійё кутё оз сёмын ичөтмөдан вежөртас, но нёшта вель тшөкыда тшөтш моментативнөй, другөн овлан керёма, шуам, *Восьса ёшинь дорын пукалі; Тайё ёшинь керыштлі Муса Комилань — и кылі: Шог нюкыльтё сьылі...* (И.Курагов). Тані *керыштны* кадакыв петкөдлө өтпыр вёчана, помасьём керём.

3) И ч ө т м ө д а н а либө и ч ө т м е р а а вежөртасыс, кодёс петкөдлө -ышт(-шт) суффикс, контекстын вермё лоны уна сикас. Стөч вежөртасыс векджык овлө сы сайын, кутшөм кадакыввужйислөн вежөртасыс, вуджтөм али вуджана, мый пасйё сійё либө мөд кадакыв. Вуджтөм кадакыв-вужьясьянь артмөм тэчаса кадакывьяс векджык индылёны сы вылө, мый керёмыс мунё дженьыд кадё, оз дыр, кутшөмкө ичөт кадколастё, примерьяс пыдди, *Мунам ветлыштам ми Пемыд вёрын, бур пи* (М.Лебедев), *Гожёмнад жё и оландырйыс, майбыр, мортыдлы, сэки и верстайт, удитөдчы олыштны*, ывла ыв сөстөм сынөднас *лолыштны* (В.Чисталёв). Татшөм жө ичөтмөдан када вежөртас кутёны вуджана кадакывьяс, кодьяс бергалёны вуджтөм вежөртасын: *Лок, пөдруга, йөктыштам. Сьылыштам, йөктыштам*, — *Стахановскөя уджалам; Читальняын гудөк ворсё. Ме ветла да кывзышта* (фольклор). Мунөм петкөдлан кадакывьяс дорё йитчиг, -ышт сетө ичөт коста, этша вуджан-мунан вежөртас «муныштны неуна», шуам, *Оз вөрзьыштлы сьёлём: өд төдам жё ми; А ме пыр вешйышта да вешйышта енув пельёсланьыс, ме пыр дзескөдча* (В.Лыткин), *Илья бергөдчыштис, и сылы синмас быттьё кучкыштис* пужас *костті лэбысь алёй би* (В.Юхнин). Шы сетан вежөртаса кадакыввужьяс дорё ляскысигөн -ышт суффикс индө сы вылө, мый керём вёчысьыс сетө зэв слаб шы, гор, өттшөтш шысё сетө өдйө, недыр кадё, примерьяс пыдди, *Васька воис да ыпкыштис лов тырөмысла* (Г.Юшков), *Дзуртыштө* кок улын лым (В.Лыткин). Сёрнитан вежөртаса кадакывьяскөд керём сикасыс индө векджык ичөт мераа, интенсивноста керём: *Тэ дышөдчан тай, Рөдьё, — сідз өтчыд сійёс дивытыштис*

Педьö (М.Лебедев), *Олексей **пеньгышитö**. Насталы быттьöкö, но збыльысь-сö менлы вылö сёрнитö* (П.Шахов). Торъяланлун пасъян кадакывъяскөд -*ышит(-ит)* суффикслөн вежöртасыс тшöтш мера петкөдлана, сійö тöдчöдö, мый торъяланлуныс тöдчö, тыдалö омöля, неуна, тöкөтьö, шуам көть, *Асыв-водзьясьö шондi кыпöдчис вөр весьтö эз нин гожся кодь дзирыд да пым, а кöдзалишитöмайн* (Г.Фёдоров), *Оксана бергöдчис Галялань, шыльöдышитс кыз чуньяснас нывлысь **дзугсьышитöм** кузь синкымъясьсö* (И.Торопов). Вуджан кадакыввужьяс бердö ляскысиг -*ышит* век петкөдлö керöмлысь ичöт мерасö, результатыс ичöт либö тöдчытöм. Сёрникузяс: *Пуксис **сёйышитны** мыр вылö; Нывлысь **топöдышитлис** ки* (В.Лыткин), *Пиля Öдя кувсьöмсянь нельöд лун нин, а Сюрук прамöя эз на сёйлы. Сöмын ва **чурскышитис*** (А.Ульянов). Татшöм ногөн, -*ышит* суффикса кадакывлөн век эм зумыд йитöд веськыд объектскöд, шуам, ***Дзоргышит** рöмпöштан пыр **асьтö!*** (В.Лыткин), *Пастук **чöсмасьышитис** тувсовъя **сынöднас, чегъялышитис** пыктышитöм керч йывъяс, ниртышитис найöс кык ки костас — веж турун дукөн öвтö* (Е.Рочев). Тшöкыда веськыд объектыс кадакыв бердын абу либö сійöс абу пыртöма, шуам көть, *Фельдишер шуö: он кө пö бурд, ещö волы, ещö **лечи-тышитам*** (В.Лыткин), *Ог жö пö **гижышит**, ог жöй **казытышит** — Пыран туй пö выим, петан туй оз ло* (шусьöг). Унаысь ичöт мераа керöмлөн стöч ыдждаыс вежласьö, сійöс урчитö ачыс сёрнитысьыс, шуам, *Тöдан, ньöбöм пызьтор, выйтор, Кык-ö-куим кольк, да-й шань; Ыдэжыд нылыслы, дерт, кöсйö **Пöжалышитны** व्या нянь* (И.Куратов) (пöрысь мамыс — Е.Ц.). Татшöм аслыспöлöс субъективнöй донъялöмыс торйөн бура тыдалö мортлөн аскылöм петкөдлысь кадакывъясысь. Сёрникузяс: *Муртса **тыдышитö** руд ур; Муртса **тыдалышитö** юр* (В.И.Лыткин), *Муыс ыркалö, руалö, **кылышитö** сөнiк дук* (Е.Рочев). Татшöм сяма ичöтмöдан, ичöт мераа вежöртассыс вермö кокниа быдмыны мöд, **г р а м м а т и к а в у д ж ö д ö м** вежöртасöдз, кор -*ышит* суффикссö пыртöны вывтиасьöм ради, шуам көть, «*Катла, горт гöгöрын пуктысьны заводитчытöдз көть **додь-мöд** турун **вöчышита***», — *шуö Вась гортсаяслы* (В.Чисталёв). Танi Вась быттьöкö тöдöмөн ичöтмöдö ассьыс керöмсö, быттьöкö сійö этша зэв вöчас, көть öти мортлы додь-мöд турун пуктöмыд абу ичöт удж. Вуджöдöм грамматика вежöртас, татшöм ногөн, позьö нимтыны тшöтш модальнöйөн, сы вöсна мый танi век тöдчö сёрнитысьлөн либö гижысьлөн да геройлөн керöмсö аслыснога донъялöм, юöртантор да сёрнитысь костын йитöд. Видлалана вуджöдöм вежöртасыс овлö кык сикас: сійö вермö подуласьны либö гипербола, либö мейосис вылö. Гипербола — сійö сэтшöм шуöм, кор сёрнитысь (гижысь), герой тöдöмөн ыдждöдö керöмсö сы могуль, медым дзоньнас кадакывйыс да сёрникузяыс мөрчисджык лыддысьыслы да кывзысьлы. Гипербола дырйи -*ышит* суффикс пыртöмыс ковтöм, но сёрнитысь сійöс пыртлö: *Но судыд планкöд лыддысьны эз кут. Вель ыджыд вöли властьлөн дурöм: Дас во чöж **пукалышитны** шуис сылы суд* (М.Лебедев). Танi став сёрникузяс нин тыдалö

гипербола, *-ышит* суффикслөн могыс тшөтш вежсьö ыдждöдана вылö контраст подув вылын: *дас во чöж пукалышитны*. Гипербола подув вылын вуджöдана вежöртасыс паныдасьлö шоча, ёнджыкасö поэзияын, шуам, *Вöла коллысьсысылы юрас Омöльтор тай пырышитöм: Оз, оз көсийы вöчны бурöс — Сёйö сийöс вежпетöм...* (И.Куратов). Тайö кывбурас вöла коллысьсысылы пырёма мөвп вины доддын пукалысь озыр мортсö, көсийöмыс тайö повзёдлана, ыджыд лёка. Лючки сёрнитанног сертиыс эськö шуисны *юрас омöльтор пырёма*.

Коми кывйын, медводз сёрнитан кывйын, ёна паськалöма мейосис, либö сэтшöм шуöм, кор сёрнитысь (автор), герой зильö тöдöмөн ичöтмöдны либö омöльтны керöмсö либö кадакывйöн пасьян торъяланлунсö, пример пыдди, *Библияса мойдьясö Тöдыштан тэ, дерт, Сöмын öнi миянлы Синнымöс он пöрт* (М.Лебедев). Тайö сёрникузяс, логика вылö кө мыджсьыны, *-ышит* суффиксыс тшөтш ковтöм, öд быд поп тöдö Библия, бура тöдö. Но атеист да комсомолеч Якö Гриша ичöтмöдö сылысь тöдöмсö да татшöм ногөн петкөдлö дзоньнас поп дорö омöльтана видзöдлассö. Мейосис (гиперболалы паныд вежöртаса шуöм) коми сёрнили зэв лöсялана, унаысь коми морт ичöтмöдö юөртана керöмыслысь тöдчöмсö, шуам көть, *Талун-аскисö и коллышитöма* овны (Г.Юшков), *Кымөр локтö, кымөр локтö, Ёна-й бара зэрышитас* (частушкаысь). Бөръя сёрникузяс *-ышит* суффикслөн да ёна-й урчитанлөн вежöртасьясыс öта-мöдыслы паныдабсь, та вöсна нин суффиксьяслөн тöдöмөн ичöтмöдöмыс нöшта на тыдалö. Поэзияын татшöм сям мейосис паныдасьлö тшöкыда да кутö бурөн донъялан рöм: *Со и кыа рытывывьясья Шöвкөн вевтис парма вөр. Со тай ломтысьышитö пывьян, Тшыныс ва дорö оз төр* (= бура ломтысьö, авт.).

4) Ичöтмöдан керöм муанног сикаслөн мöд грамматика вежöртасыс — *ö т ч ы д о в л а н а, и н т е н с и в н ö й* керöм вылö индысь, шуам, *Жугыль сьöлöмөн дзиръя öшинь восьтышита, Нора сьöлöмөн том олöмöс казътышита* (В.Савин). Танi *восьтышита* да *казътышита* кадакывьяс индöны фазаяс вылö водзö юкны вермытöм керöмьяс вылö. Татшöм вежöртаса, *-ышит* суффиксөн сьöктöдöм кадакывьяс индöны помасьöм аспект вылö, примерьяс пыдди, *Пуксьыштилöй гу вылас татчö, казътышитöй вокъяссö бурөн, кодрышитлöй копытчöм юрөн* (В.Лыткин), *Шунзьöм пöсь дукөн öвтышитiс* Гриш кокысь (П.Доронин). Суффикса кадакывлөн вежöртаснас паныда кадакывйыс либö дзик суффикстöм, либö артмö *-ав(-ал)* отсöгөн, шуам көть, *суйны — суйышитны* (*А гортас воём мысти аддзис Надя ассьыс телеграммасö öдзöссьыс, щель костас суйышитöмны* (Н.Куратова), *öвтны — öвтышитны* (*Пераыд войтыр юр вывтiыс öвтышитiс жбыр* (В.Лыткин), *нылавы — нылышитны* (*Ньöв моз ньылышитасны пыж боктi чер пу кузя вой комьяс* (В.Чисталёв). Видлалан *-ышит* суффикслөн могыс перфективнöй — сийö пыртö синмö шыбитчана результата вежöртас, керöмыс гөгöрвоссь кызди öтувья да помасьöм, примерьяс пыдди, *лöсны → лöсышитны* (*Котöртiс ма-*

тын сулалысь пожом динё, **лёсышитіс** сирёд чагъяс, зэв өдйё **пестіс** би (В.Юхнин), **мавтны** → **мавтышитны** (*Пызан вылын дзирвидзысь вина су-
леяяс өзтісны Сарйонлысь мылькъя синъяссё, гөрдөн мавтышитісны косіник
чужёмсё* (И.Пыстин). Да мөдарё, кадакыввужлөн, кодсянь артмё -**ышит**
суффикса кадакыв, вежортасыс процессуальной, фазаяс вылө юклана, өтко-
дялөм вылө, **нювны** (унаысь, дыр) — **нюлышитны** (өтчидысь), **кокны** — **ко-
кышитны**, **нетикыны** — **нетышитны**, **шырсйыны** — **шырсйышитны**, **койны** —
койышитны. И -**ав(-ал)** суффикса кадакывъяс, кодъяслы паныда оппозиция
артмөдө -**ышит** суффикса кывъяс, тшөтш пасйёны локализуйттөм, торъя
фазаяс вылө юклана процессъяс, өткодялөм вылө, **мөвпавны** — **мөвпышит-
ны**, **лолавны** — **лолышитны**, **пöлавны** — **пöлышитны**, **сьöлавны** — **сьöлышит-
ны**, **артаваны** — **артышитны**, **нылаваны** — **нылышитны**, **лөдсавны** —
лөдсышитны, **дөжनावны** — **дөжнышитны**, **пожъяваны** — **пожйышитны** да с.в.
Моментативной, өтпыр овлана керөмыслөн эм тшөтш ёнмөдана вежортас,
кор -**ышит** суффикс вынсьөдө сідзи нин өтпыр овлана вежортаса кадакывсё,
шуам көть — **Нуышит** менё Сыктывкарөдз, менам со нуанторйыс доддьын
(В.Лыткин), *Баба пондас шуны: «Вай пö сунышит, мужикой»* (фольклор).
Тайё кадакыввужъясыс асьныс нин петкөдлөны моментальной керөм: *сун-
ны*, *нуны* (өтчид). Татшөм ёнмөдана вежортасыс -**ышит(-ит)** суффикслөн
медвёна паныдаслө сёрнитан кывйын: — *Ме тэныд рецепт гижышита:
нервъястө лөнөдана лекарство юышита* (В.Безносиков). Тані эськө позис
юөртөмторсө торктөг шуны — *Ме тэныд рецепт гижса*.

5) Водзынджык видлалөм өтпыр овлана, моментативной вежортас подув
вылын коми кывйын сөвмөма грамматика вуджөдөм вежортас, кодс позьё
нимтыны кызди өтпыр овлана модалной, шуам, *«Оні уджъяссыс
миян эшитма. Позьё миянлы праздник вöчышитны!»* (М.Лебедев). Тані
-**ышит** суффиксыс быттьөкө дзик ковтөм, сы вöсна мый контекст сертиыс
нин төдчө, мый керөмыс гөгөрвосьө кызди өтпыр, өтиысь лоана. Татшөм
вуджөм вежортасын -**ышит**, өти-кө, ёнмөдө кадакывлысь өтпыр овлан либө
моментативной вежортассө, мөд-кө, сетө керөмыслы аслысыама донъялөм.
Татшөм донъялөмыс тшөкыда овлө серпаса гижөдъясын кызди бур,
позитивной, сідзи тшөтш омөльтана, шуам, *Дас лун меным видз вылын
ытшикис Прокö Вась. Сюйышиті ме ытшикысьлы киссьөм ыж ку пась*
(М.Лебедев). Тані быттьөкө геройыс висьталө тшөтш Прокö Вась дорö аслас
кедзовтана-омөльтана видзөдлас йывсьыс, сылы эз сюй, а сюйышитіс.
Татшөм жö модалной рөм төдчө «Кызди поп ворссис кык мөс» мойдысь,
поплөн кывъясын бара төдчө омөльтана нырвизь: *«Тшөктан кө, ен водзын
сись моз ме ломзя — нелямын өбедня кырсьышита помся. Абу кө сы вылө
сьөм — мөстө сетыштан мем!»*. Мукөддырйи татшөм модалной ве-
жортасас төдчө жальлун, шуам, *Быд ныв лөсьөдчис петны верөс сайö
Пи сайö, а тайö со тай кулышитіс* (И.Куратов).

-Лывл(ы), -вл(ы) суффикса регулярнӧя овлан керӧм сикас

1) *-Лывл(ы)* алломорфын кыв историяын измӧма куим *-л-* кывйывтор, а *-ывл(ы)-*ын кык, на костын эм **ы** йитысь вокал: *мунлывлыны, кывзывлыны*. Коми кывйын *-лывл* суффикс сикас ёна тшӧкыджыка бергалӧ, да мӧдарӧ, тӧдчымӧн шочджыка *-ывл*. Налӧн паныдасьӧмыс кадакывдӧнлӧн аслыспӧ-лӧслун сайын. Вокальяс да консонантьяс вылӧ помасьысь кадакывдӧн дорӧ век йитчӧ *-лывл(ы)*, шуам, пуны — *пулывлыны, нуны — нулывлыны, сунны — сунлывлыны, вунны — вунлывлыны, корсьны — корсьлывлыны* да с.в. *-Ы* вокалӧн помасьысь кывдӧна кадакывъяс бердӧ ляскысь *-ывл* суффикс сикас, шуам кӧть, *лыддывны — лыддывлыны, кевмыны — кевмывлыны, содтыны — содтывлыны*. Дерт, татшӧм кывдӧнъяслӧн бӧръя **ы** гораыс кольӧма сы вӧсна, мый сийӧ сулалӧ кадакывлӧн уна сикас суффикс бӧрын, шуам, *-сьы, -зьы, -мы, -чы* да с.в. Кыв история боксян кӧ сӧрнитны, то збыль суффикс-нас лоӧ сӧмын *-вл(ы)*, шуам: *пуксьы-ны, пуксьы-влы-ны, кыскы-ны, кыскы-влы-ны*. Вокал вылӧ помасьысь кывдӧн бердӧ татшӧм сьӧктӧдӧм тэчас *-лывл(ы)* суффикс йитчынысӧ оз вермы, шуам, он вермы шуны *ковмы-лывлы-ны*; артикуляция подулыс тадзисӧ шуны оз лэдз. Татшӧм кывдӧнъяс бердын артмӧ сӧмын *ковмы-влы-ны* кадакыв, пример пыдди, *Сэтшӧм нин му вылын олӧмным миян: Уналысь ковмывлӧ кутлыны кияс* (И.Вавилин).

-Лывл да *-вл* пасйӧм кадакыв артмӧдан да форма артмӧдан суффиксьяс бӧрын тшӧтш овлӧ *-ы* вокал, кодӧ артмӧдӧ торъя *-лывлы* да *-влы* морфъяс. Бӧръя суффикс сикасьяс асьнысӧ петкӧдлӧны куимлаын: 1) Кадакывподын, шуам, *пулывлыны, корлывлыны, вундавлывлыны; Майдан Попович бара керка вылӧ видзӧдлывлыны* кутис (фольклор); 2) Тшӧктана сӧрнитанноглӧн 2 морта ӧтка лыда кадакывйын: *Петыр, вай картупельсӧ куравлывлы, нулывлы*; 3) Соссяна кадакывъясын, кыввора кадакывйын, шуам кӧть, *И некор эн ӧйывлы, мед лӧсышитны кодлыкӧ бан бокас?* (П.Шахов), *Кыкысь обедня ӧти лунӧ оз сывлывлыны* (фольклор). Кадакывлӧн мукӧд формаясын, медводз морт-лыд серти вежласиг, бергалӧны *-лывл, -вл* суффикс сикасьяс: *Нинӧм эновтчынысӧ, эновтчӧм аръя дзодзӧгъяс кынмывлӧны* (В.Юхнин), *Казытывлӧ сэкса тшыгъялӧм, лӧк синмысь дзебӧм тыла вылӧ ветлывлӧм* (И.Изьюров). Кызди тыдалӧ сӧрникузясысь, керӧм мунанноглӧн тайӧ сикасыслӧн эм тырвийӧ да абу тырвийӧ нога морфъяс: *-лывл* да *-лывлы, -вл* да *-влы*, кодъяс пиысь абу тырвийӧыс (бӧръя **ы** шытӧмыс) паныдасьлӧ мортасигӧн: *Тайӧ сьылӧм — коми олӧм, Нинӧм абу танӧ лӧж; Ассьыд олӧм тӧдны колӧ, Быдтор овлывлӧ нэм чӧж* (В.Савин). Бӧръя **ы** вокала морфъяс паныдасьлӧны сӧмын торъя позициясын, шуам, *Тэ мӧдӧн инӧ сэтчӧ, кытысь некод оз бергӧдчывлы. Ен мед лоас тӧкӧд* (И.Куратов).

Индӧм суффиксьяс да налӧн сикасьяс кызди гижӧд кывйын паныдасьлӧ тшӧтш *-лыв* морф, кодлӧн абу коймӧд *-л-* кывйывторйыс да сы бӧрын мунан *-ы-*. Тайӧ *-лыв* суффикс сикасыс кызвынсӧ паныдасьлӧ шӧркывъясын

сэк, кор сійө артмө -төм суффиксөн, шуам көть, *Табак тиынлөн чорыд көрыс регыдөн и вежис быттьө ломтлывтөм керка пытикөслысь пөддөм дуксө* (И.Торопов). Бөрья -л- шыыс тані усьө, сы понда мый он вермы шуны куим консонант өтпыр, шуам, он вермы шуны *ломтлывлтөм*, позьө шуны либө *ломтывлытөм*, либө *ломтлывтөм*. Татшөм -лыв суффикс сикассө позьө шуны дженьдөдөмөн, сы вөсна мый бөрья -л- кывйивторйыс усьө сөмын стөча урчитанінын, кор суффикс бөрас мунө консонантсынь заводичысь суффикс. Сёрникузяс: *Еджгов нитика, вөрзьөдлывтөм на сус вөр воис* (Г.Юшков), *Пасьтавмысьт вель паськөм важ вёлө видзөдіг Шензьө гөлэ морт: «Да пө кыз сійөс новлывсьөм!» Сідзи тай шензя ме, кодыр важ оломөс Гаровта. Кыз сійө шогмывлөм, овлывсьөм!* (И.Куратов).

2) Регулярнөя овлан керөм сикасыслысь векджык эрдөдөны унаысь овлан (многократнөй) вежөртас, мый -лывл(ы), -вл(ы) суффиксыс индөны сэтшөм керөм, коді мунлө, овлө оз өтчидысь, а унаысь, тшөкыда. Сёрникузяс: *Рытын волывлө, сёрөдз овлывлө визув шор дорын том мича ныв. Нора сьылөмыс частө кывлывлө, сөмын Ванюкыс сійөс оз кыв* (П.Шеболюкин), *Во вит кымын ме муркөдчи Кыз Көнө ордын сідз. Став мусө сылысь гөрлывлі дай ытикывлі став видз* (М.Лебедев). -Лывл(ы), -вл(ы) суффиксыс век кутөны мөдджык вежөртас — индөны регулярнөя, кадысь кадө овлан керөм вёлө. Тайө торйөн ясыда тыдалө сэк, кор мортасяна кадакыв водзвылын сулалөны лыд вёлө индысь урчитаньяс: *унаысь — Унаысь ме сьывлывлі, йөзсянь «аттьө» кывлывлі, пөлянөн моз чипсая, йөз сьөлөмө чуксая коми сьыланкывйөн* (В.Савин); *частө — Ми петім важ мельнича улө, Сидор вис дорө. Сэні гожөмъяснас частө вуграсьлывлім* (С.Раевский); *эз этиаысь — И эз этиаысь мужикьяс кыпөдчывлыны на вёлө, эз этиаысь лэдзлыны найө керкаясө гөрд петукөс* (И.Пыстин); *шочиника — Улын лөня сялькөдчис шөвк туг кодь мелі ю, шочиника зүтишитлывлісны бонаө люкасысь керьяс* (И.Торопов); *корсюрө — Иван шкоргис-узис да корсюрө ымөстлывліс* (М.Шестаков). Кадысь кадө овлан керөм вёлө индөны тшөтш мукөд урчитаньяс: *кадысь кадө — Анна кадысь кадө кыйкнитлывліс зон вёлө юасяна синьясөн* (Е.Рочев); *быд празник водзвылын — Вася Поповлөн пөлыс быд празник водзвылын керка пельөсас өшөдлывліс алөй флаг* (И.Коданёв); *векджык — Чумйө векджык кольывлам ми, нывбабаяс, да зоотехник Митин* (Е.Рочев); *пыр — Уна пыр көсйысьө да этиа пыр вайлывлө* (шусьөг). Но медся тшөкыда грамматика шөр вежөртасыс овлө суффиксыслөн дзоньнас сёрникузяс, шуам көть, *Гөлөс вөлі — сьывлывлі, гудөкаөс радейтлывлі* (фольклор), *Локтас Поп Педь* (абу поп, абу-й поп пи; бөдь да поп поплысь бөрсыйыс *новлөдлывлө, Ныр сы пыдди лэптавлывлө!*) (И.Куратов). Коми кывйын -лывл, -вл, суффиксыслөн овлөны тшөтш авторскөй либө окказионализма вежөртасыс, торйөн нин поэзияын: *Көдзид му улын и пемыд; Быд морт сэтчө пырлывлө. Сэсь туй абу, он пет нэмыд, Сэтчөсса морт вунывлө* (И.Куратов). Тані, логика боксянь кө донъявны,

-*лывл* суффиксё пыртнысё коланлуныс абу, өд быд морт пырö му улö сöмын öтчыдысь, öтчид жö сійö вунö. Но тані -*лывл*, -*вл* суффикс содтö синмö шыбитчана вежöртас — мортыс век кувлö, вунлö, тайö оланпас, та-ысь некод оз мын.

3) Кадакывъяс, -*лывл(ы)*, -*вл(ы)* суффиксъяс кутиг, век овлöны активнöйöсь, сы вöсна мый сёрнитан кывйын кадакывлөн субъектнас векджык овлö ловъятор, морт, пемöс, ловзьöдöм персонаж, шуам кöть, *Нывъясöс шулывлöны*: *öмидз вомдоръяс да льöм тусь синъясöй, сьöлöмиöръяс да ун пальöдысьясöй, шöвктугъясöй да рочаканъясöй* (фольклор), *Ми ордö волювлöны вöли ас грездса челядь да любуйтчöны* (В.Лыткин). Сöмын ловъяторъяс вермöны вöчны кутшöмкö керöмъяс кадысь кадö, регулярнöя, ас кöсйöм сертиыс: *Ныв кö мунö верöс сайö, — Öшинь шöрын бöрдлывлас* (В.Савин), *Вöтөн аддызвын зэв шогмö — Ылöдлывлö крестьянаöс Тамыш писар* (И.Куратов). Мöдарö, шоча кадакывлөн субъектнас овлö ловтöмтор, сёрнитан кывйын тшöкыджыкасö мортлөн либö пемöслөн вывтыр юкөн либö гөлöс, шуам кöть, *Митинлөн пельномыс тшöкыда инмывлö орчöн пукалысь Анна динö* (Е.Рочев), *Вöлыслөн юр йылыс тыдовтчывлö гоньялёмсьыс* (Г.Юшков). Но кадакыв керöм вöчысьнас овлö тшöтш ловтöмтор, кодлөн керöмыс мун-лывлö кадысь кадö жö: *Шутёвтывлö тöв*; *Сё пудъя урожай вайлывліс му* (В.Лыткин), *А Лыабöжöдз медбөръя түйсö мунлісны пыжөн — пароходыс сувтывліс ю мöдар берегас* (М.Игнатов). Ловтöм субъекта кадакывъяс торйөн овлöны кывбуръясын, сы вöсна мый поэзия кывйыс дзоньнас зільö ловзьöдны ловтöмсö, петкөдлыны олöмсö аслыспөлöс, вöвлытöма ногөн. Сёрникузяс: *Энö полö — ме ног олö*; *Менсьым керка-ывла шондi ломты-лывлö!* (И.Куратов), *Лов мян кувны оз вермы. Ловлы оз волювлы пом* (М.Лебедев), *Тулысыд тулысөн прöстö оз шусьы — тулывлö, пулывлö олöмлөн өд* (В.Савин). Мортгöм кадакывъяскөд бергаліг, -*лывл(ы)*, -*вл(ы)* суффиксъяса кывъяс индöны субъекттöм керöмъяс вылö, шуам, *Арнас век зэрлывлö, лымъявлывлö, пужъявлывлö, кынмавлывлö*; *Медым меным мёрччывлö, медым овлö шог, — код нö таті гажöдас, ме кö сэсся оз* (Г.Юшков).

4) Шöр грамматика вежöртас сертиыс -*лывл(ы)*, -*вл(ы)* суффиксъяслы синоним пыдди овлö -*лы(ы)*, -*в* суффиксөн артмысь öтчид/неöтчид овлан керöм сикас. Тайö тыдалö унаысь, торйөн нин сэк, кор сёрниыс мунö регулярнöя, кадысь кадö либö век овлан керöмъяс йылысь. Сёрникузяс: *Иван гортö лэччис, мамы сьöлаяс вайис и висьталіс, кыз ветлывліс да дедкöд юксьыліс сьöлаяснас* (фольклор), *Сэтчö ичöтсянь волювлі, Аньлысь мойдöмсö кыззывлі. Юлысь шуньгöмсö видзöдлі, вөр пу шувгöмлы шенззывлі* (В.Лыткин), *Сьывлывліс, стöчджыка кö, норасьліс сöмын лöзалысь тунд-ралы* (Е.Рочев). Татшöм öткодь вежöртасъяс вöсна вель тшöкыда кывбура-лысьяс да гижысьяс вöдитчöны кыкнан сикас суффикса кадакывъяснас, ме-дым не дöзмöдны öткодьлунас да кывбур тэчасноглөн бурлун вöснаыс, шуам кöть, *Вөрöд-ягöд ветлывла, рыжик-ельдöг вотлывла. Тиак во-*

тыськӧд *аддзысьла*, Гусьӧникӧн *кутчысьла*. Вотчигтырийи *вочасьла*, Зэв топыда *окасьла*. Чери кыйны *ветлывла*, Сьӧкыд тоня *кыскавла* (В.Савин) да с.в.

-Л(ы), -в суффикса ӧтпыр/неӧтпыр овлан керӧм сикас

Коми кывйысь позьӧ торйӧдны суффикслысь -л(ы) да -в кык алломорф, кодъяс бергалӧны ӧнія кывйын стӧча урчитӧминын. Войдӧр йӧзӧдлӧм небӧгъясын пасйӧм -ыв(-ыл) суффиксын ы вокалыс збыльысьсӧ лоӧ кадакыв-вужлӧн либӧ кадакывдӧнлӧн бӧръя шынас. Шуам кӧть, *аддзы-ны* кадакывйысь артмӧдӧм суффикса формаыс лоӧ *аддзы-в-ны*, сэнӧ мортасигӧн *в* вуджӧ -л-ӧ, пример пайдди, *Мича нылӧс аддзылі* — *Ӧшинь дорас пукалӧ Да мича кудель печкӧ* (фольклор). Бӧръя ы вокалыс сулалӧ тшӧтш мукӧд суффикс бӧрын, тшӧтш -л бӧрын да артмӧдӧ -лы алломорф. Тайӧ суффикс сикасыс петкӧдлӧ асьсӧ татшӧм инъясын: а) кадакывподын сэк, кор -лы бӧрын содтысьсӧ -ны суффикс, шуам кӧть, *Пӧрчӧдлыны оз ков* (Г.Юшков), *Кыззи ыджӧдлыны тэнӧ* — *оз тӧд, оз куж* (фольклор); б) соссяна кадакывъясын мӧд, кыввора юкӧнас, кодӧ овлӧ кык сикас — *эз пыравлы, эз пыравлыны*, примеръяс пайдди, *Некор шойччӧм эз тӧдлыны*, эз (В.Лыткин), — *Сельпоӧ? Ме сзтысь эз босытлы* (И.Коданёв); в) тшӧктана сёрнитанноглӧн 2 морта ӧтка лыда кадакывйын: *Исус Навин моз, эз тшӧкты, Кевмыны ми: «Сувтлы шань!»* (И.Куратов), *«Мун, — шуас, — котӧртлы, пиук!»*; *Войлань видзӧдлы* — *сэні саридзыс Гыӧн гызьӧма* (В.Лыткин). Медтшӧкыда суффиксыс бергалӧ -л алломорфын, кор сы бӧрын сулалӧны морта-лыда да када суффиксыяс, ӧткодьялӧм могысь: *видзӧдлыны* — *видзӧдла*. Сэки -лы алломорфлӧн вокалыс усьӧ. Татшӧм ногӧн, -л суффикс сикас бергалӧ быд кывдӧн бердын, ы вокала да вокалтӧм бердын. Сёрникузяяс: *Шоръяс вомӧнавлӧны туйнысӧ, но оз жӧ аргышсӧ потийӧсавны: мамыслы пыр и сюрӧ вуджаніныс* (Е.Рочев), *Ручыс сылы шедліс, урыс сылы сюрліс, Кыззіс сійӧс сьӧла-тар* (М.Лебедев). Шоча кывйын бергалӧ -в алломорф. Сійӧ паныдасьлӧ сӧмын сэк, кор кык -л(ы) суффикс сулалӧны орччӧн, а на бӧрын мунысь суффиксыс заводитчӧ консонантсаян, шуам кӧть, *вӧтлывны* кадакывйын *вӧтлы* юкӧныс лоӧ нин кывдӧнлӧн, сэтчӧ -лы вуджӧма нин дзикӧдз. Но кор сы бердӧ ляскысьсӧ мӧд -лы, то коми кывлӧн шыкуд серти бӧръя -л-ыс вуджӧ -в-ӧ консонант водзын либӧ кыв помын, шуам кӧть, *Вот пӧ, вокӧ, помнитан пӧ, вӧтлылӧн менӧ ещӧ* (фольклор) — *вӧтлыв!*; *вӧтлывны*; *вӧтлывтӧг*; *вӧтлывтӧдз*; *вӧтлывмӧн*. Но татшӧмторйыс паныдасьлӧ зэв шоча. Кызвынсӧ жӧ -в алломорф овлӧ сэк, кор сы водзын эм -ы вокал, кодӧ ачыс лоӧ кывдӧнлӧн бӧръя шы либӧ сулалӧ мукӧд суффикс бӧрын, шуам кӧть, -сь(ы), -м(ы), -зь(ы), -ч(ы) суффиксыяс бӧрын, ӧткодьялӧм вылӧ, *йӧкты-ны*, *йӧкты-в-ны*, *йӧкты-л-а*; *гудыртчы-ны*, *гудыртчы-в-ны*, *гудыртчы-в-тӧг*; *аддзы-ны*, *аддзы-в-ны*, *аддзы-в-тӧдз*; *ковмы-ны*, *ковмы-в-ны*, *ковмы-в-мӧн* да с.в. Ӧнія

гижод кывйын отпыр/неотпыр овлан кером сикассö артмөдö -лы, -л, -в куйм алломорф стöча урчитом позициясын. -Л(ы), -в тшöкыда бергалö сёрнитан кывйын да йöзкостса поэзияын, шуам кöть, *Кузь-кузь мужик да вöльнöй свет оз аддзыв* (пу сьöмöс), *Коркö, гашкö, аддзыслам, аддзыслам, Доли-шели, ноли, шели, Говоринскöй, аддзыслам* (фольклор), *Руч котöртö, а кöч сы бöрся вöтчö да тианйöдлö сийöс гөнöдыс* (фольклор). Коми литератураын И.Куратовсянь заводитөмөн суффикснас вöдитчöны зэв ёна, пыртöны сьö тшöтш ыджыд эстетическöй вын, оз сöмын юöртана могөн пыртны асланыс гижöдъясö. Сёрникузяс: *Мöс-вöв уна вöрын... — Муна — Кодöс колö кыйла, Кинöс гажса лыйла!* (И.Куратов), *Во пиас, бур вокъяс, öтчыд гожём овлö. Öтчыд миян муыс гожся насъкём новлö* (М.Лебедев). Видлалана-туялана -л(ы), -в суффикслөн выныс да тöдчанлуныс кывйын сэтшöм ыджыд, мый суффиксыс тшöкыда йитчылö мукöд кывъяс дорö, оз кадакывъяс бердö. Тöдчана сийö, мый -л(ы) суффикс содтыссьö тшöктана сёрнитанногын сулалыс 2 морта öтка лыда соссяна кадакыв бердö: *Муса зонмöй, энлы коль, энлы коль, кыкөн корсям марьямоль, марьямоль* (Г.Юшков). -Л(ы) суффикс йитчылö тшöкыда татшöм кывъяс дорö: *час → часлы — Колхозса юралыс Степан Пыр дольö: «Часлы, часлы, ставсö вöчам ми бурджыка да стöча!»* (М.Лебедев); *чöв → чöвлы — Чöвлы тэ, Филипп, чöвлы, — лэптышитс юрсö Савельич* (В.Юхнин); *шань → шаньлы — Сэсся ме помала, шаньлы. Вись-тав поклон Тит Паш Ваньлы* (В.Савин); *но → нолы — Нолы ен водзö сувт бура, ме нин понда вольсасьны* (И.Куратов); *на → налы — Налы, Ваньö, ча-часö, ме регыд сийöс бөр босьта тэнсьыд* (сёрниыс). Став индöм-вайöдöм сёрникузяыс петкөдлö сёрнитысьлыс тшöктöм, мыйкö корö вöчны кутшöмкö недыра кадколастö.

2) Видлалана кером мунанног сикаслөн грамматика вежöртасыс кык пöлöс, öтувтö кык торъя да паныда сулалан вежöртас — öтчыдыс овлан кером да унаыс мунан кером петкөдлысьяс. Вайöдам примерьяс:

Öтпыр овлан кером	Унаыс (регулярнöя) овлан кером
а) <i>А кöчыд сийö тöвнас збыльыс миян вöрсясыс мунлöма</i> (Г.Фёдоров).	а) <i>Омöль уджыс гөн паныд шылöдлöны</i> (шусьöг).
б) <i>Нылы дум вылас уси контораын ад-дзылём серпас</i> (И.Торопов).	б) <i>Карса учительяс босьтисны библио-текаыс лыддьыны Пушкинöс, Гогольöс, мукöд шоча сюрлан</i> налы книга (Г.Фёдоров).
в) <i>Нылö, нылö, тэ ме вылö Мелиджыка видзöдлы! Месö тэнö, тэсö менö Окышит-лы да дзигöдлы</i> (И.Куратов).	в) <i>Гажса овны миянлы сьывелигөн да йöктылигөн</i> (сёрниыс).

Кызди тыдалö вайöдöм сёрникузясыс, кык шөр либö инвариантнöй вежöртасыс овлö öти да сийö суффикслөн регулярнöя, кöть и, дерт, öтпырыс овлан керöма вылö индыс кадакывъяс бергалöны коми кывйын ёна тшöкыджыка.

3) Өтпырысь овлан керөм былö индысь вежöртассö -л(ы), -в суффикс петкöдлö татшöм кадакыв сикасьясын кызди: а) тшöктана сёрнитанногын, б) кадакывподын, в) локтан када кадакывьясын, г) колян када формаясын, кор сёрниыс мунö öти субъект да öти объект йылысь. Медшöр юрподувнас, код отсöгөн юксьö -л(ы) суффикслөн вежöртасыс кык шöр вежöртасув былö, лоö ка д либö та к с и с петкöдлöм. Юрподув отсöгөн кадакывлөн керöмыс юксьö кык сикас былö: либö кызди öтчид лоана/вöвлöм, либö кызди унаысь овлана (öнйя када кадакыв сикасьясын).

Өтпырысь/öтчыдысь овлан керöмсö -л(ы), -в петкöдлö тыдаланаа сэк, кор керöм вöчысьыс мöвпалö локтан кадын лоана керöм йылысь. Сэки сийö -л(ы), -в суффикслөн петкöдлö öтчыдысь лоана мöвпалана керöм. Татшöм вежöртасыс петö сэк, кор кадакыв сувтöдöны тшöктана сёрнитанног формаясö, шуам кöть, **Видзöдлы ывлаö гыöра öшиньтi; Пачад сотчигөн менö казтьишты** (В.Лыткин), — **Серамсö эн петкöдлы, ыджыд мам, — стрöга шуö Тая** (П.Шахов). Тшöктана сёрнитанногын кадакывьяс век тшöктöны, корöны, ышöдöны вöчны мыйкö выльöс, вöчтöмöс на. Öтчид керöмсö вöчöм былö индö та дырйи -л(ы), -в суффикс: — **Но да, катлы, эськö, верман кö да... Ме ог кут** (В.Чисталёв), — **Вайлы дневниктö, дона шуок... Öдйöджык, öдйöджык** (В.Рассыхаев). Видлалана керöм мунанног сикаслөн татшöм вежöртасыс ёнмöдö локтан када плансö, тöдчöдö да ёнмöдö тшöктана вежöртассö тшöтш, шуам, **Лэбзылöй пармаö песла, шутёвтлöй лым кузя вөрö; Шапкатö пöрчылöй, пöдлавлöй вом** (В.Лыткин). Ка д а к ы в п о д ачыс нин петкöдлö лоны верманлун. Та вöсна -л(ы), -в суффикс кывпод пытшкын индö лоана керöм былö, сылысь öтчыдысь лоöмсö тöдчöдiг. Сёрникузяс: **Ок эськö, думайта, тэнö, майбырöс, вөр пöрöдны нулыны, либö видз былö чöвтны, сэки эськö пыркöдыштин гостö** (И.Торопов), — **Сидз, — нюжöдышитi Вась. — Сюмöд кульиштимоз тай кöсья катлыны видз былöдз, вола кö коркö местöдзым** (В.Чисталёв). Локтан када кадакывьясын -л(ы), -в суффикс кутö век öтчыдысь овлан керöмлысь вежöртас, шуам кöть, **Ставөн босьтчыламö сьывны, море ва мед гызылас** (фольклорысь), **Водыштыла би дорас, кез!** **Медым ставнас, вир-яйнас, вөрзылас** (В.Лыткин).

Кызди тöдса, I локтан кадлөн 1 да 2 морта формаяс öткодьöсь öнйя кадкöд, но -л(ы), -в суффикс бура торйöдö да весиг тöдчöдö локтан кадлысь грамматика вежöртассö, öткодялöм былö, **Час пö, ме найöс босьтла киö, думайтö салдат** (фольклор), **Исковтöдла на ме тэнö коркö паровоз кабинаас, Паиö, муса другö!** (А.Одинцов). Медся тшöкыда -л(ы), -в суффикс пасйö öтпырысь овлан керöмсö колян кадъясын сулалысь кадакывйын. Сёрникузяс: **Копыртчыли улöдз сэк ме рöдвужлы** (В.Лыткин), **Коркö ичöт дырйиыс Доментий танi вугравлiс мича кельчияс, ляпаяс, вайлис гортас сын да ёдi** (В.Напалков). Дерт, йöз сёрнитiг-гижиганыс пырджык кадакывьяс отсöгөн юöртлöны öти акта керöмьяс йылысь, кадакыввужыс

тайӧс сідзи нин петкӧдлӧ. Та дырйи видлалана суффиксыс торйӧдӧ да тӧдчӧдӧ ӧтчӧд овлан либӧ вӧчӧм керӧмсӧ, шуам, *Восьса ӧшинь дорын пукалі, Тайӧ ӧшинь керыштілі Муса Комилян* — и кылі: *Шог нюкыльтӧ сьылі...* (И.Куратов). Тшӧкыда -л(ы), -в суффикс бергалӧ тшӧтш II колян кадын сулалысь кадакывьясын, шуам, *Важӧн тай сэтшиӧм вӧлӧма, кызь вит во служитӧдлӧмаӧсь* (фольклор), *Гортас мунігӧн нин сувтлӧма Летка сиктӧ* (В.Лыткин).

4) Шӧр грамматика вежӧртасыс татшӧм кыввӧдитчӧмъясын йитчӧма сыӧн, мый кадакывлӧн керӧмыс мунӧ ӧтчӧдысь, сійӧ ӧти акта, шуам, *Сыктывкарлань Мураиисянь ми петалим* (В.Лыткин), *Повзи, весиг юрси сувтліс, но век жӧ гӧгӧрвои* (С.Раевский). Ӑтпыр мунан керӧмсӧ сёрникузяын корсюрӧ тӧдчӧдӧны ӧтчӧд, ӧтиысь, ӧти пӧраӧ урчитанъяс, шуам кӧть, *Ӑтчӧд вӧйлі, пӧдны нин кутлі* да кыдзкӧ *спаситчи* (В.Савин), *Ӑтчӧд тай нӧжмӧдліс, Серколӧн увтӧмыс кыліс да* (Г.Юшков). Соссяна кадакывйын -л(ы), -в суффикслӧн видлалана вежӧртасыс нӧшта на вынсялӧ, ёнмӧ, сійӧ тӧдчӧдӧ, мый керӧмыс абу вӧвлӧма неӧтчӧдысь, некор. Сёрникузяяс: (Екатерина) *Со и муніс клубӧ, кӧні эз нин вӧвлы верӧсыс усьӧм да айка кувсьӧм бӧрас* (А.Льноров), *Укомын секретаралігӧн эг жӧ шыбитлы гижан уджӧс* (В.Савин). Татшӧм юӧртанторсӧ корсюрӧ тӧдчӧдӧны тшӧтш некор, неӧтчӧдысь урчитанъяс: *Ме мыйкӧ татшиӧм дивӧсӧ эг казявлы некор* (В.Рассыхаев).

-Л(ы), -в суффикс зэв тшӧкыда бергалӧ оз сӧмын керӧм мунанног серпасалысь пыдди (шӧр могнас), но кыдзи аспектуальнӧй йитӧдъяс былӧ индысь. Суффиксыс да сылӧн вежӧртасыс петкӧдлӧ векджык локализуйтӧм керӧм, помасьӧм процесс, кодӧ вӧлі коркӧ важӧн, кольӧм кадколастын, шуам, *Ме любитлі тӧвлысь шувгӧм, льӧм дзоридзлысь тӧвзӧмсӧ. Ме любитлі фронтовикӧс. И сылысь тышкасьӧмсӧ* (фольклор), *Мырддысьлім на Елисакӧд, — морӧсас кутчысьлӧмӧн косіника серӧктіс Лидия* (Г.Юшков). Татшӧм када вежӧртасыс аслыссикас — сійӧ вӧвлӧма да помасьӧма сёрнитан кад кезлӧ. Та вӧсна корсюрӧ кадакыв бердын овлӧ *нин* кывтор: — *Ме та йылысь думайті нин, — пыр жӧ вочавидзис Мирон* (В.Юхнин). Корсюрӧ, вӧвны, лоны кадакывьяс бердӧ ляскысиг, суффикс индӧ сӧмын важ пӧраӧ вӧвлӧмтор йылысь, тӧдчӧдӧ, мый сёрнитан кадсянь ёна водзджык вӧлӧма мӧд керӧм, шуам кӧть, «*Эз, эз татшиӧмӧн вӧвлы Марфида. Тыр вир-яя, том, мича вӧвлі*» (Е.Рочев), *Водзпӧрсӧ весиг долыд лолі сылы ырнялысь бишурсьыс* (Г.Юшков). Тайӧ жӧ юӧртанторйыс, локализуйтӧм керӧм, овлӧ тшӧтш юасяна сёрникузясын: *Воисны сэтчӧ драгуньяс да юалӧны, эз-ӧ пӧ тат прӧйдитлыны ныла-зонма?* (фольклор), — *Эн али мый казявлы?* (Г.Юшков).

5) Неӧтчӧдысь/унаысь овлан керӧм петкӧдлан вежӧртас топыда йитчӧма видлалӧм нин вежӧртасыскӧд, кӧть найӧ логика боксянь паньд сулалысьӧсь. Тайӧ кык вежӧртасыслӧн петкӧдчӧмыс

унджыкысьсö век кадакывлөн кад сайын. Мөд кывъясөн кө, öнiя кадын сулалысь кадакывъясын -л(ы) -в суффикс кутö неöтпыр либö кратнöй керöмлысь вежöртас. Сёрникузяс: *Бура олö генийкöд натура. Öтикыс мый көсийысьлö. Мöдыс — вöчлö...* (И.Куратов), *Рочөн петö коми «Удэж». Коми гижöд овлö жеб, — Шоча* (В.Савин). Татшöм вежöртаса керöмыс абу прöстö унаысь овлана либö фреквентатива. Мөдарö, -л(ы), -в суффикс öнiя када кадакывъясын петкöдлö буретш кадысь кадö овлан регулярнöй керöм, сiйö тыдалö сёрникузясысь: *Зонмöй, зонмöй, мый волан, мый волан?* (фольклор), *Со öд кутшöм йöз овлöны му вылад!* (В.Лыткин), *Чуб ю гожöмнас дзикöдз ямлö* (А.Попов). Татшöм регулярнöй керöмсö тöдчöдлö тшöтш век урчитан, шуам: *Со и мамукöй пачсö пестö — Татшöм кадö век сiйöс сула* (В.Бабин). Туялан керöм муанноглөн татшöм торъяланлуныс бура тыдалö коми шусьöгъясысь, сэнi тшöкыда вöдитчöны öнiя када соссяна кадакывъясөн, примеръяс пыдди, *И ва гудыртчылö да бөр сöдзö; Увтчысь понйысь оз повлыны; Некутшöм пу йывсянь оз пöрöдлыны*. Индöм вежöртасыс суффиксылөн öткодъ -лывл(ы), -вл(ы) суффикскöд, та вöсна позьö найöс вежлавны, шуны *Мöс улын кольк оз пöжлывлыны = оз пöжлыны*. Прöстö -лывл(ы), -вл(ы) суффикс индö сöмын неöтчыдысь овлан регулярнöй керöм вылö, а -л(ы), -в суффикслөн вежöртасыс паськыджык. Корсюрö -л(ы), -в да -лывл(ы), -вл(ы) суффиксъяс бергалöны сёрниын орччөн синонимъяс туйын, шуам көть, *Морöсын югзис-ломзис шоныд би, и тайö биыс öнi на ыпнитлывлö, кор мөвпышта тэ йылысь, кор бергöдчывла думöн сiйö кадас, ас кежысь гусьöник окыштла Нинукöс* (А.Ульянов); *Рытын борйö ветлывла Чöскыд дука турунла, Ытшкывла да лэчтасьла... Мусукöйкöд аддзысьла, Небыд борйын кутчысьла, Зэв чöскыда окасьла* (В.Савин). Öнiя када вежöртас овлö тшöтш I локтан кадын сулалысь кадакывъяслөн, кор найö петкöдлöны сiдз шусяна висътасяна (повествовательнöй) öнiя кад, торйөн нин мойдъясын, вöвлöмторъяс висътавлiг, серпаса литератураын, шуам көть, *«Но, воинныд нин?» — чуймылас эськö сэки мамыс; дöзмöдлас сэсся мамсö пачводз дорын жуйялöмнас; А ачыс тiркмунлас да бара, сэтшöма нин сьöдасьöма вирыс тыра Натальыс вылö* (Г.Юшков). Татшöм жö вежöртас суффикслөн овлö öнiя кад петкöдлысь шöркывъясын да ногакывъясын, примеръяс пыдди, *ойдлан видз, шоча сюрлан небöг, гöгыльтчылысь из; Ваня мунiс öдйö, пуяс вылö век чатрасьлöмөн/чатрасьлiг/чатрасьлiгмоз*. Неöтчид овлан керöмсö петкöдлöны тшöтш колян када кадакывъяс, шуам көть, *Важөн муяс гöрлiсны ас вöчöм пу гөръясөн* (фольклор), *Но озыръяс оз пöтлыны, көть мый тэ налы кер. Пыр горöдлiсны ме вылö: «Вай тэрыбдэжыка вөр»* (М.Лебедев). Кыкнан грамматика шөр вежöртасыс, торъялöм вылö видзöдтöг, зэв матынöсь. Тшöкыда öтиысь овлан керöм вежöртас вуджлö неöтпыр овланаö, öткодялöй кык сёрникузя: *Ваня сетлiс Надялы шар* (öтчыдысь) → *Ваня унаысь сетлiс Надялы шар*. Кыдзи аддзам, унаысь урчитан

содтöмыс нин вежö вежöртассö мöд вылö. Вайöдам сёрникузяс, сэнi колян када кадакывьясын -л(ы), -в суффикс индö унаысь овлан керöм вылö. а) Лы да урчитанъяс кадакывьяс бердын сулалiг пыртöны татшöм вежöртассö — *Ас вöсна ме шочджыка нетикусьли, Мирсьыс йöзöс кыпöдны тöждысьли* (В.Савин). *Тадзи кымыныськö и кватитли Ёгор Опоньöс думнам* (П.Шахов), *Ми сийö вилкисö корсюрö югйöдлим жö кирпич пызьöн* (В.Лыткин). б) У на объект индö сы вылö, мый керöмыс мунö/мунiс эз öтчыдысь, öд унатор он вермы вöчны öтырышöн, öти пöрийö, шуам кöть, *Кодöс сёян вылö, кодöс резьöдлi да нывьясыдлы паськöм вурам* (П.Шахов), *Сапöгьяс да кöтияс дöмлис* (В.Лыткин), *Ворйö и куранö, зырийö и пельисö, быдлаö нин пасйысьлöма лои да, ас вöчöмас* (Г.Юшков). в) А чыс контекстыс уна пöрийö юöртö, мый важöн, вöйдöр субъектыс кутшöмкö керöм вöчлывлöма унаысь. Тайö тыдалö казтылöмьясын, история йылысь гижöдьясын, лирикаа кывбурьясын, примерьяс пыдди, *Пуöм картофельыд сэк, сийöн бурмöдлим ми сьöлöм* (В.Лыткин), *Тöвнас велöдчылi, гожöмнас гортын кага видзлi, мöдлапöлын мöс видзлi* (В.Савин). Гөгöрвоана танi, дерт, мый гожöм чöжөн гижысьыс видзлöма кага да мöсьясöс абу öтчыдысь.

б) Мöд шöр, инвариантнöй вежöртасыс ярьюгыда петкöдлö быд пöрийö, кадысь кадö овлысь регулярнöй керöм. Та вылö зэв лöсялö öнiя када кадакывьясöн петкöдлан таксисыс, наөн петкöдлан кадколастыс. Сёрникузяс: *Сы вöсна и меным татшöм долыд, морöс пиысь сыланкыв оз куслы* (А.Размыслов), *Узигөн ставыс вунлö* (шусьöг). Тшöкыда -л(ы), -в суффикс йитчылö овны, лоны, вöвны кадакывьясö. Сэки регулярнöя овлан керöмыс тöдчö быттö оланпас, весиг кор кадакыв водзас сулалö öтчид урчитан, шуам кöть, *Гора гöлöсьяс, гажа серамьяс мича нывьяслөн. Öтчид лолöны, регид бырöны* (Н.Шахов). Öтчид кыв тайö сёрникузяс весиг ёнмöдö регулярнöй вежöртассö. Кужöмөн индöм вежöртаса суффиксöн вöдитчö аслас кывбурьясас И.Куратов, сюйлö сэтчö тшöтш ыджыд философскöй рöм, шуам кöть, *И Барбье моз лöгасьлан, Да и морт моз бурасьлан Олöмыдкөд... Быд ног овлö; Серавны и бöрдны ковлö!* («Йöгралы»), *Бура Олö генийкöд натура. Öтикыс мый кöсьысьлö, Мöдыс вöчлö...* («Колумб»).

7) Видлалöм кык нога грамматика вежöртасыс (öтпыр/неöтпыр мунан керöм петкöдлöмыс) тöдчö унджык кадакывйын. Но таысь öтдор эмöсь тшöтш мукöд вежöртас сикасьяс. Öткымын -л(ы), -в суффикса кадакыв кутö сöмын унаысь овлан вежöртас, сы вöсна мый кадакыввужйыс ачыс нин нуö öтчид овлан керöм вылö индöм, шуам, *луй-ны* (век öтчид) — *луйлыны* (век унаысь, абу öтчид): *Вай луйлöй жö, луйлöй жö, помалöй нэм* (В.Лыткин). Татшöм кадакывьясö пырöны *öшлыны, пыклыны* кывьяс, шуам, *Мездалöм да тöртöм кыйдöссö öшилiс пүясö, вунöдöмысь пасьяс пукталiс* (Г.Юшков), *Сийö збыль лёк ногөн пыклöма зорöдсö* (В.Лыткин). Рефлексив сёрнивия öткымын кадакыв кутлö жö öтчид овлан керöмлысь вежöртас.

Сэки тшөтш -л(ы), -в содтысигөн өтувья юёртанторйыс уна пөрийө керөм петкөдлана: *окасьны* → *окасьлыны* (унаысь) — *Медводдза поэткөд орччөн ветлөдлыны югыд видз выветі и сэн **окасьлыны**...* (И.Куратов). Торъя чукөр артмөдöны кадакывьяс, кодьяс артмөны -өд суффикс да -л(ы), -в суффикс отсөгөн. Налөн вежөртасыс векджык унаысь овлана, шуам, *ыдждөдлыны, гудрөдлыны, бергөдлыны, лыддөдлыны* да с.в. Сёрникузяс: *Гортө воис, видчө, миянөс **ыдждөдлө** юр янөдысьясөн* (В.Лыткин), *Ме **бергөдла** ньөжйөникөн ручкасө, и ставнас сразу пөсялі* (П.Шахов). Татшөм кадакыввужьясыс, -өд суффиксаяс, оз тшөкыда бергавны -л(ы), -в суффикстөг, шуам *көть, ветлөдлыны, сутийөдлыны, варсийөдлыны, зутийөдлыны, чуймөдлыны, тувкйөдлыны*. Корсюрө видлалан суффиксө сёрниө пыртөны сөмын төдчөдан-ёнмөдан могысь, кор кадакывлөн юёртанторйыс дзик гөгөрвоана сытөг нин, шуам *көть, Но шоныдлуныс тырмымөн. Сывйыштлас Парасковья — **сывлан*** (Ю.Васютов), — *Кымынысь шулі, мися, меным парник колө огурцы вөдитны, да сэтчө абу кийд?* — *Теплицыс тэныд **тырмылас*** (Г.Юшков). Бөръя сёрникузяс позис шуны тырмас.

-Ав(-ал) суффикса неётпыр/уна пөрийө овлан керөм мунанног сикас

1) Тайө керөм мунанног сикасыс аслыспөлөс сы серти, мыйсылөн суффиксыс важысянь нин бергалө кывйын кыв артмөдысь туйын, шуам, *висьт* → *висьтавыны*, *вөр* → *вөравны*, *шпынь* → *шпыньавны*. Таысь кындзи, суффикслысь вежөртассө уна пөрийө сьөкыд восьтыны өти кывйөн либө дженныда. Суффикслөн эм -ав да -ал кык алломорф, кодьясөс гижигөн пасйөны кык ногөн: -ав(-яв), -ал(-ял). -Ав(-яв) алломорфлөн консонантыс в, сийө бергалө кыв помын да мөд консонант водзын татшөм кадакыв сикасьясын: а) кадакывподйын — *Йөз кутісны **локтавыны**; Нэриник понөльяс пө тийөктіс вужнас **нетикавыны** вөрысь* (мойдысь), *Гажкөд **торьявыны** эн тэрмась, Шогьяс йывсьыд кыв эн шу!* (В.Лыткин); б) тшөктана сёрнитанноглөн 2 морта өтка лыда кадакывйын — *Лыдды, велөд книга уна, Чожа **кыскав** книга ноп; **Петав, петав**, югыд шондө, Кымөр улысь **петав!** Измөм сьөлөм йөзлысь шонты, Гажсө разөд, **сетав*** (В.Лыткин); в) соссяна шөркывйын да ногакывьясы н — ***воавтөм** письмөяс, **коравтөм** ныв, Пелысьсө видзчысьмөмн чукөрталөй, увьяссө **чегьявтөг!**, Гөсьтьяс **локтавтөдз** удитім унатор вөчны* (сёрниысь). -Яв суффикс сикас гижөны сэк, кор суффикс водзас небыд консонант либө й, шуам, *Менам милөй бестөлкөвөй, Толькө корөсь **чегьявыны*** (фольклор); *Стрелокьяс. Асьныс кытиалісны заключённойяссө да тиөтши жө **пуксялісны*** (А.Попов). *Нывка **перьяліс** көрөбсьыс рузумторьяс, вата* (Н.Куратова), — *Кизьястө **разялөй!*** — *шуис мам челядьыслы. И мөдарө, -ал алломорф бергалө кывйын сэк, кор сы бөрын сулалө вокал, векджык тайө*

овлө кадакыв мортасигөн: «*Батьным ваяс көч нянь*», — **шуалисны** дыр (В.Лыткин), *Шор лунвыв пөкатысь өта-мөд бөрсяыс кыпөдчалісны* дзодзөгъяс (Е.Рочев).

2) Неөтпыр/уна пөрийө мунан керөм сикаслысь грамматика вежөртассө водзджык йөзөдлөм грамматикасын да туялан гижөдъясын восьтывлісны уна ногөн. Тайөс збылысь сьөкыд вөчны өти сёрникузя отсөгөн, дженьыда, сы вөсна мый уна сикас контекстын суффикслөн вежөртасыс вежласьө. Но век жө позьө эрдөдны өти важ инвариантнөй подув, коді дзоньнас котыртө грамматика вежөртассө. -*ав(-ал)* суффикслөн *л* шыыс важся, сійө өти вужъя -*л(ы)*, -*в*, -*лывл(ы)* суффиксьяса консонантьяскөд. Сөмын -*а* вокал торйөдө да артмөдө ашөр суффикссө. Важысянь -*л* кутлөма керөмлысь өтка-уналун вежөртас (өтиысь, унаысь овлан керөмлысь вежөртас). Öнiя кывйын суффикслөн медшөр юөртанторйыс тшөтш йитчөма уна пөрийө овлан керөм петкөдлөмөн, примеръяс пидди, *Сэсся джынъя чом дорө воалисны* дадюлаяс, *тайө стадаысь пастукъяс* (Е.Рочев), *Ми воим чумө вой шөр войын* Да узыны *уськөдчалім* пыр (С.Попов), *Сідзи-й эм. И пырисны, Кепысь-шапка* **пукталісны** Джаджйө, *сэсся пернапас* Пөрысь гөстъяс **чөвталісны**, **Вешталісны** юрсияс (И.Куратов).

3) Грамматика вежөртасыс видлалана керөм мунанног сикаслөн төдчө кадакывлөн став сикасын ясыда: мортасяна кадакывъясын, тшөктана сёрнитанногын, кадакывподын, шөркывйын да ногакывйын. Сёрникузяс: *Кодъяс энөвтисны Шоныд чужан поз.* — *Коді кытчө* — **муналисны** ылө (А.Размыслов), *Збоя тувччав*, *кок* (В.Лыткин), *Шонді петігөн тиыглун* көртөдтө *Босытчыв разявны* (В.Лыткин), *Озыр воклөн ваялөма* быдсикас угощеньеяс: *мармелад и шоколад, өгурчи и өгманчи, пелепетушки и лапша, колькъя рысь и колькъя рок, выйсука рач и еджыд блин* (мойдысь), *Чайсө* *Епим дядь юө крепидөс, сакаторсө ичөтика курччалөмөн* (Е.Афанасьев). Вежөртасыс, тыдалө, суффиксылөн важөн вөлөма сэтшөм жө паськыд, кызди -*л(ы)*, -*в* суффикса керөм мунанног сикаслөн, мөд ногөн кө, индыліс өтиысь/унаысь овлан керөм ылө. Но сэсся вочасөн өтпыр овлысь керөм петкөдлөмыс пөшти бырөма, йывмөма. Мый сэтшөм подув вежөртас сикасыс вөлөма, төдчө öнi на. Некымын кадакыввуж дорө йитчиг, -*ав(-ал)* суффикс öнi на петкөдлө өтчыдысь овлан керөм, шуам, *петны* → *петавны* (өтчид), *пырны* → *пыравны* (өтиысь), шуам, «*Ичмонь пө, бур ичмонь, Петав* сөмын *час кезлө* (сыланысь), — *Петалам* *улича вылас, видзөдлам, коді водзджык весаяс* (В.Напалков). Татшөм вежөртасыс вежсьө жө уна пөрийө овлана ылө, кор кадакыв водзын сулалөны урчитанъяс: **Унаысь ми пыралім-петалім**. Öтчыдысь овлан вежөртасыс кольөма суффикслөн кыв артмөдигөн, кор -*ав(-ал)* йитчө эмакывъяс бердө да артмөдө ыль кадакыв, шуам *көть, дөдө* → *дөддявны* (өтчид), *дөрөм* → *дөрөмавны, кепысь* → *кепысавны* (өтчид), *верзьөм* → *верзьөмавны: Көть өтчыдысь, но окота на*

лолö Мем **верзöмавны** лудысь кутöм вöв (А.Ванеев). Öнiя коми кывйын -ав(-ал) суффикс, кадакывдiн дорö ляскысиг, кутлö уна пöрйö либö уна акта керöмлысь вежöртас, шуам кöть, *корны* → *коравны* (унаысь, уна пöрйö): *Сикт гöгöр зiля Кытиовтiс Пиля. Таркöдiс-контралiс* — *Скод вылö коралiс* (В.Савин). Тайö шöр юöртанторйыс артмöма татшöм подув вылын: кадакыввужйыс петкöдлö öти акта керöм, -ав(-ал) суффикс бара вежö сылысь вежöртассö уна актаö, öткодьялöм вылö, **видзöдны газет** (öтиысь, öти акта керöм) → **видзöдала** (уна пöрйö, унаысь): *Матрен восьтö занавессö; зятъыс видзöдалö газет. Нина восьтöма альбом, видлалö фотоснимокъяс* (П.Шахов). Збыльысьсö став пасйылöм нин вежöртас сикасьясыс петöны тайö шöр, уна акта керöмлөн вежöртасысь. Сiйö петкöдлö асьсö зэв ясыда сэк, кор суффикс йитчö вуджтöм кадакывдiнъяс бердö, шуам кöть, *Сиктысь йöзыс чукöртчисны, Öшинь улö локталiсны* (В.Лыткин), *Уна нывъяс чукöртчисны... Эжва дорö лэччалiсны* (фольклор), *Помöдз дзугыль менö сёяс! Тöд вылö мем öнi Сьöкыд кадъяс, мунан вояс Бара воалöны* (И.Куратов). Та боксянь логичнöй сiйö, мый керöмсö вöчöны унаөн. Но овлö тшöтш мöдтор, керöм вöчысьыс овлö öти: *Гашкö, виль ног важсö ссылам... Дыр-ö кульöс ныр улö Ымзам, төв мед нуалö? Мыля жö ме тшöтшкöртала* Ассьым лякöм, *кор оз пет Меысь гырысьджык поэт? Тюп-тяп нюрöд Кузь-Кок Тури Вöялö да локтö бөр* (И.Куратов). Татшöм сям контекстын уна акта керöмыс тöдчö тыдаланаа. Мукöд контекстьясын -ав(-ал) босьтö содтöд рöмъяс, сiйö вермö кокниа индыны: а) уна субъекта керöм вылö, шуам, **Нывъяс** дугдöны сывыны да **пуксялöны** лабичъяс вылö (М.Лебедев), **Ми** аски нывъяскöд волам, *Цветъяссö киö босьталам* (фольклор), *Сидз жö и мукöдсö кытчöкö босьталiсны райцентрö* (Ю.Васютов), *Сэсся и, быдён век на злöдчöмөн, лэччалiсны кыр йылысь да пондiсны пуксявны пыжö* (И.Торопов); б) уна объекта керöм вылö, кор процессыс вуджö оз öтитор вылö, примеръяс пыдди: *А Смерть дай кутiс норасыны: мый нö пö, господьö, татишöм уджъяс кутiн сетавны?* (мойдысь), *А батысь лэпталiс гымгаяссö* (Г.Юшков), *Трипан Вась ыб вылö кайлiс, кытиовтiс, видлалiс кöдза муяс* (В.Чисталёв). Воськыд объект коми кывйын оз век овлы уна лыдын, öтка лыда кывйөн сiйö пасйивлö уналун, шуам, *Пыжысь лэпталiсны кöлуйнысö джуджыдкодъ берег-рöч йылö* (И.Торопов), *Тасьтi-дозмук ньöбалi, сёйöд-юöd лöсьöдi; Кöзйика кыскалiс* начысь **шыл-рок** дай вердiс (мойдысь). Корсюрö кадакывъяс торъялöны вöськыд объектлөн лыд сертиыс, öтка лыдаакöд кадакывйыс -ав кывйивтöм, уна лыдааыс жö тайö суффикса, шуам кöть, *Сiя сетiс* народлы **свобода**, **вотъяс бырöдалiс**, *быдсяма кокньöдсö сетiс* (мойдысь). Но век жö медшöр вежöртасыс кольö öтсыма — уна акта керöм вылö индысь. Тайö вежöртасыс суффикслөн оз зависит кадакывлөн када вежöртасысь да кутö öти аслыспöлöслун, торъя актъясыс мунöны öти бöрся мöд, сьöрсён-бöрсён, шуам, *Юрас чышъян дай чышъянсö веиталö;*

Салдатъяс эськӧ шыкнад **бытикалӧны**, да оз веськавны (мойдысь), Мыйла гӧлиник ныв Тэнад некор оз вун? Мыйла **ысталан** тэ Меным быдсяматор? (М.Лебедев). Индӧм шӧр вежӧртасыс суффикслӧн тыдаланаа сэки, кор сёрникузяын абуӧсь некутшӧм объектъяс, кор кадакывйыс сулалӧ соссяна мортасыӧмын, пример пыдди, — Унмовсьӧма тай, — эз кут **стӧч-мӧдавны** Митрук (Е.Рочев). Гӧгӧрвоана, мый Митрук эз стӧчмӧд мыйкӧ некымынысь.

4) Тайӧ грамматика шӧр вежӧртас подувсянь ӧнӧ кывйын бура сӧвмӧма мӧд вежӧртас — кузя муна керӧм петкӧдлысь, шуам, *ӧзйыны* → *ӧзъявны* (вель дыр, абу регыдик). Сёрникузяс: *Ок, милӧйӧй, милӧйӧй да, Ӧзъялан чигаркай, Ӧзъялӧн да ӧзъялӧн, Ӧзъялӧн да и кусӧн* (ссыланысь). Тайӧ вежӧртасас эм, дерт, тшӧтш уна акта керӧм петкӧдлӧм, ӧд уна пӧрйӧ вӧчан процессыд мунӧ вель кузя, оз регыд, шуам кӧть, *Няньпиянсӧ, кодлы дон Абу, чукӧртавны* пондам (И.Куратов). Но кузя муна керӧмлӧн вежӧртасас уна акта процесс тӧдчӧдӧмыс бырӧ, вешйӧ бокӧ, шуам, *собны* → *собавны*: — *Эштас тӧкӧд вӧрын собавны*, — *вочалӧс мамыс* (Г.Юшков), *лӧбны* (ӧтпыр муна керӧм) → *лӧбавны* (вель дыр): *Ичӧтдырся олӧмӧд кӧнкӧ ӧиинь улад на лӧбалӧ* (Г.Юшков). Татшӧм вежӧртаса кадакывъяс артмӧны векджык вуджтӧм кадакыввужъясьянь, шуам, *пукны* → *пукавны* (вель дыр), *сув(т)ны* → *сулавны*, *окны* → *окавны* (он другӧн, регыдӧн). Тшӧкыда *-ав(-ал)* суффикса кадакывъяс петкӧдлӧны кузя муна вежсьӧмъяс, торъяланлун вежсьӧм, сӧвмӧм, чужӧм, примеръяс пыдди, *Рытъявылыс на тӧрыт сзӧдалӧс енӧжыс* (Г.Юшков), — *Вольному воля*, — *дзиръятӧ пыригӧн рочасьӧ чойыс да ярскӧба содтӧ*. — **Нитицялан** танӧ, мамыдлысь мӧссӧ юан и!... (А.Ульянов). Пасйӧм нин вежӧртасыс вермӧ ачыс тшӧтш шылясьны-бырны, сэки подув-кадакывйысь суффиксаыс оз торъяв, шуам, *кокны* — *кокавны*, *уйны* — *уявны*, *мыскыны* — *мыскавны*, *дзоньтыны* — *дзоньтавны*. Сэки тайӧ кадакыв-гозясыс сёрниын бергалӧны синонимъяс пыдди нин, шуам, — *Ваня мыскы/мыскав тасьтӧ-паньсӧ!* (сёрниысь). Тайӧ кык сикас вежӧртас кындзиыс шоча овлӧ содтӧд окказиональнӧй вежӧртас, кодӧс позьӧ нимтыны кыдзи *тӧдчӧдана, эмфатическӧй*. Тайӧ овлӧ сэк, кор суффиксӧ пыртны коланлуныс абу. Пример пыдди, И.Куратовлӧн эм *«Кулалысь»* нима кывбур, кӧнӧ нимыс тӧдчӧдӧ, мый кывбурса геройыс оз тэрмась кувны, сылы колӧ на талаюгыдас мынтыны водзӧс Пон Васьлы. «Ягморт» поэмаын жӧ кывбуралысь ёнмӧдӧ кадакывлысь вежӧртассӧ, вӧрса лӧк олысьӧс серпасалӧг: *Ягмортлӧн, Тӧданныд кӧ, быд слов ловъя, Миян голясыным гӧгӧр Сийӧ ачыс катъысыс И быдсӧнӧс джагӧдалас*. Танӧ стӧча позис шуны: *И быдсӧнӧс джагӧдас*, *-ав(-ал)* суффикстӧг. Сийӧ тӧдчӧдӧ ӧти бӧрся мӧд вӧчанторсӧ, мый Ягморт быдӧнӧс ӧтитӧг *джагӧдалас*. Татшӧм ногӧн жӧ тӧдчӧданаа вӧдитчӧ *-ав(-ал)* суффиксӧн А.Ванеев: *Сӧмын, ме думысь, оз жӧ век ков Ӧта-мӧднымӧс мавтавны* сӧдн. Суффиксыс танӧ содтӧ кывбурвизьӧ колана кывпель. Уна

пöрйö либö уна акта керöм мунанноглöн сикас öнйя кывйын бергалö тшöкыда, *-ав(-ал)* суффикс сетö кадакывлы тшöтш кратнöй вежöртас, петкöдлö öти бöрся мöд мунан процессяс да дыра мунан керöм, шочиника суффикслöн кольöма тшöтш öтпыр овлан керöмлöн вежöртас, кыв историялöн коляс (*Югыд кодзув, **пета**в, **пета**в*). Аслас шöр грамматика вежöртас серти керöм мунанногыс вермö сулавны *-л(ы)*, *-в* суффиксöн петкöдлан керöм мунанног пыдди, шуам, *И **чуймаліс** парма эз öтчыд: Кыдз мöд ногсö оліс нэм чöж? Кор öти морт та мында вöчö, То мый вермас став коми йöз!* (А.Ванеев). Тані пасйöм кадакыв пыдди позьö шуны «***чуймыліс** парма эз öтчыд*».

Öдйö мунан, моментативнöй керöмлöн сикасув

Тайö сикасулас пырö некымын абу продуктивнöй суффикс, кодъяс артмöдöны кадакывъяс йитчöм кывдінъясысь либö сэтшöм кыввужъясьянь, кодъяс тайö суффиксястöгыс оз овлыны, шуам кöть, *серöктыны* кадакыв артмö *сер-* кыввужйысь, коді тыдалö тшöтш *серавны* кывйын. Сикасувсö артмöдöны *-овт(-ёвт)*, *-öst*, *-öbt(-öпт)*, *-öкт*, *-ыкт*, *-нит* суффиксяс, кодъяс ставыс индöны моментативнöй, öдйö мунана да та вöсна öти акта керöм былö. Вель уна татшöм кадакывлы воча сулалöны дыр кыссян кадколаста кадакывъяс, öткодъялöм былö:

<i>серöктыны</i>	<i>серавны</i>
<i>пожсьёвтыны</i>	<i>пожсьявны</i>
<i>тявöстыны</i>	<i>тявзыны</i>
<i>швачкöбтыны</i>	<i>швачкавны</i>
<i>ружöктыны</i>	<i>ружтыны</i>

Аслас шöр грамматика вежöртас сертиыс видлалана сикасувкöд öткодъ вежöртас кутöны сёрниын тшöтш *-ышт(-ит)* суффикса кадакывъяс, кодъяс тшöтш индöны моментативнöя мунан керöм былö: *кодйыштыны, зібйыштыны, курыштыны* да с.в. Индöм суффиксяса кадакывъяс петкöдлöны öтувъя, фазаяс былö юксьытöм керöм, коді век овлö локализуйтöм либö помасьöм. Сэки пырджык видлалана кадакывъясыс бергавлöны колян кадъясын, шуам, — *А ме первойсö повзьылі, сыръялышті не этиша*, — ***нюмъёвтис** ныв* (Е.Рочев). Дерт, кадакывъяс овлöны öнйя да локтан кадъясын тшöтш. Но сэки кыв артмöдысь суффиксяс дорö кокниа ляскысьлö керöм сикасьяс артмöдысь мукöд суффикс, пример пыдди, *Мыйкö мöвпалан ас кежсьыд, лöня видзöдан öшинь сайын омлялысь турöб былö, небыдика **нюмъёвтлан*** (А.Ульянов). Тайö *-л* суффиксыс содтö кадысь кадö овлан öнйя када керöм вежöртас. Но кызвынсö видлалан кадакывъяслöн шöр вежöртасыс петкöдлö помасьöм керöмъяс.

-Овт(-ёвт) суффикса кадакывъяс

Кадакывъяс артмёны кадакывлён кыввужъясысь, кодъяс торйёнсö оз нин бергавны, на дорö оз йитчывлыны морта-лыда суффиксъяс, шуам, *Сідз тай шензя ме, кодыр важ олёмöс Гаровта* (И.Куратов). Но öткымын кадакыввужлөн эм асшöр кыв статус, шуам, *мыськовтны (мыськыны)*. -*Ёвт* суффикс сикас бергалö сэк, кор ё водзын сулалö й консонант, примеръяс пыдди, *Кöть нин син пöвнад нюмъёвтны* мем, *Мелі сывтыръяс менö тшöтш босьтны...* (А.Ванеев), *пожъёвтны, чуръёвтны*. Моментативнöй керöмыс öттшöтш öтчид овлана, шуам кöть, *Ваня исковтис* (öтчид) *крут керöссянь* (сёрниысь); *Бать пуксис дадь вылö пыслы воча, малышитис* рой кодъ тошсö, *гаровтис* чигарка (Е.Рочев). Кызди тыдалö бöръя сёрникузясысь, -овт да -ышт суффиксъяс кадакывъяс петкöдлöны öтитор, öткодъяма керöм. Видлалана суффикс артмöдö оз уна кадакыв, вайöдöмаяс кындзи позьö татчö вайöдны тшöтш содтöд кывъяс — *гумовтны, кытишовтны, воськовтны, шутёвтны*.

-Öст суффикса кадакывъяс

Тайö суффикснас кадакывъяс артмёны дескриптивнöй кыввужъясысь, кодъяс петкöдлöны кызвынысьсö кутшöмкö шы сетöм, шуам, *тявöстны, тюрöстны, чипöстны, рукöстны, равöстны, ривöстны*. Вежöртасыс татшöм кадакывъяслөн тшöтш öтпыр да öдйö мунана, мый вöсна найö век индöны öтувъя, фазаяс вылö юксьытöм керöм вылö. Тшöкыда -*öst* суффикс бердö йитчылö -л. Сэки öтувъя вежöртасыс вежсьö регулярнöя, уна пöрйö овлана вылö, примеръяс пыдди, *Менам озыр кöзяин, Опонь дядь, зэв стрöг: Енмöс сöмын радейтö, Мекöд вывті лёк. Равöстлас* да, *чуймылан* (М.Лебедев), *Трактор гора орöстлö* — *Стальнöй вöв ретив. Таво первой бöрöзда Гөрö коллектив* (В.Савин). Аслас шы сетан вежöртас вöснаыс тайö кывъяслөн бергалöмыс векныд, шуам, *чипöстны* паныдасьлö сэк, кор сёрниыс мунö лэбачьяс йылысь (*Чипанния чипöставлісны*).

-Öбт(-öпт) суффикса кадакывъяс

Индöм суффиксыс тшöтш артмöдö кадакывъяс дескриптивнöй либö серпаса кадакыввужъясянь, кодъяс пасйöны кутшöмкö öдйö вöчана керöм, шуам кöть, *варскöбтыны, швачкöбтыны, бырскöбтыны, шняпкöбтыны, кажöбтыны* (= курччыны), *дзенöбтыны, вазöбтыны*. Сöмын *гымöбтыны* да *сетöбтыны* кадакывъяс артмöмны *гым* эмакывйысь да *сет-* кадакыввужйысь. -*Öпт* алломорф паныдасьлö кывйын шочиника, сійö петкöдлö сёрнисикасысын гортöма шуанногсö. Со, шуам, В.Савин гижö кыкнан алломорфöн артмöдöм кадакывъяс отсöгөн: — *Нолтö, Артип, паськöдлы гудöктö*

да гораджыка **вазöптыв**; Вай **нязöбты** камаринскöйöс. И.Куратов аслас кывбурьясас пыртліс -öпт суффикс сикаса кадакывьяс, шуам кöть, «**Сынöп-та** жö, **сынöпта** ме!» А кор шуалі ме тайöс, Визыв ю вылын нин бара Ачым коли понöль саяс.

-Öкт суффикса кадакывьяс

Индöм суффиксыс тшöтш ляскысьö дескриптивнöй, серпаса кадакыв-вужьяс дорö, кодьяс индöны мортлөн сёрнитанног, серам, шы сетöм вылö, примерьяс пыдди, *гөрöктыны, серöктыны, ружöктыны, шутьöктыны*. Татшöм кадакывьяс сідзжö петкöдлöны другөн мунан, моментативнöй керöмьяс, шуам, *Мый нö, зоньяс, гөрöктылам?* *Гашкö, выль ног важсö сьы-лам; Сöмын гөрöктас Öньö Микул сідз (Горисö эз жö-й видз!), Кöчыс чепöстяс* (И.Куратов). Коми гижöд кывйын шочиника бергавлö сыктывшöр-са сёрнисикасын паныдасьлысь -ыкт суффикс, коді, кыв история боксянь кö видзöдлыны, лöб -öкт суффикс дорö вариант. Сёрникузя: *Вом тыр сöдзöм дульваöс гынныкті, кұрыд комöкöс моз, дай бөр веишыишті улöсöс* (Н.Куратова).

-Нит суффикса кадакывьяс

Индöм суффиксыс коми кывйö вуджöма рочысь, сэнi ас формаыс -н(ть), шуам, *плеснуть, швырнуть* да с.в. Роч кывйын моз, коми кывйын индöм суф-фиксыс ляскысьö тшöтш дескриптивнöй, серпаса кыввужьяс бердö да петкöдлö другөн, öтчыдысь овлан керöм, шуам, *болснитны, гольнитны, лян-нитны, ыпнитны, муркнитны, лайкнитны, визьнитны, жвинькнитны* да с.в. Öтувья вежöртасыс кадакывьяслөн паськыд: тайö и шы сетöм, и кучкөм-чужйöм, и кутшöмкö вöрзьöм-керöм да с.в. Шöр грамматика вежöртасыс -нит суффикслөн тшöтш öдйö мунана, öтчид овлана, пример пыдди, *Мöдö кисьтам, сёйыиш лок, на! Таня зымнитіс сэк кокнас: — Оз ков меным тайö* (В.Лыткин). -Нит суффикс аслас вежöртаснас паныд сулалö -ав(-ал) суф-фикслы, коді кутö дырөн мунан керöмлысь вежöртас, öткодялöм вылö, *ып-нитны* (öтчид, регыдөн) — *ыпъявны* (вель дыр), *лайкнитны* — *лайкъявны* да с.в.

52 §. Кадакыв керöмлөн тшупöдьяс

Коми кадакыв грамматикаын эм öти зэв торъялана аслыспöлöслун. Сёр-ниыс мунö сэтшöмтор йылысь, кор кывбердса öтлааститана тшупöдлөн -джык да кывбöрьясысь артмöм -кодь да -моз суффиксяс йитчöны вескы-да кывпод бердö либö кыв вежлалан суффиксяс дорö, шуам, *Ме öд олöмас сöмын на пырöдча, лёксö эг на удит вöчны. Йöзлөн скöр кывьясыс лöссялö-*

ныдэжык *Шутовлы, сы коддёмъясыслы* (А.Ульянов), *Борис Борисович дёзмискодь* (Н.Куратова). Тайё суффиксыс кадакывлөн петкөдлана керёмө пыртёны выль сикас рём, быттёкё сетёны кадакыв юёртанторлы торъя тшупёда вежёртас сикасыс, кывбердяс моз.

Коми гижёд кывйын -дэжык, -кодъ, -моз суффиксыс йитчылісны кадакыв бердё XIX нэмса гижёдысын нин: *Мисътёммис зэв вой шёр вомысь, Пуёкодъ ю гыяснас; Чеччы, вокё, мутё понды Видлавлыныдэжык! И шонді Югёрнас сэк судзёдчас* (И.Куратов). 20-ёд воясса коми литератураын кадакыв керёмлөн тшупёдыс бергалёны вель тшёкыда нин, сёрникузяс: *Настук. Вежны ассъым олёмс Рад эськё ме пыр. Менам том ныв сёлёмын Пузьёкодъ нин вир* (М.Лебедев), *Дёзмискодь нин отеч Ласей: Кор нё воан, святой батёй, Да-й владыка?..* (В.Савин). Ёнія коми кывйын кадакыв керёмлөн тшупёдысён вёдитчёны коми гижысыс, журналистыс газетъ-ясын. Шуам, «Коми му» газетын, 1993 вося йирым 12 лунын петіс «Гашкё, **мёрчасдэжык**» нима гижёд. Ёти кывйён кё, видлалан категорияс кывйын ловъя да бергалё вель тшёкыда гижёдысын да вомгора сёрниын.

Артманног сертиыс категорияс регулярной: сійё артмё -дэжык, -кодъ, -моз суффиксыс отсөгөн, кодъс йитчёны урчитём кывпод бердё да кадакывлөн морта-лыда суффикс дінё, шуам кётъ, *Ёнітё ме, дерт, гёгёрвоныдэжык* понді, но сёр... (И.Торопов), *Микулай ньёжйёникён вермыныдэжык* кутіс, *уджас кутчысьёмыс отсаліс тиётти бурдыштнысё* (Г.Юшков), — *Батёё ёд абу жё том, — чуймискодь Володя. — Во нель нин пензия босьтё* (М.Игнатов). Индём суффиксыс йитчёны быд морта-лыда суффикс бердё, но медтшёкыдасё 3 морта отка да уна лыда дорё. Форма артмёдан балаыс категорияслён татшём:

Подув мортасём

Морт	Лыд	Ётка лыд	Уна лыд
1		<i>ме тёдадэжык</i>	<i>ми тёдамдэжык</i>
2		<i>тэ тёдандэжык</i>	<i>ті тёданныд/-аддэжык</i>
3		<i>сійё тёдёдэжык</i>	<i>найё тёдёныдэжык</i>

Соссяна мортасёмын суффиксыс йитчёны соссяна кадакыв дорё, грамматика вежёртас медтёдчана петкөдлысь дорё.

Морт	Лыд	Ётка лыд	Уна лыд
1		<i>ме огдэжык тёд</i>	<i>ми ог(ё)дэжык тёдд(й)</i>
2		<i>тэ ондэжык тёд</i>	<i>ті он(ё)дэжык тёдд(й)</i>
3		<i>сійё оздэжык тёд</i>	<i>найё оздэжык тёдны</i>

Соссяна мортасьомын 3 морта соссяна кадакывъяс ӧткодьӧсь, кык формаыс торъялӧ кыввора кадакыв сертиыс, шуам, *сйӧ озджык куж, найӧ озджык кужны*. Таысь кындзи, корсюрӧ кадакывйыс вермас бергавны морттӧм кадакыв туйын, шуам кӧть, *Ӧтарсянь, сылы эзкодъ эскыссьы, мый тырмас челядь таланыс Сандырлӧн* (А.Шаманов). Контекстысь гӧгӧрвоана, мый эз эскыссьы Вежовлы, но сёрникузяын авторыс вӧдитчӧ морттӧм кадакыв формаӧн, кодлысь кадакыв вежӧртассӧ нӧшта на «небзьӧдӧ» -кодъ суффикс. Соссяна кадакывъяс бердӧ -кодъ, кӧть вермӧ йитчыны, но збыльыссьӧ кывйын ляскыссьӧ шочиника, шуам кӧть, бӧръя примерас — *сылы эзкодъ эскыссьы*. Керӧм тшупӧдъяслӧн суффиксыс вермӧны йитчыны локтан, ӧнӧ да колян када кадакывъяс дорӧ, кодъяс асьныс петкӧдлӧны нин, кызди олӧмас мунӧ-сӧвмӧ керӧмыс, шуам кӧть: а) кадакывйыс л о к т а н к а д ъ а с ы н — *Да, тэкӧд. Кыкнас лӧсьыдджык. Меным веритасныдджык* (Б.Шахов), *Студентъяс тӧдмалісны, кутшӧм съӧкыдлунъяс овлӧны уджалігӧн, зато бӧрыннас съӧкыдсьыс озджык кутны повны* (М.Игнатов); б) кадакывйыс ӧ н ӧ к а д ы н — *Кутшӧм нӧ тэ мужик, он кӧ сйӧ да ю, — дӧзмӧкодъ пызан сайын Нина* (А.Ульянов), *Вот кутшӧм вӧлӧма тайӧ Поповыс?! Первойсӧ кажитчывліс уважайтана, бур мортӧн, век мичаа пасътасьӧма, кӧть неуна тишанитчӧдджык* (М.Игнатов); в) кадакывйыс к о л ы н к а д ъ а с ы н — *Водзын йӧзыс эзджык тадз гижлыны* (А.Ульянов), *Садьтӧм Гришаӧс, кодлӧн вӧлі юрыс дзояника гӧптальмакодъ, нуисны гортас* (И.Габов). Чукӧртӧм сёрникузясысь бура тӧдчӧ, мый медся тшӧкыда кадакыв керӧм тшупӧдъяслӧн суффиксысыс бергалӧны ӧнӧ кадын сулалысь кадакывъясын, кор сёрнитысь либӧ висътасьысь веськыда вермӧ аддзыны либӧ казавны, кызди, кутшӧм ногӧн мунӧ керӧмыс, шуам кӧть, *Олӧмаджык нин Рыжко, озджык сэтшӧма меліась, кӧть эскӧ и, кӧнкӧ, тӧдтӧг оз жӧ ов, кутшӧма дӧзьӧритӧ сйӧс Викень* (И.Торопов).

Кадакыв керӧм тшупӧдъяс категория артмӧ куйм сикас форма ӧта-мӧдлы паныд сулалӧмысь; поэть торйӧдны куйм тшупӧд да серпасавны найӧс таdzi:

Омӧльтана (чинтана) тшупӧд	-кодъ -моз	полӧкодъ полӧмоз	тӧдӧкодъ
Подув тшупӧд	—	полӧ	тӧдӧ
Вынсьӧдана тшупӧд	-джык	полӧдджык	тӧдӧдджык

Кадакыв керӧм тшупӧдъяс торъялӧм подулас эм кывбердъяслӧн да учританъяслӧн кодъ жӧ мӧвп: шӧр тшупӧда кадакывйыс артмӧдӧ подув, нейтральной вежӧртаса ориентир, а ичӧтмӧдан да вынсьӧдан тшупӧдъяс сетӧны нин сы дорӧ торъялана, аслыспӧлӧс вежӧртас. Корсюрӧ и кадакывлӧн вежӧртас тшупӧдъяс, и кывбердлӧн ӧткодялан тшупӧдъяс

бергалёны өти сёрникузяын да содтыссьёны өта-мөд дорас. А кывбурьясын өткодя юргысь, но збыль вылас торъя могъяс суффиксыс артмөдöны стöч рифма, шуам, *Эм муяс, гаикö, Комиысь на мичаджык, Но чужан мусö синъяс дорысь видзаджык* (Э.Тимушев). Кадакыв тшупöдъяс тöдчöдöны керöмсö сы серти, кутшöм ёна, чорыда сийö збыльыссьö мунö. Дерт, та дырйи керöмъяссьö донъялысьнас лоö сёрнитысь, висьталысь либö автор, гижысь, кывбуралысь, журналист, шуам, (Иван Иванович) *А кывлас кö, мый служащöйыс код Да ассьыс уджсö дзугö, Пыр шуас сылы: «Мун да вод! Кор пальöдчан, сэк уджыд озджык чот!»*. Тані М.Лебедев басня герой кывъясöн донъялö керöмсö. Татшöм сям видзöдлас вöснаыс, дерт, кадакыв керöмлöн тшупöдъяс бöрйöмыс субъективнöй видзöдлас сайын, либö сы сайын, кутшöмöн керöмыс кажитчö сёрнитысьлы, висьтасьысьлы либö авторлы, гижысьлы.

Подув тшупöдлöн грамматика торъя петкöдлысьыс абу, сы пыдди мунö дзоньнас кадакывлöн кывпод либö морта-лыда суффиксыс мортасяна формаыс, шуам кöть, *Öдйö-öдйö пуö кайö паикыр бöжа ичöт ур* (М.Лебедев), *Епим дядькöд ми омöля вöлім тöдсаöсь. Сийö пöшти эз и лэччывлы аслас вөр керкаысь* (Е.Афанасьев), *Куткыртчисны гулюяс öшинь сайын. Зэрö-илявöй ывлаын, быттьö майын* (В.Бабин). Дерт, кадакыв керöмыслысь мунанногсö, кызси сийö сöвмö-вöчсö, кывйын петкöдлöны тшöтш торъя кывъяс, урчитанъяс, шуам, *öдйö-öдйö пуö кайö, ёна, ёнджыка, чорыда, неуна, муртса*. Но тайö оз артмөд грамматика категориясö. Кадакывъяс подув тшупöдын бергалёны медся тшöкыда. Сёрнитысь, гижысь петкöдлö керöмсö нейтральнöя, донъялöмсö оз пырт. Тайö овлö нöшта сы понда, мый оз став кадакывйыс вермы вежласыны керöмлöн тшупöдъяс серти, а сöмын сэтшöмъяс, кодъяслысь кыввора шöр вежöртассö позьö донъявны сы ёнлун, мөрччанлун сертиыс, шуам, *повны, повзъыны, збоймыны* кадакывъяс: — *Чöв, зонмö, — быттьö Митрейыд повзискöдь, — нинöм, ме чайта, ме помысь оз артмы; Катыдпомсалöн йöзыс век жö чукöрмö. Первойыссьö вöлі мужикъясыс неуна полöныкодъ, сэсся, кывтыдпомсаыд, пышйыны пондiсны да, неуна збоймисныджык, быдсöн тошка йöз пондiсны тшöтши воавны* (И.Сажин). Позис казявны, мый сiдз шусяна экзистенция вежöртаса кадакывъяс дорö кадакыв тшупöдъяслöн суффиксыс оз йитчывны (*кувны, чужны, вöвны* да с.в.), а сiдзжö друг, öтпыр мунан вежöртаса кадакывъяс бердö (*былькмунны, сьöвзъыны, пыркнитны, лыйны* да с.в.).

Омöльтана тшупöд артмөдöны -кодъ да -моз суффиксыс, бöрьяыс зэв гежöда бергалö сёрниын да гижöдъясын, пример пыдди, *И Яков горöдiсмоз недыр кезлö лэптылöм синъяснас комбедъясöс сотыштöмöн* (И.Торопов). Медшöр нырвизыс тайö тшупöдыслöн — петкöдлыны керöмсö ичöтмөданаа, сылысь результатсö омöльтанаа, та боксянь быттьöкö кадакывлысь керöм вежöртассö чинтöмöн, шуам, *Васьö эськö пыкискöдь,*

пöрысь туйö ыстысьöмön, но сылысь и кывзыны эз көсийны (И.Габов). Но такöд öттшöтш татшöм сяма омöльтана тшупöдлөн грамматика вежöртасыс аслыссикас, сийö абу дзик öткодь кадакывлөн ичöтмöдан вежöртаса керöм петкöдлысь сикаскöд (артмöдö сийöс *-ышт* суффикс). Та вылö индö тшöтш сийö, мый *-ышт* да *-кодь* суффиксыс корсюрö бергалöны öти мортасяна кадакывйын, шуам, Катерина **повзыишти́скодь** да кутис тэрмасьны: *тэрыба копыртчылis, босьтис* киас *нопсö да* *волысалигас шуис* (С.Раевский). Тайö кывьяс дорö содтöд пыдди сёрникузяын вермö сулавны тшöтш *неуна* кывберд, кодi тшöтш ичöтмöдö кадакывлысь керöмсö, шуам көть, *Ёгора эськö* *первойсö* эз көсий мунны, *да бугыльтö* *перьялöмысь* **неуна повзыишти́скодь** (И.Сажин). Дзоньнас омöльтана тшупöдлөн öнiя коми кывйын овлö кык шöр вежöртас: а) омöльтана; б) модальнöй омöльтана, көнi ярьюгыда тыдалö сёрнитысьлөн либö висьтасысьлөн аслас субъективнöй йитöд либö кылöмыс. О м ö л ь т а н а т ш у п ö д л ö н прöстöй вежöртасыс тöдчöдö сöмын кадакыв керöмлысь этшаник мунöм-сöвмöмсö, мый керöмыслөн результатыс зэв ичöт, шуам, *Вежсис* *чужан сиктöй*. И **тöдтöммискодь** (П.Шахов), *Начальник* **скöрмискодь**, *став салдатсö* *тишöктö* *тышкасьны* мунны; *Краснöйяс* **повзисныкодь** (И.Сажин), *Тяпур Епим* *гöгöр артыишtis, гöгöрвоискодь* *уджалысьяслысь* *мöвпьяссö да* *раммöм* *гöлöсöн öзtis...* (И.Пыстин). Торйөн тыдалö ичöтмöдан нырвизя вежöртасыс сэк, кор сёрниыс мунö медводдза мортсянь, авторсянь либö герой нимсянь, шуам көть, — **Помни́такодь**. *Вöлис э́тшиöм керка* (Г.Фёдоров), — *Турыишты́члам кө, петас*, — *сöлöм сета ёртъяслы, но синъясöс чöвтli керъясысь* *ножöдчöм лента* *вылö да* **повзыишти́кодь** *жö* (В.Безносовых), *Менам* *первойсö* *морёсын* **ыркму́нликодь** (И.Изъюров). Кор *-кодь* суффикс ляскысь сөссяна мортасян кадакыв дорö, сэки вежöртасыс тшöтш омöльтана тшупöдын, киритана юөртöмыслөн тöдчöмыс нöшта на лöи ичöтмöдöма-чинтöма: — *Кöч сöлöм*. — *Күтишöм эм*. *Уджыс* **озкодь** **клеитчы** *да, родыиштö* (В.Безносовых). О м ö л ь т а н а модальнöй вежöртасын ичöтмöдан нырвизь кындзи эм тöдчана содтöд рöм — сёрнитысь, висьтасысь, автор чайтöмön, мöвпалöмön ставыс лөис тадзи, шуам, *Öнi со* *Тикöн бара* **дрöгнитискодь**, *гöтырыс* *горничаас* *чуксалö да* (В.Безносовых). Авторлысь серпасаланногö поэö тöдчöдны татшöм пыртöд кывьяс отсöгөн, кыдзи *бытьтö, бытьтöкö, кажитчö, тыдалö*, öткодялöм вылö вайöдам кык сёрникузя: *Борис Борисович* **дöзмискодь** (Н.Куратова), — *Борис Борисович, кажитчö, бытьтö* *неуна* **дöзмис** (**дöзмишtis**). Татшöм ногөн, омöльтана тшупöдлөн *-кодь* суффикслөн функциясыс вель паськыдöсь, да тайөн кужöмön вöдитчöны коми гижысьяс, кызвынсö прозаикъяс. Сёрникузяс: *Ёгора шöйö-пöйö* *воиш*. *Первой вöли* *неуна* *шпыннялö, оз жö пö öд* *збыльысь* *косявны*, — *вöли* *мöвпалö*. *Бабаяс* *уськöдчисны да, неуна* **повзискодь** (И.Сажин), *Урсюзев* **шöйöвоишлискодь**, *лэптыишtis* *шуйга* *пельпомсö* (В.Безносовых). Корсюрö *-кодь* суффикса мортасяна кадакыв бердын сулавлö тшöтш

пыртөд кыв, шуам көть, *Первойсö Алевтина бытьё майшасискодъ, но регьд мысти, буракö, ставыс вуні!* (С.Раевский).

В ы н с ь ö д а н а тшупөд артмө -джык суффиксөн: — *Öти лунөн механикös ог чужты, тэ тöданджык, ас местаад корсь мортсö* (В.Торопов). Тані вынсьöдана тшупөдлөн -джык суффиксыс ёнмөдö кадакывлысь вежөртассö, кодöс позьö петкөдлыны торъя урчитанъяс отсөгөн, өткодьялөм вылө, *тэ тöданджык = тэ бурджыка, унджык тöдан*. Индөм суффикслөн вөдитчан подулас куйлө өткодьялана йитөд, кадакывлөн вежөртассö ёнджыка тöдчөдöны мукöд либö сійö жö кадакыв керөм серти, шуам, *Микит оз нин медводдзаысь лок татчö кыйсьынысö, тöдö, көні сулалöджык да босьтöдджык стерлядыс, да падъявтöг и лöсьöдчис бөрйöм местаö* (И.Торопов). Микит тöдö, көні стерлядыс бурджыка шедö, мукöдлаас сійö озджык шед, озджык сулав. Мортасяна соссяна кадакывлөн, мөдарö, киритана вежөртасыс ёнмö, ыдждö, шуам көть, *Зурган Микол таво арнас вузаліс кум мös, кык вöв да öти мös начкис. Няньсö арсяньыс жö дзебис кытчöсюрö, уна пельö, мед озджык сюр* (И.Пыстин), — *Сэсся юны коліс садътöм кодöдз? Мед руаліс синмыд, да эзджык ков яндысьны* (Г.Юшков). -Джык суффикс унаысь ляскысьö кывподлөн -ны суффикс бердö, торйөн нин тэчаса предикатъяс артмигөн, шуам көть, *Сідз тэч Унджык биö песьяс: мывкыда йöз, Öз-ö öзъявныджык кут?* (И.Курагов), *Öнітö ме, дерт, гөгөрвоныджык понді, но сёр нин* (И.Торопов), *Микулай ньöжйöникөн вермыныджык кутіс, уджас кутчысьöмыс отсаліс тиöти бурдыштысö* (Г.Юшков). Видлалана вынсьöдана тшупөдлөн сёрникузяын овлө өтлааститана мөд объект, кодкөд өткодьялөны шөр объектсö — подувпассö. Татшөм жö логикаа йитөд эм тшөтш кывбердлөн, өткодьялөм вылө:

О1 - S

- 1) Вая төлкаджык
- 2) Вая төдөджык

О2

- Коляысь (Коля дорысь);
Коляысь (Коля дорысь).

Кыкнан сёрникузяас мөд өтлааститана объектыс йитö ас дорас петан вежлөглысь суффикс либö дорысь кывбөр. Но сёрниын да гижөдьясын мөд өтлааститана объектыс тшөкыда кольö петкөдлытöг, контекст серти гөгөрвоана, кодкөд да мыйкөд өткодьялөны. Тшөкыдджыкасö өткодьялөны урчиттөм йөзкөд, сідз шусяна «мукөдьяскөд», шуам, *Первой секретарь Анатолийлы кажитчисджык* (Б.Шахов) (мукөд йөзысь), *Бөрйысьны өд колö. Литераторъяс, писательяс кывлысь сөстөмлунсö видзöныджык* («ВК») (мукөд гижысь-сёрнитысь йөз дорысь). Кызвынсö жö өткодьялана йитөдыс донъялö да өтлааститö керөмсö öти субъектысь, торъя кадö коді абу өткодъ, вöчсьö-керсьö ёнджыка либö бурджыка, медтөдчана юöрыс сыын, мый öнiя керöмыс петкөдлөма ёнмөданаа, шуам көть, *(еджыд салдатъяс) Öні этианад колины да неуна полöныджык, вывтисö оз зэв*

тешитчыны йӧз вылад (И.Сажин) (водзті найӧ эз повны), *Сёрнитӧм дорысь Степан Ёгор радейтӧдджык* мӧвпавны, *артавны ставсӧ бура, быд боксянь* (И.Пыстин). Кор -джык суффикс йитчӧ локтан када формаа мортасяна кадакыв бердӧ, сэки кадакывйыслӧн дзоньнас сӧвмӧ содтӧд рӧм — лача кутана, эскана, эскӧдана вежӧртас, примеръяс пыдди, *Колӧ аслыс Злобинлы тиӧкыдджыка петапны командировкаясӧ, сэки и тӧлкыс лоасджык, зуыс мӧдас чорыдджыка вуштыны кыті колӧ* (А.Льноров), — *Ром вайи. — Ецӧ бур, г. капитан. Йӧзыс ылаласныджык* (Г.Фёдоров), — *Но и мед, дивитӧмыс мӧрччасджык* (В.Безносовых). Соссяна кадакыв дорӧ йитчигӧн -джык суффикслӧн вежӧртасыс вынсьӧдана-ёнмӧданаысь вермӧ вуджны мӧдарӧ — лоӧ небзьӧдӧм, шуам, *Вичко дорӧ Зонов эдджык удит* воны (Г.Фёдоров) = *Зонов тӧкӧтьӧ эз удит, неуна эз удит воны*. Татшӧм сяма небзьӧдан рӧмыс, дерт, чужӧ ӧтувъя киритана юӧр подув вылын: *Дыр сёрнитисны. Ӑньӧ став олӧмсӧ юасис. Илляыд кыдзкӧ озджык сяммы ёнасӧ висътавлыныс* (И.Сажин) = *Илля амӧля сяммӧ висътавлыныс*. Тайӧ рӧмыс ичӧтмӧдӧ соссяна вежӧртассӧ да быттьӧкӧ зильӧ вуштыны юӧртана да соссяна висъталӧмъяскостса торъялӧмсӧ, пример пыдди, *Сӧмын ӧткымынысь кыпӧдлывлісны юрнысӧ да видзӧдлывлісны туй боклань, но сэтчӧдзыс эдджык удитны воны* (А.Шаманов) = пӧшти воисны, тӧкӧтьӧ эз воны. Вынсьӧдана тшупӧдлӧн грамматика вежӧртасыс ӧтсыма, ӧткодь ногса — сійӧ петкӧдлӧ подув тшупӧда керӧм дорысь ёнджыка мунысь, тӧдчысь, мӧрччысь керӧм, соссяна кадакывъясын мӧдарӧ — омӧльджыка мунысь керӧм, шуам кӧть, *Сиктланьӧд Ёгора ӧдзӧдышитіс вӧвсӧ. Кымын матысман, сымын регыдджык гортӧ локны гажыд петӧ. Дай вӧлыд гортланьыд восьлалӧдджык* (И.Сажин), *Мед вундӧм туйыс озджык тӧдчы* — *пес помсӧ сьӧдӧдышитіс шомӧн* (Мирон) (И.Пыстин).

Видлалӧм ӧткодялана тшупӧдъясыс коми кадакыв системаын аслыспӧлӧстор, сэтшӧмыс абу ни мукӧд рӧдвуж фин-угор, ни рӧдвужтӧм кывъясын. Дзоньнас кадакыв керӧмлӧн тшупӧдъяс ярыюгыда петкӧдлӧны коми сёрнитан кывлысь аслысикаслунсӧ, сійӧс кужӧмӧн петкӧдлӧны коми гижысьясным, шуам кӧть, — *Эм! Кодкӧ ӧд оз висътась!* — *уськӧдчис мамыс да перйис еджыд доз.* — *Сӧйсясджык и. Галяыд мый шуас-а?* (Г.Юшков), *Ӑльӧксей падъяліскодь, эз тӧд, мый вочавидзны* (В.Безносовых).

53 §. Кадакывлӧн морттӧм сикасьяс

Коми кывйын морта-лыда кадакывъясысь торйӧдӧны сэтшӧм кадакыв сикасьяс, кодъяс оз вермыны йитны ас дорас морта-лыда, кад петкӧдлысь суффиксьяс. Асланыс вежӧртас, морфологияса аслысикаслунъяс да синтаксисын могъяс сертиыс найӧ ӧтлаӧдӧны ас пытшкас кадакывлысь да мукӧд ашшӧр кывсикасьяслысь аслыспӧлӧслунъясӧ. Сёрниыс мунӧ кадакывпод, шӧркыв, ногакыв да герундиум йылысь. Медводз, коми кыв зэв озыр

торъя сикасьясён, стөчджыка кё, ногакывъясён. Аслас тэчасног сертиыс, грамматика вежортас боксяньыс кадакывлөн морттём сикасьяс уна пөлөсөсь, на пытшкын кольёма-измёма важ кадколаста кывлөн уна аслыспөлөслун. Сёрникузяын морттём сикасьяс торъялөны асланыс ыджыд позянлунъяснас: наён вөдитчөны кызди эмакывъясён, кывбердъясён да урчитанъясён. Дерт, кадакывподлөн, шөркывлөн да ногакывлөн эмось асланыс торъялөмъяс. Но эмось тшөтш сэтшөм аслысикаслунъяс, кодыс өтүвтөны кадакывлыс морттём сикасьяссө. На лыдө пырөны татшөмъяс: 1) Вежортас боксяньыс ставныс петкөдлөны керөм кызди стөч, конкретнөй, урчитөм кадө муна процесс. Сөмын петкөдлөны керөмсө найө аслыснога: кадакывпод петкөдлө кызди абстракция, лоны вермана процесс (*Пес поткөдлыны — абу чай юны*), шөркыв петкөдлө керөмсө кызди эмторлыс торъяланлун (*Велөдөмыс төдса, Сы понда и мустөм: Рай пыр сылөн пөдса, Ад өтторъя кустөм*) (И.Курастов)); ногакыв петкөдлө керөмсө кызди торъя керөмлыс либө дзонь ситуациялыс торъяланлун (*Водз садьмөны уджалігөн коми аныс* (В.Чисталёв)); 2) Морттём сикасьяс оз мортасъны, оз вежласъны кад да сёрнитанног серти. Кывпод, шөркыв да ногакыв оз мортасяна кадакывъяс моз артмөдны асшөр сёрникузяс. Шөркыв вермас лоны сөмын нима предикатөн либө нима предикат юкөнөн, шуам, *Юөръяс збыльыс вөліны повзёданаёсь* (Я.Рочев). Кадакывпод вермас лоны кадакывъя тэчаса предикат юкөнөн: *Көсья ме сыланкыв тэчны Посни сөстөм дзирдалан изъясъсь* (В.Лыткин); 3) Шөркывлөн да ногакывлөн коми кывйын эм аслыссяма када вежортас; кад категорияыс налён абу абсолютнөй, сійө релятивнөй. Татшөм кад категориясө нөшта шулөны т а к с и с ө н; сійө сэтшөм када вежортас, коді петкөдлө кадсө морта-лыда кадакывлөн кад вежортас сертиыс либө кызди өттшөтш муна, либө кызди вөвлөм керөм. Сёрникузя: *Тайө воө Коми мулань шоныдсө пөляліс засухаён ыпъялысь Поволжье* (В.Юхнин). Тані ыпъялысь шөркывлөн када вежортасыс петкөдлө пөляліс кадакыв дорө өттшөтш муна керөм. Шөркывъяслыс да ногакывъяслыс кадсө петкөдлөны найөс артмөдыс суффиксыс. Кывподлөн када вежортасыс веськыда йитчөма мортасяна кадакывйөн петкөдлан кадкөд. Шуам, *И Ламбей дугдіс сёрнитны* (В.Юхнин) сёрникузяын кывподыс морта кадакывкөд өтвылыс петкөдлө колян кад. 4) Морта-лыда суффикстөм кадакыв сикасьяс тшөкыда кутлөны сёрнивизь, керөмлыс мунаног петкөдлыс суффиксыс, найө тшөкыда асьныс веськөдлөны эмакывъясён, нимвежтасъясён да урчитанъясён. Аслас пытшкөсса вежортас боксяньыс артмөдөны тшөтш предикациялыс шөрин, көні эмось керөм вөчысыс да с.в. Примеръяс: *Шонді петігөн дзоридз косьмис* (В.Савин) (Кодыр шонді петіс, сэки дзоридз косьмис); *Тайө образ улас эм Степан Пермскийён лөсьөдөм коми алфавит вылын гижөд* (В.Юхнин).

5) Синтаксис могъяс боксянь кадакывлөн морттём сикасьяс торъялöны сыөн, мый найö бергалöны сёрникузяын мукöд кывсикасьяс туйын: кывпод кызди эмакыв, шörкыв кызди кывберд, а ногакыв кызди урчитан. Та боксянь синтаксисын налөн ашör функцияяс абубöсь. 6) Морттём сикасьяс коми кывйын — вежласяна кадакыв формаяс. Найö оз мортасьны, но вежласьöны, вермöны йитны эмакывлысь уна лыда да индан-асалан суффиксьяс. Сёрникузяяс: *Челядь колльöны лун-вой. Пуктысигъясö отсасьöны гырысьяслы, мös видзлöны* (В.Тимин); *...Кык письмö сöмын и гижлис Вась гортас. Öтисö — места вылас воём мыстиыс да нинём эз кужлы **иуныыс*** (В.Чисталёв); *Мунысьыс, пыийысьыс нöшта на бергöдчылас да видзöдлас, **котöртiзмозыс** синсö чöвтлас медбörъяссьыс став вылас, мыйяс кольöдö ас сёрсьыс* (В.Савин). Дзоньнас кадакывлөн морттём сикасьяслысь грамматика категориясö позьö петкöдлыны татшöм ногөн, найös кык чукör вылö юкöмөн:

Кад/таксис	Сёрнивизь	Керöм мунанног	Лыд	Индан-асалан
Кадакывкöд öтувья категорияяс			Эмакывкöд да кывбердкöд öтувья категорияяс	

Сидзкö, кадакывлөн морттём сикасьяс öтувтöны ас пытшканыс уна сикас категория, на пиысь синмö шыбитчö эмакывлөн лыд категория (*Уджъяссьыс век на **вöчтöмöсь**; Паньдасигъясас Лиза нюмъялö*) да индан-асалан категория (*Дыш **муннитö**; Пон узигчöжыс никсiс*). Сöмын тайö категориясыс морттём сикасьясын абу регулярнöйöсь, оз артмöдны быд сикаслысь тыр-выйö парадигмасö.

54 §. Кывпод

Коми кывйын öти инфинитив. Сийös артмöдö -ны суффикс, кодi йитчö кадакыввуж либö кывдiн бердö: *уджавны, горзыны, узьны, висьны* да с.в. Кывпод — кадакывлөн морта-лыда суффикстём сикас, кодi керöмсö петкöдлö кызди абстракция, процесс йылысь юöртём мукöд кадакывьяскöд öттшöтш, сидзжö кызди ашör кыв, шуам, *Дыр думайтны некор* (В.Безносиков). Аслас нимтана позянлуньяс вöснаыс сийös лыддьöны нöшта кадакывлөн шör формаөн. Та вöсна кывподсö пырджык сетöны кывкудьясын. Со, шуам, кывкудын сетöма *летйыны* кадакыв: *летйыны дёргать; трепать; менö эн летйы; тöв летйис* пуяссö.

Аслас грамматика вежöртас сертиыс кывпод матын сулалö кадакывйысь артмём -öм суффикса эмакывьяс дорö; позьö öткодьявны та могысь кык сёрникузя: *Олöмтö овны — абу потиöс **вуджсны** да Олöмтö **олöмьд** абу потиöс **вуджöм***. Татшöм матыслуныс чужöма сы вöсна, мый коми кывпод артмёма важ фин-угор вужкывса кадакывйысь артмём эмакывйысь, коркö

-ны суффикс помын пö вöвлöма на *-к лативлөн суффикс. И öнi на кывпод керöм петкöдлö быттö водзö лоантор, оз эмакыв моз субстанция. Нöшта кывпод торъялö -öм суффикса эмакывъясысь сыöн, мый инфинитивлөн керöм вöчысысь кызвын сёрникузяын тöдса да гөгөрвоана воддза сёрнисысь (петкöдлöма торъя кывйöн), а эмакывъяслөн тайö унджыкысьсö абу тöдчöдöма, шуам: *Йöзыс дасьöсь ловсö пуктыны, мед сувтны тэ дор, Петра* (В.Юхнин). Танi гөгөрвоана, мый *пуктыны* кывподлөн керöм вöчысысь — йöз. Кадакывйысь артмöм -öм суффикса эмакывъяслөн жö керöм вöчысысь тшöкыда абу петкöдлöма либö сы вылö индöмысь абу тöдчана, пример пыдди, *Матвей Степан семьялөн ёрччöм мода оз вöвлы* (В.Юхнин). Кывпод оз йит ас дорас кадакывлысь морта-лыда суффиксысь, оз вежлась сёрнитанног серти да оз кут веськыд када вежöртас.

Коми кывйын кывпод артмö -ны суффикс отсöгөн. Традиция серти грамматикаясын да велöдчан отсöгъясын нöшта торйöдöны -ыны суффикс, кодi тыдалö сэтшöм кывъясын, кызди *кöсьыны, вермыны, дугдыны* да с.в. Збыль вылас -ыны вариантын воддза *ы* вокалысь кыв история боксянь лоö кадакывлөн кывдiнса бöръя шы, шуам, *лыддöвыны* кадакывлөн кыввужысь *лыддöвы*, а -ны суффиксысь йитчö бöръя *ы* дорас. Тайö жö бöръя *ы* шыа кыввужысь öнiа коми кывйын бергалö тшöктана сёрнитанногса 2 морта öтка лыда форма-ын: *Лыддöвы, пид!* Нöшта *ы* петкöдлö асьсö соссяна сёрниын, кор соссяна кадакыв бöрын сулалö кыввора кадакывйысь, шуам, *Ваня кывбурсö эз и лыддöвы*. Медтшöкыда *ы* вокал кольöма кывдiнса консонтыслөн тэчасъяс бöрын: *кевмыны, пуктыны, пывсьыны, чужйыны, ышмыны* да с.в. Но эм уна сэтшöм кыв, кöнi консонант шыяслөн тэчасъяс бöрын мунö тшöтш -ны суффикс: *гартны, пöльтны, кывтны, нимтны, кынтны, ланьтны, шйöйтны, босьтны, муныштны, бöрдны, юмовтны* да с.в. Тэчаса кывдiнъясын, кор кыввуж дiнас йитчöны кыв артмöдан либö форма артмöдан суффиксысь, уна торъя суффикслөн тöдчö важджык артманногысь, найö бара жö помасьöны *ы* шы вылö. Шуам, *босьт-лы-ны* кывподын кыввужысь *босьт*, керöмлысь мунанног петкöдлысь -лы суффикслөн бöръя вокалысь кольöма, сы бердö нин йитчö -ны суффикс. Мортасян сикасысь бара пырджык -лы суффикслөн бöръя шыысь усьö: *ме босьтла, тэ босьтлiн* да с.в. Татшöм жö сикаса лоöмтор эм тшöтш мукöд суффиксыслөн, шуам, *верд-чы-ны, öш-йы-ны, бан-йы-ны, ниль-зöы-ны, кый-лы-ны*. Унджыкысьсö грамматикаясын, велöдчан небöгъясын да студентъяслы отсöгъясын кадакывлысь уна суффикс сетöны оз стöча, вайöдöны сöмын консонанта вариантсö (-т, -сь, -зö, -м да с.в.). Збыльысьсö налөн эмöсь вокал шыа вариантъясь (-ты, -сьы, -зöы, -мы), шуам, *коль-мы-ны, важ-мы-ны, кось-ты-ны*.

Коми кывйын кывпод — торъялана кыв чукöр, сiйö ёна торъялö оз сöмын ылса, рöдвужтöм кывъясысь, но тшöтш орчча удмурт кывйысь. Медшöр аслысикаслунысь — коми кывподлөн эм уна öткодълун эмакыв-

яскөд. Өттшөтш уна өткодълун кадакывлөн мортасяна сикасьяскөд. Кадакывлөн өтүвъя аслыссикаслунъяс лыдө пырө со мый: кывпод: 1) индө керөмсө кызди стөч лоөмтор, 2) вермө ас пытшкас кутны сёрнивизь да керөм мунанног петкөдлысь суффиксьяс, 3) веськөдлө, кадакыв моз, торъя кывъясөн да артмөдө кывтэчасьяс, торъя конструкцияс. Шуам, *Варук мөвпаліс сылы, Дарьялы, лёксö вöчны* (Г.Фёдоров) сёрникузяын *вöчны* кывпод веськөдлө *лёксö* эмакывйөн. Кывпод сыөн веськөдлысь кадакывкөд өттшөтш вермө индыны нөшта кад вылө, көть када вежөртасыс сылөн паськыд, шуам көть: *И мый вермис лоны да эз ло, Збыльмөднысö сэки зілям со* (А.Ванеев). Воддза сёрникузяын кадакывпод сыөн веськөдлысь кадакывкөд өттшөтш петкөдлө колян када вежөртас, мөд сёрникузяс жö өнія када вежөртас. Кывподлөн кад петкөдлөмыс веськыда йитчөма предикат-кадакывкөд либө йитөд-кадакывкөд.

Эмакывлөн аслыссикаслунъяс шымыртöны медводз кывподлысь морфологиясö. 1) Сійö вермө йитны ас дорас индан-асалан суффиксьяс, шуам, *Ог төд, кытчö вошöдчыным. Вöй* (И.Куратов). 2) Öткымын коми сёрнисикасын, сёрнитан кывйын кывпод дорö вермө йитчыны уна лыда -яс суффикс: *Көть и мыйкö босьтныяс, век лоö юавны, Пусьыныастэ пачтэ иг лонтылэ*. Кывподас эм важ кывлөн төдчана аслыссикаслун, кор сійö бергавлөма эмакыв моз на. Вежөртасыс — петкөдлыны унаысь вöвлөм либө лоана керөм. 3) Уна сёрнисикасын кывпод артмөдө кывбөра тэчас, сы бөрö сувтöны кывбөрьяс. Татшөм сёрникузясыс тшөкыда бергалöны сыктывса сёрнисикасьясын: *Куканьсö начиксны сёйны вылө, Узьны вылө* водлісны нин.

Вежөртас да морфологияса йитөдьяс боксянь позьö торйөдны кык сикас кывпод — урчиттөм да урчитөм. Урчиттөмөн шусьö сэтшөм кывпод, коді ачыс оз инды керөмсö вöчысь (субъект) вылө, сылөн эм сөмын -ны суффикс: *Чугун Ольöш эз вермы гөгөрвоны, кутиöм съод нюрö сійö пырö* (В.Юхнин). Тані *гөгөрвоны* кывпод ачыс оз на висьтав, коді сылөн керөмсö вöчысьыс. Босьтны кö дзоньнас сёрникузялысь вежөртассö либө абзацлысь сёрнитанторсö, сэки, дерт, гөгөрвоана, коді кывпод керөмсö вöчысьыс. Шуам, А.Мишариналөн öти сыланкывйын бура гөгөрвоана, мый кывподыслөн субъектнас лоас ачыс сёрнитысьыс: *Сувтны эськö пелысьөн Тэнад öшинь улö Дзоридзавны син водзад, Газсөдны быд тулыс. Лоны эськö шондйөн, Суны узянінад. Шоныд мелі югөрөн Инмөдчыны дінад*. Тайö кывбурас (20 визь, 5 нельвизь) матö став сёрникузяыс артмөма кывпод отсөгөн, ставыс найö урчиттөмөсь.

Урчитөм кывподөн лоöны сэтшөм кывьяс, кодьяс асьныс петкөдлөны керөмыслысь вöчысьсö, пертас серти кö, -ны дорö сэки йитчöны индан-асалан суффиксьяс, шуам көть, *Галина тэрмыштсис, дугдiс вурсьыныс, пондiс кватлавны-идравны пызан пасьта разөдөм рузумторьясö* (Н.Кура-

това). Сёрникузяын кывподлөн *-ны* суффикс дорё йитчө 3 морта отка лыда *-ыс* индан-асалан суффикс, коді индө керөм вöчысь вылө (гөгөрвоана, мый *вурсьыныс* дугдiс Галина). Тайö аслысикаслун вöснаыс коми кывлы оз лöсяв стöча ачыс инфинитив «урчиттöм» терминыс. Та вöсна *кывпод* выль терминыс бурджыка петкөдлө коми инфинитивлысь öбичасö. Коми кывйын урчитöм кадакывпод артманног сертиыс кык сикас. Öти артманногыс татшöм: *-ны* дорö йитчалöны подув индан-асалан суффиксьяс. Татшöм ногөн артмöмны суффикс тэчасьяс:

I

Морт	Лыд	Öтка лыда	Уна лыда
1		<i>-ны - ым</i>	<i>-ны - ным</i>
2		<i>-ны - ыд</i>	<i>-ны - ныд</i>
3		<i>-ны - ыс</i>	<i>-ны - ныс</i>

II

1 м.	<i>-ным</i>
2 м.	<i>-ныд</i> (индöны öтка да уна лыда субъектьяс вылө)
3 м.	<i>-ныс</i>

Кывйын бергалö урчитöм кывподлөн кык парадигма, тыр (I) да дженъыд (II). Тыр парадигмалөн пертасьясыс ёнджыкасö бергавлöны вомгора кывйын, сёрнисикасьясын да шочджыка гижöдьясын, шуам кöть, «*Но, лешакö, кывйöй луддзис, Пельяс сьöдмис, ачым мудзи: Висьтавлыныыд абу-й дыш? — Горöдiс сэн Мирон Миш* (В.Савин), *Кыдзи нö мянлы, сьöд-пемыд коми войтырлы, петныыс эскö дзескыд олöмсьыс?* (Н.Шахов). 1, 2, 3 морта öтка лыда индан-асалан суффиксьяслөн воддза *-ы* шыыс усьöма, артмöма синкопа. Та вöсна öнiа коми гижöд кывйын паныдасьлöны кызвынсö дженъдаммöм суффикс тэчасьяс: *-ным, -ныд, -ныс*. Кöть татшöм сяма урчитöм кадакывподьяс паныдасьлöны кывйын шоча, найö зэв тöдчанаöсь сы боксянь, мый кутöны ас пыткас уна юöртантор. Шуам, В.Лыткинлөн эмöсь татшöм кывьяс: *Ичöт пыжөн Эжва шöрын Чери кыйысь вуджö. Пелыс тэрыба зэв вöрö, Лоптаасьныс кужö. Лоптаасьныс кывйысь ясыда тöдчö керöмсö вöчысьыс (чери кыйысь)*. Уна лыда форма-ясысь тшöтш усьöма *-ны-* юкөн. Коми гижöд кывйын öнi *-ныным, -ныныд, -ныныс* суффикс тэчасьяс паныдасьлöны шоча, куим тэчас сикасыслөн (*-ным, -ныд, -ныс*) функциясыс та вöсна паськалöмаöсь. Урчитöм кывподлөн öнi эм кык шöр вежöртас. Öти-кö, найö вермöны индыны кывподлөн субъект вылө да, мöд-кö, петкөдлöны кывподлысь керöмсö кыдзи бура тöдсатор, урчитöмтор. Видлалам куимнан суффикс тэчасыслысь вежöртассö. 1) *-ным* 1 морта суффикс тэчасын индан-асалан суффикс индö кывподлысь керöм вöчысь вылө, сiйөн вермас лоны сёрнитысьыс öтнас: *Немкеригмоз öшинь*

дорö Пукси войсö **видзöдным** (И.Куратов). Тані -ым лөсялө ме, меным морта нимвежтасьяслы. Сійö жö суффиксыс вермö индыны тшöтш 1 морта уна лыда субъект былö, кодi лөсялө ми, миянлы нимвежтасьяслы, пример пыдди, **Сыланкывным** **Дженъыд** **сывным** **Гажтöмсö** **ог** **сыйлö** **Сійöс** **сöлöм** **кылö** (И.Куратов). 2) -ныд 2 морта суффикса тэчас кывподыс ясыда тыдалö öтка лыда субъект, кодi лөсялө *тэ, тэныд* морта нимвежтасьяслы, шуам, *Пуксы вурсян дiнад, Да тэ зiля вур; Гырddза аддзан синнад, Курчыныд оз сюр* (И.Куратов). Мукöддырйи кывподлөн керöм вöчысьыс гöгöрвосьö кызди уна лыда, сійö лөсялө *тi, тийö, тiян* нимвежтасьяскöд, шуам, *А пывсьыныд тай вунöдiнныд?* (В.Юхнин). Öнiя коми кывйын субъекта вежöртасыс вермö дзикöдз вошны, сэки -ныд суффикс тэчас вежöртö сöмын стöчмöдöм-урчитöмтор. Тайöс аддзам йöзкостса поэзияыс: *Ошкыд ёна эськö тракайтчис, да эз вермы мынтöдчыныд; Нужда эз лысьт пырныд, шеда пö да бара гуалас.* Танi эськö колö вöлi вöдитчыны -ныс суффикс тэчасөн (*Нужда эз лысьт пырныс*), но сёрнитыс тöдмөн тöдчöдö кывподсö кывзысьыслы кызди сылы бура тöдса да матысса лöбмтор. 3) -ныс 3 морта суффикс тэчас сiдзжö вермас индыны: а) öтка лыда субъект былö (сылы), пример пыдди, *Вöтөн адззыны зэв шогмö, Мый ми воим пойдс корны Кулыс дiнö. Мунныс зэв дыш!* (И.Куратов); б) уна лыда субъект былö: *Бабаяс, стаяö йöршитчöм ыжъяс моз, бöжъяснас оз легны ни весиг рöмидзтыныс оз лысьтны* (Н.Куратова). Бөръя сёрникузяс кывподлөн -ныс суффикс тэчаслы лөсялö *найö* нимвежтас, öткодяв: *найö весиг рöмидзтыныс эз лысьтны*. Кывподлөн индöм -ныс элементыс вермас кутны и сöмын индана-урчитана вежöртас, шуам, *Пывсьыныс эськö эг на пывсьы* (В.Безносиков). Тайö сёрникузяын соссяна кадакывлөн 1 морта öтка лыда формаыс индö нин, мый сёрнитысьыс лöб кывподлөн керыс, но ачыс кывподыс -ыс суффикс öтсöгөн индö сöмын урчитöмтор былö, а оз субъект вылас. Татшöм аслысикаслуныс öнiя кывйын паськалöма ёна нин, шуам, *Тэ былö меным лöбö видзöдныс; Некор уявныс, караб колö лöсьöдны* (В.Безносиков).

Урчитöм кывпод артмö тшöтш мöд ногөн, мöд сикас суффиксыс öтсöгөн, морта-асалан вежлөгасьöмлөн керан вежлөгса -тö да -сö суффиксысөн. Найö тшöкыда йитчöны кывпод дiнö, пример пыдди, — *А мый донъясьнысö?* — *вижöдыштöм гырыс пиньяссö мыччöдлiс Прошка* (Я.Рочев). Вежöртас боксяныс найö тшöтш вермöны петкöдлыны кыктор: öти-кö, кывподлыс керöм вöчысьсö, мöд-кö, стöча тöдса, урчитöм лöбмтор. 1) -тö 2 морта, öтка лыда керан вежлөг суффикс, кывпод дiнö йитчигмоз, медвойдöр кутлöма сöмын субъекта вежöртас, индылöма да индö öнi кывпод керöм вöчыс былö: *Дона пуй, лöм пуй, Овнытö он куж* (Г.Юшков); *Сандра, сöлöмшöрöй! Дöзмöдi и тэнö. Сöкыд öнi тэныд мусавнытö менö* (И.Куратов). Татшöм саям сёрникузясын -тö суффикслы вежöртас боксяныс лөсялöны *тэ, тэныд* морта нимвежтасьяс. Урчитана вежöртасыс

сөвмөма сёрөнджык, өнiя кывйын *-тө* суффикса кывпод индö тшöтш сэтшöм лоöмтор вылö, кодöс вöчысьнас вермас лоны быдөн, шуам, *Ачыд öд төдан, кутшöм мян управляющöйыд. Шыасьнытö* сы дiнö он лысьт (Г.Юшков). 2) 3 морта öтка лыда керан вежлöглөн *-сö* суффикс, кывпод бердö йитчиг, содтö öтувья вежöртас дорö субъект вылö индöм. Сёрникузяс: *Важөн мамö ёна видлис, Öнi дугдас виднысö: Локтас менам вольпась дорö, Некодöс садьмöднысö* (частушка); *Либö Роман Алексеевичнымöс босьтам. Кад нин эськö гöтрасьнысö, но мян сиктын Роман Алексеевичлы абу пöлыс* (Е.Афанасьев). Кызди тыдалö вайöдöм сёрникузясысь, кывподлөн керöм вöчысьлы лöсyalöны вежöртас боксянь 3 морта öтка лыда *сийö, сылы* нимвежтасьяс. Урчитана вежöртасыс овлö сёрниын тшöтш тшöкыда, сэки сёрнитысьыс зильö тöдчöдны керöмсö, петкöдлö сийöс кызди матыссатор, тöдсатор, шуам, — *Тан шензьынысö* нинöм, — *бара шыасис Стёпö* (Г.Фёдоров); *Ог эшты, некор меным варовитнысö* (сёрниысь).

Коми кывйын торъялöны öта-мöдсьыс тшöтш подув да соссяна кывподьяс. Торъялан подувнас налөн лоö сийö, кутшöм сикас вежöртаса керöм кывподыс петкöдлö. П о д у в (позитива) кывпод юöртö сэтшöм керöм йылысь, кодi збылысь лоана, вермана, шуам кöть, *Шедтöм кöчтö сьöкыд кыйны* (шусьöг). Подув кывподлөн торъя ас петкöдлантор абу, сийöс артмöдö дзоньнас *-ны* суффикс: — *Чай юны — абу нес керавны, — шпыньмунис ямщик* (Я.Рочев). С о с с я н а кывпод артмö не соссяна кывтор отсöгөн, кодi век сулалö кывпод водзылын, шуам, *Ваньö сэсся регыд, велöдтöг, гöгөрвöд: мед содтöд не мудзны, колö дедушыс моз жö öтмында восьлавны, а не ыръянитны* йöй кычан моз (И.Торопов). Кызди аддзам, кывподыс кутö соссяна вежöртас, индö, мый кывподөн петкöдлана керöмыс оз ков, сийöс авторыс быттьöкö киритö, öткодялöй мунны — не мунны, пышйыны — не пышйыны, вöчны — не вöчны. Артманног сертиыс соссяна кывподлөн зумыд кыв арт — не кывтор век сулалö сюрöса кыв водзын, оз вермы лоны сийö кывпод бöрын. Лоас кö тадзи, то сёрникузялөн дзоньнас юöртанторйыс вежсьö, öткодялöй: *Не сёрмыны эськö талун удж вылö — Сёрмыны не эськö талун удж вылö?* Бөрья ногса кыв арт (кывпод + не) отсöгөн коми кывйын артмöны юасяна сёрникузяс, шуам, *Мунны не, Петыр?* Татшöм жö тэчасыс тшöтш юасяна сёрникузялөн, кöнi эм подула да соссяна кадакывьяс: *Мунан он, Петыр?* Татшöм ногөн, соссяна кывподса *не* кывторлөн сулаланiныс, кывподводзса иныс лоö сийöс артмöдан-торьясьыс öтиөн. Содтам нöшта, мый коми кывйын соссяна кывпод — зэв аслыспöлöстор, сы вöсна мый сэтшöм сям кывпод сикас коддьöмьяс абуöсь ни медматысса удмурт кывйын, ни мукöд рöдвуж фин-угор кывьясын. Соссяна кывпод артмöма роч кывлөн, сы грамматикалөн тöдчöм понда (*не кольны — не остаться*). Кывпода сёрникузясыс тшöктаммöмны буретш роч кывса öткодь сям не кывтора инфинитивөн вöдитчöм вöсна. И кöть кызвынсö соссяна кывпод паныдасьлö гижöдьясын, торйөн нин газетьясын,

наён вöдитчöны тшöтш сёрниын, йöзкостса поэзияын. Сёрникузяс: **Не** *волены* *нин*, *тыдалö, таво Ыба Керöсö, — шуис дедуш; Та сьöктасö миянлы не лэптыны* (сёрниысь), *Ме кө вöли гудöк дорын, Мый нö сэк не сьывнытö. Ме кө вöли милöй дорын, Мый нö сэк не овнытö* (фольклор). Öнiя гижöд кывйын соссяна кывпод паныдасьлö тшöкыджыкасö газетъясын, шуам, *Но, а медым мöсьяссö дзик пыр не мöдöдны пурт улö, совхозыдлы ковмис Колваса олысьяслысь гид-картаяссö кытишовтны* (КМ). Татшöм сям кывподсö пыртöны коми гижысьяс, торйöн тайöс казялан И.Тороповлысь. Соссяна кывпод векджык паныдасьлö: 1) модальнöй кадакывъяскöд да кывъяскöд зумыд йитöдын: *Сидзи пуксис олöмыс, мый эз вермыны не торъявны* *найö: öтиыс öти ног көсийс овны, мöдыс — мöд ног* (И.Торопов); 2) мога веськöдлан сёрникузясын: *Юыс важöн дзебсис лым улö, медым тöвбыд не петкöдчывны татчöс олысьяслы* (И.Коданёв); 3) парцелляция пыдди, пример вылö, *Медыджыд могыс öнi — дедушсö, да тшöтш и лёк Бисинсö спаситны. Не лэдзны кувны!* (И.Торопов); 4) кывпода сёрникузясын предикат пыдди, шуам, *Та мында нянь миянлы не чукöртны* (Г.Фёдоров). Кодсюрö öнiя авторъясысь веськыда коми кыв вылö вуджöдö роч тэчасьяс: — *Но и мый?! — сэк жö сийö эз вермы не вензьыны ачыс аскöдыс* (И.Торопов). Танi вуджöдöма «он не мог не спорить сам с собою» шуöм, код пыдди бурджыка лöсялис эськö коми -тöг суффикса ногакыв отсöгöн артмöмтор — *вензьытöг эз ов* либö *эз коль*. Но унджыкысьсö татшöм роч нога кывтэчасьясыс öнiя коми синтаксислы лöсялöны: *Прокö босьтчылас нинöм не думайтны, да оз артмы* (И.Торопов).

Аслас кыввора вежöртас сертиыс кывпод оз торъяв морта-лыда суффиксьяс сикасьяссь, шöркывйысь да ногакывйысь. Сийö вермö петкöдлыны став сикас вежöртассö, веськыдсö да вуджöдöмсö. Медтшöкыда кывпод петкöдлö кадакывлысь веськыд вежöртас: *Аски каи пусö пöрöдны* (И.Вавилин). Корсюрö поэзияын кывподлөн вежöртасыс мортасян кадакывкöд йитöдын петкöдлö метафора, шуам, *Тиф — биа висьöм кодь вöлис тай олмöй, Быд нима докторъяс вины эз вермыны; Кокньыда лолала, уджавны сямма на, И курыд синвайн оз ков мем зэрмыны* (И.Куратов). *Вины* да *уджавны* кывъяс кутöны веськыд вежöртас, а *зэрмыны* кыв лö нин аслыспöлöс мичкыв, кутö вуджöдöм вежöртас. Йöзкостса сёрнитан кывйын тайö кывподыс оз паныдасьлы мем нимвежтаскöд, кодi лö кадакывподлөн керöм вöчысьнас. Кывбурса визыс дзоньнас кутö поэтической вуджöдöм вежöртас.

55 §. Шöркыв

Шöркыв — морта-лыда суффикстöм торъя сикас, кодi öтувтö ас пытш-кас кадакыв да кывбердлысь аслыссикаслунъяссö, шуам, *бузган шор, бакысь мöс, доналöм из, помавтöм* удж. Шöркыв петкöдлö керöм кыдзи субстан-

циялысь торъяланлун, кор гөгөрвоодё сы бёрын сулалысь эмакывсё: *Чус-мысь* би моз жё вёрзёодё коми морттё *шогалысь* вёр-пуыд (Г.Юшков). Тані чусмысь да шогалысь кывъяс юёртёны, мыйён торъялёны би да вёр-пу.

Шөркывъяслөн торъя сикасьяс ас костаныс кутёны зумыд йитёдыяс да артмёдёны отувъяс система. Найё аслас грамматика вежёртас боксяныс торъялёны, сулалёны ота-мёдныслы паныд кык юрподув серти: 1) кад петкөдлём да 2) шөркывъяслөн пытшкёсса вежёртас серти. Татшөм торъяланлунъяс вёснаыс шөркывъяс вермёны петкөдлыны керөмсё уна ногөн. Системаыслысь пыдіа йитёдыяссё ясыда позьё петкөдлыны серпастор отсөгөн.

Шөркывъяс

Юёртанаяс		Соссяна	
Өнія када		Колян када	Вежласян када
-ысь	-ан -ана	-өм -өма	-төм
Актив	Актив да пассив петкөдлысьяс		

Кызди аддзам, шөркывъяс петкөдлёны керөмсё коми кывйын аслыснога. Кад петкөдлём серти найё юксьёны куим чукөр вылө: кад серти *-ысь*, *-ан* да *-ана* суффиксыяса шөркывъяс индёны өнія кад вылө, *-өм* да *-өма* суффиксяс — колян кад вылө, а *-төм* суффикса шөркыв вермё петкөдлыны өнія да колян када керөм. Шөркыв вежёртаслөн пытшкёсса сям да вежёртас серти позьё торйөдны, оти боксянь кё, юёртана да соссяна шөркывъяс. Юёртанаяс лыдё пырёны *-ысь*, *-ан*, *-ана*, *-өм*, *-өма* суффиксыяса сикасьяс, кодъяслы паныд сулалё *-төм* суффикса шөркыв, сійё петкөдлө соссяна керөм. Соссяна керөмлөн вежёртасыс киритё юёртана вежёртассё, шуам, *көдзём* му «му, кодёс вёлі көдзёма» (юёртана вежёртаса) — *көдзтөм* му «му, кодёс абу на көдзёма» (соссяна вежёртаса). Мөд боксянь, шөркывъяс юксьёны кык чукөр вылө сы серти, кутшөм нога керөм найё петкөдлёны — активнөйёс либё пассивнөйёс. Коми кывйын та боксянь торъялө *-ысь* суффикса өнія када шөркыв, петкөдлө сійё век сёмын активнөй керөм, кодыр шөркывйөн гөгөрвоодана кывйыс лоё керөм вёчысьнас, пример пыдди, *Ва лёныштөм бёрын дед первойысь казяліс азьлас помысь пессыысь сирёс* (В.Чисталёв). Тані *азьлас помын пессыысь сир* кывтэчас позьё вежны веськөдлана сёрникузяён — *казяліс сирёс*, *коді пессис азьлас помын*. Шөркывйыс петкөдлө активнөй керөм, сійёс вөчө гөгөрвоодан кывйөн пасъянторйыс: *пессыысь сир* — *сир пессё*. Став мукөд шөркыв сикасыс (*-ан*, *-ана*, *-өм*, *-өма*, *-төм* суффиксяс) вермёны сёрниын петкөдлыны кык шөр вежёртас — активнөй да пассивнөй, шуам:

— **пөрөм** пу = пу пөрөма (активнӧй вежӧртас), **кералӧм** пу = пу, кодӧс кералӧсны (пассивнӧй вежӧртас).

Дженьыда ӧнӧя коми кывса шӧркывъяссӧ позьӧ петкӧдлыны татшӧм ногӧн: 1) **-ысь** суффикса ӧнӧя када актив петкӧдлысь шӧркыв (**дзизгысь** гут, **виялысь** войтва); 2) **-ан** суффикса ӧнӧя када актив да пассив петкӧдлысь шӧркыв (**визувтан** ва, **вуран** дӧрӧм); 3) **-ана** суффикса ӧнӧя када актив да пассив петкӧдлысь шӧркыв, воддза дорӧ синоним (**ӧзьяна** розьяс, **чайтана** лоӧмторьяс); 4) **-ӧм** суффикса колян када актив да пассив петкӧдлысь шӧркыв (**гыӧрзӧм** ӧшинь, **донӧдӧм** из); 5) **-ӧма** суффикса колян када актив да пассив петкӧдлысь шӧркыв, воддза дорӧ синоним (**велӧдчӧма** морт, **кульӧма** туша); 6) **-тӧм** суффикса актив да пассив петкӧдлысь соссяна шӧркыв (**бӧрдтӧм** кага, **гӧртӧм** му). Кывбердьяс моз, шӧркывъяс сёрникузяын векджык сулалӧны гӧгӧрвоӧдан кыв водзвылын (**идравтӧм** пызан, **чиклясьысь** юрси). Но шӧркывсӧ вермас сёрнитысьыс пуктыны тшӧтш гӧгӧрвоӧдан кыв бӧрас, торйӧдны сёрниын костӧн да гижигӧн чутӧкъясӧн: *Дзолук ӧтнас, морт киын **быдтӧма**ыс, кыдзи пастукъяс шуӧны, авко пӧрдӧаыс, чӧмасис нурьясянторйӧн* (Е.Рочев). Авторлӧн кывйын вермас лоны тӧдчӧдӧма мӧдара кыв арт, код отсӧгӧн гижысьыс логика боксянь пыдӧаджыка индӧ шӧркывйӧн пасьян торьяланлун вылӧ, шуам кӧть, *Унанад да, венӧсны и янӧдӧсны на Пекла ичиньсӧ, лӧсьыд пӧ тэныд, кага **бӧрдысьтӧ** ни пӧрысь **лӧвтысьтӧ** оз ков пуксьӧдны пызан саяд* (Г.Юшков).

Юӧртана шӧркывъяслӧн эм паньыд вежӧртаса **-тӧм** суффикса воча лӧсялысь. Юӧртана шӧркывъяс петкӧдлӧны сэтшӧм керӧм, кодӧ збылысьысӧ олӧмас вӧлӧ, мунӧ либӧ лоны вермана, быть лоӧ, а **-тӧм** суффикса соссяна шӧркывъяс киритӧны керӧмсӧ, петкӧдлӧны, мый сийӧ оз мун, эз вӧв либӧ збылысьысӧ оз вермы лоны. Тайӧс позьӧ аддзыны паньыд вежӧртасьяса кывъяс орччӧдӧмӧн:

Юӧртана шӧркывъяс

тэрмасьысь морт
ойдлан видз
тыдалана керӧс
пуйӧм ва
шырӧма юр

Соссяна, **-тӧм** суффикса шӧркывъяс

тэрмасьтӧм морт
ойдлытӧм видз
тыдавтӧм керӧс
путӧм ва
шыртӧм юр

Кӧть соссяна шӧркыв вермӧ быд юӧртана сикаслы артмӧдны киритана вежӧртас, збылысьысӧ сёрниас торья контекстьясын уна шӧркывлы оз позь вӧчны-лӧсьӧдны **-тӧм** суффикса воча лӧсялана кывсӧ. Логика подув вылӧ мыджсьӧмӧн кӧ, оз быд юӧртана вежӧртаслы овлы киритана вежӧртасыс, шуам, *пуалан* ур оз позь вежны *пуавтӧм* ур вылӧ, сы вӧсна мый урьяс век котралӧны пуяс вывтӧ. Торья контекстын уна шӧркыв оз позь вежны соссяна вылӧ, пример пыдди, татшӧм сёрникузяын: *Татшӧм пуан-сӧвман*

пөраас медся сөка морайс — көрлөн вына турун моз ыткөбтысь-быдмысь сюрис (Е.Рочев). Тані -төм суффикса соссяна шөркывйыс оз вермы лоны юөртана местаын.

Өнія коми кывйын шөркывъяслөн соссяна пертасъяс артмөны нөшта аналитическөя, *абу* кывтор отсөгөн, коді сулалө шөркыв водзын. Кызди векджык, *абу* кывторкод шөркыв лоө тэчаса предикатөн, шуам, *Бөръя каднас көть и вөліны на костын зыртчөмъяс, но Микит абу лөг кутысь* (В.Юхнин). Комиын татшөм сяма соссян формаяс артмөны став шөркыв сикасьяскөд: *абу* + -ысь суффикса шөркыв, *абу* + -өм суффикса шөркыв: *Абу эновтөм, вунөдөм, Абу кылалысь* пу. Шонді улөдыс муна да, *Гөгөр ас чужсан му* (Г.Юшков); *абу* + -ана суффикса шөркыв: — *Сы вөсна сьөлөм оз лэпты тэнö батьөн шунысö, көть эськө тэ абу кулитана морт* (А.Попов); *абу* + -төм суффикса шөркыв — *А ми өд абу ен төдтөмъяс, гөгөрвоыштам неуна* (сёрниысь). *Абу* кывтор да -төм суффикса соссяна шөркыв артмөдөны кык пөвста киритана вежөртас, коді өтувьянас пасйө юөртана торъяланлун. Со, шуам, *абу ен төдтөм* вежөртө сійөс жө, мый *ен төдысь*, найө лоөны грамматика синонимъяс. Мукөддырйи кык пөвста киритөм артмө тшөтш соссяна мортасян кадакыв да -төм суффикса шөркывйысь, кодыр найө бара артмөдөны өти тэчаса предикат, пример пыдди, *Эз вөв ньөти кывлытөмөн Самаринлы тайö методыс, но институтын сьлөн велөдчигөн дописны на сөмын татшөм метод йывсьыс* (Г.Юшков). Тані *эз вөв кывлытөмөн* пасйө юөртанатор: Самарин збыльысьсö *кывліс* (вөлі *кывлөма*) метод йывсьыс.

Шөркывъясөс мортасян кадакывъяскөд өтүвтөны татшөм аслысикаслунъяс, кызди: а) өтувья кывдін да вежөртас; б) сёрнивизь вылө өтсыма индөм; в) керөмлысь мунанног петкөдлөм; г) када вежөртас; д) мукөд кывъясөн веськөдлөм, тэчасъяс артмөдөм.

а) Кадакывлөн өтувья кывдіныс шөркывъясын сетө позянлун петкөдлыны стөч вежөртаса керөм. Кыввор сертиыс мортасян кадакывлөн да шөркывлөн вежөртасыс өткодь, шуам, *Мынөм чери век ыджыд; ыджыд чери мыніс*.

б) Шөркывъяс, морта-лыда кадакывъяс моз, ас бердас тшөкыда кутөны сёрнивизь вежөртаса суффиксяс. Вөчөдана сёрнивизь артмөдысь -өд суффикса шөркывъясын ясыда төдчө каузатива вежөртасыс: *вир суетөдан молитва, повзөдөм лэбач, виньдөдана кыв*. Шочиника керөм вөчысьсөс петкөдлөма шөркывбердса кывйын: *төлөн сарөгмөдөм чужсөм, төв нырөн пөрөдөм пуяс*. Рефлексив сёрнивизьлөн -сь(-сьы), -ч(-чы), -зь(-зьы) суффикс паньдасьлө быд сикас шөркывйын, но медтшөкыдасө -ысь суффикса да актив вежөртас кутысь мукөд шөркывъясын, шуам: *тойласысь чөртпи* (Н.Дьяконов), *чуткасьысь кос лым, паньдасьысь машинаяс, гудыртчөм синъяс, пуксьытөм на туй*.

в) Керөмлысь мунанногө петкөдлө 4 сикас суффикс, кодыас асьныс йитчылөны өта-мөд дорас да артмөдөны аслыссяма суффикс тэчасъяс.

Керöмлөн мунанног вылö индöмыс тöдчöдö шöркывьяслысь кадакыв ногса öбичасö, сы вöсна мый кывдинса суффиксыс тöдчымөн ёнмöдöны керöмлысь вежöртассö.

-*Биш*(-ышты) суффикс индö ичöтмöдан вежöртаса керöм вылö: *повзыштöм* чужöм, *тиöгыштöм* мужичöй. Тайö суффиксыс корсюрö индö тшöтш помасьöм, öдйөн мунана керöм вылö, пример пыдди, *Вöла дiнын сулалысь куим детинка ытишкыштöм турун моз ляпмунiсны* (Я.Рочев).

-*Лыв*(-лывы), -*ыв*(-ывлы) суффикс индö унаысь либö век овлан, кадысь кадö быть овлана керöм вылö, шöркывьясын паныдасьлö шоча: *корсюрö пывравлывысь офицер Петька* (Я.Рочев), *кольчывлысь Куштанов* (Г.Юшков).

-*Л*, -*лы*, -*ыв* суффикс петкöдлö шöркывьясын бергалiгөн кык пöлöс вежöртас: öтчыдысь овлан да унаысь, век быть овлан керöм. Налөн öта-мöдныслы вежöртас сертиыс паныдлун вылö видзöдтöг, морта-лыда кадакывьясын моз, -*л*, -*лы*, -*ыв* суффикс петкöдлö öтчыдысь овлöм керöмсö колян када да соссяна шöркывьясын. Сёрникузяс: *Калькалiсны сибдылöм сюръяс* (Е.Рочев); *аддывтöм на экземпляр* (В.Юхнин); *вöралысьыс, буракö, армияö нулытöм, йöзö пөтавлытöм* (Г.Юшков). Öнiя када шöркывьясын, мöдарö, суффиксыс кутö мöд вежöртас — индö уна пöрйö овлан керöм вылö: *Сьöкыд сувтöдны ыльöбтылысь синватö; гажаа югйыштылысь ю; ойдлан* видзьяс; шоча *шөдлан* чери.

-*Ав*(-ал) суффикс петкöдлö уна ногса керöм, вежöртасыс сылөн зэв паськыд, шуам кöть, *эжсялöм* муяс, *öзъялан* синъяс, *доймалöм* чуньяс (петкöдлö уна субъектöс), *дзугсялöм* юрси, *зонкаыс* абу *ышмалысь*, *водалöм* стада (абу öтчыд овлан керöм), *пукталöм* дозмукъяс, *вежславтöм* трубаяс, *разöдчалöм* йöз (уналаö паськалöм-разалöм керöм).

г) Шöркывьяс кутöны тыдалана када вежöртас, морта-лыда кадакывьяс моз. Сöмын шöркывьяс петкöдлöны оз веськыд када вежöртас, а сэтшöм вежöртас, кодi зумыда йитчöма сёрникузялөн предикат-кадакывйөн петкöдлан кадкöд. Коми кывйын шöркывьяс вермöны индыны öнiя да колян када вежöртас вылö. Кад сертиыс шöркывьяс торъялöны: -*ысь*, -*ан*, -*ана* суффикса сикасыс петкöдлöны öнiя кад (*узысь пон, Лöсьöдана* кытиас — *карзакас — татшöм доддьыс кызь сайö öкмö* (П.Артеев)), -*öм*, -*öма* суффиксыс сикасыс индöны колян када керöм вылö (*Пуджöм сойясайсь, восьса морöсайсь, гожъялöм* чужöмайсь — *зонъяс да нывьяс* (В.Юхнин)). Соссяна, -*тöм* суффикса шöркывлөн када вежöртасыс паськыд — сiйö вермö петкöдлыны и öнiя када либö помасьтöм на керöм, и колян када либö помасьöм керöм.

д) Шöркывьяс тшöкыда веськöдлöны мукöд кывьясөн да артмöдöны тэчасьяс, кодъяс сёрникузя пытшкын котыртöны предикациялысь торъя шöриньяс. Шуам, *диван дорын дозьясын быдмысь* дзоридзьяс кывтэчасысь позьö артмöдны веськöдлана сёрникузя — *дзоридзьяс, кодъяс быдмöны*

дозьясын диван дорын. Важся кывйын содтөд сёрникузяс абу на вөвлөмны, на пыдди вөдитчылөмаось шөркывьясөн артмөдөм тэчасьясөн.

Татшөм сяма тэчасас торьякыв (эмакыв либө нимвежтас) вермө индыны шөркывлысь керөм вөчысь вылас, тайө сідз шусяна субъекта тэчасьяс, шуам, *А ачыс котөртліс Плесокайөн швыркнитөм* нопла, *сувтис* (Г.Юшков). Керөм петкөдлысьнас лоёны нимкывьяс да нимвежтасьяс куим вежлөгын: 1) керанторья вежлөгын (*студентөн дасьтан* удж), 2) нимтанын (*мөс юём ва*), 3) асалан вежлөгын (...*кежис Вась йөрө, пөльыслөн на вөчлөм йөрө* (П.Шахов)). Шөркывьяслөн эм тшөтш кывбердлөн уна аслыссикаслун, кодьяс вөсна найөс унаөн лыддылысьны кадакывйысь артмөм кывбердөн.

а) Шөркывьяс гөгөрвоөдоны эмтор, петкөдлөны сылысь торьяланлунсө. Сөмын кывберд кө индө век овлан торьяланлун былө (*важ нөрт, чорыд чарөм*), то шөркыв индө вежласьысь, абу век овлана торьяланлун былө. Сёрникузяс: *А сы былө локтөны дзонь кымөр ыджда лэбалысь* огненной змейяс (мойдысь); *Мөд лун нин уджалөны сиктысь вөём йөз* (В.Юхнин).

б) Шөркывьяс оз вежласьны-ладмөдчыны гөгөрвоөдана кыв водзын сулалігөн, найө вежласьтөг ляскысьёны сы дорө, шуам, *Олөма нин ныббаба, шупалөм* чорыд чужөма да *лөсэвтөм* лөн руд синьяса, сулаліс Самарин водзын, эз весиг пуксьы *индөм* улөс былө (Г.Юшков). Тайө сёрникузяс шөркывйыс оз вежлась лыд да вежлөг серти, оз ладмөдчы гөгөрвоөдана кывйыскөд лыдын да вежлөгын.

в) Шөркывьяс ладмөдчөны гөгөрвоөдан кывкөд лыд серти сэк, кор найөс торйөдоны гижигөн чүтікьясөн, а сёрнитігөн костьясөн. Сэки сёрнитысь/гижысь төдчөдө шөркывьяслысь вежөртассө, пуктө гөгөрвоөдан кывсө шөркывьяс водзө: *Аддызвла ог нин ме тэнө коркө? Мукөд пуясөй, менам муын быдысьясөй!* (В.Чисталёв). Шөркывьяс ладмөдчөны лыд серти сэк, кор сёрникузяын лоёны ашөр предикатөн либө тэчаса предикат юкөнөн. Примерьяс: *Вывті нин Васьө регыдөн пузысь* — *Васьө да Ваньө вывті нин регыдөн пузысьёсь; Но Егорлы татийөм юасьөмъясыд вөлісны дөзмөданаёсь* (В.Юхнин), *Бөрья вежсон пыдөсас луньясыс лоины дзик гожся луньяс кодь ымраланаёсь* (П.Доронин). Корсюрө весиг -ёсь суффикс (предикатлысь уна лыд пасьянтор) сулалө өти шөркыв бердын кыкысь: — *Ме думысь, өні йөзыс сюсьджыкөсь. — Дасьёс кө виччысьысьёсьджыкөсь* (А.Попов).

г) Кывбердьясөс да шөркывьясөс өтүвтөны өткодь синтаксиса могьяс, сёрникузяын найө бергалөны гөгөрвоөдысьяс (атрибутьяс) туйын, шуам көть, *Чорзьөм няньтортө ичмонь солалас синванас* (шусьөг). Кор шөркывьяс сёрникузяын лоёны предикатөн, өтка лыдынөсь кө, найө оз вежласьны, өткодьялөй: *Порсьным асывсяньыс вердтөм, (Порсьным мича, плешкас сьөд чута).*

д) Шөркывьяс вермөны сулавны гөгөрвоөдана кыв бөрын, сэки сёрнитысьыс найөс төдчөдө, медым шөркывйөн петкөдланторсө кыззкө

торйодны, вöчны сійöс вежөрлы инманаджыкөн. Сёрникузяс: *Öд менам ныв ещö эм тані, öшинь ув йöрас, сейтöм* (В.Юхнин); *Лöнь ю, рама визувтись, зэв ёна гызис, лёкысь швачкö кырйö* (В.Чисталёв); — *Утюгыс эськö эм, шомöн шонтана, а розеткаыс абу* (А.Одинцов).

е) Шөркывъяс корсюрö вермöны сулавны **медся** кывтор бöрын, сійö артмöдö кывбердлысь медвылыс тшупöд, шуам, *Öльöлы татиöм сяма шуасьöмыс вöлі сійöс медся дойдана видöмнас*. Таысь öтдор, шөркывъяс, кöть шоча, йитöны тшöтш öткодялан тшупöдлысь **-джык** суффикс: — *Пиöй, пасьтав бурджык дөрöмтö, нййтöссытöмджыктö; Кыдз нин Катьöтö ен видзö?* **Шедысьджык** нин, рам? *Лючки сёрнитам!* (И.Куратов). Колö шуны, мый **-джык** йитчö сöмын кывбердлань вуджысь шөркывъяс дорö, кодьяслөн вежöртасыс абу нин стöч да оз нин петкöдлы стöч конкретнöй керöм, шуам, *Тайö зонмыс повтöмджык, збойдэжык, а орчаыс родысь-джык* (сёрниысь); *Но инмаланадэжык пицальыс Мишка ордын* (В.Юхнин), *Шуис öти во ветлыны кöр видзысьяскöд, пыдди пуктанадэжык сійö уджыс* (Е.Рочев), — *Дерт, сійö лöсяланадэжык, — вочавидзис та вылö Комлев* (И.Торопов). Кывбердэяскöд шөркывъяс öткодöсь кызвынсö аслас синтаксиснас, а пытшкöсса тэчас да вежöртас боксяныыс öткодöсь мортасына кадакывъяскöд.

56 §. **-Ысь** суффикса öнiя када шөркыв

Гижöд коми кывйын шөркыв артмöдысьнас лöб **-ысь** суффикс, кодi йитчö кыввуж либö кывдiн дорö: **качысь шондi, киссьысь ва**.

Шөркывъяслысь грамматика вежöртассö восьтöм могысь эм коланлун пыртны логика боксянь схема, кöни пасйöма керöм, керöмлысь мунан нырвизьсö да субъектсö либö объектсö, кодöс петкöдлö гөгөрвоöдана кывйыс.

баксысь		мöс	
керöм	←	субъект	= мöс баксö
			мöс, кодi баксö
гөгөрвоöдысь кыв		гөгөрвоöдана кыв	

Шөркыв петкöдлö сэтшöм керöм, кодöс вöчö гөгөрвоöдан кывйöн пасьянторйыс, керöмыс петö субъектсынь да вермö вуджны объект вылö, кодöс петкöдлö веськöдлан кыв: **лы йирысь пон; Татиöм вонад Сыктыв возжын абу гажтöм: тюни гындысь визинчи да кышан вурись** поёлчи озджык мунны *Сибирö* (В.Юхнин).

Гөгөрвоöдана кыв вермö пасйыны ловъя йöзöс персонажъясöс да ловтöмторъяс. Тшöкыда шөркыв гөгөрвоöдö ловъя йöзöс либö ловзьöдöмторъяс (баснясын, мойдъясин), шуам кöть, *Вывтi нин ме регыд пүзъысь* (В.Юхнин), *мурчысь вöв, Лукасьысь* мöслы ен сюрсö оз сет да с.в. Öнiя коми

кывйын, торйөн нин серпаса литератураын, актива шөркывъяс бердын тшөкыда сулалёны ловтөмтор пасйысь эмакывъяс: *Повзьөдчысь вуджөръясөн төдчисны керкаяс* (И.Изьюров).

Када вежөртас боксянь *-ысь* суффикса шөркывъяссё позьё шуны өнія кад петкөдлысьясөн. Шөркыв аслас када вежөртаснас петкөдлө сёрникузяын шөр предикат-кадакыв дорё өттшөтш мунысь керөм. *Ен нимён Петыр лөньөдс вензъысь мужикөс* (И.Пыстин) сёрникузяын шөркывйөн петкөдлан керөмлөн кадыс мунё сёрникузяса предикат-кадакывлөн керөмкөд өттшөтш. Шөркывлөн кадыс збыльысьсё петкөдлө шөр предикат-кадакывлөн колян кадлы өттшөтш мунан керөм.

Активa, *-ысь* суффикса шөркывъяс вермёны петкөдлыны өнія када вежөртас, кодi мунö: а) өния када керөмкөд, б) локтан када керөмкөд, в) колян када керөмкөд өттшөтш.

а) Сёрникузяын предикат-кадакывлөн өния кадлы шөркывлөн өния кадыс лөсялө вель тшөкыда, шуам коть, *Шойччысь молодеч шензъыны оз вермы* (мойдысь), *Дзоридзалысь лөм пу дiнын пукалө пöрысь пöчö* (Н.Дьяконов). Мортасян кадакывъяс, сёрникузяса предикат пыдди мунiг, кутлöны өния кадлысь вуджөдөм вежөртас. Сэки найö индöны важөн нин вöвлөм керөмъяс вылö кызд быттö өнi мунысьяс вылö: *Бабö ноксьö ломтысьысь пач дорын. Шмонитам ми бабököд и видзöдывлам джоджын узъысь кык чой вылö* (Н.Куратова).

Корсюрö *-ысь* суффикса өния када шөркывъяс пыдди логичнöйджыка эськö колö вöли пыртны *-өм* да *-öмa* колян када шөркывъяс. Шуам, татшөм шусьöгын — *Гөнсялысь пöтка йöз керка вылö видзöдö (гөнсялөм пöтка, збыльысьсö); Көн куйлöны öтласа джуджыд гуын жертваяс Октябрса революциялөн — косъын усьысь геройяслөн шойяс* (В.Чисталёв); *Воысь «тётяяслы», буракö, эз на ылын вöв кызь саяс* (Е.Рочев). Бөръя кык сёрникузяын юөртантор сертиыс гөгөрвоана, мый геройясыс косъясын усьöмaсь нин вöли, Е.Рочевлөн висьтас «тётяяс» збыльысьсö пырöмaсь нин вöли керкаас. Татшөм ногөн, шөркывлөн өния када вежөртасыс вермö пасйыны паськыд кадколаста керөм, тшөтш колян када керөм.

б) *-Ысь* суффикса шөркывлөн өния када вежөртасыс вермö лөсявны тшөтш сёрникузяса предикатлөн локтан кадлы: *Пачыс ломтысяс, пöдлаласны öдзöс, и пач изъяс дiнысь лыньгысь жар öдйö шонтас сьöд глянецөн югъялысь керка пытии* (В.Юхнин).

в) Шөркывлөн өния кадыс медтшөкыда лөсялө предикат-кадакывлөн колян када вежөртаслы. Сёрникузяс: *Йöз тыра ызгысь перрон коли бөрö* (Н.Куратова), *Мöд луннас катысь пыжаяс сувтiсны сы водзö* (В.Чисталёв). Бөръя сёрникузясö позьö вежны отсаяна сёрникузя вылö → *Мöд луннас пыжаяс, кодъяс катiсны, сувтiсны сы водзö*.

Кор сёрнитам шөркывлөн да кадакыв-предикатлөн кад петкөдлөм йылысь, колö кутны төд вылын тшөтш сийöс, мый кыввора вежөртасъясыс


налөн вермёны петкөдлыны оз өтдыра мунан керёмьяс. Шөркывлөн керёмыс вермё мунны регыдъя кадён, шуам, *Друг пузысь самовар дзугис ичмоньлысь думьяссё* (Я.Рочев). Тані шөркывйён да предикат-кадакывйён петкөдлан керёмьяс мунёны өтдырья кадё, регыда. Овлё тшөтш сідзи, мый шөркывьяс петкөдлөны паськыд, дыр мунана керём, шуам, *Көнкё матын зилькнитіс домнас турун мурчкысь вёв* (В.Юхнин). Тані нин предикат-кадакывлөн керёмыс өдйё мунысь, а шөркыв петкөдлө дыр мунан да тайё ситуацияс помасьтём керём.

г) Уна пөрийё актива шөркыв петкөдлө содтөд век овлан, пыр овлана керём. Сэки шөркывлөн када вежөртасыс абу зумыда йитчёма предикат-кадакывлөн петкөдлан керёмкөд. Татшөм сяма паськыд өнія када вежөртасыс овлө өткодьялана шуёмьясын, йөзкостса поэзияын, шусьөгьясын, шуам, *Увтчысь понйысь оз повлыны, Лукасьысь мёслы ен сюрсё оз сет, Видзөдісны сы вылө ловзысь поконик вылө моз* (В.Юхнин). Татшөм паськыд када вежөртасыс овлө тшөтш сэк, кор сёрнитысь төдчөдө век овлана торьяланторьяс, кывбердьяскөд өттшөтш пыртё сёрниё шөркывьяс, шуам *коть, Ой ті, югыд кыаён ломалысь тувсовья войяс* (В.Юхнин), *Лёнъ ю, рама визувтысь, зэв ёна гызис* (В.Чисталёв).

57 §. -Ан суффикса өнія када шөркыв


Татшөм шөркыв артмөдысьнас лоё -ан суффикс, сійё йитчө кадакыввуж либө кывдін дорё: *шуркъялан төвру, пөжсян чипан, тірзян гөлөс*. Найё артмёны быд вежөртаса кадакыввужьясысь да паныдасьлөны өні ёнджыкасё сёрнисикасьясын, сёрнитан кывйын.

Грамматика вежөртасыс видлалан шөркывлөн паськыд, кутё кык торъя, шөр вежөртас сикас. Сылөн керёмыс сёрниын вермё лоны активнөй (*увтчан пон*) да пассивнөй (*увтан ур*). Видзөдлыны кө роч кыв вылө, то казялан, мый өти коми шөркывлы паныд сулалё кык роч шөркыв — действительнөй (*лающая собака*) да страдательнөй (*облаиваемая белка*). -Ан суффикса шөркыв вермё артмыны вуджтём да вуджана кадакыввужьясысь. Но актива вежөртас кө артмё и вуджтём, и вуджана кадакыввужьясысь, то пассива вежөртас сөмын вуджанаяссыс.



Кывйын шörкывъяс актива да пассива вежörtасъясын паныдасълöны оз öткодъ тшöкыда, актива вежörtаса шörкывйыс бергалö тшöкыджыка пассиваыс.

-*Ан* суффикса шörкывъяс актива вежörtаслөн логика боксянь схемаыс оз торъяв -*ыс* суффикса шörкывъяслөн вежörtас артмöмыс.



Тайö вежörtасын шörкыв петкöдлö сэтшöм керöм, кодöс вöчö гöгөрвоодана кывйөн пасъянторйыс, субъектсаянь керöмыс петö да вермö вуджны веськыд объект былö, шуам, *лы йиран пон*.

Актива вежörtаслөн подулас унджыкыссьö куйлöны вуджтöм кадакыввужъяс да сöмын шоча овлöны шörкывъяс вуджана кыввужъяссянь, торъя кывйөн пасйöм объект былö индöмөн, шуам, *Бритöм юр пыдöссö вевттис синтö ёран тюбетейка* (В.Юхнин).

-*Ан* суффикса шörкывъяс öнйя художества прозаын гöгөрвоодöны кызвынсö ловтöмтор пасйыс кывъяс: гөлöс, мортлыс сёрни — *тирзян гөлöс*; мортлыс мыгөр юкөнъяс — *дзорман юрси, пöрысьман чужöма, томлунён пуан вир-яй, вазган пиньяс*; вёр-ваын лоöмторъяс — *номъясыс мездан тöвру, ныртö чепöльтан* кöдзыдъяс, шондйөн *ыпъялан* лунъяс, *небыдик пуркйысян* лым. Сёрнитан кывйын да йöзкостса поэзияын гöгөрвоодана кывйыс унаыс пасйö ловъя мортöс, пемöсöс, ловзьöдöм персонажöс: *синмö пыран гут* кодъ; *Пыран гöстьöс кö он гöститöд, петантö он нин*; Друг *видзан* *бабаястö петшöрөн нöйтлöны*. Г.Юшков «Чугра» романын кужöмөн вöдитчö актива вежörtаса шörкывъясöн, кор петкöдлö печорайывса коми йöзлыс сёрнитанногö (Виринеялыс сёрни); — *Мирскöйыд бара меным оз ков. — Кутишöм мирскöй? — Табак нёнялан, вина юан, чепöльён юрбитан*.

-*Ыс* суффикса шörкывъяс да -*ан* суффикса актива вежörtасаяс öткодъ керöм петкöдлгөн сёрниын вермöны бергавны öти сёрникузяын, шуам кöть: *Дзуртан пу нэмсö дзуртö, а няргыс морт нэмсö няргö* (шусьöг), *Буретши сэтшöм вын, кутишöмöс сййö öнй ачыс кутö тöд вылас — быдöнöс венысь, быдөн вылын кöзяитан вын* (В.Юхнин). Мукöддырйиыс тайö кык синоним-шörкывйыслөн вежörtасъясыс неуна торъялöны: -*ыс* суффикса шörкыв индö конкретнöйджык керöм былö. Г.Юшковлөн «Вилядь сиктса ань» повесытын кöзяинсö босытöны тыш былö — *Лои чуксавны, мед ог сёрмöй катан пароход былö* (абу дзик öнй мунан керöм былö индö). Но сэсся стöч колльöдöмсö серпасалгөн авторыс пыртö нин мöд сикас шörкыв — *а тыдовтчис нин катысь пароходыс*.

Шөркывъяслөн пассива вежортасыс артмё мёд сикас логикаа схема подув вылын:

дёман		тюни = тюни, кодёс дёмёны
керём	→	объект
гөгөрвоодыс кыв		гөгөрвоодана кыв

Керёмыс веськөдёма объект вылө (петкөдлө сійёс гөгөрвоодана кыв-йыс), субъектыс ортсыса да векджык овлө ловъя морт, пемёс, ловзьөдём персонаж. Шуам, *пыр новлан паськём, вуран дөрём* тэчасъяслөн керём вёчысыснас лооны йёз. Шөркывъяс пассива вежортасын артмёны век вуджан кадакыввужъяссыс: *Кыксёдз нин вайёдисны чёс лыдсё воысь-во нюжсёдан чёс туй вылас* (Г.Юшков).

Тайё вежортаса -ан суффикса шөркывъяс сёрниын да серпаса литерату-раын паныдасълёны шоча, сы вёсна мый найё бергалёны кызвынсё сёмын лёсялана ситуациясын, шуам, *Микол пондiс синсё вежлавны Гриш чужё-мысь чери туйс вылө, чери туйс вылысь урадник гётыр кийн куштан дзодзёг вылө* (П.Доронин). Танё **куштан** кыв индө стөч, конкретнөй керём вылө. Но шусьөгъасын да кывйёзъасын пассива вежортас вермё индыны уна кадё овлана керём вылө: **Коран** гёсьтлы чөдъя рок, **кортём** гёсьтлы кыдъя рок (шусьөг); **корталан** йёй (кывйёз).

Пассива вежортаса шөркывъяс артмёны кызвынсё стөч вежортаса када-кыввужъяссыс: **кыан** кепысь, **тишупан** керка, **вуштан** сёркни. Сёрниын шөркывъяслөн керём вёчысыс овлө куим нога:

а) тёдса субъекта шөркывъяс, кодъяслөн керём вёчысыс петкөдлёма ке-ранторъя вежлөгэ эмакывйөн. Сёрникузяяс: *Матыстчис художникёйн вёчан портрет дорё и Ваньё дядьлөн чойыс* (П.Шахов), *Вишкун Ласейёс шензьёдiс казнаёйн пöлучайтан* суммаыс (В.Юхнин);

б) öтувъя субъекта шөркывъяс, керёмсё вёчёны «ставён», «быдён», шуам, *Гөрд чой пöлөныс пуктан* видзьяс эмёс (Н.Куратова), ылысса **вөди-тан** муяс, *Печора ва вывті мунёны мортён* вёчём да **веськөдлан** теплоходъ-яс (П.Шахов);

в) төдтём либө урчиттём субъекта шөркывъяс, кодъяслөн керём вёчыс йывсыс юөртёмыс абу колана, вежортасыс гөгөрвоана сытөг: **Чайтан** мут-кырыс *кутиймакё серпасавсис* (Г.Юшков); **Лысьтан** стадаын 127 мёс (П.Шахов).

Видлалан шөркывъяслөн када вежортасыс петкөдлө шөр кадакыв-предикатён петкөдлём кад дорё öттиötтш мунан керём, шөркывъяс, татшём ногөн, индёны öнiя кад вылө, шуам, *Пеляд чуналан лөнъ лои* (Г.Юшков). Кывйын стөч контекстьясын -ан суффикса шөркывлөн öнiя кадыс вермё лёсявны шөр кадакыв-предикатлөн а) öнiя, б) локтан, в) колян кадъяс дорё, шөркыв вермё петкөдлыны тшötтш паськыд када керём да лоны вермана керём.

а) Сёрникузяын локтан када шөркыв-предикат дорё -ан суффикса өнія када шөркывъяс лөсялөны шоча, шуам, *Шырсьиштас пёран* пу увъяссё орчча *сулалан* нуяслысь, *кольтан* кодъ сулалан кольё (В.Чисталёв).

б) Тшөкыдджыка шөркывъяслөн када вежортасыс сёрниын лөсялө ка-дакыв-предикатлөн өнія кадлы, шуам, *Пызан* вылын *өзий* ичөтик *дзуган* лампа (Н.Дьяконов), *Шумөвөй* пытикобсё муртса *югдөдышт* лампайсы *усян* би (И.Пыстин) (актива вежортаса шөркывъяс), *гожём* кызкё *синмөн* *аддзан* өдъясөн *нюлышт* му эжсё (П.Доронин), *Сөмын* вазьыштём *син* да вомсыс *кылыштан* вина шом дукас и *петкөдлөны*, *бара* нин удитёма кода *кё* коста (Г.Фёдоров) (пассива вежортасаяс).

в) Медтшөкыда шөркывъяслөн өнія кад петкөдлөмыс лөсялө колян када кадакыв-предикатъяс дорё. Сэки шөркыв индө колян када кадакывкөд өттшөтш мунан керём вылө, шуам, *вөйысьыд* *зilis* кватитны *Миколлысь* *варччан* кисё, *сьылис* (П.Доронин), *Зонма-ныла* разөдисны *ваймём* *бипур*, *талялисны* *чусалан* өгыръяс (Г.Фёдоров) (актива вежортаса шөркывъяс); *Сьёкыда* лэдзчысис *пызан* вылө, *дөман* тюнисё *шыбитис* (И.Изьюров); *И энъ* сюзьёс *венис* аслас кыйсян *руыс*, *сатишкис* гыжъяссё *кылан* *вира* шоныдас (Г.Юшков) (пассива вежортасаяс).

Унаысь бергалөны сэтшөм шөркывъяс, кодъяс индөны оз стөча овлана өнія кад вылө, а век овлана, паськыд өнія када керём вылө. Татшөм керө-мыс вермас мунны кадысь кадö, шуам, *Курсистка* *Антонина* *Латкина* *вайө-ма* *Петроградысь* *шоча* *сюрлан* книга (Г.Фёдоров). Унаысь татшөм сяма вежортаса шөркывъяс артмөдөны зумыд тэчасъяс: *Тиын* *гудралан* *туша*, *Гөтыртём* мужикыд *кылалан* *чаг* кодъ, *Сёян* кыыд *кузь*, *И* *содтөд* *көвъял* сылы нэм чөж *кежлас* «чуркаён» *кыскалан* ним! (В.Чисталёв).

58 §. -Ана суффикса өнія када шөркыв

-Ана суффикс артмөма сёрөнджык -ан суффиксысь -а суффикс сод-тыссьөмөн. Суффикслөн татшөм паськалөмыс лои коми кывлөн ашшөр сөвмигөн нин, -ана суффикса шөркывъяс бергалісны нин XVIII нэмса коми гижөдъясын: *Прөстөйясёс* *ми* *босьтім* *енмөсьясёс*, *небесаувсаясёс* и *олөм* *керысьясёс* и *поланаясёс*. Йөзкостса поэзияын да сёрнисикасьясын -ана суффикса шөркывъяс бергалөны тшөкыда: *Питир* *карөй*, *шондйөй*, *нималана* да *муса* *вокö* (бөрдөдчанкывйысь), *өзъяна* *синъяс*, *сісьмалана* *лук*, *инмана* *пицаль*, *төдана* *йөз* да с.в. Коми гижөд кывйын -ан да -ана суффиксыяса шөркывъяс паныдасьлөны орччөн, отитор йылысь юөртиг. Синоним-шөркывъяссё сёрнитысь/гизысь пыртлывлө өти сёрникузя пытшкө либө орчча сёрникузясё, шуам, *Медся* *ёна* *Пушкинлысь* *сьылан-лыддяна* *гизжөдъяссё* «наизуч» *төда* (В.Чисталёв); — *Но, а ті* *мый* *шуанныд?* — *дзуртан* *гөлөсөн* *юалис* *Ёгор...* — *Эк ті!* ... *нөишта* *на* *дзуртана*

гөлөсөн горөдіс Ёгор (В.Юхнин). Ёнія серпаса прозаын -ана суффикса кывъяс (шөркывъяс да кывбердъяс) бергалёны -ан суффиксаяс серти тшөкыдджыка нин.

Уна примерысь позьё казавны, мый -ана вөчө шөркывлысь бөръя кывпельсө восьсаён, фонематика боксянь кодлөн тэчасыс татшөм со лоё — CV (консонант + вокал), шуам, *эс-ка-на, ко-ла-на, ту-йа-на, ви-зув-та-на, ну-а-на, су-а-на, ра-дей-та-на* да с.в. Восьса кывпеля шөркывъяссө шунысө лоё кокниджык, торйөн нин сэки, кор сы бөрын мунысь гөгөрвоодан кывйыс заводитчө консонант былө, примеръяс пыдди, *юасяна синъяс, стрёжситана писъмө, чайтана лоёмтор*.

Предикат пыдди бергалігөн шөркывъяс дорө вермө йитчыны -өсь уна лыда суффикс, коді шуанногнас бура лөсялө -ана дорө: *Синъясыс тәждыс-сянаөсь, думъясыс торъяланаөсь*. Позьё казавны, мый -ан + өсь кывпельяс шунысө ёна сьөкыдджык -ана + өсь кывпельяс дорысь. Кор шөркыв сулалө сёрникузяын медбөръя кывйөн либө торъя фразын медбөръяён, сэки тшөкыда вөдитчөны -ана суффикса шөркывъяссөн. Сёрникузяс: *Чужөмыс сьлөн абу шыбитана* (П.Шахов), *И ставыс эскана*, лоны *вермана* (В.Юхнин), *Тайө важ да вьль Тьдор костас торъялөмыс вөлі шыбитчана* (И.Изъюров).

Аслас грамматика вежөртас сертиыс -ана суффикса ёнія када шөркывъяс видлалөм нин -ан суффиксаясысь вуж выйө оз торъявны. Вежөртасыс вермө лоны сёрниын кык ногса.

а) Актива вежөртас индө сэтшөм керөм былө, коді петө гөгөрвоодана кывсянь, сійө пасйө субъектсө, шуам, *Ольöш сьөкыда лолыитіс, быттё шыбитіс вьвсьыс лямөдана сьөктасө* (В.Юхнин). Шөркывъяс тайө вежөртасас артмөны кызди вуджтөм (*мөвпалана чужөма морт*), тшөтш вуджана кадакыввужъясысь (*серпасъясыс вөліны гажтөмөсь, повзьөд-ланаөсь* (В.Юхнин)).

Ёнія гижөд кывйын актива вежөртаса шөркывъяслөн гөгөрвоодана кывйыс век пасйө ловтөмтор да шочасыс-шоча мортөс либө ловъя персонажөс, шуам, *Мицкевич сэки нин вөлі ылө нималана морт* (Г.Фёдоров); *тыдалана зон*. Гөгөрвоодана кыв векджык пасйө кутшөмкө эмтор, мортлысь торъяланлун, сёрни, чужөм, гөлөс, абстрактнөйтор либө вөр-валысь аслыспөлөслун. Примеръяс: *торъялана серпас, серам петкөдлана сёрни, дэльөдны көсьяна синъяс, пырыс йиджана видзөдлас; сэтөрөн сьөдалана синъяс* (П.Доронин).

Өткодявны кө шөркывйөн да кадакыв-предикатөн петкөдлан кадъяслысь пасьтасө, мунан кадколастсө, то позьё казавны, мый шөркывъяс пырджык пасйөны паськыдджыка мунан-овлан керөм. Сэк жө кадакыв-предикатлөн кадыс конкретнөя мунысь, векныдджык кадколаста, өткодялөм былө, *Медбөрын ставён нюзжөдісны Коми муөс лэпталане да славитана сьыланкыв* (В.Безно-сиков), *И колө тані вежөртө нартитана, сьөлөмтө сотана удж* (Г.Беляев).

б) Пассива вежортас петкөдлө сэтшөм керөм, коді ачыс веськөдөма объект вылө, сійөс пасйө гөгөрвоодана кывйыс. Керөмсө вөчысыс лоө ортсыс, сы вылө вермө индыны эмакыв либө нимвежтас керанторъя веж-лөгын. Сёрникузяс: — *Менам со, — кутчысис на Самарин да петкөдліс мөдөдана гижөдсө* (Г.Юшков), Пирогов. *Дона да ставөн пыдди пуктана көзайкалы, Ольга Степановналы, колхозной пөсь чолөм* (Н.Дьяконов).

Пассива вежортаса шөркывйөн петкөдлан керөмыс векджык овлө ка-дакыв-предикатлөн керөм сертиыс паськыджык, дырджык мунана: *Тані и Огашыдлөн петас дзебана* лөглуныд (Н.Куратова), *Бутаковсьянь вөлі письмөыс, но вузавлана* авиаконверт пытишкын (Г.Юшков). Татшөм паськыд када вежортасыс сёрниын вермө вуджны донъялана, абу веськыд вежөртасө, шуам, *А Любаыс, значит, сы дорын да тэ дорын — питшөгад новлөдлана* (П.Шахов), *Гашкө, эз чуж сійө йөзлы коланаөн, кудйө пуктанаөн, но ассьыс тай сьбөлөмсө небзьөдіс* (Е.Рочев).

Сы вөсна мый шөркывьяслөн керөмыс вуджө объект (гөгөрвоодана кыв) вылө, то сійө овлө пырджык дыр мунысь. Татшөм вежортасыс коми кывйын босьтлө ас вылас модальной рөм, стөча кө, индө потенциальной, быть лоана керөм вылө, шуам, *Водзджыксө, дерт, вунөдана сёрни на кос-тын муніс; да кутіс мөвпавны Вирия: абу эськө чужсьяна* морт Самари-ныс да (Г.Юшков), *Вась вөлі олана* морт на, но сьбөкыда олөмыс водз пөрысьмөдіс кызкө (В.Чисталёв).

Када вежортас серти -ана суффикса шөркывьяс, -ан суффиксаяс моз, вермөны индыны өттшөтш мунан керөм вылө кадакыв-предикатлөн петкөд-лана кад серти. Татшөм өттшөтш лоана керөмыс вермас мунны өти кадко-ластө өнія, локтан да колян када вежортаса кадакывьяскөд. Но -ана суффик-са шөркывьяс донъялігөн тыдалө өти төдчанатор: найө индөны паськыд кадколаста, абу стөч өнія када керөм вылө, шуам, *Сөмын и кылө ывла вы-лын войся пармалөн мөрччана* шувгөмыс (И.Торопов), *Но дзик жө батъ-ыслөн кодь вөлі сьлөн морттуйыс — өдийө өзьяна да крута босьтчана* (П.Доронин), *Кадыс сэки желлясяна* на вөлі, видзчысьны на коліс быдсяма йөй мыждөмсыйс (Г.Юшков).


Шөркывьяслөн татшөм торьялана аслысикаслун пондаыс уна шөркыв вуджөма нин кывбердө, дугдөма петкөдлыны керөм, примерьяс пыдди, *ту-яна, колана, сідз шусяна, шогмана, нималана, киргана, радейтана, пыдди пуктана, полана* да с.в.

59 §. -Өм суффикса колян када шөркыв

Колян када шөркыв артмө -өм суффиксөн, коді йитчө кыввуж либө кадакывдін бердө: *Локтөм* вокыс тишөктіс босьтны көин платтьө (мой-дысь). Бура төдчана колян када вежортас вөсна шөркывьяс тыдаvmөн торьялөны омоним-эмакывьясысь, шуам, *локтөм* вок «пришедший брат», *воклөн локтөм* «приход брата».

Грамматика вежортасыс -*ом* суффикса шөркывьяслөн тшөтш кык ногса, актива да пассива, коми кывйын унджык шөркывьяслөн кодь. Öткoдьявны кö -*ан* да -*ана* öнiя када шөркывьяскöд, то наыс öтдор сёрниын актива да пассива вежортасысын тайö шөркывьясыс бергалöны пöшти öтмоз тшöкыда. Лыдпасьяс вылö мыджсьöмөн позьö шуны, мый öнiя кадся серпаса прозаын шөркывьяс актива вежортасын босьтöны 60%, пассива вежортасын 40% став пасйöмьяс лыдыс. Позьö казавны тшöтш, мый бөрья кадö колян када шөркывьясөн гижысыя, журналистыяс вöдитчöны нöшта на паськыдджыка, пыртöны найöс сёрниас да гижöдьясас тшöкыдджыка. Шуам, «Чугра» романö Г.Юшков пыртö колян када шөркывьяс Виринея йылыс висьтасиг, сылыс аскылöмсö восьтiг: *Витысь гырыся воськовтiс Виринея чипас пöлöныс да ымöстiс бурмöм сьöлöмөн, зэлöдiс юр вывсьыс личалöм шальсö.*

Актива вежортаслөн лoгикаа схемаыс татшöм:



Актива вежортасын шөркыв индö сэтшöм керöм вылö, кодi петöма гöгөрвоöдан кывсянь (субъексянь), шуам, *брöд кöтасьöм көр ку ляс-кысьöма чужёмас* (Е.Рочев). Мукöд шөркывьяслөн актива вежортасысыс видлаланаыс торьялö сыөн, мый керöмыс оз вудж веськыд объект вылö, пöшти оз вермы лоны тэчасас веськыд объект (öткымын примерыс кындзи). Шөркывьясыс унджыкыс артмö вуджтöм кадакыввужьясыс: *доймöм морт, кымöм кияс, разöдчöм мосьяс, пöжсьöм йöв, лэчкын джагöдчöм сьöла, гыёрзьöм öшиньяс, банйöм пöсь тупöсьяс*. Вуджан кадакыввужьясыс артмöм шөркывьяс паныдасьлöны жö, шуам, *пöттöдз сёйöм зон, юыштöм мужичöй*. Но татшöм шөркывйыс лыда, кыввужыслөн вежортасыс танi абу вуджана, вуджтöм.

Шөркывйöн гöгөрвоöдан кывьяс кызвынсö нимтöны ловтöмтор, эмтор. Сöмын став примерсьыс витöд паяс гöгөрвоöдан кывйыс пасйö мортöс, ловья лолöс, пемöсöс. Татшöм шөркывьяс пиыс сöмын неыджыд пай эм сэтшöмьяслөн, кöни керöмсö вöчысьыс (индö гöгөрвоöдана кывйыс) ситуацияс пырö кыдзи ас вöляыс мыйкö вöчысь-керысь, зiль субъект. Сёрникузяс: *Сöмын на удж вылыс вoöм Митрей гозья батьöс моз примитiсны Прокопейöс* (В.Юхнин), *Стöч сы дiнö ранитöм да сунлöм утка петiс* (П.Шахов).


Ловья керöм вöчысьяслөн мукöд торьяланлуныс артмöма субъектлөн кöсйöмтöг, вöлятöг, кыдзи олöмын лoöмтор нин, шуам, *чужём кага, кулöм мöс, доймöм пон, вошлöм морт; Йöз тшыгьялöны, торйöн нин — вердысьястöг кольöм семьясын* (И.Торопов). Татшöм сямa керöмыс вермö

петкөдлыны тшөтш сэтшөм помасьөм керөм, коді петкөдлө субъект-лысь кутшөмкө вежсьөм: **кынмөм** йөз, **мудзөм** отряд, **кольмөм** морт, **повзьөм** йөз; *А гажмөм йөзыдлөн и сёрниыд да басниыд унджык* (В.Юхнин). Кыдзи аддзам, керөм вөчысьлөн вөляыс татшөм сяма шөркывьясын оз тыдав.

Мукөд шөркывьяскөд өткодялөмыс петкөдлө, мый актива вежөртаса ко-лян када шөркывьяс зэв тшөкыда петкөдлөны торъяланлун, сылысь артмөм да вежсьөм. Примерьяс: **варовмөм** тувсов шорьяс (Г.Фёдоров), **вижө-дыштөм** гырысь пиньяса Прошка (Я.Рочев), **косьмыштөм** керч, **турунзьөм** эжа, **Руддөдөм** керка вөлі важ нин (В.Чисталёв), **южмөм** туй да с.в. Актива вежөртаса шөркывьяс артмөны тшөтш конкретнөя овлан керөм петкөдлысь кыввужьясынь, шуам, *армеечьяс лымйөн на тыртальиштісны* **водалөм** йөзөс (Г.Юшков), *Куратов аддзис Сандралысь доймөмысла* **чукьртчылөм** *чужөмсö* (Г.Фёдоров).

Актива вежөртаса -өм суффикса шөркывьяслөн шоча овлө керан вежлөгөн петкөдлөм веськыд объект, шуам, *уна зөр* **сөйөм** вөв, *план* **тыртөм** *бригада, шудсö* **воштөм** нывбаба.

Пассива вежөртас артмө логикаа татшөм схема подув вылын:



Пассива вежөртаса колян када шөркыв петкөдлө сэтшөм керөм, коді вөлі веськөдөма объект вылө, сы вылө индө гөгөрвоодан кывйыс: *Ас пөсьөн* **перйөм** *няныд медся чөскыд* (шусьöг). Пассива вежөртаса шөркывьяс век артмөны вуджан кадакыввужьясысь, шуам, **пысавлөм** моляс, **чукөртөм** *коль, косьтөм* *чери, повзьөдөм* *лэбач, пуйөм* *шыд* да с.в. Видлалан вежөрта-са шөркывьяслөн керөм вөчысьыс век лоö ловья морт, пемөс, ловзьөдөм персонаж. Но өткымын шөркывлөн субъектыс оз вермы лоны, шуам, *Сылөн* **письтиалөм** *чужөмыс став сернас вөлі гөрдөдөма* (П.Доронин). Тайö морттөм кадакывйысь артмөм шөркыв артмөма *письтиавны чужөмсö* кыв-тэчасысь.

Пассива вежөртаса став мукөд шөркывьяс субъект вылө индөм боксянь юксьöны куим чукөр вылө:

а) Урчитөм, төдса керөм вөчыся шөркывьяс, субъектсö вермө петкөд-лыны тэчаспытшса веськөдлан кывйыс керанторья вежлөгын (*Пöрысьладор* *веськалі жö* **енмөн сийөм** *удж вылө* (Я.Рочев), *Найö Сыктыв ю кузя петісны* **лыаясöн каймаалөм** *Эжва ю вылө* (П.Доронин)), асалан вежлөгын (*Бать* *мунö* *тувсовья гөрны* *Митрей Вась йөрö, пöльыслөн на вöчлөм* *йөрö* (П.Шахов), *Оз нин ёна пазöдны* **енмыслөн на сетөм** *мича да сөстөм вөр-*

васö (И.Торопов)). Шочиника сёрниын паныдасълöны сэтшöм шörкывъяс, кодъяслысь субъектсö петкöдлö нимтан вежлöга эмакыв; тайö кывлөн важся аслыспöлöслун, пример вылö, **Ош косявлöм кодъ паськöмыс** (кывйöз). Керöм вöчысьсö вермö урчитны контекст, сёрникузялөн öтувъя юöртан-торйыс: *сийö вöли Гриш семья пытикын пöвадитыштöм лелькуйтöм кагаён* (П.Доронин). Танi шörкывъяслөн керысьнас лöö Гриш семья.

б) Шörкывъясын вöчöм керысьыс абу торъя морт, а быд морт, йöз, став коллективыс, тайö öтувъя субъекта шörкывъяс. Сёрникузяс: **Янöдöм зон мöдiс видзöдны öшинь пыр** (В.Юхнин), *Сийö öд нежитöм кагаяс босьтö во-мидзыд* (Н.Куратова).

в) Урчитгöм керыся шörкывъяс паськыда бергалöны кывйын. Найö вежöртаснас медводз пасйöны объектлысь сэтшöм торъяланлун, кодi кутö результат вылö индöм, шуам, **шырöм юр**, дöраён **эжöм пась**, **öжигайтöм гöрд пач**, **тишынöм** *клянича торъяс*, **донöдöм** *из*. Вежöртасыс некыз абу йитчö-ма керöмлысь субъектсö петкöдлöмкöд, татшöм вежöртаса шörкывъясас сийö абу тöдчана: *Турунъяс вылын сулöдöм вина эм* (Н.Куратова), *Гу вылö во-исны став дасълунöн*, **октöм** *пицаляöсь* (В.Юхнин).

Колян када шörкывъяс торъялöны мукöд шörкывъясысь аслас тыдала-на када вежöртаснас. Помасьöм керöмсö шörкывъяс петкöдлöны сёрнику-зяса шör кадакыв-предикатлөн када вежöртас дорö йитöдын. Шörкывъяслөн помасьöм керöмыс вермас лöсявны кадакыв-предикатлөн а) локтан, б) öнiя, в) колян кадлы, а сiдзжö вежöртасыс вермö лоны ашшör, мортасян када-кывкöд йитчйтöм.

а) Локтан када кадакыв-предикат бердын шörкывъяс, дерт, оз вермыны юöртны збыльысь вöвлöм керöм йылысь. Но татшöм керöмыслөн вежöр-тасыс абу веськыд. Шörкывъяс кутöны сэтшöм када вежöртас, быттьöкö керöмыс бытён лоас, лоас быть татшöм сяма результат, шуам кöть, **Öзйöм битö он нин кусöд** (В.Чисталёв), *Лымсьыс мездысьöм места аддзам лун бансьыс* (Н.Куратова), *Сийö кайис вышка вылö, мед видзöдны да нимкодясь-ны, кызди мöдасны котравны повзьöм йöз* (В.Юхнин).

б) Öнiя када кадкыв-предикат бердын шörкывъяс индöны урчитана када вежöртас кежлас помасьöм керöм вылö: **Личалыштлöны** *пелейлөн ззлалöм лямкаяс* (Е.Рочев), *Водзö чургöддчöм усьяса пон овлö скöрджыкөн* (В.Юхнин), **Мерайтöны** *зорöдъяс*, **корсялöны** *кодöнсюрö чукöртöм турун* (И.Изьюров).

в) Колян када кадакыв-предикат бердын шörкывъяс бергалöны медся тшöкыда. Сэки найö индöны помасьöм керöм вылö, примеръяс пыдди, *Микол мыччис сылы берегас лякöссьöм пелыссö* (П.Доронин), **Калькалiсны** *сибдылöм сюръясыс* (Е.Рочев).

Сёрниын шörкывъяс вель тшöкыда вермöны пасйыны сэтшöм помасьöм керöм, кодi веськыдасö абу йитчöма некутшöм кадакыв-предикаткöд. Сийö ачыс колян кад йылысь ашшör юöртысь, тшöкыда öткодьялан кывтэчасъясын:

*А унмыс разаліс, кыдзи трубаысь вёля вылө **петём** тиын (Г.Юшков), Ныв восьтіс пув дзоридзьяс моз **сяркнитчём** еджыд пиньяссё (Е.Рочев), **Вартём** сю кольта моз Уляшов тувгысис посводзас (И.Пыстин).*

60 §. -Ӧма суффикса колян када шӧркыв

Видлалан шӧркывьяс паськыда бергалӧны сёрнитан кывйын, сёрнисикасьясин. Весиг сэнї наӧн йӧзыс вӧдитчӧны тшӧкыджыка гижӧд кыв серти, шуам, **гӧрӧма** му, **кодзӧдӧма** меж, **эндӧма** пӧч, **пӧжалӧма** нянь, **судитӧма** йӧз, **кӧрӧма** сарапан, **косытӧма** чери. Коми гижӧд кывйын, мӧдарӧ, авторьяс шоча вӧдитчӧны -ӧма суффикса шӧркывьясӧн.

История боксянь кӧ видзӧдлыны, -ӧма суффикс артмис сёрӧнджык -ӧм суффиксысь -а содтысьмӧн. Паськӧдӧм -ӧм + -а суффикс артмӧм вылас вӧліны сідзжӧ фонетикаысь помкаяс, тшӧтш -ана суффикс артмӧн моз. Тайӧ суффикса шӧркылыс помасьӧ восьса кывпель вылӧ да кокниа бергалӧ сёрнитан сям, артикуляция боксянь.

Коми прозаын -ӧма суффикса шӧркывьяс паныдасьлӧны кыдзи: а) гӧгӧрвоӧдысь кыв, б) предикат, в) эмакыв пыдди мунысь, субстантивируйтчӧм шӧркыв. Уна ӧнія коми кывйӧн сёрнитысь -ӧма суффикса шӧркывсӧ гӧгӧрвоӧдысь кыв пыдди сёрниас оз пырт, но литератураын авторьяс тадзи, кӧть шочамоз, вӧдитчӧны. Сёрникузяс: *Юрий пӧд, велӧдчӧма мортӧ — гашикӧ, тэ гӧгӧрвоан менӧ* (П.Шахов), *Салдат Иван довкнитіс кульӧма тушалань* (И.Торопов), *Песім кывйӧн сідз и тадз, Мыйысь водзті повлім. Весиг **векньӧдӧма** гач Ышнясьмӧн новлім* (Г.Юшков). Тшӧкыджыка видлалан шӧркывьяс бергалӧны торйӧдӧм юкӧнъяс туйын, шуам, *И петіс Надя кабинетсьыс, скӧр, гӧрдӧдӧма* (Н.Куратова), *Мудзӧма, кок йывсьыс усьӧ, Воис Вируinea гортас* (Г.Юшков). Торйӧдӧм шӧркыв овлӧ нӧшта парцелляция пыдди: *Ок и вичко миян вӧвлі! Кирпичысь тэчӧма, ыджыд да мича* (Н.Куратова), *И кыкнанныслӧн киас ружйӧ. Зарадитӧма* (И.Торопов). Предикат пыдди бергалысь шӧркывьяслӧн тӧдчӧ торьяланлун петкӧдлан вежӧртас. Сёрникузяс: *Ванӧ сулалӧ кыр йылын, пӧт сійӧ и мудзыитӧма* (И.Торопов), *Праздник миян.>Addзан, ме кутишӧм вӧччӧма?* (П.Шахов), *Йӧзыс шаньӧсь-шаньӧсь, бурӧсь, велӧдчӧмаӧсь* (И.Изьюров). Эмакыв пыдди мунӧн шӧркывьяс дорӧ йитчӧны индан-асалан да вежлӧг категорияслӧн суффиксыс: — *Йӧз кыйӧмаыд* миянлы оз ков; *Бытьӧ висьталӧ Ваньӧлы важӧн вӧлӧмаыс да кольӧмаыс* йылысь (И.Торопов). Эмакывйӧ тырвыйӧ вуджӧм шӧркывьяс пыр кутӧны -ӧма суффикс: *воӧма* «приезжий», *пӧрӧма* «ветролом», *кӧрӧма* «женская рубашка», *кырӧма* «обрыв».

Грамматика юӧртантор боксяныс видлалан шӧркывьяс ӧткодьӧсь -ӧм суффиксаяскӧд, найӧ кутӧны актива да пассива вежӧртасьяс. Ак т и в а вежӧртаса шӧркывлӧн керӧмыс петӧ субъектысь (индӧма гӧгӧрвоӧдан кывйын), примерьяс пыдди, *воӧма* йӧз; *Налим Мишкаӧс пӧ аддзӧмаӧсь гидсьыс джагӧдчӧмаӧн* (В.Юхнин), *разьсьӧма* кӧсяса ныв. П а с с и в а

вежортаса шөркывьяслөн керöмыс, мöдарö, веськöдöма объект вылö (петкöдлöма гöгöрвоöдан кывйöн), шуам, *Босьтис Ваньö кias чумансö — пуысь лöсйöма кодь ён* (И.Торопов), *Эновтöм пу баржа, джынвийö нин лыаалöма, потиис сылы туйсö* (Г.Юшков), *Кöса сылөн абу ёна ыджыд, кöлачöн гартыштöма балябöжас* (Н.Куратова). Татчö колö торйöн пасйыны, мый -öма суффикса шөркывьяслөн пассива вежортасыс сёрниын да гижöдын паськалöма тöдчымöн ёнджыка активнöйысь. Када вежортасыс шөркывьяслөн тöдчö ярьюгыда. Найö пасйöны сэтшöм помасьöм нин керöм, кодi вермö лöсявны сёрникузяын кадакыв-предикатлөн öнiя, локтан, колян када вежортас дорö. Шуам, татшöм сёрникузяын — *Свежовлы тайö висьталöмыс мыйлакö парскис, эз кажитчы сьöлöмсянь шуöмаöн* (В.Юхнин). *Шуöма* шөркывлөн вежортасыс индö помасьöм керöм вылö сёрникузяса шөр кадакывлөн кад дорö.

61 §. -Тöм суффикса соссяна шөркыв

Öнiя коми гижöд кывйын суффиксыс йитчö кадакыввуж, кадакывдiн бердö: *Водзö мунтöм сёрни* (кывйöз), *Гöгөр куйлисны помасьлытöм кöдза муйс* (В.Юхнин). Сёрнитан кывйын, сёрнисикасьясын паныдасьлö -тöма паськöдöм суффикс, кодi артмöма -тöм + -а ногөн, кызди артмöны -ана да -öма суффиксьяс. Паськöдöм суффикса шөркывьяс бергалöны бöрдöдчанкывьясын: *Вердан-вердысь чинлытöма морей да бырлытöма саридзöй*. Гижöд кывйын паськöдöм суффиксыс оз бергав. Соссяна шөркывьяслөн вежортасыс аслысикас, сийö тшöкыда оз сöмын инды вöчтöм либö мунтöм керöм вылö, но сетö гöгöрвоöдан кывйислы стöч характеристика, мый вöсна -тöм суффикса шөркывьяс тшöкыда бергалöны йöз сёрниын, йöзкостса поэзияын, фразеологизмъясын. Сёрникузяс: *Шуд да шог — торйöдчывтöм* кык вок, *Бöрдтöм кагатö оз качайтны, Кагаыд — эштытöм* удж. Унаысь шөркыв тэчаслөн вежортасыс вуджöдöм, абу нин веськыд, шуам, *Гидысь нетавтöм* кукань кодь (*рам, яндысьысь*), *артмывтöм* нянь кодь (*абу лючки, тырмытöмторъяса*), *Куслытöм* сисьöй менам, *муса пий!*, *Быд сёрни сылөн виявтöм* дозийн (*абу больгысь*). Коми поэзияын -тöм суффикса шөркывьясöн вöдитчöны тшöтш кужöмөн. Сидз, И.А.Куратов öти кывбурын гижö: *Волытöм гöсьт шуд тай; сийöс Виччысигас кымын тош дзормис...* Кывбуралысь öткодялö шудсö волытöм гöсьткöд, кодi ёна виччысьöм вылö видзöдтöг эз и пырав. Коми гижысьяс шоча на вöдитчöны соссяна шөркывьясöн, кöть юöртöм сетöм да эстетика боксянь налөн позянлуныясыс зэв гирысьöсь.

Унджык коми шөркывьяс моз соссяна шөркывьяслөн юöртанторйыс овлö актива да пассива. А к т и в а в е ж ö р т а с петкöдлö сэтшöм керöм, кодöс оз вöч либö эз вöч субъектыс (петкöдлöма гöгöрвоöдана кывйын): — *Баранйöтисны бурдтöм* ранаяс вылас, *шыбитисны тюрьма пельöсö* садя нисьö *сadyтöмöс* (И.Пыстин). Керöмыс петö керöм вöчысьсянь, шуам, *Ми весиг*

гижссытёмось на (Н.Дьяконов). Збыльсысьсö öтувья юöртантор донъялöм боксянь керöмыслöн вежöртасыс киритана. Кызвын шöркывйыс актива вежöртасын вуджтöм либö вуджана, но сёрниын кутö вуджтöм вежöртас, шуам, *увтчитём пон*; *Лёсаятём руд синъяса сулаліс Самарин* (Г.Юшков). П а с с и в а вежöртаслөн логикаа схемаыс мөд сикас: шöркывйöн петкөдлан керöмыс вуджö объект вылö (индö гөгөрвоодана кывйыс) — *Ректытём тыла кодь керкаыс*; *Эз вöв сылөн чибöйд сынавтём-чиститём*, ни сийöс-заводыд *лөсьöдтём-дзоньтавтём* (Н.Куратова). Дерт, öтувья юöртантор боксяныс керöмыс шöркывлөн соссяна, сийö оз мун олöмас, оз овлы збыльсысьсö. Став шöркывйыс татшöм вежöртасын артмö вуджана кадакывдинъяссянь, шуам, *Шковкылö-чегö орöдтём сьöмөслөн сöныс* (В.Чисталёв), *Таöдз на картунель йöрса зорöдтор дорын дөддьявлытём чань пöрөдöма ошкыс* (И.Торопов). Пассива вежöртаса шöркывьяслөн керöм вöчысыс век ловья морт, пемöс, ловзьöдöм персонаж. Сёрникузяс: *Но эм и история (гижтём на) ур йылысь, вöралöм йылысь* (В.Чисталёв), *Вера эз вермы аддзыны помка дорйыштны думышттём көсйöмсö* (В.Юхнин). Татшöм вежöртаса шöркывьяслысь субъектсö петкөдлöны керанторья вежлöга эмакывьяс да нимвежтасьяс, шуам, *енмён казътывтём грезд*; *Не-ыджыд яг нöрыс, кытчö Илья вайöдiс Верайс, вöлі некодöн на вöрзьöдлытём пожöмаин* (В.Юхнин). Унджыкысьсö субъектыс шöркывьяслөн урчиттöм, тöдтöм, öд логика боксянь керöм йывсыс соссьöма, сийö эз вöв либö оз мун: *Лои кежны туй вылысь да узъмöдчыны вундытём шобдi му борйын* (В.Юхнин), *кортём гöсьт, Лөсавтём да гогнавтём зыр кодь, Йнавтём кольта кодь* (кывйöзьяс). Кодыр -тём суффикса шöркыв бергалö тэчаса предикат пыдди *лоны* кадакывкөд, сылысь вежöртассö он гөгөрво актив да пассив боксяныс. Медтöдчанаыс лоö киритана вежöртаса керöм, шуам көть, *Да öд карас ветлытём лоö* (В.Юхнин), *Торкис эсйö йöйыс, да бурджыка тöдмасьтём лои* (Г.Юшков).

Када вежöртас петкөдлöм боксянь донъялан соссяна шöркывьяс торьялöны мукöд коми шöркывьясыс: найö петкөдлöны паськыд када вежöртас: öнiя мунанаöс да помасьöмөс нин. Корсюрö öти сийö жö шöркывйыс вермö индыны торья контекстьясын и öттшöтш мунан, и вöвлöм нин (збыльсысьсö вöвлытём) керöм вылö. Öткодялöй кык сёрникузя: 1) *Сейтём морт оз овлы*; 2) *Пачын рокыс сейтём на*. Медводдза сёрникузяс *сейтём* индö паськыд öнiя када вежöртас вылö, а мөдас сийö жö шöркывйыс индö сэтшöм керöм вылö, кодi эз на вöвлы шöр керöмлөн кад либö сёрнитан здук кeжлö.

Соссяна шöркывьяс сёрниын к у т ö н ы к ы к к а д а в е ж ö р т а с : а) сэтшöм керöм, кодi оз мун сёрникузяс медшöр кадакывйöн индан кадкөд öттшöтш, öти кадö: *Бөрөтём кагайс оз качайтлыны*; б) керöм, кодi эз на вöвлы сёрникузяс медшöр кадакывйöн индан процесс мунтöдз: *сейтём на рок*. Кыкнан када вежöртассö вермöны петкөдлыны и актива вежöртаса, и пассива вежöртаса шöркывьяс: а) Соссяна шöркывлөн да сёрникузяс кадакыв-предикатлөн керöмьяслысь öти кадö, öттшöтш мунöмсö петкөдлö

тшөкыдджыкасö актива вежöртасыс. Шöр кадакывйыс сёрникузяын вермö сулавны локтан, öнiя да колян кадъясын. Предикат-кадакывлөн керöм мунiгөн шöркывлөн керöмыс оз мун. Сёрникузяяс: *Петырлы зэв кажитчö кулакөн шенасътöм тайö командирыс* (И.Пыстин), *Ручпиянсаяс дзик прöста сийöс лыддьöны некодкöд лöсъятöм мортөн* (В.Юхнин). Пассива вежöртаса соссяна шöркывъяс тшöтш вермöны петкöдлыны сэтшöм керöм, кодi оз мун шöр кадакывлөн керöм мунiгөн, шуам кöть, *Татшöм виччысьтöм юалöмъясыд Митрейлөн овлöны* (В.Юхнин), *Быд морт олöмын овлöны вунöдлытöм* лунъяс, *Рöдыс налөн абу киö босыттöм* (сёрниысь). Пассива вежöртас öнiя кадсö петкöдлö сёрниын шоча. Видлалöм када вежöртаса шöркывъяслы паныд сулалöны öнiя када юöртана шöркывъяс, öткодьялöм былö, *кывзысьтöм юрси* — *кывзысьысь, кывзысян юрси*; *кулакөн шенасътöм командир* — *кулакөн шенасъысь командир*. б) Соссяна шöркывлөн керöмыс абу на вöлöма шöр кадакывлөн керöм мунтöдз, сылөн заводитчытöдз. Татшöм вежöртассö вермöны петкöдлыны актива вежöртаса шöркывъяс, шуам, *пыркнитiсны ас вывсьыс сывны удиттöм* лымсö (В.Юхнин), *Варнаков муртса синмалiс да ньöти вöрзъывтöм чужöмөн кывтiс дiнтiыс* (Г.Юшков). Тшöкыда татшöм када вежöртассö ёнмöдö на кывтор: *Митин сы дiнö велавтöм на* (Е.Рочев), *Герман. Да мен вежсьыны на колö. Сёйтöм на и* (Г.Юшков). Но медся тшöкыда да кокниа шöр кадакывлөн керöм мунтöдз вöвлытöм на процессö петкöдлöны коми кывiын пассива вежöртаса соссяна шöркывъяс. Налөн керöмыс сёрникузяын вермö лöсъяны öнiя да колян када шöр кадакывкöд (предикаткöд), шуам, *Тайö гижтöм законыс кысьсö уна нэм чöж* (В.Юхнин), *Коркö Ленва мöдлапöлас, ытшкытöм на видз помас, сувтiсны йöграяс* (Г.Юшков). Татшöм вежöртаса шöркывъяс тшöкыда бергалöны кызди нима предикатъяс, пассива конструкция артмöдiг: — *Сийөн и некор. Пачöй ломтывтöм. Понийöй вердлытöм* (Г.Юшков), *буракö, косытитöм вöлöма тöбöкыс* (Е.Рочев). Татшöм када вежöртаса соссян шöркывъяслы воча лöсъялöны колян када шöркывъяс, öткодьялöм былö, *гöртöм му* — *гöрöм, гöрöма му; сёйтöм-ютöм морт* — *сёйöм-юйöм морт*.

62 §. Ногакыв

Öнiя коми гижöд кывiын, йöзкостса поэзияын, сёрнитан кывiын бергалö уна ногакыв. Торъя ногакывлысь суффикс эрдöдiгөн кутам тöд вылын татшöмторъяс: 1) медым быд суффикс торъялiс мукöдъясысь аслас шуанног сертиыс, содтöд элементъясөн (-иг → -игöн); 2) медым тэчаса суффикслөн вöлi аслас ашöр грамматика вежöртас (-игкостi, -игад, -анмоз, -öммоз); 3) вокал шыяслөн торъяланлун вöсна некымын ногакывлөн эмöсь суффикса вариантъяс, шуам, -игтыръя да -игтырйи, -игкостi да -игкоста. Бөръя аслысикаслуныс артмö сы вöсна, мый сёрнитысьяс да гижысьяс пыртöны аслас сёрнисикасьясын бергалан суффиксьяссö, кодъяс сзэся гижöд кывiын артмöдöны варианта суффиксьяс. Öнiя гижöд кыв материал подув вылын

позьö торйöдны татшöм ногакыв суффиксыс, кодъясысь быдöн артмöдö аслыныслысь грамматика сикасьяс. Коми ногакывъяс костын ёна паськалöма грамматика синонимия, уна ногакыв кутö öткодь сяма вежöртас. Дженьыда вайöдам найöс:

- 1) **-мысьт** суффикса колян када ногакыв: *Пасьтавмысьт* виль паськöм, важ вылö видзöдiг, шензьö гöль морт (И.Куратов),
- 2) **-иг(-іг)**, уна лыда **-игъяс(-ігъяс)** суффикса öнія када ногакыв: *Паръясыс пöсь рудн ыпайтіг* вашкöны-вашкöны мыйкö мелiс, сьöлöм дiнö лясанаöс (Н.Куратова),
- 3) **-игö(-ігö)**, уна лыда **-игъясö(-ігъясö)** суффикса öнія када ногакыв: *Вöскресеннö луннас Марья Коль лöсьöдышитіс воддза волігъясö* заптöм нес чипассö (А.Попов),
- 4) **-игөн(-ігөн)**, уна лыда **-игъясөн(-ігъясөн)** суффикса öнія када ногакыв: *Дзодзöгъяс, дзодзöгъяс! Ставныд ті бордъяöсь. Уна му аддзылад Лэбзигён саридзad* (В.Савин),
- 5) **-игам(-ігам)**, уна лыда **-игъясам(-ігъясам)** суффикса 1 морта öтка лыда öнія када ногакыв: *Кöть мөвпалігам* кольмис менам юр, а планыс лои бур (М.Лебедев),
- 6) **-игад(-ігад)**, уна лыда **-игъясад(-ігъясад)** суффикса 2 морта öтка лыда öнія када ногакыв: — *Сійö нö мый, а тэ помнитан, кызди сэтöр сёйигад* вöлыд повзёдiс (И.Белых),
- 7) **-игас(-ігас)**, уна лыда **-игъясас(-ігъясас)** суффикса 3 морта öтка лыда öнія када ногакыв: *Чуалігас* ошкыд ок пö скöр (Г.Фёдоров),
- 8) **-иганым(-іганым)**, уна лыда **-игъясаным(-ігъясаным)** суффикса 1 морта уна лыда öнія када ногакыв: *Катіганым* на дзикöдз усим сьöлöмнаным: быдлаын паныдалісны вуграсьысьяс (Г.Юшков),
- 9) **-иганыд(-іганыд)**, уна лыда **-игъясаныд(-ігъясаныд)** суффикса 2 морта уна лыда öнія када ногакыв: — *Нежнiйöсь öд ті, контораад пукаліганыд* (Н.Куратова),
- 10) **-иганыс(-іганыс)**, уна лыда **-игъясаныс(-ігъясаныс)** суффикса 3 морта уна лыда öнія када ногакыв: *Сгöдитчас и татшöм кöрымыс, мöсьяс асьныс чирсасны-изасны сёйиганыс* (В.Безносиков),
- 11) **-игмоз(-ігмоз)** суффикса öнія када ногакыв: *Гартча* гумыль вабергачын. *Гартчигмозыс* швуча-швача уся-кача, уся-кача (А.Лужиков),
- 12) **-игсор(-ігсор)** ~ **-игсорён(-ігсорён)** суффикса öнія када ногакыв: *Весиг* пöчö, синва *чышикигсор*, мыйкö пунктö сылы питиöг тиас (В.Елькин),
- 13) **-игтыр(-ігтыр)**, **-игтырий(-ігтырий)** ~ **-игтыръя(-ігтыръя)** суффикса öнія када ногакыв: *Бадь* кустъяссянь *тiньгигтырий* чепöсйисны палялöм намъяс (В.Безносиков),
- 14) **-игчöж(-ігчöж)** ~ **-игчöжён(-ігчöжён)** суффикса öнія када ногакыв: *Унджыкыс сьылiгчöжыс* керкасьыс ывлаас жöдзисны (Б.Шахов),
- 15) **-игкості(-ігкості)** ~ **-игкоста(-ігкоста)** суффикса öнія када ногакыв: *Чайсö юигкості* и лэччис шондiыс (Г.Юшков),
- 16) **-игкежлö(-ігкежлö)** суффикса, вöвлытöм-лоана керöм вылö индысь

ногакыв: *Баракным мян абу на удитома важмынысö, шыльыда лөсйом стенъяс весиг, мян воигкежлө бура мыськөмайс-пелькөддөмайс* (И.Торопов),

17) **-ана(-анаа)** суффикса өнія када ногакыв: *Локтис пөчөыс да лөвтана висъталіс: — Бара нин война! (Г.Юшков), — Эм, эм, — нывсө доръянаа шыасис Зинаида Филаретовна (В.Безносиков),*

18) **-анмоз** суффикса өнія када ногакыв: *Пөрчысянмозыс и паніс сёрни Анастасия Васильевна (Н.Куратова),*

19) **-өмөн** суффикса өнія да колян када ногакыв: *Зібъясөмөн берег пөлөн Пёрысь старик катө (В.Савин),*

20) **-төг(-төгъя)** суффикса өнія да колян када соссяна ногакыв: *Ен мем сетөм, Йөр тыр петөм Петшөр... Оз ков койны, Видзтөгыс оз сёйны!* (И.Куратов),

21) **-төдз** суффикса вөвлытөм на керөм петкөдлысь ногакыв: *Пемдыны за-водиттөдз на туй йөз петісны керөс былө (Я.Рочев).*

Грамматика вежөртас петкөдланног боксяныс коми ногакывъяссө позьö юкны торъя чукөръяс былө сы серти, кутшөм када вежөртас былө найö индöны сёрникузяын. Та серти позьö торйөдны ногакывъяссө 4 торъя чукөрö, кодъясысь медся гырысьнас лоö өнія када (өттшөтш мунан) керөм петкөдлысьыс. Мукөд чукөръясас эм сөмын öти-кык ногакыв. Став системасö позьö петкөдлыны тадзи:

Када вежөртас петкөдланног

1	2	3	4
вөвлөм керөм былө индö	өнія када өттшөтш мунан керөм былө индöны	өнія-колян када керөм былө индöны	лоана (вөвлытөм) керөм былө индöны
-мысьт	-иг(-ig) -игö(-igö) -игөн(-igөн) -игам(-igам) -игад(-igад) -игас(-igас) -иганым (-igаным) -иганыд(-igаныд) -иганыс(-igаныс) -игмоз(-igмоз) -игсор(-igсор) -игтыр(-igтыр) -игчөж(-igчөж) -игкості (-igкості) -ана(-анаа) -анмоз	-төг -өмөн	-игкежлө -төдз

Када вежортас петкөдланног серти торьялө 4 абу öтыджа чукöр, мед-ся ыджыднас кодьясысь лоö öнiя (öттшöтш мунан) керöм петкöдлысьыс. Сэтчö пырö 16 ногакыв сикас, кодьяс ас костаныс артмöдöны грамматика озыр синонимия. Сидз, коми кывйын уна ногакыв индö öткодь керöм вылö, унаысь татшöм сяма ногакывьяс сёрникузяын бергалöны öтсьяма членьяс пыдди. Сёрникузяяс: *Рöман ружтiгтыр* кыпöдчис кöрт зыр вылас *мыджсьöмöн* (И.Пыстин), *Корöсясьöм бöрын Доментий вылыс джоджас на кайис, дыр и швачöдчис okayтiг да акайтiгтыр* (В.Напалков), *Кодкö лыасö лэдзигмоз, исковтöмöн лэччис* кыр йывсяныыс да зэв тöдса гöлöсöн юалис... (И.Белых). Унаысь овлö сидзи, мый ногакывьяс йитчöмны торйöн аслас кадакывьяс бердö, но петкöдлöны öткодь сяма вежортаса содтöд керöмьяс, шуам, *Катерина мытишлалiг да джöмдалiг вöсьлалiс тöдса ордымöд гортланьыс, шлёнгис-мунiс нем мöвпавтöг, ас пытикöсас кывзысиг* (А.Лыуров). Ногакыв-синонимьяс сёрниын вермасны сулавны дзик орччöн, но сэки бöрынджык сулалысь ногакыв вермö веськöдлыны водзын сулалысьнас, шуам, *Тадзи мöвпалiгтыр мунiгöн Öльöксей пырис вöр дiяскостса сёртасö* (В.Безносиков). Танi мунiгöн ногакыв йитö ас бердас мöвпалiгтыр ногакыв. Сёрниын унджыкысьсö ногакывьяс лоöны öта-мöд дорас оз дзик стöч грамматика синонимьясöн, налөн эмöсь торья рöма вежортасьяс. Шуам, öти сёрникузяын *кералiг да сувтöдлiгкостi* ногакывьяслөн грамматика вежортасьясыс, кöть и öткодь сямабсь, торьялыштöны: *Но пыкöдьяс кералiг да найöс сувтöдалiгкостi* Педьöös *панйисны* — зорöд гöгöрыс юрьясö ваялисны (Б.Шахов). Танi сувтöдалiгкостi ногакыв стöча тöдчöдö, мый Педьöös панйисны буретш сийö каднас, кор сийö сувтöдалiс пыкöдьясö, эз водзджык ни эз сёрджык, а буретш сэки. Коми кывйын ногакывьяслөн грамматика öбичаыс да вежортасыс аслысьяма, сийö ёна торьялö роч кывса ногакывьясысь. Ногакывлы сетлöны дзик жö сэтшöм гöгöрвоöдöм, кызди роч грамматикаясын: ногакыв — сийö кадакывлөн сэтшöм морттöм сикас, кодi петкöдлö содтöд керöм да öтүвтö кадакывлысь и урчитанлысь аслыскасуньяс, сёрникузяын бергалö обстоятельство пыдди, шуам, *Мунöны нопъя йöз ю дортi, яг пöлөн, Тувсовъя сынöдöн чöскыда лолалiг. Вöськыда мунöны пыр, Шондiлань видзöдiгтыр* (В.Лыткин). Танi збыльысь, лолалiг да видзöдiгтыр ногакывьяслөн öбичаыс роч кывья кодь: найö оз вежласьны, гöгöрвоöдöны шöр кадакывсö. Но татшöм сяма гöгöрвоöдöмыс коми ногакывьяслы векныд, сийö оз шымырт налысь грамматика некымын медшöр аслыскасасунсö. Паськыда шымыртана гöгöрвоöдöм сетiгөн быть ковмас лыддьöдлыны медтöдчана аслыспöлöс-луньясö. Н о г а к ы в — морттöм кадакыв сикас, кодi: 1) öтүвтö 3 ашöр кывсикаслысь (кадакывлысь, эмакывлысь, урчитанлысь) аслыскасасуньяс, 2) петкöдлö кызди содтöд, сидзи и ашöр вежортаса керöм, 3) гöгöрвоöдö сёрникузяс шöр керöмсö либö дзоньнас ситуациясö, 4) вежласьö, йитö индан-асалан да уна лыда суффиксяс, 5) бергалö сёрникузяын кызвынсö об-

стоятельство пыдди. Унджык ногакывйыс коми кывйын артмӧма важся эмакывьясысь, но эмакывьяслӧн уна аслысикаслун кольӧма ӧнія кадӧ, шуам, уна лыда суффикс йитчӧ -иг дорӧ да петкӧдлӧ уна пӧрйӧ овлан керӧм: *Ефим Андреевич волігьясас ставсӧ аддзӧдлас, быдӧнкӧд сёрнитас, юасяс-висьтася* (Е.Афанасьев). Татшӧм ногӧн, ногакыв — вежласяна кадакыв сикас, абу роч кывъя вежласьтӧмъяс кодъ. Коми ногакывьяслӧн вежласян балаыс (парадигмаыс) сӧмын абу тыр, векныд. Коми кывйын ногакывьяс керӧмсӧ вермӧны петкӧдлыны некымын ногӧн. Пырджык индылӧны вӧлі сы вылӧ, мый ногакыв сёрникузяын индӧ шӧр керӧмлӧн кутшӧмкӧ торъяланлун вылӧ, гӧгӧрвоӧдӧ сійӧс, юӧртӧ содтӧд керӧм йылысь: *Аким, ӧтка кыз дорӧ нёровтчӧмӧн, бӧрдіс* (В.Тимин). Татшӧм вежӧртасысь кындзи (роч ногакывьяслӧн кодъ жӧ), коми ногакыв вермӧ керӧмсӧ петкӧдлыны унджык ногӧн на. Та боксянь эм коланлун йитны ногакывлысь вежӧртассӧ сылӧн субъекткӧд. Ногакывьяс керӧмсӧ вӧчысь вылас индӧм боксянь вермасны лоны кум сикас вежӧртаса: а) ӧти ӧтувъя субъекта, б) ашӧр субъекта (абсолютнӧй), в) тӧдчӧдтӧм субъекта вежӧртасыся.


а) Ӧти ӧтувъя субъекта вежӧртасыс индӧ сы вылӧ, мый ногакывлӧн да сёрникузяса шӧр кадакыв предикатлӧн керӧм вӧчысьыс ӧти сійӧ жӧ. Но ногакыв да шӧр кадакыв-предикат костын йитӧдыс абу ӧткодъ.

1) *Кутам ми сылігтыр му вывті ветлыны, Шогыд кӧ тэнад оз ло* (М.Лебедев).




Субъект С-сянь петӧны К_1 да К_2 керӧмъяс, шӧр К_1 керӧм веськӧдлӧ содтӧд К_2 керӧмӧн. Тані ногакыв чорыда йитчӧ шӧр кадакывкӧд, сытӧг сійӧ гӧгӧрвотӧм. Грамматика вежӧртасыс татшӧм ногакывлӧн лоӧ шӧр керӧмлысь мунанног петкӧдлӧм, сійӧ роч кывъя ногакывьяскӧд ӧткодъ.

2) *Поти кералігӧн аддзис Гриша дядь Кыдз мисьтӧм кӧин личкис сылысь ыжсӧ* (М.Лебедев).



Тані субъектсаянь петӧ кык ашӧр керӧм, сёрникузяса кадакыв-предикат оз зумыда йит ас бердас ногакывлысь керӧмсӧ. Бӧръяыс оз гӧгӧрвоӧд предикатлысь керӧмсӧ, гӧгӧрвоӧдӧ ситуациясӧ дзоньнас: *Гриша дядь аддзис (кор?) поти кералігӧн...* Та вӧсна позьӧ тайӧ сёрникузясӧ вуджӧдны веськӧдланаӧ (кадаӧ): *Поти кералігӧн аддзис Гриша дядь → Кор кераліс Гриша дядь поти, сійӧ аддзис.* Тані ногакыв кутӧ мӧд сикас грамматика вежӧртас — керӧмлысь мунан кад петкӧдлӧм, индӧ сы вылӧ, мый шӧр кадакыв-предикатлӧн керӧмыс мунӧ стӧч сійӧ кадӧ, кор мунӧ ногакывлӧн керӧмыс.

б) А с ш ө р с у б ъ е к т а (абсолютной) вежортаса ногакывлөн эм ас керём вёчысь, субъект, кодкөд орччөн эм тшөтш сёрникузяса шөр керёмлөн аслас керём вёчысь, шуам, **Шондi пуксигөн Ручпиян сиктсаян шептасъысь нянь йөръяс кості ю дорё лэччисны ныв-зон чукөр** (В.Юхнин).



Ногакывлөн да кадакыв-предикатлөн асланыс субъектыс, ногакывлөн вежортасыс индö оз содтöд, а ашөр керём былö. Сылөн эм аслас ситуация юөртöм, татшöм вежортаса ногакыв сы бердын сулалысь кывъяскöд гөгөрвоодö ставнас сёрникузясö, оз сöмын шөр кадакывсö.

в) Т о р ѳ ö д т ö м (у р ч и т т ö м) с у б ъ е к т а н о г а к ы в л ö н керёмсö вёчысьыс либö оз вермы лоны, либö сійöс петкөдлынысö, урчит-нысö абу быть, шуам кöть,

$$K_2 \qquad C_1 \longrightarrow K_1$$

Пемдыны заводитчйтöдз на туй йöз петісны керöс былö (Я.Рочев).

Тані пемдыны заводитчйтöдз ногакывлөн субъектыс оз вермы лоны, сы вöсна мый артмö морттöм, ывлаын лоöмторъяс петкөдлысь кадакывсянь. Татшöм вежортаса ногакывъяс тшöтш петкөдлöны ашөр керём, шуам, *Луяс орийöдлөм помасис сöмын рöмдiгөн нин* (В.Юхнин). Мукöддырйи торъя контекстын ногакывлөн керём вёчысьыс абу урчитöма, сійö «кодкö» либö «кодъяскö». Вайöдам сёрнитан кывйысь юкөн: — *Кöні нö пиыд коксö дойдöма? — Оз тöд, вильшасиганыс пöди кöнкö мускыльтöма*. Тані вильшасиганыс ногакыв индö урчиттöм керысь былö («кодъяскö найö»). Ногакывъяс шөр керёмлысь мунанногсö вермöны петкөдлыны сöмын öти субъекта вежортас отсöгөн, а керёмлысь кадсö петкөдлöны и öти, и ас субъекта, и урчиттöм субъекта вежортас пыр. Унджык ногакывлөн када грамматика вежортасыс паськыдджык нога вежортасысь. Но торъя ногакыв сикасьяслөн грамматика вежортасыс вермö вежласьны. Ногакыв — сораса кадакыв сикас, ас пиас öтүвтö куим ашөр кывсикаслысь аслыссикаслунъяс: кадакывлысь, эмакывлысь, урчитанлысь, корсюрö весигтö кывбердлысь. Мортасян кадакывйöс да ногакывйöс öтүвтöны татшöм аслыспöлöслунъяс: а) öтүвя кыввуж, кывдін, кыввора вежортас, б) сёрнивизьлөн öткодь суффиксъяс йитöм, в) керёмлысь мунанног öткодя петкөдлöм, г) када вежортас, д) мукöд кывъясөн веськөдлыны позянлун.

а) Ногакывъяслөн кыввужыс да кывдіныс мортасян кадакывъяс моз жö петкөдлöны сёрниын стöч да стöча мунан керём, шуам, *Ставным ми — уджалысь пиян, Миянöс йөрtnы оз позь; Быдтор ми вöчам ас киён Кокныыда, гажöдчигмоз* (В.Савин), *Водз садьмöны уджалiгөн коми аньяс. Водз* (В.Чисталёв). Серпаса гижöдьясын ногакывлөн кыввора вежортасыс тшöкыда вермö лоны вуджöдöма, метафораа, торйөн нин кывбурьясын: *Эжва ю вылысь еджыд ру кайö Винёв бадьясын кышöдчигсор* (А.Размыслов).

б) Ногакывъяс, мукöд кадакыв сикасъяс моз тшöтш, ас пытшкас вермöны кутны сёрнивизьяслысь суффиксъяс, вöчöдан да рефлексив сёрнивизьлысь петкöдланторъяссö. Сёрникузяс: *Вöвъясöн, скöтöс нүöдтöдз, кыскалісны турун, а öшгъяс лунтырöн муртса öтчыд бергöдчылісны* (Ф.Тараканов), «*Но да öд оз, гаикö, видчы гöтырöй, прöститас, висътала кöдзöмöс да...*» — *сідз Вась мөвпаліс сөвтчиғмозыс* (В.Чисталёв).

в) Ногакывъяслөн кывдінас паныдасълöны керöм мунанног петкöдлан суффиксъяс, кодъяс кадакывлы сетöны содтöд грамматика вежöртас. Медтшöкыда ногакывъяс кутöны ичöтмöдан вежöртаса -ышт да уна ногса керöм вылö индысь -ав(-ал), шуам, *Тупкалöм öшиня вежöссьыс öдзöссö востыштілөмөн, паикыр юра, сьöд тошка морт шöпкöдöмөн шуис...* (В.Юхнин), — *Мудзöм бöрад ывла вылад чöскыда узьсьö, — нимкодъ-мыштілөмөн жö воча шыасис Микит* (И.Торопов).

г) Ногакывъяслөн керöмыс сёрникузя пытшкын векджык петкöдлö кад, но оз веськыда, а мукöд кадакывкöд йитöдын. Кызди вöлі висъталöма, коми ногакывъяс юксьöны торъя чукöръяс вылö сы серти, кутшöм сикас када вежöртас найö кутöны: вöвлöм керöм, öтшöтш мунан (öнйа када) либö вöвлытöм (лоана на) керöм, шуам, *Мортлы дзескыд пемыдын... Шондi петмысьт быдсö татi Паськöдас тай... тiяны!* *Полыштанныд кокныда тi!* (И.Куратов). Танi **петмысьт** ногакыв индö сы вылö, мый сöмын шондi петöм бöрын югдас. Та боксянь интереснö сійö, мый коми кывйын ногакывъяслөн када вежöртасыс уна пöлöс: сійö вермö лоны актуальнöй, стöч кадколаст вылö индысь (*Шöйöвошöмысла тапикасигöн и пырис Варö Васькалы синмас важ часовняыс, кодi век на сулаліс туй чукуль нöрысын* (Г.Юшков)), а сідзжö век овлана, пыръя, унаысь вöвлöм керöм вылö индысь (*Мельнича Вась вöлі озыр да лёк, Изигöн изысьсö чиркліс быд ног* (М.Лебедев)). Медводдза сёрникузяс Варö Васька казяліс часовнясö стöч ситуацияын, кодыр сійö чойыскöд скöрмöдана сёрни бöрын дзöрис-тапикасис, видчöмсьыс шöйöвошöмөн. Мöд сёрникузяс сёрниыс мунö Васьлөн быд пöрйö ылöдчöм йылысь, кор сійö йöзлысь изиганыс кульліс вывті ыджыд дон.

д) Ногакывъяс морта-лыда кадакывъяс, кывпод да шöркывъяс моз, тшöкыда кутö ас бердас зависитысь кывъяс, веськöдлö эмакывъясöн, нимвежтасьясöн, кадакывбердьясöн. Медтшöкыда ногакывйöн артмöдан тэчасын овлö: 1) öти веськöдлана кыв либö кывтэчас, шуам, *Нывлөн синва киссьö. Нора сыркъялөмөн бöрдö, Синваён и мыссьö* (М.Лебедев); 2) ногакывъяс вермöны кокниа веськöдлыны тшöтш кык зависитысь кывйöн либö кывтэчасöн. Сэки ставнас ногакыв тэчасыс вежöртö ёна унджыктор, петкöдлö дзонь ситуацияяс, шуам, *Егор сёйис тшыг кöин моз, нянь шöрöмгьяссö зептас сояліг* (В.Юхнин), *Том войтырлысь долыд гажöдчöмсö видзöдiг, Васьöлы юрас воис мөвп Машö йылысь* (И.Габов); 3) шочакодъ, но паныдасълöны серпаса гижöдьясын 3 веськöдлан юкöна ногакыв тэчасьяс:

Веськыд кисё Сандырлы пельномас мыджёмён, купеч новлөдліс синсё Сандыр вывті, мөвп вылас мыйкё уськөдны зілиг (А.Шаманов).

Кыв артыс ногакыв тэчасын сёрнитан да гижан кывйын өтсыма: став веськөдлан юкөнъяс пыр сулалёны ногакыв водзын. Сёрникузяс: *Еджыд вылө лёк вампир Горша сатишкысьё... И төда, Кыа петтөдз татёні Татиём пемыдын ме пөда (И.Куратов), Чери кыйны ветлыгла, Сьёкыд төня кыскагла. Войковъясён ветлігён, Бипур дорын узылігён* Зэв топыда кутчысьла, Тывъялыськөд окасьла (В.Савин). Тадзи жё кывъясыс сулалёны тшөтш сёрниын, йөзкостса поэзияын, фин-угор кывъясын выналана кыв артыс буретш татшөм и эм. Но поэзияын овлө мөдара кыв сувтөдлөм, кор веськөдлана юкөнъс сулалё ногакыв бөрын. Көть тайё быттьөкө ортсыяныыс коми синтаксислы оз лөсяв, но кывбурын тайёс поэё вөчны стөч рифма артмөдөм вөсна либө мөвпсө аслыснога төдчөдөм могысь. Татшөм сяма ногакыв тэчасъясөн паськыда вөдитчө И.А.Куратов: *Корсям съыланкыв ас шөрысь, Ас му-ва вылысь, ас вөрысь, Асланым гөль грездъясысь, Юасигөн ныв-зонлысь; Вөтөн аддзывны зэв шогмө, Кызди петмысьт вичко шөрө* Вывті равзё дяк апостол. Корсюрө паныдасълёны мөдара ногакыв тэчасъяс В.Савинлөн *(Дзодзөгъяс, дзодзөгъяс! Уна му аддзылад Лэбзигөн саридзад), С.Поповлөн (Уна ёлясысь юны сөдз ва Ковмас, тыдалө, мунігөн туйын, Лоа пыр сэки долыд да рад, Кодкө бур кыв кө ме йылысь шуас).* Сёрнитан кывйын эськө шуисны Ковмас, тыдалө, *туйын мунігөн.*

Ногакывъяслөн овлөны сідз шусяна абсолютнөй тэчасъяс, көні торъя веськөдлан кыв (эмакыв либө нимвежтас) индө керөм вөчысь вылө, шуам, *Вөлаяс вөтөдз чөвтысьяс курутчөны зорөд дорын (И.Белых).* Сёрникузяс збыльысьсө петкөдлөма кык ситуация, көні керөм вөчысьясъс вөлаяс да чөвтысьяс. Сёрниын керөм вөчысьяс ногакыв тэчас пытшкын вермас лоны кум сикас пертаса: 1) эмакыв либө нимвежтас н и м т а н вежлөгын, шуам, В.Савин. *«Шонді петігөн дзоридз косьмис»; Сійö со кыа петігөн лөсьөдчө писö уджавны садьмөдны (В.Безносиков);* 2) эмакыв либө нимвежтас а с а л а н в е ж л ö г ы н: *И Венялөн армияө мунтөдз, нэль во чөж, другъяс пыр өтлаын вөліны; Чибьюысь тэнад воигөн ме избачөн нин уджалі (П.Шахов).* Медтшөкыда керөм вөчысь вылас индөны нимтан вежлөга кывъяс, сэсся на бөрся мунёны асалан вежлөгаяс; 3) шочиника керанторъя вежлөга нимвежтасъяс да эмакывъяс индөны ногакывлөн субъект вылө.

Коми кывйын ногакывъяс шымыртёны эмакывлысь уна аслыссикаслун: вермёны йитны уна лыда -яс суффикс, кокныда йитёны суффикс дорас индан-асалан суффиксъяс, сулалёны кывбөръяскөд, на водзын вермёны сулавны кывбердъяс:

а) Ногакывъясысь -иг(-іг) элемента став сикасыс вермө йитны уна лыда -яс суффикс, коді петкөдлө унаысь овлан либө вөвлөм керөм, шуам, *Тэ сөмын йөктігъясён зыртан көм, Базарө мунны тэнад эм «Победа» (омөль*

гöтыр йылысь) (Ю.Васютов). Уна лыда торъя категория ногакывъяслöн индö керöмлöн унапöвстлун вылö, -яс пырöдчö ногакывлöн тэчаса суффикс пытшкö: -игöн → -игъясöн. Корсюрö -яс йитчö -иг бердö да ногакывйыс бергалö эмакыв моз кывбöрьяскöд: Асъя **биасигъяс кезлö** бөр лоа гортын (В.Юхнин).

б) Ногакыв йитö ас бердас индан-асалан суффиксыс, найö индöны керöм вöчысь вылö, шуам, *Кöть гожöмын, кöть тöлын Иван Иванович волевлис быд лун Ас трестö... «Здорово, другъяс!» — **пыригмозыс** кайтас Да чабыртлас кодсюрöяслы ки* (М.Лебедев). Тані эм *пыригмозыс* ногакыв, кöні -ыс, ногакыв суффикс дорö йитчигöн, индö ногакыв керöмлöн субъект вылö, 3 морта öтка лыда вöчысь вылö (Иван Иванович). Индан-асалан суффикс вермö индыны сэтшöм керöм вöчысьöс, сёрникузяын коді абу шөр керöм вöчысьыс. Сэки индан-асалан суффикс индö ногакывлöн ашшөр субъект вылö, кызди абсолютнöй тэчасьясын эмакыв либö нимвежтас кутшöмкö вежлөгын, шуам кöть, — *Быттьö öд бур морт вöлі, **öтлаасьтöдзым*** (А.Ульянов). Тайö сёрникузяс ногакывлöн аслас субъект, «ми» — 1 морта уна лыда керöм вöчысь. Тайö жö грамматика вежöртассö позьö петкöдлыны мöд ногöн, абсолютнöй тэчасöн: — *Быттьö öд бур морт вöлі, **миян öтлаасьтöдз(ным)***. Индан-асалан суффиксысыс ногакывъяс бердын пöшти оз овлы сöмын öти — öтка лыда 1 морта -öй. Индан-асалан öткымын суффикслöн вежöртасыс вермö вуджны субъекттöм вылö, сэки сійö кутö öтувтана вежöртас, коді ёнджыкасö овлö сёрниын, мойдыасын, шуам, **Пыригкостіыд** казакыд кöзяиныдлы висьталö: «Поптö ужнайтны али чай юны öтикысь толькö тиöкты...» (мойдысь).

в) Ногакывъяс вермöны сулавны кывбöрьяс водзын, артмöдны кывбöра тэчасьяс, примерьяс пыдди, *Бөрөн кайис карта поссö Öстап, дзуган би дорö тюни дöмны пуксис да, табак тиын **пöльыштігъясöн кындзи**, юрсö эз на лэптыв* (И.Изьюров). Кыв историяын ногакывлöн уна суффикс артмöма -иг элементыс да кывбöрысь, татшöмьяс кызди -игмоз, -игсор, -игтыр, -игкежлö, -игчöж, -игкості.

г) Ногакывъяс водзын тшöтш вермöны сулавны кывбердыс да гöгöрвöдны найöс: *Танялы уси тöд вылас, кызди **воддза волігас** узис начальниклöн шоныд керкаын* (И.Торопов), *Тайö пöрысьмывтöм частушкаыс **быд гажöдчигöн** юргывлис некымынысь* (В.Напалков). Кывбердыс оз вермыны сулавны кывпод да шөркыв бердын, но ногакывъясöс найö гöгöрвоöдöны. Татшöм ногöн, ногакывлöн эм кык пöлöс веськöдлан визь: кадакывлöн да эмакывлöн. Торйöн ёна ногакывъяс водзын паныдасьлö **быд** кывберд, шуам, *Лавкаö **быд пыригöн** юала: «Привет» печенньö абу?* (П.Шахов).

Коми кывйын ногакывъяслöн öттшöтш эм урчитанъяслöн öбича, сійö матыстö найöс на дінö. Лыддьöдлам найöс, коланаинö серпасалиг:

а) Ногакывъяс оз йитны ас дорас вежлөглысь суффиксыс, оз мортасын, найö унаысь сулалöны шөр кадакыв-предикат бердын, шуам, *Ывла вылын*

пашыак ковгö, *Лявзигтырйи* дзуртö лым (В.Лыткин), *Бергöдчö му Шондi гöгöр сувтлытöг*: Лэбöны век вына кутшгяс *шойччывтöг* (В.Савин).

б) Ногакывгяс шöр кадакыв-предикат дорö йитчöны орччаасян йитöд отсöгөн, шуам, *Паччöр вылын чеччывтöг* Куйлö узгысь Вань. Уджгяс сылөн эштöма, Ставыс сылөн шань (М.Лебедев), Лэбны эскö дун тöлөн, Тэнö туйысь корсьны. *Тöдлытöг*ыд сывйыштны, Шöвк юрсинад ворсны (А.Мишарина).

в) Уна ногакыв петкöдлö шöр кадакывлысь торьяланлунсö, юöртö, кызди керöмыс мунö олöмас, кутшöм ногөн сöвмö дзоньнас ситуацияыс: *Бухгалтерия жырьö локтöм бöрын, Маргарита Ефимовна папирос öзтiс да, азыма тиынсö ньылалiг, пинялiс буфетчицаöс* (Н.Куратова). Ногакыв аслас вежöртаснас, став тэчаснас гöгөрвоöдö, кутшöм ногөн, кызди пинялiс Маргарита Ефимовна буфетчицаöс (*азыма тиынсö ньылалiг*).

г) Урчитангяс моз жö ногакывгяс сёрникузяын бергалöны обстоятельство мөгын, артмöдöны кык сикасöс — када да нога обстоятельством, керöмлысь петкöдлöны торьяланлунсö. Тшöкыда ногакывгяс да урчитангяс сёрниын бергалöны орччөн öтсаям членгяс туйын: *И.А.Куратов уджалö уна, прамöя шойччывтöг, отпускö эз на и петава* (Г.Фёдоров).

63 §. -Мысьт суффикса ногакыв

Öнiя коми гижöд кывйын -мысьт суффикса ногакыв паныдасьлö шоча-сыйс-шоча, öнiя авторгяс оз пыртны гижöд кывйö аслыспöлöс ногакыв сикасö, кодi кутö колян када вежöртас, пример пыдди, *Кор эня-ныла мöдiсны, кильчö вылö петмысьт* первой делö видзöдлiсны энэжас (Л.Панюкова). Татшöм ногакывгяс бергавлöны кольöм нэмса гижöдгясын. Шуам, И.Куратов тшöкыда пыртö тайö ногакывсö аслас кывбурьясö: *Морт пельöсöн босьтмысьт* Пöльяс пукалöны. Корсюрö паныдасьлö нöшта дженьдöдöм -мысь суффикс-вариант, шуам, *Церемонья понавмысь* Пуксялiсны. — *Сёрниысь Пыр нин нянь-турунөн кылö...* (И.Куратов). Öнiя кывйын тайö ногакывйыс паныдасьлö öткымын коми сёрнисикасын, гижöдгясын сы пыдди пыртöны *мысти*, *мысьт* кывбöрьяса тэчасгяс. Сёрникузяс: *Тадзи артмö пырджык сылөн Керка пытикö пырöм мысьт* (В.Лодыгин), *И Костякöд пукалöм мысьт* Мария Ивановна друг быттö чуймис (Л.Панюкова). Колян када ногакыв артмö -мысьт суффикс отсöгөн, йитчö кодi кадакыввуж либö кадакывдiн бердö. Артманног сертигс суффиксыс лöö *мысти* кывбöркöд öти вужгяс. Кывбöрлөн вежöртасыс — петкöдлыны вöвлöм керöм, *бöрын* кыв лоас *мыстилы* синоним: *пажын бöрын* = *мысти*. И.Куратов аслас кывбурьясас паськыда вöдитчылiс видлалан ногакывгясөн да *мысьт* кывбöра тэчасгясөн, öткодгялöй: *Кодыр джагöдчöм мысьт* пу вылын Иуда Разьсис, сэки Омöль, код быд лёкөн шуда, *Локмысьт* чужöм дiнас матö копытчис И сы мыжа шойö олöм пöльыштiс. XIX нэмын -мысьт суффикса ногакывгяс

бергавлісны сёрниын да кызвынсё вичкоса вуджодёмьясын, сэкса коми сер-
 паса литератураын. Со, «Степан коми йозёс пернаалысь» нима XIX нэмса
 ки помысь гижодысь неыджыд юкён — *асьсё видзём могысь босьтіс сійö*
(Степан) Мёсқауысь и Тсарсянь гижөд. А сэсса босьтмысьт святой моца
 торъя и святой мирö, мөдіс Коми йозёс велöдны и войпöдны. **Вомысьт** жö
 на дінö, медводзын шаня кевмис Енлы, мед отсалас сійö ыджыд милость-
 нас пернаавны коми йозёс. Татшөм ногөн позьö шуны, мый -мысьт суффик-
 са ногакыв лоö кольöм нэмса гижан кывлөн торъяланлун. Видлалана
 -мысьт ~ -мысь суффикс йитчö уна сикас вежортаса кадакыввужьяс дорö.
 Сідз, колян када ногакыв артмö инті вуджан вежортаса кадакыввужьясянь
 (локмысьт, петмысьт, вуджмысьт), конкретной керöм петкөдлысь кыв-
 вужьясянь (босьтмысьт, öшмысьт, вöймысьт), состояние петкөдлысь
 вежортаса кыввужьясянь (мудзмысьт, садьмысьт). Видлалан ногакывьяс
 сёрниын кутöны сöмын ö т у в ъ я с у б ъ е к т а вежортас, сёрникузялөн
 шөр керöмлөн да ногакывлөн öти субъект, ногакыв петкөдлö содтöд керöм.
 Сёрникузяс: *Сэн öтлаасьмысьт Адам* нэмкөд *сүвтö И* виччысьö тшöтш
менö, Со сумлабич вылын мыськö Нырö, **куньмысьт** синсö, кань, Сідз ен-
 катехизис поп Медводз восьтас аслас пилы, *Сэсса дінсьыс ыстас, сылы*
Öшмысьт пельом вылас ноп (И.Курагов). Бөрья сёрникузяс поп ыстас
 писö, медводз сылы ноп пельом вылас öшöдöмөн. Татшөм аслыссикаслу-
 ныс матыстö -мысьт суффикса ногакывьяссьö роч колян када ногакывьяс
 дорö, öткодялөм вылö, *Пöрысьöдз овмысьт Öти* брамин *Лöсьöдчис* кувны,
Куньöма син (И.Курагов) «**Прожив** до старости, один брамин...». Ногакыв
 индö сэтшөм керöм вылö, коді вöлöма да помасьöма сёрникузяын шөр
 керöм мунтöдз, шуам, *Кымöрлань оз лэптысьны Мисьтöм гагъяс, вöймысьт*
нюрö, Руч да Кöин пемыд вöрсьыс **Петмысьт** кызъя туй вылö *Сёрнитö-*
ны сьöлöмиöрсьыс (И.Курагов). Бөрья кывбур юкөнас Руч да Кöин сёрни-
 тöны вöрсьыс петöм бöрын. Колян када ногакывйөн веськөдлö век морта-
 сян кадакыв-предикат. Бөрьяыс вермас сулавны тшöтш кö кывтор бердын —
Уся кö мудзмысьт ме гуö, сэн, вокъясöй, *Мывкыда* лолавны кöсйысьöс
сисьта ме (И.Курагов).

64 §. Öнiя када ногакывьяс

Öнiя када ногакывьяс коми кывйын артмөдöны паськыд да уна пертаса
 система, кöні сюрöссö артмөдö -иг(-ig) элемента ногакыв сикасьяс. -Иг(-ig)
 дорö содтысисны мукöд элементъяс да кыв историяын артмалісны выль-
 джык ногакыв сикасьяс. -Игкежлö(-igкежлö) суффиксьяс отсöгөн артмөм си-
 касыс босьтіс вöвлытöм на (лоана) керöм вылö индысь вежортас, шуам,
Самöвар пузигкежлö чери кыянінысь воис *Митрей* (В.Юхнин). Та вöсна
 -игкежлö суффикса ногакыв сикасыс аслас када вежортас сертиыс пырö мөд
 чукөрö.

65 §. -Иг(-ig), -игъяс суффикса ногакыв

Корсюрё сёрниын да гижёд кывйын паныдасълё содтысяна гора шыа -ига алломорф, кёні а вокалыс, тыдалё, сэтшөм жё урчитан суффикс, кызди *гора-а, лёк-а, зывёк-а* кывъясын. Татшөм ногөн, -ига суффикс кутё нога содтөд вежөртас, шуам, *Сикт өтар помсянь мөд помөдзыс муніс патруль, и бияс вочасөн, **поліга**, син лапъяс куньлалігмоз, кусалісны* (В.Чисталёв). Уна лыда ногакыв суффиксё коми кывйын коть позьё лөсьөдны кокниа, збыльысьё сійё паныдасълё шоча, векджык кывбөръяскөд өтлаын, шуам, *Асья биасигъяс кезлө бөр лоа гортын* (В.Юхнин). Грамматика вежөртасё позьё видлавны куим юрподув серти: 1) кызди ногакыв лөсьлө аслас субъект-тыскөд, 2) кутшөм вежөртас кутё сёрниас, 3) кутшөм кад вылө индө сёрникузяын.

Керөм вөчысь вылө индөм серти унджыкысьё видлалан ногакывйыс сёрниын да гижигөн бергалё роч кывъя өніа када ногакывъяс моз, сы вөсна мый ногакывъяс кутёны: а) *Ө т и с у б ъ е к т а* вежөртас. Сёрникузяс: ***Быд-миг** узис идзас вылын, Сёйис коньөр кайяс моз Мый ен сетас* (И.Куратов), *Ниа Тима, ньылөдөм чужөм вивсьыс сибдөм кырсь торпыриг **чышкаліг**, видзөдліс том вийөрөн вөчөм сад вылө* (И.Торопов). Тані ногакыв керөмлөн да сёрникузяын шөр керөмлөн субъектыс өти. Овлө тшөтш сэтшөмтор, кодыр вөчысьнас вермасны лоны уна йөз, на пытшкын и сёрникузяса шөр керөмсө вөчысьыс, и быд морт, шуам, И.А.Куратовлөн «Закар ордын» кывбурын сёрни мунө Петрө Ольош Герман йылысь, *Кодлөн мөд ним «Сьёкыд Чиг», Кодёс беддөм **кыскасиг**, Көть и дзор нин, сөмын **верман Кыскыны...*** б) *А с ш ө р с у б ъ е к т а* вежөртас кутысь ногакывъяс паныдасълёны шоча. Татшөм вежөртаса ногакывлөн эм аслас субъект, сёрникузялөн шөр субъектыс бара дзик мөд, шуам, *Сы вөсна **видзөдіг** быд мича вылө Откодя долыдлун сьөлөмөй кылө* (И.Куратов). Видлалан ногакывъяслөн вывті шоча овлөны абсолютнөй тэчасъяс. Ногакывлөн керысь воддза сёрникузясысь төдса, со шуам, *Быд лун майбырлунныс Вежласъысьяслөн эз вөвлы... Лунвой **ноксиг** налөн муніс!* (И.Куратов), *Гөра лэччиг бура тыдаліс улиас чуклясьысь векни ю да сы пөлөн вөр кустъяс* (Н.Куратова). Повесьтысь төдса, мый чойгорул лэччыны ковмис Егорлы да нөшта кык мортлы. Буретш налөн лэччиг бура тыдаліс векни ю. в) *С у б ъ е к т т ө м* вежөртаса ногакывъяс овлөны шоча, кор артмөны морттөм кадакыввужйысь: *Лөсьыд өмөй, зэр улын и **слөтитіг**, седлөа вөв вылын лөтъявны* (В.Безносиков).

Ногакывлөн грамматика шөр вежөртасыс абу век өткодь, сійё уна сикас. Грамматика вежөртасыс юксьё кык сикас вылө, кодъяс пиысь медважыс да история боксянь подулаыс када вежөртас. Тайё вежөртасыс юөртө сы йылысь, мый сёрникузялөн шөр керөмыс мунө стөч сійё кадө, кор мунө ногакывлөн керөмыс, шуам, *Бур инвентарь ми вөчам, Дасьтысям-керам быд лун, Мөдысь мед **гөриг** да **көдзиг** Весышөрө кадыс эз мун* (М.Лебедев). Но-

гакывлысь юёртанторсё позьё петкөдлыны када отсаяна сёрникузяён — *Весьшөрö кадыс мед оз мун, кодыр мёдам гөрны да көдзны*. Тайö када вежортас подув вылын сөвмөма нога вежортас, кодi петкөдлö шөр керöмлысь торъяланлунсö, кызди сийö мунö, шуам көть, *Петав, донай, петав, мусай, Веж луд вылö ворсны — Сёзарнитö, вошöм гажтö Нимкодясиг корсьны* (В.Лыткин). Бөръя вежортасыс дзик роч ногакывъяслөн кодь. Грамматика вежортаслөн када → нога паськалöмыс вöли зэв важся кадö нин, öнiя кывйын тайö кык шөр вежортас сикас кындзиыс позьö торйöдны нöшта öти сикас. Талунъя коми гижöд кывйын *-иг* суффикса ногакыв сёрниын кутö 3 вежортас сикас:

1) К а д а, öт т ш öт ш м у н а н, öт и к а д ö мунан вежортас паньдасьлö тшöкыда сёрнитан да гижöд кывйын: *Кöть и ышман вöли быдмиг, Жүгöдiсны вояс лыдмиг!* (И.Куратов), — *Да. Федя, гөгөрвои! Ставсö гөгөрвои... — радлыны пондiс Шыр цинк помъяс көртавлiг* (И.Торопов). Татшöм вежортаса ногакывйыс кутö ашшөрлун, сийö сёрникузяса öтувъя вежортас пытшкын абу зумыда йитчöма шөр керöмыскöд, шуам, *Öтитор көсийсьöд: му вылын мян Киö эз сюрны мед удж тöдтöм кияс. Медым, быд киасиг, пиянлысь бать Топöдлiс удж вылын шедöдöм гадь* (И.Вавилин), *Мунам ставöн гөрны-көдзны, Сэтысь аддза тэнö ме. Меным долыд тэнö аддзиг, Он тöд та йылысь көть тэ* (В.Ширяев). Унджыкысьсö ногакывъяс петкөдлöны паськыджык кадколаста керöм сёрникузяса шөр керöм сертиыс, шуам, *Гырысьджык классъясын велöдчиг и то киссьöм гырddзайн ветлöдлiс Тоська* (Н.Куратова), *медбөръя сорва панялiг воисны сёрнийсьöд юрсиа йылысь* (П.Доронин). Овлö сiдзи, мый кыкнан керöмлөн мунан кадколастыс öткодь сяма: *Синъяс водзын войтыр Лоис ветлысь шойяс... Ловъя мортöс корсиг Эг узь ме кузь войяс!* (И.Куратов).

2) С о д т ö д к е р ö м в ы л ö и н д ы с ь вежортаса ногакывъяс петкөдлöны шөр керöм дорö содтысяна керöм, налөн субъектыс сёрникузяс öти: *«Богородицатö лыддьы», — И ме бөрöд юрбитiг Сэки пондiс авъя питор Лыддьыны тишöти ньöжйöник* (И.Куратов), *тöс чукөр вылö паськөдöм план вывтi чуньсö новлöдлiг, Вежов сеталiс командиръяслы приказъяс* (А.Шаманов). Ногакыв бердын тайö вежортасас тшöкыда сулалöны зависитысь кывъяс, кодъяс ёна паськөдöны да стöчмөдöны керöмсö, шуам, *Ме зарадитi пицальöс да, сёлöмöс виль лачайн ышöдiг, бара мөдöдчи кыйсьыны* (И.Торопов). Ногакывлөн керöмыс йитчö сёрникузяса шөр керöмкөд содтысяна, öттшöтш мунана подув вылын. Татшöм вежортасын ногакывъяслөн кад вылö индöмыс, медваж юёртанторйыс, пыркалöма нин, шуам, *Да и шуö мунiг: «Он коль бурысь горт татшöм войын»; сунiг Онмөссьöм пöт морт* (И.Куратов).

3) Н о г а, шөр керöмлысь торъяланлун петкөдлысь вежортаса ногакывъяс зумыда йитчöмаöсь шөр кадакывйыскöд да дзоньнас петкөдлöны, кутшöм ногөн мунö шөр керöмыс: *Тiрöдö-котöртö* Öльöксан шлювскыны-

усьны век лосьддчысь гачсö **кутышталіг** (А.Льпоров). Тайö сёрникузясö кө видлавны, то гөгөрвоана, мый ногакыв тэчас *век лосьддчысь гачсö кутышталіг* восьтö *тірөддө-котөртө* кадакывсö, паськөдö бөрьяыслысь вежөртассö. Тані ногакыв абу ашшөр керөм петкөдлысь кыв нин, сыөн веськөдлө сёрникузяс шөр кадакывыйс. Нога вежөртаса ногакывлөн да сёрникузяс шөр кадакывлөн век эм öти субъект, сійö вöчö керөмъяссö, шуам, *Найö, ёрчиг да кытчö веськалө кучкаліг, шобисны Павелос* (А.Шаманов), — *Радейтö — сійөн и вежөгтö, — нюмъяліг сетö* пöдругаыслы воча кыв Альбина (Н.Куратова).

Када вежөртас петкөдлөм серти видлалан ногакывьяссö, öти кывйөн, позö шуны кызди öнiя (öттшöтш мунан) кад петкөдлысьясөн. Ногакывлөн керөмыс мунö сёрникузяс шөр кадакывлөн мунан кадö жö, пример пыди, *Пыр кыветыдлань Эжваыс пурьяссö нуö И гажөдчиг, сьылігтыр Шогсö оз тöд* (В.Латкин). Тані *гажөдчиг* ногакыв петкөдлө паськыд öнiя кад, Эжва шогсö оз тöд век сьылігөн, гажөдчигөн. Татшөм ногөн, ногакывьяс индöны öттшöтш мунан керөм вылö шөр кадакывьясөн петкөдлан кад дорö содтысьбөмөн, кодi вермас лоны сёрниын куим сикаса: а) ö н i я к а д а ш ö р к а д а к ы в + -и-г ногакыв: **Велөдчö со кориг** *Айтөм пөнөмар ни, Ывлаын со көмтөм Чеччалө тай Карпö* (И.Куратов); б) к о л я н к а д а ш ö р к а д а к ы в + ногакыв, шуам, *Ниа Тима... ньылөдөм чужөм вывсьыс сибдөм кырсь торпыриг чышкаліг, видзөдліс том вийбөрөн вöчөм сад вылө да шоныда шуис* (И.Торопов); в) л о к т а н к а д а ш ö р к а д а к ы в + -и-г ногакыв, со көть: *Владиклы, дерт, дивö кодь татшөмөд, но кутас зільны писькөдчыны аслас вежөр вылө надея кутіг* (В.Безносиков). Унджыкысьсö жö локтан када кадакыв индö вуджөдөм када вежөртас вылө. Со, И.Куратовлөн «Синтөм пöльö» кывбурын локтан када кадакыв индö öнiя кад вылө, сыкөд тшöтш тайöс тöдчөдö -и-г суффикса ногакыв: **Босьтіг** *удж оз нинөм шу; Вöчас, ваяс гортад, чөвтас, Кепысь-шапка кинас көвтас* Да и **петас** *шы ни гу. Корсюрö -и-г(-і-г) суффикса ногакывьяс вермөны пасйыны колян кад, помасьөм керөм, шуам, татшөм сёрникузьян: Тэрмасьөмөн тöлысь, Кыліг сёрни тайö, Дзебсис сы бөрысь Вөтчысь кымөр сайö, И ме воресси оліг уна — Пыр жö ачымөс ме шудтөмөн оз шу на!* (И.Куратов), — *Ваня, тэ тай нö тані, а ме чайті тэнö муніг* (сёрниысь).

Ногакывлөн керөмыс вöлі да помасис нин шөр кадакыв керөмлөн мунтөдзыс на. Ногакыв петкөдлө водзджык мунана керөм шөр кадакывлөн кад серти: *тöлысь первой кыліс сёрнисö, а сэсся и дзебсис кымөр сайö.*

66 §. -Игö(-ігö), -игьясö суффикса ногакыв

Артманног сертиыс -игö(-ігö) суффикс тэчас, сійö артмөма -и-г да -ö торьяысь, бөрьяыс пыран вежлөг суффикс. Пыран вежлөглөн важысянь нин вöлөма кык шөр вежөртас — ина (*керкай пырны*) да када (*тайö вежсонö воо-*

ны *гöсьтъяс*). Кыв историяын кык суффикс йитчöмaсь-содтысьöмaсь сы вöсна, мый найö öтвылысь петкöдлiсны керöмсö кад боксянь, када вежöртасыс ёнмöма: Быд **пыриг+ö** Епим дядь *тотишкöдчывлiс öдзöсö крукыля бедь-нас*. Öтувья вежöртас боксяныс *-игö(-igö)* тэчаса суффикс öткодъ *-игön (-igön)*, сöмын сёрнисикасьясын паныдасьлысь *-игын* суффиксяскöд, сiдзжö *-игам, -игад, -игас* да с.в. суффиксяскöд. Бөрьяясыс *-игö* суффиксыс торъялö сыön, мый ачыс оз инды керöм вöчысь вылас. Но артманног сертиыс ставныслөн эм öткодълун: найö артмöмны када вежöртаса вежлөгьяслөн суффиксяс подув вылын. Водзынджык видлалöм *-иг* ногакывьяс дорысь донъялана сикасыс кызвынсö бергалö уна лыда формаын, кодi артмö *-игьясö(-igьясö)* тэчаса суффикс отсöгön, шуам, *Челядь колльöны лунвой. Пуктысигьясö отсасьöны гырысьяслы, мöс видзлöны* (В.Тимин). Ногакывьяслөн уна лыда формаыс индö керöмлөн унаысь, уна пöрйö мунöм вылö, пример пыдди, «*А мыйла эськö и нуöда тайö ыкшакодъ зонкасö, кодi школаысь локтигьясö тиöкыда туплявлö менö*» (А.Одинцов). Öтка лыда ногакывлөн подув формаыс индö öтиысь вöвлöм либö öти пöрйö мунöм керöм йылысь, шуам, ...*виччысьтöг шуис кутшöмкö вöлигö Толя зятё* (Г.Юшков).

Керöм вöчысь вылö индöм боксянь *-игö(-игьясö)* суффикса ногакывьяс сёрниын овлöны кык ногсаöсь: öти субъектаöсь да ашшöр субъектаöсь. Öти субъекта ногакывьяс ёнджыка бергалöны кывйын да вежöртöны, мый сёрникузялөн шöр керöмсö да ногакывлысь керöмсö вöчö кодкö либö мыйкö öти, шуам, *Сэни некод эз овлы, вöрсигьясö ми, челядьпосни, дзёбсьывлiм сэтчö, а төвнас чеччавлiм вевт вывсьяныс* (В.Торопов). Асшöр субъекта ногакывьяслөн керöм вöчысьыс торъя, сийöс вермöны петкöдлыны торьякывьяс либö на йылысь гөгöрвоана контекстысь, сёрникузяса öтувья вежöртасыс. Пример пыдди, *Öткымын пасйöдьяс сэтшöмьяс йылысь. Найö артмисны менам Вашка кузя ветлигьясö, Мозын кузя кывтиг-катигьясö* (Ю.Васютов). Сёрникузяын шöр керöм вöчысьнас лöбны пасйöдьяс, ногакывьяслөн субъектыс петкöдлöма менам нимвежтасын, сийö авторыс, висьтасысьыс.

Видлалана ногакывьяслөн грамматика вежöртасыс öти пöлöс — сийö кутö када, öттшöтш мунан керöм петкöдлан вежöртас, ногакывьяслөн тайö медваж, подув петкöдлантор. Ногакыв петкöдлö сэтшöм керöм, кодкöд öти кадö мунö сёрникузяса шöр керöмыс, шуам, *Уна нин сэксянь визувтiс кадыс, сиктса нывкаыс, кодi öнi олö карын, дзикöдз нин вунöдöма менö, весиг оз видзаась мекöд улич вылын паныдасигьясö* (П.Артеев). Ногакывьяс индöны öттшöтш мунан керöм вылö, кодi шöр керöмлөн мунöм серти векджык овлö паськыдджык. Ногакыв тшöкыда бергалö йöзкост сёрниын да серпаса гижöдьясын. Но корсюрö сийön вöдитчöны тшöтш туюлан гижöдьясын, со, шуам, *Аддзысьлигьясö пöрысьяс висьтавлiсны орткöд öтчöд-кыкысь паныдасьлöм йылысь* (Г.Бараксанов). Вайöдöм сёр-

никузьясысь позьё казавны отитор: *-игö(-игъясö)* суффикса ногакывъяс сёрникузьян кутöны оз актуальнöй када вежöртас, найö сöмын индöны öттшöтш овлана керöм былö, кодкöд öти кадколастö мунö сёрникузьяса шöр керöмыс.

67 §. *-Игöн(-игöн), -игъясöн суффикса ногакыв*

Артманног сертиыс тайö ногакывлөн суффиксыс тэчася: артмöма ногакыв петкöдлысь *-иг* да *-öн* ина-керанторъя важ вежлöглөн суффиксыс ляс-кысьöмысь. Важöн, öтувъя перымса да важ коми кыв кадколастö, öнiя ина да керанторъя вежлөгъяс артмöдлöмны öти вежлөг, кодлөн вежöртасыс вöлöма паськыд. XIV–XV нэмьяс бöрын нин суффикслөн вокальтас кутисны торъявны да артмисны торъя ина (*-ын, -ин* суффикса) да керанторъя (*-öн, -эн*) суффикса ашöр вежлөгъяс. Видлалан ногакыв сикасыс, сийöс артмöдан суффиксыс важ, сийö кутö на *-öн* коаффикс, кодын бура тöдчö када вежöртасыс. Коми кывйын важöн бергалöмабсь *-игöн* да *-игын* суффиксыс, но унджык сёрнисикасас да гижöд кывйын сэсся вужъясис öти *-игöн(-игöн)*. *-Игöн(-игöн)* суффикса ногакывъяс артманног сертиыс да вежöртас боксяньыс водзынджык серпасалöм *-игö(-игö)* суффикса ногакывъяскöд öткодöсь, öткодьялöм былö, *Прöтим быд волігöн юасьö карса олöм йылысь = Быд волігö менö аддзöдлö Митрей дядь. Гösнеч век вайö, ас чери* (Е.Афанасьев). Торъялö сыöн, мый *-игöн(-игöн)* ногакывлөн эмöсь тшöтш мукöд вежöртасыс, а сідзжö сыöн, мый вомгора сёрниын да гижöдъясын сийö векджык бергалö öтка лыда формаын, а *-игö(-игö)* суффикса ногакыв кызвынсö уна лыдын (*Карö лэччигъясö да бöр волігъясö Арттьö Аннаös век кутіс ёна вугрöдлывны*). Уна лыда ногакыв бергалö гижöд кывйын шоча, тшöкыдджыка сийö паныдасьлö сёрниын, со шуам, *Войдöр турун пуктігъясöн зэв гажса вöвлі; Ямицичайтігъясöн и кынтылöма Митрей Иван кияссö*. Уна лыда ногакыв сикас индö унаысь овлан либö вöвлöм (контекст сертиыс) керöм былö. Татшöм ногакыв сикасыс век петкöдлö када вежöртас: индö, мый сёрникузьяса шöр керöмыс мунö буретш сийö жö кадö, кор овлö ногакывъяслөн керöмыс: *Ыдъыд öшиньяса да югыд жыръяса квайт пельöса керка, кутшöмъясöс Питерö ветлігъясöн Россияысь аддзыліс (Педьö)* (Б.Шахов). Уна лыда ногакыв шочиника паныдасьлö прозаын да публицистикаын: *Гöтырыскöд паныдасигъясöн весиг абу лöсьыд: бытттьö мыжа таысь, öнöдз дзоньвидза да* (А.Лыпуров).

Коми кывйын видлалан ногакывйыс овлö кык сикас — урчитöм да урчиттöм. Гижöд кывйысь пöшти век позьё казавны у р ч и т т ö м н о г а к ы в ъ я с, кодъяс бердö оз лясны асалан-урчитан суффиксыс: *Менам серамöй петö сы былö видзöдигöн, но оз лысьт серавнысö* (И.Торопов). Но сёрнитан кывйын, йöзкостса поэзияын бергалö урчитöм ногакыв сикас, шуам кöть, — *Петыр, сёйигöныд* веськыда пукав, эн гөрбыльтчы; — *Сэсся Про-*

ня **воигёныс** и **узьмёдчис** Чурка шор дорё. Сёрнитан кывйын вермасны овны урчитём ногакывлөн татшём суффикс тэчасьяс:

Морт	Лыд	Өтка лыда	Уна лыда
1		—	-игён- ным (=иганым)
2		-игён- ыд (=игад)	-игён- ныд (=иганыд)
3		-игён- ыс (=игас)	-игён- ныс (=иганыс)

Коть -игён суффикса ногакывьяслөн урчитём формаыс петкөдлө дзик жё сійёс, мый урчитём торъя ногакыв сикасьяс петкөдлөны, корсюрё гижан кывйын тшөтш вөдитчөны видлалана ногакывьясён. Шуам, Ф.В.Плесовскийлөн «Коми народной мойдьяс» небөгын вайөдёма вөвлөмтор йылысь висьт: *Вөлөмкө, батыыс ёртъясыскөд өти тиыг гоожём бёрын мунёмаось нажөткала. Гортө бөр локтигёныс Эжва дорса өти сиктын веськалөмаось мойдысь дорё.* Тані асалан-урчитан -ыс суффикс кутё урчитана вежёртас, оз инды ногакыв керём вөчысь вылө. Ёнія коми гижөд кывйын бергалёны век -игён суффикса өтка лыда урчиттём ногакывьяс, наён сёрнитысьяс да гижысьяс тшөкыда вөдитчөны поэзияын, прозаын, газет-журналъясын. Сёрникузяс: *Корсям съыланкыв ас шөрысь, Ас му-ва вылысь, ас вөрысь, Асланым гөль грездьясысь, Юасигён ныв-зонлысь* (И.Куратов), *Машук вылө видзөдигён Жугыльмөны нывьяс. Оз нин найё вомысь петны Гажа съыланкывьяс* (М.Лебедев). Ногакывлөн керём вөчысьяс контекстын оз өткодь овлы, унджыкысьсө сійё гөгөрвоана, сёрниысь тыдалана, со коть: *Коркө сэтёр вөтигён казяліс Ревекка турунзём қушин* (Г.Юшков). Тані гөгөрвоана, мый **вөтигён** ногакывлөн керём вөчысьяс ачыс Ревеккаыс.

Субъект вылө индём сертиыс ногакывьяс вермөны кутны нель сикас вежёртас: а) өти өтувья субъекта вежёртас индө сы вылө, мый дзоньнас сёрникузялысь да ногакывлысь керөмсө вөчө өти субъект (морт, ловтөмтор): *Жар би водзын бергалігөн ме шоналі, дзикөдз шоналі* (И.Торопов). Отувья субъект вежёртаса ногакывьяс юёртантор боксяныыс топыда йитчөмаось шөр керөмыскөд, сёрникузяс шөр ситуациякөд, содтөны шөр керём йылысь юөр, шуам коть, *Кодыр библия ме лыдди, Сюртём дявёл ангел пыдди Орччөн мекөд пукалігөн ышлолаліс ньөжйөникөн* (И.Куратов), *Чери кыйны ветлывла, Съөкыд төня кыскавла. Войковьясөн ветлігөн Бипур дорын узылігөн Зэв топыда кутчысьла, Тывьясьыськөд окасьла* (В.Савин); б) асшөр субъекта вежёртаса ногакывьяс кутөны ас бердас ас керём вөчысь вылө пасьян кывьяс, а шөр кадакывйыслөн сёрникузяс аслас торъя субъект, шуам, *Көкөй, көкөй, мый тэ көкан Кыа күсигөн? Висьтав меным көкөй...* (фольклор), *Кыа петігөн на коймөдас Виль гректор нин бур мортөс тай сулас!* (И.Куратов). Татшём асшөр субъекта тэчасьяссө нимтөны нөшта абсолютнөйясөн. Налөн керём вөчысьяс вермө сулавны кыдзи нимтан вежлөгын (водзынджык вайөдөм сёрникузяссьө видзөд),

сідзи тшөтш асалан вежлөгын, шуам көть, *Мамыслөн больничай мунігөн Янко узян на кольліс* (Н.Куратова). Керөм вөчысь вылө вермөны индыны тшөтш асалан вежлөга нимвежтасьяс: *Чибыюясь тэнад воигөн ме избачөн нин уджалі* (П.Шахов). Керөм вөчысь вылө вермөны индыны некымын формаа нимвежтасьяс, шуам көть, *сійө, сылөн да сы кывьяс: Гөтырыс эз радейт, медым сійө шойччигөн телевизорыс гора варовитіс* (А.Попов), *Но шуда на вөлөма Алексей — сы куйлігөн госпитальө эз веськавлы ни өти снаряд* (А.Лыжоров), *Ваня казяліс, мый сылөн бөрья волігөн ставыс гортас вөлі вежсьөма; в) урчиттөм либө төдчөдтөм субъекта* *ногакывьяс сёрникузяс позьө казявны корсюрө, шуам көть, Ньөжйө кыссьө кадыс вицчисигөн. Ньөжйө!* (Н.Никулин). Татшөм ногакывьяслөн керөмыс гөгөрвоана нин субъект вылө индытөг, татшөм индөмыс збыльысьсө оз ков, шуам көть, *Ветымын километрыс асфальт, а мир туйөдзыс петігөн гураньяс да тёпканьяс на эмось* (В.Безносиков). *Петігөн* ногакывлөн керөм вөчысьнас вермас лоны быдөн, тайө отувтана субъектыслөн төдчанлуныс сёрниын вошө. Корсюрө ногакывлөн керөм вөчысьыс контекстсьыс төдса, но сійөс төдчөдөмыс ковтөм: *Сійө зэв омөля кылө, и сыкөд сёрнитігөн лоө гөг вөрзыйтөдзыд горзыны, либө кияснас өвтчыны* (И.Торопов); г) субъекттөм вежөртаса ногакывьясөс артмөдоны морттөм кадакыввужьяс, кызвынсө вөр-ваын вежсьөмьяс вылө индыс кадакывьяс: *Марья кыліс и аддзыліс, кызди югдыны босьтчигөн Митрей муніс чери кыйны* (В.Юхнин), *Но быд рытгорув, рөмдігөн көзяинсө радейтысь да сы вылө надейтчысь Тяв-Тявлөн воши медбөрья эскөмыс* (А.Лыжоров).

Грамматика шөр вежөртасыс -игөн(-ігөн) суффикса ногакывьяслөн паськыд, видлалөм нин -иг(-іг) ногакывлөн кодь. Но аслас артманног вөснаыс (-иг + кад вылө индыс вежлөг суффикс) ногакывьяслөн нога вежөртасыс абу сөвмөма. Та пыдди вомгора сёрниын да гижөдьясын видлалан ногакывьясөн вөдитчөны зэв паськыда буретш када вежөртасын, шуам көть, *Мөс лысьтігөн бызьбө йөлыс — лёк поводдя водзө, зэрас* (примета), *Паччөрад куйлігөн гөгйыд оз вөрзыйвлы* (шусьөг). Кыв история боксянь медваж када вежөртас подув вылын сөвмөмаөсь выльджыкьяс. Ставнас -игөн суффикса ногакывьяс коми кывйын бергалөны 2 сикас вежөртасын: 1) *ка да, өттшөттшья ка дколаста вежөртас петкөдлө сэтшөм керөм, коді индө сёрникузяса шөр керөмлысь мунан өттшөттшья ка дколастсө, шуам, Видза жө оланныд, том войтыр, вьль войтыр, Тувсовья асылөн томиник быдтасьяс. Быдөн ті уджалысь пи. Югдігөн быдманныд ті* (В.Лыткин). Ногакывйыс либө ногакыв тэчасыс векджык кутө кад петкөдлысь веськөдлана, содтөд сёрникузялысь вежөртассө, тайөс позьө төдчөдны тшөтш трансформация отсөгөн, өткөдялөй кык сёрникузя: 1) *Сентябрь заводитчигөн, буретши баба гожөм пуксис, Володя мөдөдчис гортас, Эжва катыд* (А.Ульянов) → 2) *Кор заводитчө вөлі сентябрь, буретши баба гожөм пуксис, Володя мөдөдчис гортас*. Када вежөртаса ногакывьяссьө уна-

ысь тӱдчӱдлӱны кадакывбердӱяс, шуам кӱть, *А талун асыв, татчӱ мӱдӱдчигӱн*, не сӱмын сийӱ паныд сюрлӱс, но и Олӱшлысь туйсӱ вуджис сьӱд кань (В.Юхнин), *А сӱсся*, кӱдзыд чомйын *узигӱн*, ме аддзылӱ вӱтӱн мамӱс (И.Торопов). Ногакыв ассыс када вежӱртассӱ вермӱ петкӱдлыны тшӱтш веськӱдлана сӱрникузя пытшкын, сӱки позьӱ дженъыда висытавын зӱв унатор йылысь, пример пыдди, *Пӱлысьяслӱн керкаысь, кӱнӱ батысӱ дзебны волӱгӱн на вежаньыс олӱс*, кольмӱ вежнясьлӱм, быд здук дась киссьыны, пӱлӱстчӱм, *важ кер чом кодӱ ӱти сигӱра вевта керка джын* (Б.Шахов).

2) С о д т ӱ д к е р ӱ м п е т к ӱ д л ы с ь вежӱртас кутӱны -игӱн(-игӱн) суффикса ногакывъяс сӱк, кор сӱрникузяся шӱр керӱм вӱчысьыс лӱӱ тшӱтш ногакывлӱн субъектӱн. Та дырйи ногакывъяслӱн када вежӱртасыс бырӱ, пыркалӱ, вошӱ, шуам кӱть, *Тадзи сӱрнитигӱн* пуксялӱсны енув пельӱсланын сулалысь пызан гӱгӱр, лабичьяс вылӱ, *быдӱн аслас местаӱ* (И.Торопов), *ӱд став татшӱм мисьтӱмторсӱ быд лун аддзигӱн* ми и ышловзям да шуам: *озырмим* (П.Шахов). Тайӱ ногакывъяс тшӱтш индӱны сӱрникузяся шӱр керӱм дорӱ ӱти кадӱ мунанторсӱ, кыдзи пӱшти быд -иг суффикса ногакыв, но када вежӱртасыс некыдз нин абу тӱдчӱдӱма, абу эрдӱдӱма, шуам, *Тайӱс думайтигӱн* Ёгор скӱра видзӱдлӱс лӱзъ юрсиа, пельӱсын куйлысь ныв вылас, *Устя вылас* (В.Юхнин). Актуальнӱй, шӱр керӱмкӱд збыльысь йитчӱм кад вежӱртассӱ кутӱны сӱтшӱм ногакывъяс, кодъяс индӱны содтӱд керӱм вылӱ. Сӱки ногакыв сулалӱ ӱнӱя, локтан да векджык колян када кадакывъяс бердын: а) ногакыв + ӱнӱя када кадакыв — *Брошасӱ лыддигӱн* Владиклӱн бур мӱлвпӱяс *чужӱны* (В.Безносиков); б) ногакыв + локтан када ногакыв — *ӱд сӱянтӱ корсигӱн* вермасны *утышитны* код тӱдас кытчӱдз (И.Торопов); в) ногакыв + колян када ногакыв — *Бура дыр пошиктисны* кыкнанныс да *серӱктышиталисны* ӱта-мӱд вылас *видзӱдигӱн* (В.Безносиков). Кыдзи -иг(-иг), сӱдзи тшӱтш -игӱн суффикса ногакывъяс корсюрӱ, лӱсялана контекстын вермӱны петкӱдлыны помасьӱм керӱм, шуам кӱть, *Ставсӱ тайӱс аддзигӱн* ме *шӱйӱвоши*, ме *весьӱпӱри*! (И.Торопов). Танӱ *аддзигӱн* ногакывлӱн керӱмыс ӱдийӱ мунысь, тшук овлысь. Ногакывлӱн да ськӱд йитчӱм мортасян кадакывлӱн керӱмъясыс овлӱны паськыд ӱнӱя када вежӱртасын. Сӱки кадакыв сикасьяс, мукӱд содтӱд кывйитӱдъяс отсӱгӱн, вежӱртӱны пыр, быд кадӱ овлантор: *Мӱдлапӱвсянь видзӱдигӱн* керкаясыс *кажитчисны* кузя пысавлӱм мольясӱн, кодъяс быттьӱ сикӱтшалӱсны *важгортасялысь* юланьса му-видзсӱ (В.Юхнин).

68 §. Урчитӱм морта ногакывъяс

Татшӱмъяс лыдӱ пырӱ 6 ногакыв сикас, кодъяссӱ артмӱдӱны ӱти сям суффиксъяс: -игам, -игад, -игас, -иганым, -иганыд, -иганыс. Кыв история боксянь урчитӱм морта-лыда ногакывъяслӱн артманногыс ӱткодь сям

-игён, -игын, -игё суффиксыяса ногакывьяскөд. Вежлөг суффиксыяс кывйын кутёны када вежёртас, шуам, *Көть мөвпалігам* кольмис менам юр, а планыс лои бур (М.Лебедев). Тайё вежёртассё ногакывлысь позьё петкөдлыны тшөтш веськөдлана када сёрникузя отсөгөн — *Көть и кор мөвпалі, сэк кольмис менам юр...* Видлалан 6 морта-лыда ногакывлөн суффиксыяс индёны өттшөтш мунан кад вылө да керём вөчысь вылө: 1) *сёйигам* = кор *ме* сёя, сёйи (1 морта өтка лыда вежёртас); 2) *сёйигад* = кор *тэ* сёян, сёйин (2 морта өтка лыда вежёртас); 3) *сёйигас* = кор *сійё* сёйё, сёйис (3 морта өтка лыда вежёртас); 4) *сёйиганым* = кор *ми* сёям, сёйим (1 морта уна лыда вежёртас); 5) *сёйиганыд* = кор *ті* сёянныд, сёйинныд (2 морта уна лыда вежёртас); 6) *сёйиганыс* = кор *найё* сёйёны, сёйисны (3 морта уна лыда вежёртас). Став квайтнан ногакывйыслөн кө грамматика вежёртасыс шымыртё кад петкөдлан йитөдьяс, то морта-лыда вежёртасыс абу сэтшөм өти ногса. Ногакывьяслөн керём вөчысьыс вермас лоны стөча урчитёма (медтшөкыда овлысь вежёртас), шуам көть, *Зарадитанторйыс вөралысьлөн век ки улас: Гран вөралігас* нуляссё вомас новлөдлөма (Е.Рочев). Субъекта вежёртасыс овлө тшөтш урчиттөм, өтувтана: *Гөститігад* коскө оз кучкы; *Весь олігад* мортыд тиыкө (шусьөгьяс). Торйөдөм ногакыв чукөрысь быдөнлөн вермё лоны содтөд уна лыда пертас, көть оз өткодя тшөкыда найё паныдасылыны кывйын, шуам, *сёйигас* → *сёйигьясас*. Сёрникузя: *Матвей Степан семьялөн татшөм сёрниттөм рытыс овлө сөмын сэк, кор сёйигьясас* оз овлы шуйга киас кутанторйыс няньыс (В.Юхнин). Уна лыда суффикс висьталё унаысь овлан либё вөвлөм керөмьяс йылысь.

69 §. -Игам(-ігам) суффикса 1 морта өтка лыда ногакыв

Гижөд кывйын тайё медшоча бергалысь ногакыв сикасыс кутё стөч грамматика вежёртас — индө сэтшөм керём вылө, кодөс вөчө ачыс сёрнитысьыс либё сійё мортыс, кодсянь мунё сёрниыс. Та понда векджык ногакыв бергалё йөз костын сёрниясын, диалогьясын, шуам көть: — *Гортё бөр локтігам* другөн зэрмис, — *Менам вөртіыс кытишлалігам* туйыс вошөма, — *Котөртігам* сідзи и чайтлі, мый верма сёрмыны. Кызди мукөд ногакывьяслөн, -игам ногакывлөн овлөны субъекта тэчасьяс. Сэки сёрникузяс шөр субъектыс вөчө ашөр керём, а ногакыв артмөдө содтөд ситуация, шуам, *Менам узигам* шондіыс вылө нин со качөма. Субъекта тэчасьясын керём вөчысь вылас вермё индыны сөмын *мена* морта нимвежтас. Грамматика шөр вежёртасыс видлалан ногакывлөн өти сикас — сійё индө өттшөтш мунан керём вылө, сёрникузяс шөр керөмыс век овлө сійё кадө жө, кор ногакывлөн керөмыс мунө, со көть, *Гижигам* дум воліс өти — *Бурторсё кыпөдны* вылө (Ф.Щербаков), *Гожөмнас* рытъяснас ылавын *сёйигьясам* ок лөсьыд кывзыны чөвлунсө.

70 §. -Иганым(-іганым) суффикса 1 морта уна лыда ногакыв

Тайö ногакыв сикасыс паныдасьлö оз сöмын вомгора сёрниын, но тшöтш серпаса гижöдьясын. Воддзасьыс торъялöмыс сыын, мый ногакыв керöм вöчысьыс уна, паныд позьö пуктыны **ми** нимвежтас, шуам, **Катіганым** на дзикöдз усим сьöлöмнаным: *быдлаын тыдалісны вуграсьысьяс* (Г.Юшков). Тайö ногакыв пыддиыс позьö пыртны када вежöртаса веськöдлана сёрникузя: **Кор ми катім на ю кузя**, *дзикöдз усим сьöлöмнаным*. Субъект петкöдлöм боксянь -игам ногакыв вермас кутны öти да сійö жö керöм вöчысьöс дзоньнас сёрникузяс, шуам кöть, **Öтчыд дуриганым кык друг урок вылö сёрним** (А.Льпоров). Тані öти шöр субъект (*ми*) *кык друг*, öттшöтш вöчö кык керöм. Аспöр субъекта вежöртаса ногакывьяс кутöны ас пытшкас торъя керöм вöчысь вылö индöм. Сэки сёрникузялөн керöм вöчысьыс дзик мöд морт. Сёрникузя: **Муніганым Лыткин кыв эз сетлы**, *öдйö на и восьлаліс* (Г.Юшков). Ногакывлөн аслыспöлöс суффиксыс бура индö (*ми*) керöм вöчысь вылö — *Кор ми мунім, Лыткин кыв эз сетлы*. Но керöм вöчысь вылö вермö индыны тшöтш асалан вежлöга **миян** нимвежтас — **Миян исласигьясаным зэв гажса вöлі**.

Грамматика шöр вежöртасыс -иганым ногакывлөн тшöтш када, сійö индö сёрникузяс шöр керöмлөн ногакыв керöмкöд öти кадö мунöм вылö, шуам кöть, — *Вай пöрчысь да гожъялыштам*, — **пальöдчышитіганым гулайтыштам вöртіыс**, *коль öктыштам самöвар пуктыны* (Н.Куратова). Ногакывьяс, аслас гырысь пытшкөсса позянлунтьяс вылö видзöдтöг, шочиника паныдасьлöны гижöд кывйын. Кызвынсö видлалöм ногакывьяссьö позьö кывны йöз сёрниысь: — **Пуктысиганым** *мед кöть поводдяыс бур жö лоас, оз колян тулыс моз*; — **Капуста пуиганым** *Енур Павел век миянöс серöдіс*.

71 §. -Игад(-ігад) суффикса 2 морта öтка лыда ногакыв

Ногакывлөн эм -игьясад(-ігьясад) уна лыда форма, коді петкöдлö керöмлысь унаысь, уна пöрйö мунöмсö: — *Öні нö сэсся кытчö?.. Но, волігьясад? Мед, эн шогсьы, выль пöдругаöс лöсьöдан* (Е.Афанасьев). Ногакывьясөн вöдитчöны кык морткостса сёрниын. Налөн керöм вöчысьнас век овлö 2 морта öтка лыда воча сёрнитысь морт (*тэ* нимвежтасөн нимтан морт либö ловья персонаж), шуам, — *Тэ думнад шуав* **ворсігад**, — *Андрей личкышталö кизьяссьö*: — *Шон-ді, бан-öй, о-лö-мöй. Сэтишöм шыяс корсяв чуньнад...* (В.Торопов). Татшöм вежöртасыс ногакывлөн медшöр да медваж, тöдчö сёрниясын, тшöктана-индана сёрнитанногын, а серпаса гижöдьясын паныдасьлö кызвынсö драмаясын: — **Котöртігад** *тэ дзик пыр эн öддзöдчы, вынъястö бөрвылас видзышит*, — *велöдіс тренер*, — *Мый йылысь мөвпалан та дырасö куйлігад?* — *юалö батъыс пиыслысь*. Ногакывлөн сөвмөмаöсь вильджык вежöртасьяс, а серпаса литератураын, 3 мортсянь гижигөн, но-

гакывъяс вермёны босътны паськыд вежёртасъяс, бергавны мукöд ногакывъяс пыдди.

Субъектöс тöдчöдöм серти ногакывъяслөн бергалö некымын вежёртас, найöс позьö видлавны кык юрподув серти: а) кызди öта-мöд дорас лöсялöны ногакывлөн да шöр сёрникузялөн керöмъяс да налөн субъектъясъяс; б) кызди лöсялö ногакыв суффиксыс да сыөн збыльысьö петкöдлан керöмыс. Позьö торйöдны ногакыв куим чукöр: öтувъя субъекта ногакывъяс, ашшöр субъекта да тöдчöдтöм субъекта *-игад* ногакывъяс. 1) Öтувъя субъекта ногакывъяс паныдасълöны шоча, сы вöсна мый та вылö колöны стöч условиеяс: медым сёрникузяса шöр керöм вöчысьыс вöли ногакывлөн субъектөн, медым сёрнитысь (автор) висьталіс аскöдыс варовитысь йывсьысь. Сёрникузяса: — *Со тэныд козынала и томлун. Челядьтö быдтігад томмылан, да и гажаджык лöд. Видз найöс (коз дорö шыöдчöм) (С.Раевский), Дашкö и мыйтаысь узьлін, орччöнтö олігад (И.Торопов); 2) ашшöр субъекта *-игад* ногакыв кутö ас керöм вöчысьöс, сэк жö сёрникузялөн шöр керöмсö вöчö кодкö либö мыйкö мöд, шуам кöть, *Тöв пуксигад* войвылын меодженъыдöсь лунъясыс (Я.Рочев), *Ловъя кö вöли Надяыс, кыа петігад* челядьыслысь узян онсö эз жö пальöд (В.Безносиков). 3) Тöдчöдтöм субъекта ногакывъяс öнیا кывйын (сёрниын, гижöдъясын) бергалöны медтшöкыда, со кöть, *Быдторйыс, дерт, овлö войвывса помтöм-дортöм вöръясöд собалігад (Я.Рочев), Сьöкыд овлö семья кост ёкышасигад, пыр быттьö лёк зэра кымöр улын (В.Юхнин). Ногакывлөн керöм вöчысьнас вермас лоны дзик быдөн. Торйөн «радейтана» татшöм вежёртасыс шусьöгъясын: *Мудз мортыд тай узигад* кулöма кодъ; *Мунігад* кок пыдöснад мусö он шонты; *Панясигад* удзöдö, а *уджалігад* видзöдö (дыш морт).**

Мöд юрподув серти видлалöм водзвылын быть колö пасйыны, мый видлалан ногакыв сикасөн петкöдланторйыс овлö зэв паськыд, вежёртасыс паськалöма сэтчöдз, мый ногакывйыс вермö сулавны вель уна мукöд урчитöм ногакыв сикас пыдди. 2 морта öтка лыда субъекта вежёртасыс веськыд, сійö медся бура тыдалö торъя йöзкостса сёрниын, шуам кöть, — *Сылань, мися, мунан да кысь. Пывсигад* на казялі, — *шуис Викторлы Нюра (В.Напалков). Тайö ногакывсö позьö вежны када веськöдлан сёрникузяён да пыртны тэ нимвежтас — Кор тэ пывсин, сэки ме казялі. 2 морта öтка лыда вежёртассянь сöвмöма öтувъя, паськыд вежёртас, коді петкöдлö керöм вöчысьсö кызди «тэ да быдөн, тэ да ставным ми», шуам кöть, Кузя олігад, шулöны, и вöрса дорö велалан да он кут повны (А.Лыюров), — Томсянь радейтчигад* быдторйыс овлö, — *казытыштö Мария Ивановна (Л.Панюкова). Коми кывйын видлалан ногакывъяслөн веськыд да öтувъя вежёртасъяс кызди ёна сöвмöмны мукöдъяс, найöс позьö öти кывйөн нимтыны вуджöдöмаясөн (ногакыв бергалö мукöд урчитöм ногакыв пыдди). Видлалан ногакывлөн вежёртасыс овлö сэтшöм паськыд, мый сыөн позьö вöдитчыны *-игас(-игас), -иганыд(-иганыд) да -иганыс(-иганыс)* суффиксъяс ногакывъяс*

пыдди. Та дырйи вежсьö висьталысь да кывзысь/лыддысь костын йитöдыс, сійö лоö ёнджык, матыссаджык, сибыдджык.

а) *-игад* = *-игас* = кор *сійö* мыйкö вöчö (вöчис). Тайö вуджöдöм вежöртаса ногакывйыс збылысьсö индö 3 морта öтка лыда субъектлөн керöм былö, шуам кöть, *Дерт, Сандраöс некодкöд эз су. Быдса кызь версттö локтігад* лолыс пöдöма *мужичöйлөн* (А.Попов). Тані кызь верстсö локтіс мужичöйыс. Татшöм вуджöдöм вежöртаса ногакывьяс пыдди позьö пыртны *сійö* подувпаса веськöдлана сёрникузяс, öткодялöй:

Дыр <i>конокалігад</i> мортыс скöнь вельмöма (В.Безносиков).	Кор мортыс дыр конюкалöма, сійö скöнь вельмöма. = дыр <i>конокалігас</i> мортыс вельмöма
--	--

Татшöм вежöртаса ногакывьяс — художествоа стильлөн тöдчана пас, шуам кöть, *Сейöм ни юöм. Лунтыр сейтöгыд да пыр жöдзигад Öпресьлөн став сönьясыс нин личалисны* (И.Сажин);

б) *-игад* = *-иганыд* = кор ті мыйкö вöчанныд (вöчинныд). Татшöм вуджöдöм вежöртаса ногакыв пасйö 2 морта уна лыда субъектлысь керöмсö: — *Мырддяланныд да петігад öдзöс дорас караул сувтöдö, мед некодöс ывлаас не лэдзны* (И.Сажин). Дерт, тані логичнöйджык вöлі шуны «мырддяланныд да *петіганыд* караул сувтöдö». Видлалан ногакыв кокниа босьтö ас вылас 2 морта уна лыда («ті») вежöртас, торйөн нин тшöктана сёрнитаннога кадакывьяс бердын, шуам кöть, Н.Шаховлөн (Сандрик Миколлөн) «Том нывьяслы» сьыланын: *Сьылöй, гажöдчöй гажа том кадад, Кужöй сьывнытö дзоридзалигад*.

в) *-игад* = *-иганыс* = кор найö мыйкö вöчöны (вöчисны). Ногакывлөн тайö вежöртасыс петкöдлö 3 морта уна лыда субъектөн вöчан керöм (найö мыйкö вöчöны (вöчисны)). Сёрникузяс: *И сöмын сэки Катя дзик бор боксьыс, турун письыс, казяліс капуста мач. Дзик öтиöс. Гусьаьсысьаьсид, тыдалö, тэрмасигад уськöдöмаöсь* (А.Ульянов), — *Ёна жö кöнкö, коньöрьяс, кыммöны найö прöста олігад*, — *содтышитіс Ёгорлөн пиыс шмонитігмоз* (И.Пыстин). Бөрья сёрникузяс позис пыртны *-иганыс* ногакыв: *кыммöны найö прöста оліганыс*.

Видлалана ногакывьяслөн кывйын эм грамматика öти шöр вежöртас — када вежöртас, сёрникузяса шöр керöм дорö öти кадö мунан керöм петкöдлана вежöртас, шуам, *Гөлöсыс Тима Анналөн вöсньыдик, небыдик, кывзан сійöс пызан сайын пукалігад*, да *морöстö выйөн мавтöны* (А.Ульянов). Сёрникузяса шöр керöмыс овлö буретш ногакывлөн керöм мунігөн, оз сёрджык, оз водзджык. Та вöсна ногакывлөн керöмыс ашшöр, сійö абу зумыда йитчöма сёрникузяса шöр процесс дорö. Та вöсна када вежöртасыс ногакывьяслөн абу вывті ёна паськалöма, кызди, шуам, *-иг(-іг)* суффикса ногакывлөн.

Öттшöтш мунан кад былö индöмыс видлалан ногакывьяслөн вермö лоны куим ногса, öттшöтш, öти кадö мунан керöм öнiя, локтан да кольöм када

кадакывъяс дорё. Сёрникузяяс: *Дыр узигад пö фермайдлөн йöлыс шоммас* (В.Безносиков) (öттшöтшъя кад локтан када кадакыв дорё); *Зутишкыліс Геня кидн öти вольпасьö — газет пöдишивка кодъ чорыд. Он госсъяв, майбыр, тані узылігад* (И.Торопов) (öттшöтшъя кад öнiя када кадакыв дорё); *кынмыны вель ёна сюрліс лым чомъяд öлігад* (И.Пыстин) (кольöм када кадакыв дорё).

72 §. -Иганыд(-іганыд) суффикса 2 морта уна лыда ногакыв

Татшöм ногакывъяс паныдасьлöны шочджыка, кызвынсö диалогъясын, кор мöд мортлы, öтувъя сёрниса йöзлы тшöктöны либö корöны мыйкö вöчны, шуам көть, — *Чöскыд кө — морт öти кусöкөн эм на рачын. Мöдысь манитчиганыд звöнитлöй көть, — бурмис сьöлöмыс мамыслөн да скöравтöг велöдіс мужичöйясöс* (Б.Шахов), *Уджалиганыд эгö и казялöй уджалан лунлысь помасьöмсö, — Мöдысь карсяньыд воліганыд шоныд-джыка пасьтасьöй, автобусад овлö көдзыд, — корис мамным*. Кызди -игам, -иганым суффиксыя урчитöм нимвежтасьяслөн, видлаланаяс век кутöны стöч морта-лыда вежöртас, шуам көть, — *Нежнöйöсь öд ті, контораад пукаліганыд* (Н.Куратова).

Овлö сёрниын нöшта -игьясаныд уна лыда суффикс, сэки ногакыв индö уна пöрйö мунан либö муналöм керöм вылö: — *Визин кузя катігьясаныд энö вунöдöй кузьджык гöптьяссö кыснанапны, — велöдö мяняöс дедным*.

73 §. -Игас(-ігас) суффикса 3 морта öтка лыда ногакыв

Уна лыда -игьясас (-ігьясас) суффикс содтö ногакывлы унаысь овлан керöмлысь вежöртас: *Весиг парткомса секретарь Ефим Ефимович Кудинö волігьясас кежавліс Пома Ваньясö сола чериөн чöсмасьны да тиай юны* (Ю.Васютов), *Гришаясö волевлігьясас Октябрина векджык водзвыв звöнитлывліс* (Б.Шахов). Татшöм ногакывьяслөн вежöртасыс зэв тöдчана: сійö шымыртö асьсö керöмсö, кад вылö индöм, морта-лыда керöм вöчысь вылö да нöшта на уна лыд вылö индöм.

Керöм вöчысь вылö индöм боксянь -игас ногакывьяслөн грамматика вежöртасыс абу öткодь. Көть гөгөрвоана, мый ногакывлөн субъектыс век урчитöм (3 морта öтка лыда), сёрникузяын, уна сикас ситуацияын ногакывъяс вермöны кутны нель сикас вежöртас: а) öтувъя субъекта, б) асшöр субъекта, в) урчиттöм субъекта, г) субъекттöм вежöртасьяс.

а) Öтувъя субъекта -ігас ногкывьяслөн вежöртасыс пасйö öти керöм вöчысьöс дзонь сёрникузяяс, кыкнан керöмсö вöчö кодкö либö мыйкö öти: *Ачыс сійö, Микит, пуктысигас эз жö нин и кайлы сэтчö, бöртинас сöмын кытишовтышитіс ком вугралігмоз* (И.Торопов), *Мöд колхозын куканясигас мöскыс кулöма* (А.Лыуров).

б) Ашшөр субъекта ногакывъяслөн эм ашшөр керём вöчысь, кодi векджык петкöдлöма нимтан вежлöга торъякывйöн, шуам, *Кутиöмкö збой войтыр со кавиашьöны вагон подножка вылас веськыда поезд мунiгас* (Н.Куратова), *Максимлысь мамсö кулачитисны жö. Кык во сайын, тöв пуксигас* (А.Попов).

в) Урчиттöм субъекта вежöртассö ногакывъяс кутлöны сэк, кор абу некутшöм коланлун сы вылö индыны, шуам, *Быд черилысь керигас руикусö поткöдöны, а сирлысь оз. Сирыд сийö быд лекторсö нятикö: лёльöясöс и, лягушаöс и* (Е.Афанасьев), *Проповедь лыддигас став пöчыс сыркъялöмөн бöрдисны* (П.Малафеев). Тайö сёрникузяс -игас ногакыв пыддиыс позьö кокниа пыртны -игöн суффикса урчиттöм ногакыв, öткодялöй, *Быд черилысь керигас руикусö поткöдлöны* = *Быд черилысь керигöн руикусö поткöдлöны*.

г) Субъекттöм вежöртасыс овлö сэтшöм ногакывъяслөн, кодъяс артмöны морттöм кадакывъяссы: *Югдiгас петiс чорыд кос лым* (С.Раевский), *Пемдiгас нин помасис том йöзлөн уджыс*.

Кыззи став урчитöм ногакывйыс, видлаланаяс кутöны öти ногса грамматика вежöртас — кад вылö инданаöс, шуам кöть, *А вийöр сöмын и лясйöдлö пу бöрся пу, пожöм бöрся коз, пожöмъяс пöрöны швичöка, ягыс сыркнитчылö инёпкысигас* (И.Торопов), *А мужичдöйлөн вирдышитiс юрас, кыззи Пома Вась председателялигас вöлөн рiзъялис öтиласянь мöдлаö* (А.Попов). Ногакывлөн да сёрникузяс шöр кадакывлөн вермöны овны торъя субъектыяс; сэки ясыда тыдалö кыкнан керöмлөн öти кадколастö мунöмыс, пример пыдди, *Гижö Митрук, гажтöмлунсö пöдтö... Öтчыл тадзи мöвналигас и суис сийöс Даша* (Е.Рочев). Сёрниын ногакывъяслысь кад вылö индан нырвизьсö тшöкыда тöдчöдöны када вежöртаса урчитантыяс, шуам кöть, *Кольöм тулыс, гöригас аскöдыс книга босьтöма Женя* (А.Попов), *Асывнас водз, лöз тöдчигас, кылис дежурнойлөн лёкгорша гöлс* (В.Чисталёв).

Öти кадö мунöм, öнiя кад вылö ногакывъяс индöны шöр сёрникузяс кадакыв-предикатлөн кад серти. Видлалан ногакывъяс вермöны петкöдлыны öнiя када вежöртассö шöр кадакывлөн öнiя, локтан, колян када керём дорö либö вермöны индыны век овланторъяс вылö, пыр овлан керём вылö: а) -игас ногакыв + öнiя када кадакыв-предикат: *Чигарка би муртса югдöдö Öстаплысь чужöмсö. Би ыпъялигас кыз синлап увтiыс скöр синъясыс дзирдышиталöны* (И.Изьюров), *И быттö сiдзи и колö, ставыс со гылыда мунö, некод оз торксы ворсiгас да сьылигас* (В.Безносиков); б) -игас ногакыв + локтан када кадакыв-предикат: *Öнö чойсö кайигас друг аддзас ошкöс; Марпа вотчигас друг сэсся заводитас пöдны мыйкö вöсна*; в) -игас ногакыв + колян када кадакыв-предикат, шуам кöть, *Укват кодь вожса ув тротинитисчегис, усигас пысасис Сергейлы сьылиас, турки-тарки жмоткысисны öтлаын* (В.Торопов), *И öнi, танi пöлатяс куйлигас, бара на сьöлöмсö Кузьмалысь шымыртiс, йирис полöм* (Г.Фёдоров).

Сёрникузяс шөр кадакывкөд өтыв ногакывьяс вермёны петкөдлыны тшөтш век овлана, пыр вөчлан керөмьяс, сэки найö индöны паськыд öнiя кад вылö: *Ош төвнас узигас певсö нёнялö, Шондi петигас лөнъ овлö, Ветлигас нэм чöжыс туйбөр чышкö бöжыс* (руч) (Ю.Попова).

74 §. -Иганыс(-иганыс) суффикса 3 морта уна лыда ногакыв

Коймöд морта уна лыда, -иганыс суффикса ногакывьясöс позьö повтöг нимтыны урчитöмьясөн, сы вöсна мый сёрниын найö век кутöны стöч вежöртас — индöны уна лыда («найö») субъект вылö, шуам кöть, *Мед поэма петкөдлас... И бур йöзсö, кодьяс öнi Олиганыс кыммöны и тшыгьялöны, И быд шудсö кулём бöрас виччысьöны* (И.Куратов). Та вöсна тайö ногакыв сикасыс унаыс овлö уна лыда подувпаса сёрникузьян, 3 мортянь гижигөн кор серпасалöны уна йöзсö, ловья либö ловтöмторьяс йылыс: — *Со и ми! — матыстчиганыс шыасисны нывьяс* (Н.Куратова), *Рытнас ужнайтиганыс нин планируйтышитисны, кыдзи мый налы водзö овны* (Б.Шахов). Ногакывлөн да сёрникузяс шөр предикат-кадакывлөн тайö вежöртасас эм öтувья субъект. Татшöм öтувья субъекта ногакывьяс сёрниын паныдасьлöны медтшöкыда: *Узиганыс немтор абу и кывлöмaсь восьса вомаясыд* (И.Торопов) = *Кор найö узьöмaсь, сэки немтор абу кывлöмaсь*. Асшөр субъекта ногакывьяс сёрниын бергалöны тшöтш унаыс. Сэки сёрникузьясыс шөр керöмсö вöчö кодкö либö мыйкö мöд, пример пыдди, *Сикт дорö воиганыс кылöдчысыясы паныдасисны пионерьяс* (Г.Фёдоров). Тайö сёрникузяс шөр керöмсö вöчöны пионерьяс, ногакывлөн субъектыс кылöдчысыяс. Ас субъекта ногакыв тэчасьяс паныдасьлöны шоча, кызвынсö керöм вöчыс вылö индöны *ас, асланыс, налөн* веськөдлана нимвежтасьяс: *Сенялы дум вылас уси ас вотчиганыс ош йылыс сёрнитöмыс* (Г.Фёдоров), *Налөн ютi кыв-тиганыс* ваыс зэв ёна содöма, *Асланыс сёйиганыс* некод эз торклы пуксьылöм чöв-лөнсьö. Овлöны нöшта сэтшöм сёрникузяс, кöнi ногакыв кутö паськыд субъекта вежöртас (керöмсö вöчöны унаөн), а сёрникузяс шөр керöмсö вöчö öтка лыда, öти субъект, шуам кöть, — *Ми мöдiм, Анна Степановна! — горöдiс петиганыс ныв* (Н.Куратова). Танi петисны гортсыс унаөн, а горöдiс на пиыс öти, сийö ногакыв керöм вöчысыясыс öти. Татшöм субъекта вежöртасыс быттьöкö öтувтö кыкнан видлалöмсö нин, ногакывлөн керöм вöчысыяс пийö пырö шөр сёрникузяс кадакывлөн субъектыс, примерьяс пыдди, *Öтчид, пажнайтиганыс, тешкодьтор на думсьыс висьталiс, оз-ö серöктыны да бурасыны тадзикөн сы вылö* (Г.Юшков).

Урчитöм -иганыс ногакывьяс сёрниын кутöны öти грамматика вежöртас — индöны öти кадö мунан, сёрникузьян шөр керöм дорö öттшöтш вöчан процесс вылö, шуам кöть, *Ужнайтиганыс* кыкнанныслы, *буракö, сёяныс* эз пыр (С.Раевский).

75 §. *Өнiя када -игмоз(-iгмоз) суффикса ногакыв*

Артманног сертиыс тайö ногакывйыс *-игтыр*, *-игтырйи*, *-игсор*, *-игчöж*, *-игкості*, *-игкежлö* суффиксыяса ногакывьяс кодъ жö, кыв историяын öтла-асьöмаöсь ногакывлөн *-иг* суффикс да *моз* кывбöр: *муніг + моз*, *сьыліг + моз*. *Моз* кывбöр кутö öткодьялан, öтлааститан вежöртас да йитчö медводз сэтшöм эмакывьяс дорö, кодъяс асьныс топыда йитчöмаöсь кадакывйыс дорас, öтко-дялöй, *котöртö йöра моз öдйö*, *лэбö юсь моз*, *кывтö чери моз*. Кыв исто-рияын *моз* кывбöр тшöтш сулавлöма кадакывйыс артмöм *-ик*, *-иг* эмакыв бердын да вочасöн воштöма ассьыс öткодьялана, öтлааститана вежöртассö.

Вежöртас вежсьöм-сöвмöмсö вермöны гөгöрвоöдны öткымын сёрнику-зяс, кöнi кольöма на *-игмоз* суффикса ногакывлөн абсолютнöй тэчасыс, сэнi тыдалö ногакывлөн ашöр керöм вöчысьыс, шуам кöть, *Сійö жергöдiс та-бакысь вижöдöм пиньяссö да вöв гөрöктiгмоз серöктiс* (И.Пыстин). Воддза вежöртасыс вöвлöма öткодьялана: *серöктiс сiдзи, кызд быттö вöв гөрöктiс*. Вочасöн сэсся татшöм вежöртасыс чусмöма да лöмa сöмын сод-тöд керöм петкöдлана, öнiя ногса юöртантор, шуам кöть, *Важ тола дорö турöб мöдöс пунктö И омлялö сук лымсö гартiгмоз*, *Ме сэки быттö сьöд вöршöрса коз — И шуштöм мем, и личкö улис тукта* (А.Ванеев). *-iгмоз* суф-фикса ногакыв петкöдлö содтöд керöм, сійö мунö сёрникузяса шöр керöм-кöд öти кадö, öттшöтш. Тэчаса суффиксыс сетö аслыспöлöс содтöд вежöр-тас, стöчджыка кö, сійö: а) топыда йитö ногакывсö шöр керöм дорö, индö сы вылö, мый ногакывлысь керöмсö он вермы гөгöрвоны торйöн шöр ке-рöмтöгыс; б) петкöдлö, мый ногакывлөн керöмыс шöр керöм дорысь абуд-жык тöдчана, сійö сёрникузяса шöр процесс дорö содтысяна-ляскысяна. Сёрникузяс: — *Бласлö кристос... — пернапассö чöвтiгмоз шуис* Мишка, *кор нин аддзис джоджын пласът куйлысь мортöс* (В.Юхнин), — *Мый бара Петрö мамöлы мыччас-а? — мунігмоз* Миша *мöвпалiс* вокыс йылысь (В.То-ропов). Ногакывьяслысь керöмсö тайö сёрникузясас век вöчöны быттö пöпуттö, пырмунігмоз. Шöр мöвпыс сёрникузяс бергöдöма буретш *шуис* Мишка да Миша *мöвпалiс* предикация гөрöдъяс вылö. Ногакывьяс быттöкö содтысьöны, ляскысьöны асланыс вежöртаснас шöр керöм петкöдлысь ка-дакыв дорö, шуам кöть, — *Мый нö, — лабичысь сувтiгмоз шыöдчис* Про-копей, *Öльöшлы синмас видзöдны зiльöмöн* (В.Юхнин).

Сёрниын видлалана ногакывьяс овлöны урчитанаöсь, вермöны йитны ас бердас индан-асалан суффиксыс, шуам, *Ваня котöртiс чеччалiгмозыс*, *Ва кузя гозъя катiсны сьылiгмозныс* да с.в. Но индан-асалан суффиксыслөн но-гакывьяс дорö йитчан парадигмаыс абу тыр, сэнi абу 1 морта öтка лыда ин-дан-асалан суффикс, сійö ногакывьяс дорö йитчыны оз вермы. Тыдалö, сёр-нитысь/гижысьлы абу некутшöм коланлун ассьыс керöмсö урчитны, öд сiдзи нин процессыс урчитöма, шуам кöть, *Муна удж вылö дитяöс садйö нуöдiгмоз(öй)*. Индан-асалан суффиксыс артмöдöны татшöм бала:

Морт	Лыд	Өтка лыда	Уна лыда
1		—	<i>мунігмоз-ным</i>
2		<i>мунігмоз-ыд</i>	<i>мунігмоз-ныд</i>
3		<i>мунігмоз-ыс</i>	<i>мунігмоз-ныс</i>

Сёрниын да гижөдьясын медтшөкыда бергалё 3 морта өтка лыда *-игмозыс* суффикс тэчас, мукөдыс бергалёны кызвынсö сөмын сёрнитан кывйын, диалогьясын, шуам көть, — *Василей, локтігмозыд вай* мянё поштасё, тöрытсаянь өд вайтөм, — *корис зонкаёс пöчö, — Кывтігмозным* чери кыям кыснанён. 3 морта уна да өтка лыда индан-асалан суффиксыс йитчылёны гижөда кывйын медся тшөкыда, өд 3 мортсаянь гижигён авторьяс на отсөгөн серпасалёны урчитөм керөмяса стөч ситуациясыс, шуам көть, — *Чолөм да дзоньвидзалун бур йөзлы, — пыригмозыс* видзаасис Педьё (Б.Шахов). Индан-асалан *-ыс* суффикс, ногакыв суффикс дорё йитчигён, вермё кутны паськыдджык вежөртас на, субъекта вежөртасыс йывмё да мыччысё сөмын урчитанаыс. Шуам, кор *-ыс* суффикс збыльысёс бергалё *-ныс* (3 морта уна лыда) пыдди, шуам көть, *Дерт, көнкө думайтисны, мый оз жё* лыбны *инспекторьясыд*. Мый сөмын *нимкодьясыштасны кыв-тігмозыс* вөрса великан вылө и ставыс (Е.Афанасьев). Тані эськө колö вöлі пыртны *кывтігмозныс* (инспекторьяс нимкодьясыштасны) ногакыв.

-Игмоз (*-ігмоз*) суффикса ногакывьяс асланыс субъекта вежөртас серти-ыс ёнакодь торьялөны водзынджык видлалөм нин ногакыв сикасысыс. Сідз, ногакывьяслөн эм сөмын өти субъекта вежөртас. Ногакыв да сёрни-кузяса шөр керөмыслөн век овлө өти субъект, сійö векджык ловьятор (морт, пемөс), сёрникузяын подувпас. Сёрникузяс: *Митрук вильиасигмоз кав-ишасьлывлө* чом вылас, *көть сюмөдыс, а крепыд да исковтөдө бура* (Е.Рочев), — *Мый нө тані вөчан? — йи бытикыс сөвика морт дорө матыст-чигмоз юалис Лео* (И.Пыстин). Ногакывлөн керөмыс векджык овлө активнөй, сійö топыда йитчөма сёрникузяса шөр керөм дорө. Унджык *-игмоз* суффикса ногакывыс та вөсна артмөма инті вуджан вежөртаса кадакыв-вужьясыянь, пример пыдди, — *Абу эськө да, — зільö збодерасьны Владик, тьөткаыскөд орчөн восьлалігмоз* (В.Безносиков). Мукөд сикас вежөртаса кыввужьясыс артмөм ногакывьяс сідзжө вежөртөны өти субъектсаянь веськөдөм содтысян керөм, шуам көть, *Дзорман юрсисö лөсьөдігмоз* *Каза-ринова* кывзіс учительлыс висьталөмсö (Г.Фёдоров), — *Таыс бур страк колө сетны, — чай юигмоз* сёрнитіс батыыс (Е.Рочев).

Ногакывьяслөн сёрниын эм кык вежөртас сикас: содтөд керөм петкөд-лан да нога вежөртасьяс. а) Ногакывьяс медтшөкыда индөны с о д т ө д к е р ө м вылө, кодөс вөчө сёрникузяса шөр керөм вөчысыс, шуам көть, *Рыт вайыс рөмыдыс Вомынбөжсянь Кекурө локтігмоз вевтлялө жө найөс руд шебрасөн* (П.Шахов). Унаыс ногакывлөн төдчанлуныс оз тыр-выйö тыдав сёрникузясыс, сы вөсна мый сёрникузяса субъект ногакывлыс

керѳмсѳ вѳчѳ ѳдйѳ, пырмунігмоз быгтѳѳ: — *А ѳні, шойччигмоз, нуѳдам неыджыд КВН, — юѳртіс велѳдысь* (В.Торопов), — *Позьѳ кыскыны, — колодасѳ крукалѳм бѳрын керьяс вывті берегланьыс чеччалігмоз* нин горѳдіс Микит (В.Юхнин). б) Нога вежѳртаса ногакывьяс гѳгѳрвоѳдѳны шѳр керѳмсѳ, сылысь мунанногсѳ, керѳм вѳчысьсѳ татшѳм ногѳн тшѳтш, шуам кѳть, — *Ну и ладно, — серѳктышитігмоз* шуис Хан Батый (И.Торопов), *Марья Коль яндысигмоз корис* вузавны кило-мѳд порсь яй (А.Попов). Ногакывьяс сетѳны такѳд ѳттшѳтш содтѳд юѳр сы йылысь, кутшѳм ногѳн мунѳ керѳмыс, кызди: *Пѳсьсѳ чышкалігмоз* лекторыд *кывкѳрталіс* ассьыс сѳрни-баснисѳ да шлопкис-тупкис папкасѳ (В.Безносовых), *Челядь... мунѳны тѳрмасѳтѳг, варовитігмоз* (И.Белых).

-Игмоз (-ігмоз) суффикса ногакыв сикас кутѳ ѳти кадѳ мунан када вежѳртаса. Татшѳм кад вылѳ индѳмыс сѳрниын век гѳгѳрвошьсѳ кызди сѳрникузяса шѳр керѳмлѳн актуальной кад дорѳ ѳттшѳтш мунысь керѳм. Та вѳсна ногакывьяс сѳрниын вермасны йитчыны ѳнія, локтан, колян кадыаса кадакывьяс бердѳ. Таысь ѳтдор, аслас аслыссыкас грамматика вежѳртас боксянныс ногакывьяслѳн кад вылѳ индѳмыс вермылѳ дзыкѳдз вошны, пыржавны, сійѳ овлѳ дзыкѳдз тѳдчѳтѳм. а) Ногакыв + ѳнія када кадакыв-предикат, шуам кѳть, ...*керьясыс, и топыда пукалѳны, вевсѳн моз, — вочавидза* ме, ас кежысь *артасигмоз* (И.Торопов), *Кѳдзыд йи тундра, кызди ышнясигмоз ыджѳѳдлѳны* романтика корсьысь войтыр, ылѳдз ѳні шыалѳ (Е.Рочев). б) Ногакыв + локтан када кадакыв-предикат: *А нылка, Марпидушка, сѳтчѳ шуас: «Шойччышта пѳ и эм, мамѳ, шойччигмозыс печкышта* (паныдасьлѳ мойдьяс, вѳвлѳмторьяс висѳталігѳн, унаысь колян када вежѳртасын). в) Ногакыв + колян када кадакыв: *Керкаланѳ котѳртігмозыс пѳрччис* шабурѳ да бара воиис керка пытикѳ (В.Юхнин), *сѳсся пуртсѳ пуртѳсас сѳйигмоз видѳѳдлѳс* кымыньѳн сунвидзысь Симѳ вылѳ (Н.Курадова). Унаысь овлѳ сідзи, мый ногакывьяслѳн керѳмлысь содтысян, ляскысян, ѳсѳг сетан ѳтшыс небзьѳдѳ-вуштѳ када вежѳртасыслысь тѳдчанлунсѳ. Сѳки ногакывлѳн кадыс гѳгѳрвошьсѳ паськыда либѳ вермѳ дзыкѳдз вошны-пыржавны: — *Кутиѳм шог вермас лоны! — горзіс йѳктігмозыс* Миша (П.Шахов), — *Ыркѳдчигмоз ѳбед бѳрын вой керкаѳ водыитлі* да ѳнѳдз узьсьѳма (П.Доронин). Татшѳм сѳма ногакывьясыс аслас функция боксянныс матысмѳны кывпод дорѳ. ѳткодьялѳм могысь, позьѳ вежны сѳрникузясѳ: — *Ыркѳдчыны ѳбед бѳрын вой керкаѳ водыитлі*...Татшѳм ногѳн, видлалан ногакывьясыс вермѳны сѳмын нимтыны керѳмсѳ, потенциальной да мога вежѳртас босьтѳмѳн.

76 §. ѳнія када -исгор(-ігсорѳн) суффикса ногакыв

Тайѳ ногакывьяс шочиника бергалѳны гижѳд кывйын, кызвынсѳ найѳ кылѳны вомгора кывйын, сѳрниясын: *Капустасѳ* пум рытъявылыс зѳв ѳдйѳ, *шмонитігсор, Тѳрыт пажнайтім* музыка *кывзігсорѳн, Чайсѳ* юим

сулалігсорён нин да с.в. Тайё ногакыв сикаслён тэчаса суффиксыс артмёма -иг коаффиксыс да *сор/сорён* кывбёрысь. *Сор* кывбёр ачыс бергалё сёрнианым шоча, торъя ситуациясын, кор колё тёдчөдны мыйён, мый пуктёмён мыйкё юёны, сёйёны, пөжалёны да с.в., шуам коть, *пуны юква йёв сорён*, *гудравны нянышом кельк* да *мукөд содтөд сорён*, *юны крепид-торсө ва сорён*. Öтувья вежөртасыс *сор* да *сорён* кывбөръяслён «өтлаын, мыйкё кытчөкө содтөмөн». Ногакывьяс артмигён буретш кывбөрлөн татшөм пасьянторйыс тыдалё на тэчаса суффикс вежөртасысь. Ногакывьясыс артмиганыс, тыдалё, вежөртлісны сэтшөм керөм, коді мунліс шөр керөм дорё сөмын содтөд пыдди, кызди төдчытөм керөм. Шуам, *Öньö мыйкё зэв гораа горзис берег пөлөн котөртігсор*. Тані шөр керөмыслөн төдчанлуныс медыджыд, ногакывйыс петкөдлө сөмын боысса, төдчытөм керөм, коді быттьөкө мунё шөр керөмкөд сорывыв. Тайё аслыспөлөслун вöснаыс видлалан ногакывсө поэё нимтыны кызди ичөт төдчанлуна керөм петкөдлысьсө.

Тайёс гөгөрвоөдө нөшта сійө, мый ногакыв век топыда ляскысьö шөр кадакыв бердө да гөгөрвоөдө сылысь керөмсö: *Уна мойд ми ыджыд мамлысь кывзылім паччөрын күйлігсор*. Ногакывьяс век бергалёны кывйын нога грамматика вежөртасын, найö гөгөрвоөдөны сёрникузяыс шөр керөмсö, юөртёны, кызди, кутшөм ногөн сійө мунё либө муніс, шуам коть, *Бательсь висьтсö кывзам сёйигсор*; *Матыстчис нывка да бөрдігсорён вись-таліс*, мый сылөн воишис мөскыс. Сідзкө, -игсор(-ігсорён) суффикса ногакыв аслас вежөртаснас век индө, а) мый ногакыв төдчөдө сёрникузяса шөр керөмсö, ляскысьö сы бердө, мунё аслыссяма гөгөрвоөдысь пыдди; б) петкөдлө, мый шөр керөм сертиыс аслас керөмыс лоö төдчытөмджык, сійө гөгөрвоөдана керөм дорас век мунё быттьө сораса процесс, шуам коть, *Пыж гыысь гыö сөмын и чеччалө*. Сідзи *сыніг-йөткасигсор* найö (Проньö, Сергей да Пыста Иван) кыссисны берег дорті (Г.Фёдоров).

Аслас татшөм вежөртас вöснаыс видлалан ногакывьяс кутёны өнія када омөля төдчана вежөртас, шуам коть, *Восьлала тэрмасигсорён*, *коть и ог виччысь нин удж...* (А.Ульянов).

77 §. Öнія када -игтыр(-ігтырийи) суффикса ногакыв

Артманног сертиыс ногакывлөн суффиксыс артмө -иг коаффиксыс да *тыр*, *тырийи* кывбёрысь, кодъяслөн өнөдз на төдчыштө када вежөртасыс. Öнія кывйын тайё кывбөрлөн медводдза консонантыс век юргө гораа: *дырийи*, *пажын дырийи*, *ичөт дырийи*. Тайё гораммөмыс ногакыв суффиксын абу мунөма. Тайё висьталё, мый ачыс ногакывйыс, тыдалё, артмөма-чужөма кывйын вель важөн, өд өнія перым-коми сёрнисикасысын -ик, -икö суффикс век овлө гортөм консонантаа. Сэк жö ногакывлөн -иг коаффикслөн консонантыс гораммөма. Коми гижөд кывйын кык гора консонант-шы оз

вермы сулавны, но օткымын коми сёрнисикасын бергавлօ -игдырйи тэча-са суффикс, шуам, вылыс Эжваса сёрнисикасын — висигдырйи, изъваса сёр-нисикасын — гижигдырйи сёрнитны да с.в. Гижօд кывйын да унджык сёр-нисикасын шыкуд помкаяс вօсна татшօмыс օз օвлы: кык гораммօм консо-нантыс г да д тэчас косттօгыс, торйօдтօгыс шунысօ зэв сьօкыд. Кօть корсюрօ коми сёрнитан кывйын шулывлօны торьякывьяс вылօ торйօдмօн: — **Велօдчиг дырйи** ме օлі долыда. Татшօм кывтэчасьясын -иг суффикса кыв бергалօ эмакыв туйын. Коми сёрнисикасыясын бергавлօ тшօтш -игтырья, -игдырья суффикс, коді ачыс артмօма тырья, дырья кывбօрьясыс. օткы-мын гижыс пыртօ жօ татшօм сям суффикс сикасыяссօ аслас гижօдьясас, примерьяс пыдди, *Микулай коли, мыр моз сулалан, посводзօ. Дрօж-житигтырья* пырис сійօ керкаас, но дыр эз օвсьы сэні (М.Шестаков), *И вой керка օииньлань доршасьмօн, грօзитчигтырья* петіс Демит օиинь улысь (П.Доронин). Став мукօд -иг элемента ногакывьяс пиын видлаланаыс дзик օти сикас, код суффикс дорօ вывті шоча йитчывлօны индан-асалан суф-фиксыас. Татшօмторйыс вермас лоны шыкудса помкаяс вօсна: -игтыр бօрын сьօкыд содтыны нօшта консонант — мунігтырным, мунігтырныд, муніг-тырныс. -Игтыр ногакывьяс некор օз индыны ашшօр содтօд керօм вылօ, օз артмօдлыны субъекта, абсолютнօй тэчасьяс, век ляскысьօны-йитчօны сёрникузяса шօр кадакыв-предикат бердօ, найօ татшօм ногօн сідзи нин век урчитօмабсь — ногакывлօн да шօр керօмлօн субъектыс век сійօ жօ. Татшօм ногօн, торйօнсօ урчитны ногакывьяссь индан-асалан суффиксыас օтсօгօн օз ков, шуам кօть, *Тиак вотыськօд аддзысьла, Гусьօникօн кутчысьла, Вотчигтырйи* воччасьла, *Зэв топыда օкасьла* (В.Савин), «Пинь-пинь... пинь-пинь!..» — кытօнкօ коз йылын, кылօ, *тиетикօдчօ-пинясьօ кօдзыдкօд пинь-кай, коль гылօдигтырйи* (В.Чисталёв). Урчитօм ногакывьяс օнія кывйын бергалօны сօмын сёрниын, сёрнисикасыясын. Найօ артмօдօны татшօм бала:

Морт	Лыд	օтка лыда	Уна лыда
1		—	горзигтырйи-ным
2		горзигтырйи-ыд	горзигтырйи-ныд
3		горзигтырйи-ыс	горзигтырйи-ныс

-Игтыр суффикса ногакывьяс бердօ ляскысьօны сօмын уна лыда индан-асалана суффиксыас: чеччалігтырным, чеччалігтырныд, чеччалігтырныс. Вомгора кывйын урчитօм ногакыв сикасыас бергалօны шоча: — **Вотчиг-тырйиыд**, дерт, пыдօдджык вօрас пырим. օнія гижօд кывйын бергалօ кык сикас ногакыв суффикс -игтыр да -игтырйи, кодьяс асьныс артмылісны тыр да тырйи кык сикас кывбօр подув вылын. Тайօ кык кывбօрыслօн вօлі օткодъ вежօртас. օткодъ вежօртасыс лоис суффиксыасыслօн. Ногакывьяс сёрниын да гижօдьясын бергалօны дзик օтмоза, օти вежօртасын, օти могьяс кутօны сёрникузяын. Вайօдам кык ногакыв гоз:

-игтыр(-ігтыр)	-игтырйи(-ігтырйи)
<i>Бөрдігтыр коляліс ассыс быдтас мам (И.Габов).</i>	<i>Милицыяд воис да, ачыс Иваныс бөрдігтырйи сылы висыталіс, код юра нӧ вӧлі да оғ помнит (А.Попов).</i>
<i>Тадзи мӧвһалігтыр Сеня муніс водзӧ (Г.Фёдоров).</i>	<i>Талун ставыс мӧвһалігтырйи варовитӧны самӧвара ызан сайын (И.Пыстин).</i>

-Игмоз(-ігмоз) суффикса ногакывъяслӧн моз видлалан ногакыв сикас кывйын кутӧ сӧмын ӧти субъекта вежӧртас — ӧти субъектаӧс. Ногакывлӧн да сёрникузяс шӧр кадакывлӧн эм ӧтувъя субъект. Бӧръясӧ петкӧдлӧма подувпасын, шуам кӧть, **Трактор муркӧдчӧ лунтыр: Кыксӧ керйӧн ӧтпыр нӧӧ** Гора шыӧн **ветлігтыр** (М.Лебедев). Ногакыв да сёрникузяс предикат-кадакывлӧн ӧтувъя сям тэчасыс тыдалӧ нӧшта сысыс, мый тшӧкыда ногакывъяс сулалӧны дзик орччӧн, шӧр кадакыв водзын либӧ бӧрын: *Катишис мӧдіс чечавны пу гӧгӧр, радысла **увтышиталӧ никсігтыр*** (В.Торопов), «Ур-ра!» — *шудыс да радлуныс ме пытикыс, буракӧ, **петіс резсигтыр*** (И.Торопов). Дерт, овлӧ сідзи, мый ногакыв да шӧр кадакыв костын эмӧсь мукӧд кывъяс, сӧмын тайӧ шоча овлантор, шуам кӧть, *Гораа **свылігтырйи** сцена шӧрӧ пыти моз **чеччышитіс-петіс** Епим Пунегов* (В.Безносиков), *Сандрушка **сулалышитіс** на ылытчыс Галина вылӧ **видзӧдігтыр*** (Н.Курадова). Ногакыв да подув керӧм петкӧдлыс кадакывъяс сёрниын артмӧдалӧны зумыд тэчасъяс, кӧні ногакывйыс век индӧ юӧртана керӧм вылӧ (вылынджык вайӧдӧм сёрникузясын). Но корсюрӧ ногакыв водзын овлӧ соссяна **эз, оз** кывтор, кодӧ бергӧдӧ ногакывйӧн шуанногсӧ мӧдарӧ, соссянаӧ, шуам кӧть, *Татӧ поезд **муніс эз грима-грамакылігтыр**, а нӧшти шытӧг, нӧӧжйӧ* (А.Лыжов).

Видлалан ногакывъяслӧн грамматика вежӧртасыс кыв история чӧж ӧна вежсьӧма. Медваж да коркӧя паськыда вӧдитчана када вежӧртасыс ӧні пӧшти быран вйыын нин. А ӧд ногакывйыс артмиг-сӧвмигас буретш петкӧдлӧма подув керӧмлы ӧттшӧтш, ӧти кадӧ овлана содтӧд керӧм: *Сир **кыйигтырйи (кыйигтыр)** уна и чӧж аддзылім*. Тыдалӧ, татшӧм вежӧртаса уна ногакывлӧн венласьӧм понда *-игтыр (-ігтырйи)* суффиксаяс вочасӧн пондӧмаӧсь мӧдтор петкӧдлыны. Када вежӧртас зумыда кутӧны ӧнія кывйын *-иг, -игӧн, -игам, -игад* да мукӧд ногакывъяс. Ӗнія гижӧд кывйын ногакывъяс кутӧны сёрниын да гижӧдъясын кык шӧр вежӧртас сикас: содтӧд керӧм вылӧ индыс да нога вежӧртасъяс.

1) **С о д т ӧ д к е р ӧ м** вылӧ индыс ногакывъяс индӧны подув керӧмкӧд ӧти кадӧ мунана процесс вылӧ, кодӧс быттӧ ӧтувъя субъектыс вӧчӧ ӧтпырйӧ, шӧр керӧм дорӧ содтӧд пыдди: *Вой тӧлыд усыласьӧ, пӧльтӧ, Эжсваыд пемыд, сім лӧз. Ва дорын **шенасигтыр** шӧйтӧ Пестера, курана йӧз* (В.Лыткин), *куйліс командирыс турунӧн вольсалӧм сюра-пея бӧръяса пу крӧвать вылын, дойсӧ **венігтыр** мурчйӧдліс пиньнас* (Г.Юшков).

2) Нога вежортаса ногакывъяс öнiя гижöда кывйын бергалö-ны медтшöкыда, торйөн нин войнабöрся серпаса гижöдъясын да газет-журнальясын, шуам кöть, *Сьöмдалiгтыр* сулалiс на *Ольга*, кытчöдз эз ывлаö *пет* *Револьтыс* (Г.Юшков), *Бадь* кустьясянь *тiньгигтырйи* чепöсйис-ны палялöм номъяс (В.Безносиков). Нога вежортаса ногакыв петкöдлö век сэтшöм керöм, кодi оз вермы лоны тырвыйö ашшöр, сийö век отсаяна, подув керöмысь зависитысь: *Пыж ныр шарöдчигтыр* пырис тиема пуритысь сэтöрөн кыскöм тыкöла вомö (И.Торопов). Тайö сёрникузяс ногакывлөн вежортасыс подув керöмтöгыс дзик гөгöрвотöм.

-Игтыр(-игтырйи) суффикса ногакывъяс вермöны подув кадакыв-предикаткöд öтвыв петкöдлыны нöшта öнiя, öттшöтш мунан керöм. Сы вöсна мый ногакыв да подув керöм петкöдлысь кадакыв-предикат костын йитöдыс ён, ногакывъяс тыр-бура нүöны ассыныс öттшöтш мунан керöм, öнiя кад вылö индысь када вежортассö: а) локтан када подув када-кы вкöд, шуам кöть, *Иван купческой сын бöрдiгтырйи петас* öшинь улö (мойдысь); *Бабаяс ты йылöдз пыр катасны, сьылiгтырйи* на. Шондi лэчигас бөр воöны, бара жö сьыланкыв юргö (А.Ульянов); б) öнiя када подув кадакывкöд тшöтш, со кöть, *Демонстрантъяс костöд синъяссö кодзöдлiгтырйи* котралö Сарйон (И.Пыстин), *Тöв нырыс муас шарöдчö кос коръясөн да сiдзи, быттьö кодкö пошкигтыр тапикасьö* ишалаш дорын (С.Раевский); в) колян кадъяса подув када-кы вкöд, шуам, *Найö мöдöдчисны Вöрью катчöс: Микит нопъясөн да кöлуйөн тыр пыжөн, куимöныс — весас видзьяс вывтi уджалiгтыр* (В.Юхнин), *Ышка-пушкалiгтыр* сы водзö сувтiс шпынийсьöм сьöд юрсиа Клашö (П.Доронин).

78 §. Öнiя када -игчöж суффикса ногакыв

Тайö ногакывлөн артманногыс гөгöрвоана, ясыда тöдчö, мый тэчаса суффикс артмöма -иг(-ig) суффикс да када вежортаса чöж кывбöрысь. Кывбöрыс йитчöма ногакывса -иг дорö да артмöдöма выль суффикс. Öткодявны кö сийöс -игтыр(-игтырйи) ногакыв сикаскöд, тöдчö, мый -игчöж ногакывлөн када вежортасыс кольöма вежсытöг. Видлалан ногакывъяс оз вывтi тшöкыда бергавны гижöд кывйын, найö ставныс овлöны сöмын када вежортасын, шуам кöть, *Нина чойыс мöдарö — нуигчöжыс* ымзiс-бöрдiс, *лыддöдлöмөн шуалiс* (А.Ульянов). Мукöд када вежортаса ногакывъяс серти (-иг, -игөн да с.в.), -игчöж суффиксаыс тöдчöдö када вежортассö сы боксянь, мый сёрникузяса шöр керöмыс мунö буретш сийö кадколаст чöжыс, кор мунö ногакывлөн керöмыс, оз водзджык ни сёрджык. Тайö вежортас сикасыс петö кывбөрлөн öбичаысь — пасйыны буретш кадколаст, шуам кöть, *олöм чöж, во чöж, вожон чöж, пажын чöж*. Öткодялöй ногакывъяссö: *олiгчöж, пусигчöж, узигчöж, локтигчöжөн* да с.в. Эм торъя -игчöжөн сикас,

кодi артмö чöжөн кывбöрысь. Бöръя тэчаса суффикса ногакывъяс кызвынсö паныдасълöны сёрнитан кывйын да вежöртас боксянь оз торъявны -игчöж суффиксаысь.

Коми кывйын видлалана ногакывъяс вермöны лоны урчиттöмöсь да урчитöмаöсь. У р ч и т т ö м ö н ногакывъяс лоöны сэк, кор на дорö оз содтысьны керöм вöчысь вылö индысь индан-асалана суффиксяс. Дерт, ногакывлөн керöм вöчысьыс сёрниын абу дзик тöдтöм. Сэки сійöс абу тöдчöдöма торъя индан-асалан суффиксөн. Унджык ногакыв мозыс жö -игчöж(-игчöжөн) суффиксаыс тшöкыдджыка овлö урчиттöм, шуам, *Ыджыд мамкөд ломтім пач, Нянышом таöдз көтім, Выйөн мавтім уна рач, Пöжавны мед көвдум. Пöжасигчöж* Мурзик кань *Велöдны эз дугды* (В.Бабин). Кывбурын серпасалöмторсьыс, дерт, гөгöрвоана, мый пöжасьöны ыджыд мам да дитя. Урчитöм ногакывъяслөн балаыс мукöд сикас ногакывйысь оз торъяв:

Морт	Лыд	Öтка лыда	Уна лыда
1		—	<i>пöжасигчöж-ным</i>
2		<i>пöжасигчöж-ыд</i>	<i>пöжасигчöж-ныд</i>
3		<i>пöжасигчöж-ыс</i>	<i>пöжасигчöж-ныс</i>

Урчитöм ногакыв пертасъясысь гижöдъясын медтшöкыда паныдасълö 3 морта öтка лыда -игчöжыс: **Висьталігчöжыс Свежсов** *выныштчис видзöдны кыззысьысьяслөн чужöмъяс вылö* (В.Юхнин). Тані -ыс суффикс индö öтка лыда 3 морта субъект вылö, сійö серпасалан мортыс и эм. Тайö веськыд да стöч, конкретнöй субъекта вежöртасыс векджык овлö код йылысь кө серпасалöмын: **Быдмигчöжыс Öльöкыс** *век нин вöлі Кöсьта вылын командирөн да тиöтти и дорйысь-мездысьөн* (И.Торопов). Татшöм сяма стöч субъекта вежöртасыс вермö вошны, вежсьыны индана-урчитана вылö. Вайöдам И.Сажинлөн «Сё сикас» висьтысь сёрникузя, көні сёрниыс мунö Варук дорын гөститöм йылысь, уна гөсьт йылысь. Варук ваялö сёянтöръяс — *Сэсся чöдъя чужва вайис, көтöдöм паренча, пöжöм йöв, пувъя йöв, чöдъя йöв, нöкъя рысь. Сёйигчöжыс* *сэсся Варук сурөн юкталö: тагъя сурөн, прöста сурөн, ырöшөн.* Тані -ыс суффикс сöмын урчитö керöмсö, кодöс вöчöны унаөн, став гöсьтыс.

Видлалан ногакывъяслөн керöм вöчысь вылö индöм боксянь вермö лоны кык шöр вежöртас: ö т у в ъ я с у б ъ е к т а д а с ш ö р с у б ъ е к т а. а) Öтувъя субъекта вежöртаса ногакывъяслөн да сёрникузяса подув керöмлөн век овлö öти керöм вöчысь, векджык ловъятор (морт, пемöс): **Микит кайигчöжыс** *тэрмасис* (В.Юхнин), **Ва туйöд кывтігчöж ми Шыркөд** *эгö воштöй ни öти кер, став «авиосö» вайöдiм места вылöдз* (И.Торопов). б) Асшöр субъекта вежöртаса ногакывъяслөн сёрникузяын век овлö аслас керöм вöчысь, сійöс вермö петкөдлыны ногакыв тэчасса

торьякыв, шуам, *Самовар дзужгиг-пузигчөж* Тима Анна окайтис да акайтис, кывзис Павел Катялыс Куломдинө кайлом йылыс да (А.Ульянов).

Грамматика шөр вежортасыс видлалана ногакывлөн кольома вежсьы-төг — сійө бергалө сөмын када вежортасын, сетө сэтшөм юөртөм, кутшө-мөс сетөны када веськөдлан сёрникузяс: *Сэки век өтнас сійө, мунігчөж вөв яйтө эз и видлы* (И.Торопов), *Вөрын олігчөж* Степанлөн сьөлөмыс эз вөв ас местаас.

79 §. -Игкості(-ігкоста) суффикса өнія када ногакыв

Тайө ногакыв суффиксыс артмөма видлалөм нин -игчөж суффикс моз жө, сөмын артман подувнос лоөма дзик мөд сикас вежортаса, ина вежортаса *кості* кывбөр. Сыктывкарбердса сёрнисикасын бергалө *кості* кывбөр, мукөд сёрнисикасысын — сылөн *коста* вариант: *Кода **коста** жө Ваньө воишөма. Коста* кывбөр паныдасьлө сыктывкарбердса да удораса сёрнисикасысын. Уна гижысьлөн гижөдьясыс тшөтш позьө казавны тэчаса -*игкоста* суффиксө. *Кості* да *коста* кывбөрьяслөн када вежортасыс аслыспөлөс: найө пасйөны стөч кадколаст, код чөж муніс керөмыс: *сж кості, кода кості кө, здук-мөд кості*. Кывйын, дерт, *кості* кывбөрлөн медтөдчана юөртанторйыс йитчөма *ин, места* индөмкөд, кыті, кутшөм костөд мыйкө вөчөны-керөны: *Пуяс **кості** югьялө шонді; Керкаяс **кості** котөртис руч*. Ногакывьяслөн өтувья вежортасыс лои када, сэні бура төдчө бара жө кык пас — керөмлөн заводитчөм да помасьөм, кодьяс кості мунө сёрникузяын индөм шөр керөмыс: *Мишкалөн бөрья кывьясө **шуалігкості** керкаө **пырис Вера** — ветлөма вала* (В.Юхнин). Ногакывлөн эм кык суффикс-вариант, код пиыс -*игкоста* паныдасьлө төдчымөн шөчдыка -*игкості* вариантыс; кызвынсө сыөн вөдитчөны аслас гижөдьясас А.Льноров, П.Шахов, Н.Куратова, Г.Фёдоров да мукөд гижысыс. Кыкнан вариантөн артмөдан ногакывьяс вежортас боксяныс нинөмөн өта-мөдсьыс оз торьявны. Тайөс позьө казавны кык сёрникузя гөз өткодьялігөн, ногакывьяс артмөмны өти када-кыввужьясыс:

1) Абу шутка делө — ветлыны бөра-водзө дас верст, да ещө удж бөрын. Миян **ветлігкості** тэ пусян, шойччыштан (В.Юхнин).

2) Челядь **узигкості** на Викень юкталіс да сөддіс вөв и мөс (И.Торопов).

— Нелямын лун нин тырис **ветлігкоста**? — Иван Алексеевич мөвпалыштіс да содтіс (Г.Фёдоров).

Да и сы бөрын на дыр эз велавны ратникьяс тайө лёкгорша, **узигкоста** ковтөм, ййи морт моз равзөмас (В.Чисталёв).

Ногакыв овлө сёрниын у р ч и т т ө м да у р ч и т ө м а. Урчиттөм ногакывьяс оз кутны индан-асалана суффиксыс, кодьяс эськө индылісны керөм вөчыс вылө, шуам көть, *Пывсян **ваймигкості** Пиля кайис пөлатьө*

шойччыитны, а Габё заводитіс разявны прёмыс нопсё да тэчавны ур ку-
яссё пачводз джаджйё (С.Тимушев). Вайёдём сёрникузяс ногакывлөн
субъектыс петкөдлөма торъякывйён (*нывсян*). Урчитём ногакывьяс берга-
лөны сёрниын да гижөдьясыс тшөкыдакодъ. На дорё ляскысьлөны эма-
кывлөн индан-асалан суффиксыс да артмөдөны татшөм бала:

Морт	Лыд	Өтка лыда	Уна лыда
1		—	<i>узи́гкості-ным</i>
2		<i>узи́гкості-ыд</i>	<i>узи́гкості-ныд</i>
3		<i>узи́гкості-ыс</i>	<i>узи́гкості-ныс</i>

Унджыкысьсё, дерт, урчитём ногакывьясыс индөны стөча петкөдлөм
лыда-морта субъект вылө, шуам, **Ветлі́гкостіным** палаткааным пырёма
шонтысьны карысь воём кыйсьысь, да пачным вөлі ломтысьё (М.Игнатов),
Чепөсйисны челядьяс ывлаё **узи́гкостіныс**, котралөны горзігтырийи гырысьяс
бөрся, горзөны (В.Чисталёв), Афганистанё **ветлі́гкостіыс** чойыс верөс сайё
петөма, пиёс нин чужтыны удитөма (А.Ульянов).

-*Игкості(-ігкоста)* суффикса ногакывьяс сёрниын вермөны кутны
4 сикас субъекта вежөртас: өтувья субъекта, асшөр субъекта, урчитём
субъекта да субъекттөм. а) *Өтувья субъекта* вежөртаса ногакывья-
яслөн да сёрникузяс подув керөмыслөн век өти өтувья субъект, сійё сёр-
никузяын век лоё подлежащйён, шуам көть, **Сёрниті́гкостіыс**, *гашкө, вед-
ра сур юисны* (И.Сажин), *Ёртъяс ворсі́гкостіыс* эз и казавны ыджыд кымөр
локтөмсё. Көть ногакывлөн да сёрникузялөн эм өтувья керөм вөчысь, но-
гакывьяс вермөны петкөдлыны вежөртас боксяныыс асшөр керөм, содтөд
керөм. Ногакывьяс асланыс зависитысь кывьяснас артмөдлөны дзонь ситуа-
ция йылысь серпас, со көть, **Телегакөд орччён верст-мөд муні́гкості** Вера
удитіс төдмавны: *арестантъясыс томиникъяс, таёдз найёс пукөдлөмаёсь
тюрьмаясын* (В.Юхнин). б) *Асшөр субъекта* вежөртаса ногакывьяс
бергалөны вель тшөкыда, өткодявны кө мукөд, видлалөм нин ногакыв си-
касьяскөд, шуам, **Павел Катялөн шылёөдчиг-мольөдчигкості** Тима Анна
разис сылысь гөснеча тубрассё, *тэчис шаньга-сөчөнсё* блюдыё (А.Ульянов).
Асшөр субъекта ногакывьяслысь керөм вөчысьсё коми кывйын төдчөдөны
некымын ногөн: 1) нимтан вежлөга эмакывйөн: **Вөралысь мөвпалі́гкості** *ош
тэрмасьөмөн кыскис мөд ошсё шошаёдыс водзё и водзё* (В.Торопов), **Йөз
чукөртчигкості** *Свежов висьтавліс тешьяс* (В.Юхнин); 2) асалан вежлөга
эмакывйөн, шуам, *Быд отделение торъя государствояс кодьёсь лоины,
управляющйяс да директорлөн сёрниті́гкості* и коланаторыд дугдас ков-
ны (П.Шахов), **Велөдысьлөн висигкості** *велөдчысьяс унатор удитөмны ву-
нөдны*; 3) асалан нимвежтасьясөн, шуам көть, — *Тэ нө мый, едена сила,
вөчөмыд менам ветлі́гкості?* — *пөрчысьтөг ни нинөм Иван топөдіс
гөтырсё* (В.Савин). Корсюрё ногакыв тэчасын субъект вылө вермө инды-

ны нимтан вежлөга **ме** морта нимвежтас, кодї бергалө **менам** асалан нимвежтас пыдди: **Ме котөртігкості** *Ивукөс вуджөдісны лыа вылө* (Е.Козлова). в) У р ч и т т ө м с у б ъ е к т а н о г а к ы в њ я с пасйөны сэтшөм керөм, кодлөн керөм вөчысьнас вөлөма кодкө төдтөм, либө сйөн вермис лоны быдөн, шуам, *Ачыс Тунныръякыс зэв вөлөма сюсь: пывсян вөдитігкості бөр и водз Висер вичко дорөдз вөлөм лэччывлө* (йөзкостса поэзиясь). Тані пывсянсө вөдитны вермө быдөн. Татшөм жө ногөн ногакыв вермө кутны урчиттөм вежөртас, кор индө өдйө мунан, регыдөн овлан керөм вылө: *Өти здук, сөмын өти здук, гаикө өтчид лолыитігкості видзөдіс гөгрөсмөм синъясөн Сения* (Г.Фёдоров). г) С у б ъ е к т т ө м в е ж ө р т а с а ногакывьяс артмөны морттөм кадакывьясысь, налөн керөм вөчысьыс оз вермы лоны: **Югдігкості** *черыис шедөма вель уна*, **Зэригкості** *ковмис болскыны-мунны нюрөдзыс*, **Пемдігкоста** *воим жө кыздкө-мыйкө вөралан керкаөдзыс*, **Төлалігкоста** *ни өти ботанө нинөм абу шедөма* да с.в.

Видлалан ногакывьяслөн грамматика подув вежөртасыс *-игчөж* суффиксаяслөн кодъ жө, сйө төдчөдө кадколастсө, кор мунө сёрникузяса шөр керөмыс, шуам көть, *Вала ветлігкостіыс бипур местаад артмөма би кытиш: луныс вөлі жар да кос* (А.Льноров), *Юрөс кыпөдігкості шыр моз тырөдіс-пырис сиктсөветса десятскөй* (В.Безносиков). Корсюрө өттшөтшьяс кадколасткостса керөм вылө индөмыс «небзьөдөма», сйө оз сэтшөма тыдав. Сэки видлалан ногакывьяс индөны сөмын сёрникузяса содтөд керөм вылө, шуам көть, *Малань ропкигкоста гольбөтіс кильчө иган* (М.Шестаков), *Нинакөд сёрнитігкості мамыс петөма воча, тапикасьө пач дорын, мелань видзөд-ывлө* (А.Ульянов).

Сы вөсна мый видлалан ногакывьяслөн ёна төдчөдөма өттшөтш, өти кадө мунан вежөртассө, найө бура да тыдаланаа петкөдлөны өттшөтш мунан, өнія када овлан керөмсө сэтшөм кадакыв-предикатьяс бердын, кодьяс асьныс овлөны: а) ө н і я к а д ы н, шуам көть, *Видзөда да, Симъёныс узигкостіыс мыйкө вомгорулас мургө, Шонді петігкостіыс Сыктыв вылын черыис век бура босьтө*; б) л о к т а н к а д ы н, примерьяс пыдди, *Господьыс тай небесаас вөлөма на. Олігкостіыд тай ряд воам на жө!* (В.Безносиков); в) к о л я н к а д њ я с ы н, шуам, — *Тэ нө мый, едена сила, вөчөмыд менам ветлігкості?* — *пөрччысьтөг ни нинөм Иван топөдіс гөтырсө* (В.Савин), *Дыр-ө ми катім дедө висьталігкості, кутишөмөсь вөліны берегьясыс — нинөм эг казявлы* (И.Пыстин). Ногакывьяслөн стөч өнія када вежөртасыс вермө йитчыны тшөктана сёрнитаннога подув-кадакыв дорө: — *А тэ, Сандыр, — меным шүө, — сирьяссө кырышит да пу черисө миян ветлігкості* (Е.Афанасьев). Сэки ногакывлөн овлө локтан када вежөртас, кодөс поэь төдмавын, вежны кө, шуам, ногакыв тэчассө веськөдлана када сёрникузя вылө, өткодьялөм могысь, *Кырышит да пу черисө, пока ми кутам ветлыны = миян ветлігкості.*

80 §. -Ана, -анаа суффиксыяса өнія када ногакывъяс

Тайё ногакыв сикасыс артмёма миян нэмö, кольöм нэмса гижöдъясын, йöзкостса поэзияын, сёрнисикасыясыс гижалöм текстъясын сійö оз паныдасылы. Öнi унаöн зiля пыртöны ас гижöдъясас видлалана ногакывъяссö, шуам кöть, *Талун шондiыс гожöмын моз оньöдана сывтыръялис мусö* (Г.Юшков), *Матвейч воча кыв пыдди сöмын ошканаа* нюммунiс (А.Льпуров). Та вöсна позьö шуны тайё ногакывсö сöмын гижан кывлөн торъяланлунөн, серпаса стиль петкöдлысöн. Ногакывлөн -ана суффиксыс дзик öнiя када шöркывъяслөн кодъ — *сисьмалана* лук, уна *тöдана* йöз, *вурана* дöрöм. Вермас лоны, мый буретш роч кыв выпыс вуджöдан практикаыс, роч урчитанъясöс, ногакывъясöс комиöдöмыс сетiс подув выль коми ногакыв сöвмöмыслы, öткодъялöй удивлөннö, удивляясь глядетъ → *Марпа шензяна* видзöдö сылөн сьöд юрси вылö (Г.Юшков). Ногакывъяслөн артмёма -анаа нöшта öти синоним-суффикс, кöнi бöръя -а торйыс урчитанъяс артмöдыс, öткодъялöй: *нор* → *нора* → *нораа*, *гор* → *гора* → *гораа*, *бур* → *бура* → *бураа*. Бöръя -а содтысьöмөн моз жö артмёма -анаа: — *Абу ме, попö дядьö пырис!* — *Титö Тикөн* вочавидзис гöтырыслы *дуввидзанаа*, *Радиоузелсян* кылышитiс котинитöм шы, динамиксян кодкö некымыныс пöлышитiс да том петуклөн кодъ чирöм гöлсөн *шмонитанаа* шыасис (В.Безносиков), *Бойко*, *неуна* яндысигтыр, паськöдышитiс кияснас и *жуританаа*, но небыдика шуышитiс: — *Но, во-от* (М.Игнатов), *Мöдлапöлын* сьöлöмтö *вöръöданаа* кöкис кöк (И.Торопов). Таыс кындзи гижöд кывйын шочиника бергалö нöшта -анаöн, -анамоз да -анатырыс кум тэчаса суффикс. Наöн артмöдан кывъясыс ёна матынджыкöс кадакывйыс артмöм урчитанъяс дорö, та вöсна танi на йылыс пасьям пырмунiгмоз. -Анаöн тэчаса суффикс артмö -ана да -өн торъясыс, бöръяыс керанторъя вежлöглөн суффикс (öтувъя вежöртасыс сылөн вöлöма нога), шуам кöть, *Свежов* мунöм бöрын найö *юасянаöн* видзöдлисны мöда-мöд вылас, — *Талун* эз на, — *юаланаöн* видзöдлис сы вылö *Свежов* (В.Юхнин). Сэтшöм жö öбичаыс -анамоз суффикса кывъяслөн, шуам, *Владик* ыркöбтылис, но *Лиля* кыпöдчылис кок чуньяс вылас, *кöританамоз* видзöдлис синьясас (В.Безносиков). Керöмлөн аслыспöлöслун вылö торйөн индö тэчаса суффикслөн -моз элементыс, ачыс кодi артмёма öткодъялана вежöртаса кывбöрыс. -Анатырыс тэчаса суффиксын кывбöрыс артмöм пырыс торйыс бара на содтö нога вежöртассö, пример пыдди, *тэрмасына-пырыс* кыв позьö лыддыны урчитанөн, *öдийö*, *тэрыба*, *перыда* кывъяс дорö синоним сямöн.

Грамматика этш сертиыс тайё ногакывъяссö позьö лыддыны збыль ногакыв сикасөн, коми грамматикаын тайё неважөн на чужöмтор. Видлалан ногакывъяс гижöдъясын овлöны куш урчиттöмъяс, на бердö оз йитчывны индан-асалан суффиксыяс, шуам, — *Ылын* на арöдзис, — *дэльöдана* вочавидзис *Ревекка* (Г.Юшков), *Боецъяс* *видзчысяна* видзöдiсны взводнöйлөн

чужом выль (А.Лыпуров). Выхлӧн артмӧм ногакыв сикас кутӧ ӧти пӧлӧс субъекта вежӧртас — ӧтувья субъектаӧс: ногакывлӧн да сӧрникузяса шӧр кадакыв-предикатлӧн эм ӧти ӧтувья керӧм вӧчысь, шуам кӧть, — *Ок, Алёша! Ме видзӧда да, оз везит тэныд*, — *жалитана довкйӧдлӧ юрсӧ Саша* (М.Игнатов).

Колӧ тӧдчӧдны, мый -ана/-анаа суффикса ногакывьяс, ӧтувья субъекта вежӧртасын бергалӧ, векджык индӧны оз ашӧр содтӧд керӧм выль, а серпасалӧны сӧрникузяса шӧр керӧмлысь мунанногсӧ. Видлалан ногакывьяс топыда сулалӧны мортасян кадакыв-предикат бердын, найӧ юӧртӧны миянлы, кызди мортас: 1) сӧрнитӧ, висьталӧ, вочавидзӧ, примерьяс пыдди, — *Пап, ми эгӧ шувьялӧй, ми чери кым*, — *дорйысянаа шыасис Лина* (В.Безносиков), — *Нинӧм, вӧчам*, — *ас выль эсканаа вочавидзис Микит* (В.Юхнин); 2) видзӧдӧ, сералӧ, нюмъялӧ, мӧд кывьясӧн кӧ, петкӧдлӧ кутшӧмкӧ пытшкӧсса кылӧм либӧ донъялӧм, шуам кӧть, *Туланов радлана нюмдӧс, нюжӧдӧс кисӧ Вежсвлы* (Б.Шахов), *Пиыс гӧгӧрвоис мамсӧ, эскӧданаа видзӧдлӧс сы выль* (Н.Куратова); 3) шенасьӧ, ӧвтыштӧ либӧ вӧчӧ кутшӧмкӧ стӧч керӧм, шуам, *тротуар вылын сулалысь йӧз чукӧрьясын кодсюрӧ ошкана ӧвтӧсны кияснас* (В.Юхнин), — *Ачым тай йӧйыд босьтӧ да*, — *сетчана шеныштчылис Вириня* (Г.Юшков). Сӧмын ӧткымын ногакывлӧн керӧм вӧчысьыс да сӧрникузяса шӧр керӧмлӧн субъектыс торьялӧны, шуам, *Зонмыс Виталей серти мыйтакӧ ӧчӧтджык, но зумыд жӧ. Ая-пия видзӧдана омӧльтчӧмаӧсь* (И.Торопов). Танӧ *видзӧдана* кывлӧн керӧм вӧчысьыс йӧз, кодьяслы кажитчӧ, тыдалӧ, мый ая-пия омӧльтчӧмаӧсь. Татшӧмторйыс, чайтам, артмис торья гижысьлӧн кывйӧн аслысьяма вӧдитчӧмысь, вежӧртасыс выль.

Став водзджык вайӧдӧм сӧрникузяын видлалан ногакывьясӧн медтшӧкыда веськӧдлӧны ловья субъектыс. Ногакывьяс гижӧдьясын серпасалӧны ловьяторьяслысь (йӧзлысь да пемӧсьяслысь) торьяланлунсӧ-керӧмсӧ. Сӧмын корсюрӧ серпаса прозаын ногакывьяслӧн овлӧ ловтӧм субъект, шуам кӧть, *Владиклӧн сьӧлӧмыс радлана ёкнитӧс* (В.Безносиков), *Бульдозерӧн йӧткалӧм пуяслӧн вузляясыс повзьӧдчана кыпалӧсны туй ӧтар-мӧдарас* (Г.Юшков).

Ногакывьяс кутӧны чорыд кыв арт: найӧ век сулалӧны кадакыв-предикат бердын, на костӧ оз вермыны пырны мукӧд кывьяс, шуам кӧть, — *кыпыда, но сэк жӧ гудйыштана юасьӧ Виталей* (И.Торопов), — *А-а! Но кольӧд, инӧ, сӧдзкӧ, сэтшиӧм кӧ нин прамӧй морт*, — *нюркйӧдлана серӧктӧс Галина* (Г.Юшков). Медтшӧкыда ногакыв сулавлӧ морта кадакыв водзын. Ногакывьяс морта кадакыв бӧрын вермӧны сулавны шоча, шуам, *А локтысьыс Револютыс и вӧлӧма. Петӧс посводзас да горӧдӧс увкйӧдлана*: — *Ольга тьӧтка! Самарин сӧмын акӧстӧс мынтӧдчана* (Г.Юшков). Мортасян кадакыв бӧрын гижысьяс ногакывьясӧ сувтӧдӧны сэк, кор сыкӧд орчӧн эмӧсь мукӧд ногакывьяс да кадакывбердыс, шуам кӧть, — *Титовичлы добра здоровйӧ! — здоровайтчис сйӧ леститчанаа, нюмъялӧгмоз* (В.Безносиков).

Ногакывъяс када вежортас петкөдлөм боксяньыс пырöны öнiя када ногакывъяс чукөрö. Но када вежортасыс *-ана/-анаа* суффиксыс ногакывъяслөн аслыспөлöс: сiйö абу сэтшöм тыдаланаа, со шуам, Ульяна *аттьöалана видзöдiс* Педьö вылö (Б.Шахов). Тадзи артмö сы вöсна, мый ногакывъяс петкөдлöны ёнджыкасö оз содтöд керöм, а шөр керöмлысь мунанногсö: Ульяна видзöдiс (кызди?) *аттьöалана* либö *аттьöалöмөн*. Ногакывлөн татшöм аслыспөлöслуныс ярьюгыда тыдалö сэк, кор öти сёрникузяын авторъяс вöдитчöны кык-ö-куим сикаса ногакывйөн, öткодялöм могысь, — *Позьö? — Владик небыдика торс-торскерис килутиинас сценабокса комната öдзöсö. Ъишмылана шыасис, гөлөссö вежöмөн* (В.Безносиков).

81 §. -Анмоз суффикса öнiя када ногакыв

Коми гижöд кывйын *-анмоз* суффикса öнiя када ногакывъяс паныдасълöны сэтшöм авторъяслөн, кодъяс чужлöмны республика лунвыв районъясын — Н.Куратова, В.Безносиков, М.Елькин, Л.Панюковалөн висъгъясын, повесъгъясын да кывбуръясын.

Ногакыв сикаслөн артманногыс *-игмоз* суффикса ногакывъяслөн кодъ: *-ан* дорö йитчылöма кывбöрлөн *моз* кыввужйыс. Ачыс *-ан* суффиксыс артмöдöма кадакывйысь эмакыв, сiйö важ эмакыв дорас йитчылöма *моз* кывбöрыс, шуам, *котöртны* → *котöртан* + *моз* → *котöртанмоз* «котöртиг, котöртигмоз, котöртöмөн». Кызди уна видлалöм ногакыв, *-анмоз* суффиксаяс сёрниын овлöны урчиттöм да урчитöмаöсь. Урчиттöмъяслөн суффикс дорас оз содгысьны эмакывлөн индан-асалан суффиксыс, шуам кöть, — *Мый тайö? — ёкмыльсö босьтанмоз* юала ме (Н.Куратова). Урчитöм ногакывъяслөн суффиксысас тöдчöдöма-индöма керöм вöчысьсö, налөн балаыс мукöд ногакывйысь оз торъяв:

Морт	Лыд	Öтка лыда	Уна лыда
1		—	<i>мунаномоз-ным</i>
2		<i>мунаномоз-ыд</i>	<i>мунаномоз-ныд</i>
3		<i>мунаномоз-ыс</i>	<i>мунаномоз-ныс</i>

Но урчитöм ногакывъяс кызвынсö век бергалöны сёрнитан кывйын да шоча паныдасълöны серпаса гижöдъясын, пример пыдди, *Пöрчысянмозыс и панiс сёрни Анастасия Васильевна* (Н.Куратова).

Грамматика шөр вежортас сертиыс видлалана ногакывъяс öнiя кадаöсь, субъект вылö тöдчöдöм боксянь найö кутöны сöмын öти вежортас, öтувъя субъектаöс, шуам кöть, — *Ах, Степан, Степан... — улöс вылö бөр пуксянмоз* ышловзъышитiс нывбаба (Н.Куратова), *синнас дзебсьöм детинкаöс корсянмоз* сёрнитiс Мария Ивановна (Л.Панюкова). Субъекта вежортас сертиыс да када вежортас боксяньыс *-анмоз* суффикса ногакывъяс матынöсь

-измоз суффиксаяс дорё. Наын моз жё видлалан ногакывьяслён керёмыс мунё кызди пöпуттьö овлан содтöд процесс, шуам, *Радий Андреевич кабинасыс чеччанмоз горöдис* (Н.Куратова).

Татшöм сяма ногакывьясыс тшöкыда артмöдалöны тэчасьяс, кутöны ас бердас зависитысь кывьяс. Сы вöсна мый ногакывьяслён эм сöмын öтувья субъекта вежöртас, найö оз вермыны артмöдавыны абсолютнöй тэчасьяс. Ногакыв бердын вермö сулавны веськыд объект: ...*Кытчöдз, зумыд кымöр ваянмоз, тöвруыс оз пöльышт ЛПК-сянь* (М.Елькин).

82 §. -öмön суффикса öнiя/колян када ногакыв

Ачыс -öмön суффиксыс тэчася, артмöма кык торйысь: -öм (кадакывйысь артмöм эмакывлөн суффикс) да -өн (керанторья вежлöглөн суффикс). Öнiя кывйын тэчася суффикс пыткас торья юкөнъяслөн вежöртасыс вушйöма нин, наысь сöвмöма выль, öтувья, керöм вылö индысь вежöртас, шуам кöть, *кыпöдчöмön* ногакыв: *Виль самöвар Трубаысь лэдзö пар, Зэв яра варгö-пуö Да, пызан вылö кыпöдчöмön шуö: «Ак кутийöм мича менам чужöмбан!»* (М.Лебедев). Танi *кыпöдчöмön* кыв вежöртö öтувья керöм, кодi мунö *шуны* кадакывйöн петкöдлöм керöмкöд öтвыв, öти кадö.

Ногакывьяс субъект вылö тöдчöдöм боксянь, мукöд ногакывьяс моз, овлöны кык сикасаöсь. Медся тшöкыда сёрниысь да гижöдьясысь позьö казявыны öтувья субъекта вежöртас. Субъекта тайö медшöр вежöртасыс подуласьö сы вылö, мый сёрникузялөн шöр субъектыс век лоö ногакывлөн керöм вöчысьна, шуам, *Пемыд парма зумыштчöмön шувгис нэмсö, Некод сылы некор ловзян удж эз вай* (В.Савин). Танi парма шувгö, зумыштчö. Дерт, вомгора кывйын да серпаса гижöдьясын унджыкысьсö ногакывлөн öтувья керöм вöчысьнас овлö ловъятор (морт, пемöс, персонаж): *Суворовкöд окасьмön прöщайтчöм мысти Исаков ецö лэптыштлiс шапкасö красноармеецъяслы* (И.Пыстин), *Райда шмонитöмön шулiс: «Оз ков верöсьясыд мем»* (М.Лебедев). Ловтöм керöм вöчысьнас овлö веськыда нимтöм предметөн (*моторыс эргöмön эргö* (В.Безносиков)), либö метафоризуйтöм, быттьöкö ловзьöдöм предмет либö петкöдчöмтор. Шуам, Нёбдинса Виттор аслас кывбурьясас гижлö кад йылысь -öмön суффикса ногакывьяс пыртöмön: *Аддзан, ыпйöмön öзьялö кадыс. Майбыр, уджыдлы вöляыд эм!*

Ашшöр субъекта вежöртасыс овлö сёрниын да гижöдьясын, керöм вöчысьсö вермасы петкöдлыны асалан вежлöга морта нимвежтасьяс, кодьяс сулавлöны ногакыв водзын: — *Гашкö шедас, мыйöн тöдан, Воча шуис öти вок. — Миян видзöдöмön абу Ягыс танi ёна лёк* (М.Лебедев). Татшöм сяма субъекта тэчасьяслөн овлö öти сикас юöртантор — висьтавыны кодлөнкö видзöдлас, мөвпаланног йылысь, öткодялöм могуысь, *Менам чайтöмön аски поводдяыс оз на көдзöдöд, Тэнад видзöдöмön миян ставыс абу тыр-бура котыртöма, Сылөн лыддьöмön сьöмным Канкарын овны тырмас кык вежон сöмын.*

Кером вочысьыс овло петкөдлытом, урчиттом, шуам көть, *подъездын олысьяслы восьтом өшиньясьянь, балконъяс вывсьянь лэбзьёны ун пальёдысьлы витёмөн* банкаяс, *бедьторъяс* (А.Лыжов). Сёрникузяс кык ситуация — *банкаяс лэбзьёны*, но *витёмөн ун пальёдысьлы*. Ми ог тёдй, кодй найёос витис, субъектыс контекстас тодмавтом.

Грамматика шөр вежортасыс ногакывьяслон артмома кыв историяын вежсьомьяс подув вылын, кор кадакывйысь артмом важ эмакыв дорё содтысис керанторъя вежлөглөн вежортасыс, шуам көть, *котортөм + он → котортөмөн мунны* «кутшөм ногөн, кызди мунны?». Онйа кадколастө керанторъя вежлөглөн вежортас-колясыс тёдчө на ногакыв суффиксыс, пример пыдди, *Григорий Фёдорович шойёвоштана нюмъялёмөн* видзөдис *секретарь вылө* (Б.Шахов).

Сёрнитан да гижөд кывйын видлалан ногакыв сикас кутө грамматика вежортаслысь кык сикас: содтөд кером петкөдлысь да нога вежортасыс.

а) Содтөд керомсө ногакыв петкөдлө сёрникузяс шөр керөмкөд век топыда йитёмөн, содтөд керомыс та понда оз овлы ашшөр, оз кут ашшөр субъектсө, шуам, *Панюков кывзысьыштис сувтёмөн* (И.Пыстин). Панюков сувтис и кывзысьыштис, содтөд керомыс мунө шөр керомыс кад серти водзджык. Тшөкыда *-ёмөн* ногакывьяс ярыгыда серпасалёны мортлысь обичасө, сылысь кером-вөчөмьяссь, шуам, *Дзодзув Семё сулалё джодж шёрын кисё шевгөдёмөн*. *Мукөдьяс көсийёны юны вина да сиди и кольёны румкаяссь кяныс кутёмөн* (М.Лебедев). Став тайё сёрникузяс ногакывьяс кутёны веськыд вежортас да сетёны содтөд юөр. Серпаса литератураын, торйөн нин поэзияын, ногакывьяслон вермё лоны вуджөдөм вежортас, код вөсна ногакыв босьтө нёшта художествоа, эстетикаа ыджыд тёдчанлун, шуам көть, В.Латкинлөн: *Ме веськөда пыжсө Гор сьылёмлы паньд. — Көн синъяслөн рыыс, Көн морёслөн пым... А недыр мысьт сьёлёмыс Орёмөн ланьтө, И вом дор мөд вом дорысь Некыдз оз мын*.

б) Нога вежортаса ногакывьяс медшөр мог пыддиыс нуёны юөр сы йылысь, кызди, кутшөм ногөн, кызиджык мунө збыль вылас, олёмас шөр керомыс, шуам көть, — *Он кыв али мый? — дивитёмөн мурөстис* орчча пукалысь (П.Шахов), *И вөрзыны шоньд вольпась вылысь ог вермы, личыд сю мешөк моз лясмунёмөн сёмын и шняпвидза* (И.Торопов), *Гач коксө нуджёмөн* *Женя* кевлис вадздыс, ылөдджык лэдзлис келавны табйыслы (В.Напалков). Торйөн тшөкыда *-ёмөн* ногакывьяс серпасавлёны мортлысь сёрни, шуом-вочавидзөм, шыасьом, со көть, — *Ме ваи, — родёмөн шуис* ныв, казалис Самаринлысь вежпетана син чөвталёмсө да (Г.Юшков), *Павел любөпырысь, ошйысьёмөн висьталис* вокалысь кольём войся сёрнисө (П.Шахов). Унаысь ногакыв да мортасян кадакыв артмөдөны зумыд тэчасьяс, кодьяс медтшөкыда бергавлёны вомгора сёрниын, шуам, *мөмъялёмөн* сёрнитны, *быгласьёмөн* серавны (зэв ёна серавны), *сыркъялёмөн* бөрдны, *кевмысьёмөн* вөзйысьны, *зэлөдчёмөн* сулавны, пукавны.

Ногакыв аслас зависитысь кывъяснас вуджӧ мӧд вежӧртасӧ, босьтӧ вуджӧдӧм, торъяланлун либӧ ёнлун вежӧртас, шуам кӧть, *Петырлӧн вир-яйыс кӧдзавліс, сьӧлӧмыс измыліс морӧсас. Лов шысӧ кутӧмӧн куйліс паччӧрын, пельсӧ чошкӧдӧмӧн кывзысис чӧв-лӧняс* (А.Ульянов), *Дарӧм дзор дедыс, Аркаша вӧтлысис сы бӧрся кывсӧ нюжӧдӧмӧн* (Н.Куратова).

Видлалан ногакывъяслӧн када грамматика вежӧртасыс паськыд, сійӧ вермӧ индыны шӧр керӧмкӧд ӧттшӧтш, ӧти кадӧ мунан керӧм да шӧр керӧм заводитчӧтӧдз вӧвлӧм керӧм былӧ. Водзӧ былӧ тайӧ вежӧртасъяссӧ бурджык нимтыны ӧнія када да колян када вежӧртасъясӧн. Ӗткодялӧй кык сёрникузя:

а) *Микит да Педӧр койташ дінӧ матыстчисны кӧзяинъясӧн, матросъяс моз топыда тувччалӧмӧн* (В.Юхнин) = ӧнія када вежӧртаса ногакыв;

б) *А Виталей дӧрӧмсӧ пӧрччӧмӧн, куш пасьтӧгыс, чайшӧ-сынӧ* (И.Торопов) = колян када вежӧртаса ногакыв.

Медводдза сёрникузяын ногакывлӧн содтӧд керӧмыс помасьтӧм, мунӧ сёрникузяса шӧр керӧмкӧд ӧти кадколастӧ — *Педӧр да Микит матыстчӧны топыда тувччалӧмӧн* = *матыстчӧны да топыда тувччалӧны*. Мӧд сёрникузяын ногакывлӧн содтӧд керӧмыс помасьтӧм, сійӧ помасьтӧма сёрникузяса шӧр керӧм заводитчӧтӧдз — *Виталей дӧрӧмсӧ пӧрччӧмӧн сынӧ* = *дӧрӧмсӧ пӧрччӧм бӧрын (пӧрчис) да сынӧ*.

Татшӧм кык сямӧ када вежӧртасыс ногакывъяслӧн сӧвмӧма важысянь, некоднаннӧс абу важджыкӧсь ли томджыкӧсь ӧта-мӧд дорсьыс.

Колян када (помасьтӧм керӧм былӧ индысь) вежӧртасыс сӧвмӧма кадакыввужлӧн аслысикас кыввора вежӧртас подув вылын, мӧд кывъясӧн, сёрниын ногакывъяслысь колян када вежӧртассӧ медводз чужтӧ кадакыввужлӧн вежӧртасыс. Медтшӧкыдасӧ ногакывлӧн кыввужыс индӧ ӧдйӧ, другӧн либӧ ӧтпырйӧ мунан керӧм былӧ. Сёрникузяс: *Маркел, тиыналан калляна кисӧ водзӧ чургӧдӧмӧн, пондіс корсьны вошӧм нывсӧ* (П.Доронин), *Красноармеецъяскӧд варовитысь Исаковланьӧ юрнас гогнитӧмӧн Корӧг Ӗсип водзӧ висьталіс...* (И.Пыстин), *И Павел синъяссӧ куньӧмӧн чепӧсйис петны школысь* (П.Шахов). Татшӧм сямӧ ногакывъяс век индӧны шӧр керӧм заводитчӧтӧдз помасьтӧм кад былӧ.

Корсюрӧ ногакывлысь ӧдйӧ мунан, другӧн, ӧтпырйӧ вӧчан керӧмсӧ ёнмӧдӧ -л, -лы, -ыв суффикс, кодӧ петкӧдлӧ ӧтпырысь/унаысь мунан керӧм, шуам, *Сэсса менам жугыльмӧдӧм чужӧм былӧ видзӧдлӧмӧн друг юалис* (В.Чисталёв), *Пажнайтышитӧм додь былӧ пуксьышлӧмӧн галетъясӧн, мый ньӧблӧм буритчысьяс дорӧ волігӧн* (Н.Никулин).

Ӗнія када (помасьтӧм керӧм былӧ индысь) вежӧртаса ногакывъяслӧн керӧмыс мунӧ ӧттшӧтш, сёрникузяса шӧр керӧмыскӧд ӧти кадколастӧ, шуам кӧть, *Сӧмын кылӧ юасьӧмъяс отделённойяслӧн, взводнойяслӧн... Помтӧг, дугдывтӧг, чукыртӧм плешъясысь кӧдзыд пӧсь пычкӧмӧн ӧтитор дӧжналӧны* (В.Чисталёв), *Некод оз тӧд, кыдзи сылӧн кынӧмыс сюмалӧ,*

кыдзи сьлөн вёлыс *гораа гёрдлёмён* корё сёйны (И.Пыстин). Бөръя сёрникузяс вёлыс гёрдлө да сідзи сёйны корё. Помасьтём керём былө индысь вежёртасыс подуласьё ногакыв кыввужлөн кыввора вежёртас былө, коді век овлө дыр мунана, вель кузь кад чөж кыссьысь, неётпыр вёчана, шуам көть, — *Да ме жё сылы, трасича лы-сьёмлы, неважён на пызан шөрө кулакөн камөдёмён* индөд сеті: мися, дасьтысь университетад, дасьтысь! (В.Безносиков). Овлө тшөтш сідзи, мый сёрникузяса шөр керёмыс да ногакывлөн содтөд керёмыс мунёны вель дыр кад чөж, помасьтөг, пример пыдди, *Улич кузя шочиника вуджёртлісны ныла-зонмаяс, өта-мөд бердас топыда кут-чысьёмён* (В.Напалков).

Дыр када, неётпырысь мунан керёмлысь вежёртассё ёнмөдлө када кывдінъясын *-ав(-ал)* суффикс. Тайё суффиксыс сетё ногакывйыслы дыр када мунан керёмлысь вежёртас, а бөръяыс нин артмөдө өнія кад былө индана нырвизьсө. Сёрникузяс: *Сэсся йөз кості, өта-мөдөс йөткалёмён* писькөдчис *Сарйон* да шөпнитіс сылы: — *Оз ков* (И.Пыстин), — *Юрас, буракө, кучкөма* вырыс, — *каргышталёмён* висьтасис чойыслы верёсыс (Г.Юшков).

83 §. -Төг суффикса өнія/колян када соссяна ногакыв

Индөм нин *-төг* шөр формаыс кындзи кывйын паныдасьлөны *-төгъя*, *-төгга*, *-төгмоз* содтысяна пертасьяс. Став куимнан содтысяна суффикс тэчасыс содтө өткодь сям вежёртас, сійө матыстө ногакывьяссьё урчитаньяс дорё — төдчөдөма лоё керёмлысь мунанногсө, сылысь торьяланлунсө, шуам көть,

-төгъя: — *Повтөгъя* колө вөлі мунны водзё: *Уджалёны вокьяс тэрмастьтөгъя*, дышпырысь;

-төгга: *дзоляник лэбач чеччаліс юр весьтын льём пу увьяс вылын да төждысьтөгга* дзивөдчис (В.Юхнин);

-төгмоз: *Төдлытөгмоз* лэбыштісны кык вежон (Г.Фёдоров).

Аслас соссяна вежёртаснас ногакывьяс аслыснога серпасалёны сёрникузяс шөр керёмсө сы серти, мыйкө вөчтөг либө кертөг мунө подув керёмыс, өткодялөм могуьс, *Кузь рытывбыд местасьыс вөрзьевтөг пукаліс Васька пызан сайын, юрсө лэптивтөг зунясис* (М.Шестаков). Тшөкыда соссяна ногакывьяс сёрниын да гижөдьясын сулалёны юөртана ногакывьяскөд орччөн өти сёрникузяын, татшөм ногөн сёрникузяса шөр керёмсө серпасалёмөн, шуам, *Кильчө игансө восьтігмоз* локтысь былө *видзөдлытөг ропкигтырийи бөр пырис* Малань (М.Шестаков).

Ногакывьяслөн системаын *-төг* суффикса ногакыв артмөдө оппозиция (паныд вежёртас петкөдланног) өнія када мукөд уна ногакывлы. Но *-төг* ногакыв паныда сулалө сөмын содтөд керём да нога вежёртас кутысь ногакывьяслы. Када вежёртасаяслы оппозицияыс абу. Тайөс позьё петкөдлыны улынджык вайөдөм дженъыдик сёрникузяс орччөдөмысь.

1. Вая мунö сьыліг.
2. Юрсö пöлынтьігмоз öи юö ва.
3. Горзігтырйи мунам водзö.
4. Тадзи думайтігөн,
Мирон петіс кильчö вылö.
5. — Сідзи? — донъяланаа юалис
Анна тьöт.
6. Чеччалöмөн котöртöны
челядь.

- Вая мунö сьывтöг.
Юрсö пöлынтьтöг öи юö ва.
Горзытöг мунам водзö.
Тадзи думайттöг, Мирон
петіс кильчö вылö.
— Сідзи? — донъявтöг юалис Анна
тьöт.
Чеччавтöг котöртöны челядь.

Када вежöртаса ногакывьяслөн соссяна оппозицияыс абу, шуам, оз позь вочаöдны Шонді **петігөн** дзоридз *косьмис* → Шонді **петтöг** дзоридз *косьмис*, сы вöсна мый сёрникузяслөн вежöртасьясыс абу öткодьöсь. Тадзи жö паньд оз сулавны видлалана ногакывйыс да када вежöртаса ногакывьяс (-игö, -игам, -игад, -игас, -иганым, -иганыд, -иганыс, -игчöж, -игкості, -игкежлö, -тöдз суффиксаяс).

Видлалана ногакыв сикаслөн медтöдчана торьяланлуныс, дерт, — кири-тана, соссяна вежöртас, индö коді мунтöм либö вöвлытöм содтöд керöм вылö, шуам кöть, Лэбач дзик му дінсяньыс лыйыштліс енэжö и дыр сэнi шывкьяліс бордьяснас нöти **шенасьтöг** (Е.Рочев). Сёрникузяс öтувья вежöртассö позьö петкöдлыны тшöтш öтсыма членьяс-кадакывьяс отсöгөн — лэбач шывкьяліс и бордьяснас эз шенась.

Унаысь соссяна ногакыв петкöдлö условие, мый вöчтöг-кертöг оз позь вöчны мöд, шöр керöмсö, шуам, (Уляшева йылысь) *Оз, дерт, кытчöкö — удж вылö, сы ыджда семьяыд котравтöг оз пöт да оз пасьтась-кöмась* (П.Шахов), *куйöдыс кын му кодь — черөн керавтöг оз шед* (И.Изьюров). Татшöм сёрникузяс петкöдлöны условие, кодöс позьö петкöдлыны нöшта **кö** кывтор отсöгөн, öткодьялöм вылö, *семьяыд, он кö котрав, оз пöт да оз пасьтась-кöмась; куйöдыд, он кö черөн керав, оз шед*. Татшöм пытшкöсса условие петкöдлöм вöснаыс соссяна ногакывьясөн вöдитчöны йöзкостса поэзияын, юöртанторсö ёнмöдöм могысь, бöрдöдчанкывьясын: *Эг тай мейй кöсйив вöрзыны Дас кык зорйөн зорьявтöг. Эг тай мейй кöсйи чуктыны Дас кык черөн керавтöг*. Коми кывйын -тöг суффикса ногакывьяс да соссяна мортасяна овны кадакыв артмöдöны сідз шусяна кыкпöввөвтана соссяна тэчас, шуам кöть, *нимкодьпырысь шпынняла ме и, дерт, казъывтöг ог ов зэра войö аддзылöм вöтöс* (И.Торопов). Тайö сёрникузяыс збыльысьсö петкöдлö юöртанатор, кык пöв соссьöмыс артмöдö юöртана мöвп висьталöм. Тайöс позьö казавны сыысь, мый видлалана тэчасьяс пыдди позьö вöлі эськö век вöдитчыны юöртана мортасяна кадакывйөн, öткодьялöм вылö, *и, дерт, казъывтöг ог ов вöтöс = и, дерт, казътыла вöтöс*. Налөн могыс — тöдчöдны да ёнмöдны збыльысьсö юöртана шуöмсö, корсюрö наён авторьяс вöдитчöны содтöд юöртöм могысь: *Аддзысьлісны, дерт. Аддзысь-*

лытӧг эз овны, сы мында во нин ӧти посёлокын олӧны да (Н.Куратова). Татшӧм кыкпӧвъёвтана соссьӧм дорас сёрнитысь содтӧд корсюрӧ индӧ помка вылӧ: *А Тикӧн Барановыд абу на тамыш синъяса, ассьыс муса да ськӧд орчӧн котӧртысьсӧ казьятӧг оз ов* (В.Безносиков). Медтшӧкыда бергалӧны тайӧ тэчасьясыс вомгора сёрниын, сэтсысь найӧ пырӧны серпаса гижӧдъясӧ, шуам, — *Мыйла инди! — юрсӧ пӧлӧстыштӧмӧн шыбитис скӧр шы Пипуныров. — Индытӧг оз ов* (И.Пыстин); — *Пиук, кынӧмыд, пӧди, сюмалӧ. Сёян он? — Сёйтӧг оз ов!*

Видлалӧм тэчасьяссь артмӧдӧны нӧшта кольны кадакыв да соссяна-тӧг ногакыв, кӧть паныдасьлӧны найӧ шочджыка, шуам кӧть, *Сӧмын, кажитчӧ, кынӧпи узьӧ, а сідзисӧ быд сӧн сьлӧн вӧрӧ, и немтор оз коль казьятӧг* (Е.Рочев).

Соссяна ногакывъяс, сёрниын да гижӧд кывйын тшӧкыда бергаліг, кутӧны субъект вылӧ индан куим сикас вежӧртас, кодъясысь медтшӧкыдасӧ позьӧ казьяны:

а) ӧтувъя субъекта вежӧртас, шуам кӧть, *Аннушка эз узь, куйліс вӧрзьӧдчытӧг* кык пӧв костӧ топӧдӧм кодъ (Н.Куратова), *Коми сиктьясад гожся каднад, гашикӧ, сёясӧн чеччӧны кыа петігид да рӧпкӧдчытӧг* мунӧны асланыс удж вылӧ (В.Безносиков);

б) асшӧр субъекта вежӧртасыс соссяна ногакывъяслӧн кыссьӧ зэв важ кадколастсянь, сѣки татшӧм вежӧртасын ногакывъяс бергавлісны, тӧдӧмысь, тшӧкыджыка, шуам, *Шонди петтӧг югыд оз ло*. Тані ногакыв кутӧ асшӧр керӧм вӧчысьсӧ, веськӧдлӧ нимтан вежлӧга эмакывйӧн. Асшӧр субъект вылӧ коми кывйын индӧны кывъяс некимын пертасын: нимтан вежлӧга эмакывъяс (*Корасьны локтысьяс невестапу ордӧ пыригӧн йӧз тӧдлытӧг* сьӧраныс пыртӧны гӧлик либӧ корӧсь и улысаныс сійӧс дзебӧны (П.Доронин), *А уджавнытӧ ме и Анна тшӧктытӧгыд* муна (И.Торопов)), нимтан либӧ керанторъя вежлӧга соссяна нимвежтасьяс (*Некод тшӧктытӧг ме оз вермы нинӧм примитны, Толя* (Б.Шахов), *Недыр мысти амбар сайсянь некодӧн казьялытӧг* матыстчис *Прокӧ* (И.Габов)), асалан вежлӧга морта нимвежтасьяс (— *Лѣка тай олан, кӧзяин-пий, менам велӧдтӧг* (И.Торопов)). Аслыспӧлӧсӧсь сэтшӧм ногакывъяс, кодъяслӧн керӧм вӧчысьыс пасйӧма ас, аслам, аслас, аслад да с.в. морта-ёнмӧдан нимвежтасьясӧн, примерьяс пыдди, *И, аслас тӧдлытӧг, Тикӧныслы штапель дӧрӧмас кабыртчис, медым ыззьӧмсӧ лӧньӧдны* (В.Безносиков), *Кӧть полӧмысла тіралі тупу кор моз, а кутчыси перилӧясӧ да аслам тӧдлытӧг горӧдсис* (Л.Палкин);

в) Урчиттӧм субъекта вежӧртас кутысь ногакывъяс бергалӧны кывйын шоча, ногакывъяслӧн керӧм вӧчысьнас вермӧ лоны быдӧн либӧ кодкӧ, индытӧм, урчиттӧм морт, шуам кӧть, *Кухня пызан шӧрын вӧрзьӧдлытӧг* нин сулаліс сёян-юан (П.Шахов), — *Тэ, Ликӧ, непременно пырт кагатӧ, сӧстӧм ладинечӧс пырттӧг* видзны оз позь (В.Савин). Тані пырттӧг видзны тэчасын ногакыв индӧ сӧмын видзны кадакывлӧн мунанног вылӧ, керӧм вӧчысь вылӧ индытӧг.

Уна мукöд ногакыв моз, соссяна ногакыв сикасыс бергалö кывйын кык сикаса — урчиттöм да урчитöма. Урчиттöм ногакывъяслöн эм сöмын *-тöг* суффикс, код дорö оз йитчыны индан-асалан суффиксяс. Урчитöм ногакывъяслöн суффикс дорас ляскысьöны индан-асалан суффиксяс, кодяс артмöдöны татшöм парадигма:

Морт	Лыд	Öтка лыда	Уна лыда
1		—	<i>узьтöг-ным</i>
2		<i>узьтöг-ыд</i>	<i>узьтöг-ныд</i>
3		<i>узьтöг-ыс</i>	<i>узьтöг-ныс</i>

Кывлöн важ история кадколастö индан-асалан суффиксяс содтылісны ногакывъяслы субъекта вежöртас, сетлісны содтöд юöр сы йылысь, коді ногакыв керöмсö вöчысьыс. *Бура видзöдлытöгным и нёбим пальтосö*. Тайö сёрникузяс *-ным* суффикс вежö *ми* морта нимвежтас. Но татшöм веськыд, субъект вылö индысь вежöртаскöд орччöн кывйын сöвмöма нöшта содтöд, урчитöм, тöдса керöм пасьян вежöртас. Став вайöдöм суффикс тэчасьясыс медтшöкыда кывйын бергалöны *-тöгыд* да *-тöгыс*.

Соссяна ногакывъяслöн, *-тöгыд* пертас кутігöн, вермö лоны 2 морта öтка лыда субъект (*тэ, тэнад*) вылö индана нырвизь, шуам, — *Лэбны эськö лун тöлöн, Тэнö туйысь корсьны. Тöдлытöгыд сывйыштны, Шöвк юрсинад ворсны* (А.Мишарина), — *Велöдчытöгыд, нылукöй, попö он во* (В.Безноси-ков). Урчитöм вежöртасыс вермö петкöдлыны ногакывлысь керöмсö кыдзи быдöнлы тöдсаöс, гөгöрвоанаöс, матыстны лыддысьысьсöс/кывзысьсöс юöр-тантор дорö: *Сёйтöгыд ёна гажтöм овнытö* (И.Сажин). Индан-асалана *-ыд* суффикслöн вежöртасыс овлö вель паськыд, сыöн корсьюрö вöдитчы-лöны 3 морта öтка лыда *-ыс* пертас пыдди, шуам кöть, *Тöдтöгыд шуис офи-церöс төварышöн* (Микайлö дядь) (Н.Попов). Тані эськö логика боксянь стöчджыка колö шуны *Тöдтöгыс Микайлö дядь шуис офицерöс төварышöн*.

-Ыс индан-асалан суффикс сетö соссяна ногакывъяслы содтöд субъекта вежöртас, индö, мый ногакывлöн керöм вöчысьыс 3 морта öтка лыда морт, пемöс (сійö), шуам кöть, *И сулалö, сулалö Вась. Аслас синваыс войтышитö и войтышитö тöдлытöгыс* (В.Чисталёв). Такöд öттшöтш öнیا коми кыв-йын *-ыс* индивлö сöмын урчитöм, сёрнитысьлы тöдса, гөгöрвоана керöмъ-яс вылö, шуам, — *Луг вылö пыртлытöгыс?* — *дзикöдз немö воис Макар Са-вельевич. — Менсьым юасьтöг вундавы?* (В.Безноси-ков). Водзынджык вид-лалöм *-тöгыд* пертас моз, *-ыс* индан-асалан суффикс вермö бергавны нöшта *-ыд* пыдди, öткодялöм вылö, *Бура мөвпавтöгыс да зільöмтöгыс регыд сэс-ся и корысьö пöран* (И.Торопов). Тані позис öд шуны *бура мөвпавтöгыд корысьö пöран*. Но авторыс тайö сёрникузяс зільö ылыстыны керöмсö вомъ-ёрт дорсьыс, вöчны сійöс ортсыаöн, аскöдыс веськыдасö быттöккö йит-чытöмөн.

Мукöд индан-асалан суффиксыслөн сёрниын овлöны сöмын субъект былö индан вежöртасяс:

-тöгным — *Сы ылна туйö петим, гöститны мöдим ыли рöдвужлы нинöм водзвыв юöрттöгным;*

-тöгныд — *Зонгяс, косьтысьтöгныд бөр гортаныд энö жö вөрзёй. Колö бура шойччыны да косьтысьны;*

-тöгныс — *Сё дивö тай öнiя том йöзыс. Гижсьытöгныс и олöны уна-öн, — шензис Марпа тьöт.*

Грамматика вежöртас серти соссяна ногакывьяссьö позьö орччөн сувтöдны -öмөн суффикса ногакывьяскöд, сöмын мый видлаланаслөн керöмыс збыльысьсö оз овлы либö эз вöвлы. Позьö торйöдны кык сикас вежöртас: содтöд керöм петкöдлысь да нога вежöртасяс.

а) Соссяна ногакывьяс петкöдлöны содтöд керöм сы боксянь, мый субъектыс сийöс оз вöч или эз вöчлы шөр керöм вöчигөн, шуам, *Кузьма былö видзöдлытöг Öстап петис* (И.Изьюров) = *Кузьма былö эз и видзöдлы Öстап да петис*. Ногакывьяс юөртöны содтöд керöм йылысь дженъыда, экономнöя: *Мурч курччис Ревекка пиньяссьö да ёна водзвылысь видзöдлытöг восьлалис паркйись дукуксы паныд* (Г.Юшков), *Долыд вöли, мый вежоныс коли редакцияын некодкöд вензьытöг да зыксьытöг* (П.Шахов). Бөрья сёрникузяс ногакывьяслөн эм торья кывйөн петкöдлытöм, но контекстысь гөгөрвоана ас субъект = менам, ме. Корсюрö соссяна ногакывлөн керöмлысь ашшөрлунсö авторьяс тöдчöдöны чутикьясөн ногакывсö либö ногакыв тэ-чассö торйöдмөн. Сёрникузяс: *Кöсйöны пыр вөрöд мунны, туйö петавтöг, да няньыс некодлөн абу* (И.Сажин), *Ми мынтöдчим да, матысмысь вой былö видзöдтöг, бара петим туйö* (И.Торопов).

б) Нога вежöртаса ногакывьяс асьныс серпасалöны сёрникузяса шөр керöмсö, сылысь мунанногсö, быттьöкö вочавидзöны кутшöм ногөн?, кызди? юалöмьяс былö, шуам, — *Мед но господь отсалас. Кысь нö енлы юрбиттöг да еймöс тöдтöг кöсьян овны!?* (И.Сажин). Ногакывлөн керöмыс танi мунö отсаяна, шөр керöмлысь торьяланлун петкöдлысь мог нуöдысь туйын, примерьяс пыдди, *управляющöйлысь сёрнисö ньöти вежсавидзтöг торкис Тикөн Баранов, совхозса пастук* (В.Безносилов), *Воддза жырийн, кöни узьлöны на челядь, мудз тöдтöг тичкис-мунис кузь кывья часi* (И.Торопов). Нога вежöртаса соссяна ногакывьяс бергалöны тшöкыда. Со шуам, кутшöма коми кывбуралысьяс пыртöны кывбурьясас *дугдывтöг* ногакыв: *Эськö дугдывтöг пыр сiдз видзöдан, Тувсов муй менам, Шондiбан* (В.Чисталёв), *Дугдывтöг ме, мича ныв, Кывза тэнсьыд сыланкыв* (В.Ширяев), *Кыа чышгьяна вой лöньöм вöрыслы мойдö, Слуда горулын ыркыда лолалö ю. Кыськö дугдывтöг сьöлөмöс, быттьöкö войтöв, Кыскö вöтөн и вемöсөн пармаа му* (Г.Юшков).

Соссяна ногакывьяслөн грамматика када вежöртасыс аслыссикас: соссяна ногакывлөн керöмыс или оз мун сёрникузяса шөр керöмкöд öти кадö (öнiя

када вежортас), либө сійө эз мунлы, эз вөвлы шөр керөм заводитчытөдз, өткодялөм могысь, *Мортыс варччө шы септөг, шенасьтөг* → *мортыс ваас пырөма пөрччысьтөг, көмкөт шыбиттөг*. Кыкнан када вежортаса ногакывьясөн веськөдлөны сэтшөм предикат-кадакывьяс, кодыяс вермөны веж-ласьны став сикас кад сертияс.

а) Öнiя када соссяна ногакывлөн керөмыс, кызди овлө медтшөкыда, век дыр кыссияна, абу другөн вөчана, шуам, *Ола вөлі, слава богу, ен вылө элясьтөг* (Г.Фёдоров), *часьясөн вөрзбөдчывтөг* куйлөдiсны *ратникьясөс* (В.Чисталёв). Сёрникузяын шөр керөмыс да ногакывлөн содтөд керөмыс век овлөны дыр мунысьяс, көть кыввора вежортасыс вермө лоны мөд — өдйө мунысь керөм вылө индысь, примерьяс пыдди, *Сидзкө, казналы абу некутиөм коланлун стрөитны вөр перерабатывайтан предприятияс, вөрсө бурдэжык вузавны кернас, некутиөм рөскодыяс вөчтөг* (В.Юхнин), *Кузяа очсовтө Кырныш, узьны көть эськө во дэжын вольпасьясь чеччывтөг* (Е.Рочев).

б) Колян када соссяна ногакывьяслөн керөм муна кадыс вөлөма да кольөма нин сёрникузяса шөр керөм вөчтөдз, шуам, *Бать йылысь нинөм вильтор төдмавтөг* и мунис *Сеня караулитчыны* (Г.Фёдоров). Тані Сеня медводз нинөм эз вермы төдмавны, сэсся нин мунис караулитчыны. Ногакывлысь керөмсө позьө петкөдлыны мөд ногөн, мортасяна соссяна кадакывйөн: *Бать йылысь нинөм эз төдмав Сеня да мунис караулитчыны*. Ногакыв керөмлөн муна кад помасьөм йылысь мянлы юөртө сёрникузяса да сёрникузябердса контекстыс: *Веськөдчисны сэтчө өта-мөдылысь юасьтөг жө, кыкнанныс өткодя думайтисны* (П.Шахов), *Павел Катя нор сьөлөмөн и пырис гортас. Весиг тиай шонтыны эз кут, өдйөдэжык клуп-клоп игна-сис, би өзтывтөг* и *водис* (А.Ульянов). Колян када вежортассө ногакывьяс-лысь корсюрө ёнмөдлө да төдчөдлө өтпырысь/неөтпырысь муна керөм петкөдлысь -л, -лы суффикс, өткодялөм вылө, *Микулай ни керка йывсьыс, ни ни йывсьыс мөвпыштлытөг* котөртис пывсян туйөд (М.Шестаков).

84 §. Вөвлытөм керөм вылө индысь -игкежлө суффикса ногакыв

Артманног сертияс ногакывлөн -игкежлө суффикс чужөма видлалөм нин -иг торйысь да кывбөрысь артмөм ногакыв суффиксыс моз (-игмоз, -игсор, -игтыр, -игчөж, -игкості). Тайө ногакыв сикаслөн грамматика вежортасыс аслыспөлөс, сійө абу öнiя када, өттшөтш муна керөм петкөдлысь, сійө мөд пөлөс — вөвлытөм, лоны вермана керөм вылө индысь, шуам, *А öнi колө дасьтысьны ылі туйө петігкежлө* (В.Безносиов). *Петігкежлө* ногакывлөн төдчө тыдалана потенциальной вежортас, коді матыстө видлалана ногакыв сикасө кывпод дорө, мый вөсна позьө ногакыв пыддиыс корсюрө вөдитчыны кывподөн, өткодялөм вылө, *колө дасьтысьны ылі туйө петігкежлө* → *колө дасьтысьны ылі туйө петны*.

Серпасалом грамматика вежортассо пыртö **кежлö**, сийö кольöма на кывбöрьсь, шуам, *дасьтысьны страда кезлö*, ньöбавны небöгъяс **школа кезлö**, лöсьöдчыны **кöлысь кезлö**. Индöм ногакыв сикаслөн öнöдз на унатор кольöма эмакыв да суффикс тэчаслөн этшысь, мый вöсна корсюрö (дерт, оз тöдöмөн, водзвыв), гижлöны тэчаса суффикссö торйөн: — *Мамö, тöдан мый, правление вылын ме шуи, мися, вöвъяслы гöриг-кöдзиг кезлö турунсö виль петасöдз колö чукöртны йöзыслысь* (Н.Куратова).

Вöвлытöм (локтан) керöма ногакывъяс сёрниын да гижöдъясын бергалöны оз ёна тшöкыда, сы вöсна мый наён вöдитчöм вылö векджык колö стöч урчитöм ситуация. Шуам, В.Тороповлөн «Еджыд бобувъяс» висьтысь Коля зонка вöзйысьö батыслысь ветлыны вуграсьны: — *Пап, еджыд бобувъясыд петöмаöсь, гаикö, ветла Вадыбöдз. Кольöм во сынъяс бура шедлисны тайö кадас. Вуграсьышта, пывсян вöдитигкежлö бөр воа*. Видлалан ногакыв сикас аслас вежортаснас тшöтш вермö петкöдлыны стöч кадколаст, код кезлö либö код водзын мунас шöр керöмыс.

Аслыспöлöсöсь овлöны ногакывъяслөн урчитöм сикасьясыс. Найö артмöмны сэтшöм кывбöрьясысь, кодъяс кутöны измöм индан-асалан кыв вежлалан вежлöг суффиксьяс, сэтшöмöс, кутшöм эмöсь водзынджык нин видлалöм урчитана ногакывъяслөн (*-игад, -игас, -иганым, -иганыд, -иганыс* суффиксяслөн).

Морт	Лыд	Öтка лыда	Уна лыда
1		—	<i>воигкежл-аным</i>
2		<i>воигкежл-ад</i>	<i>воигкежл-аныд</i>
3		<i>воигкежл-ас</i>	<i>воигкежл-аныс</i>

Кывйын урчитöм ногакывъяс асланыс суффиксьяснас индöны стöч субъекта керöм вылö. Дерт, контекстын ногакыв керöм вöчысьыс гöгөрвоана кодi, но урчитöм ногакывъясöс корсюрö быть колö пыртны сёрниö асланыс субъект вылö стöча индöм могысь. Шуам, В.Безносиков аслас öти повесьтын öти лист бок вылын вöдитчö кык сикас ногакывйөн, урчиттöмөн да урчитöмаөн. Сёрниыс мунö ая-пия костын, батыс пиыслы шуалö: 1) *Институтö пыригкежлö дасьтысь, бура дасьтысь*; 2) *Ме, дерт, тэнö мырдөн ог ысты, но гожöмсö кö чоя-вока уджыштаннөд, велöдчигкежлад деньгаторйыд сгöдитчас*. Медводдза сёрникузяс батыс сёрнитö пиыслөн институтö пырöм йылысь, сэки сiдзи гöгөрвоана, кодi лöсьöдчö сэтчö пырны. Мöд сёрникузяын сёрниыс мунö нин чоя-вока йылысь, да медым тöдчöдны, код велöдчигкежлö сьöмыс ковмас, геройлөн кывъясö пыртöма урчитöм ногакыв сикассö. Мöд ногөн кö лоис эськö гöгөрвотöм, кодлөн велöдчöм йылысь (пиыслөн либö нылыслөн) сёрнитö батыс. Татшöм ногөн урчитöм ногакывъяс вермöны тöдчымöнья стöчмöдны висьталанторсö.

Асланыс морта-лыда вежортас сертиыс урчитом ногакывъяс кызвыныссьо индоны сточ субъекта керомъяс выло, шуам коть, — *Ветлы, ветлы. Ме воигкежлад выльысь тиай пузьода, виччысьла тэнö* (А.Ульянов), *Гортас батыс лосьодчöма нин вöлі вөрö мунигкежлас* (Г.Юшков), — *Гижсигкежланыс, мися, мича платтьö мед ньобас, деньгатор көсий сетны, да ставсö крысаяс сёйöмаось. Аттö и дивö* (В.Напалков).

Корсюрö овлоны урчитом ногакывъяслөн вуджодом субъекта вежортасъяс, кодыр ногакыв индö оз сточ кером вöчысь выло, а мукöдтор выло. Татшöм сяма вежортасъясин вермöны сёрниын бергавны 2 морта öтка лыда -игкежлад да 3 морта öтка лыда -игкежлас пертасъяс ногакывъяс, шуам, *Телеграммайн юөртисны да вежонысь дырджык лосьодчим аркирей локтигкежлад: кык сутки эг узьöй* (В.Напалков). Тані -ад суффикс индö оз сточ кером вöчысь выло, сэки колö эськö вöлі тані вöдитчыны 3 морта öтка лыда ногакыв сикасöн — *вежонысь дырджык аркирей локтигкежлас лосьодчим*. Татшöм сикас сёрникузяин -ад суффикс кутö стилистикаа тöдчанлун, сійö быттьö матыстö кывзыссьö сёрнитанторлань, сибöдö сійöс юөртантор дорö. Быттьöкö аркирейыслөн кывзысьыскöд чужö йитöд. Татшöм вуджодом вежортаса урчитом ногакывъяссөн корсюрö вöдитчылöны сы могысь нöшта, медым нейтрализуйтны 1 морта öтка лыда «ме» вежортассö, сетны сійöс небыдджыка, лыддысьысь/кывзысьлы сибыдджыка, шуам, *Менам дас көкъямыс арös тыригкежлад кызкö-мыйкö нюжавсьöма жö* (И.Торопов).

Корсюрö 3 морта öтка лыда -ас индан-асалан ина вежлöга суффикс индывлö прöстö ногакывлөн урчитом кером выло, оз кером вöчысь выло, пример пыдди, *Войнас эськö и воссьыліс енэжыс, но югдигкежлас бара кымөртчис* (Е.Рочев).

Кером вöчысь выло индом серти -игкежлö ногакыв сёрниын да гижöдъясин кутö уна вежортас — öтувъя субъекта, ашшөр субъекта (зэв тшöкыда), урчитом субъекта да субъектöм вежортас сикасъяс.

а) Став видлалом ногакывъяс серти, кодъяс артмöмны -иг/-іг тор подувылын, серпасала ногакыв сикасъяс вель шоча овлоны öтувъя субъекта вежортасын, кор ногакывлөн да сёрникузяса подувы керöмлөн эм öти öтувъя субъект, шуам, *Локтигкежлö ме тшöкті гортсаяслы ломтыны пывсян* (С.Раевский). Позьö казавны, мый ногакывлөн керöмыс оз сэтшöм топыда йитчы сёрникузяса шөр кадакывйөн петкöдлана керöмкöд, лöö быттьöкö ашшөр, öткодялөм выло, *Тэнö казътылігкежлö Наталья тьöт черинянь нөжавліс, а сідзсö лавкаланьджык котралам* (В.Безносиков).

б) Ашшөр субъекта ногакывъяс бергалöны тшöкыда да индоны сэтшöм кером выло, кодлөн эм аслас кером вöчысь, та боксянь коді торъялö сёрникузяса шөр керöмлөн субъектысь, шуам коть, *Дингёль вөрпунктö тракторъяс воигкежлö эштöдіс туй, кыті сиктсаянь мөдасны воны и трак-*

торъяс, и вөрпунктлы коланторъяс (В.Юхнин). Асшөр керём вөчысьсё вермёны петкөдлыны ногакывбердса зависитысь кывъяс. Тайö: 1) нимтан вежлöга эмакывъяс либö нимвежтасъяс (*Мунігас лöсьöдчисны верöсыскöд, мый и Вадим босьтас отпуск Надя практика помасигкежлö* (Н.Куратова), *Найö воигкежлö колö кытсюрö лöсьöдыитны* (В.Безносиков)), 2) асалан вежлöга эмакывъяс (*Доментийлөн армиясыс воигкежлö Ангелина Владимировна вöлі нин дзордзалыс невестаён* (В.Напалков)). Асшөр субъект былö вермёны индыны тшöтш индан-асалана суффиксъяс, кор найö артмөдöны урчитöм ногакыв сикасьяс, шуам, *Öти тьöтка вöлөм нывсö велöдö: — Тарыт, нылö, аддзöдлы Роч Опонтьö да меліджыка бергав, мед аски, ньöбасигкежлад, топыдджыка пасьтасяс* (Е.Колегов).

в) Урчиттöм субъекта ногакывъяс бергалöны сёрнитан кывйын да гижöдъясын, пасйöны сэтшöм вöвлытöм керём, кодöс керлöны унаён, быдөн либö керём вөчысьсö тöдчöдны-урчитны коланлуныс абу: — *Рытъя лысь-тысигкежлö* мед локтасны, местасö тай тöдöны, — личмунöм сьöлөмөн шуис Баранова (В.Безносиков).

г) Субъекттöм ногакывъяс артмöны морттöм кадакывъяссыс, шуам кöть, *Пемдигкежлö* удитім зорöдсö чöвтны; *Югдигкежлö* том вöралыс сибöдчис койт дорас.

-Игкежлö суффикса ногакывъяслөн грамматика вежöртасыс топыда йитчöма аслысьяма када вежöртас петкөдлöмыскöд. Ногакывъяс петкөдлöны вöвлытöм, лоана керём, код йылыс сöмын юöртöны. Мöд ногөн кö, ми огö тöдöй, помасьö сійö али оз, лоö-ö стöча али оз. Тайö лоны вермана керём, коді вермö кутны сёрникузяс öнйя, локтан, колян када шöр кадакывкöд йитöд, а сідзжö шöркывкöд да кывподкöд:

а) öнйя када кадакыв-предикат + -игкежлö ногакыв, шуам кöть, *Швачкö лун тöв, ваикöдö мыйкö еджыд платтьöа кызд пуяслы, сыналö налыс юрьяссö, веж венеч пасьталігкежлö* шылöдö-мольöдö быд возж (Н.Куратова);

б) локтан када кадакыв-предикат + ногакыв, шуам, — *Асывнас чеччан, лэдзан кокъястö — налы небыд. Кывтігкежад* пöсялас нин, лунъясыс гажайсö на да, — шуö Сандыр (Е.Афанасьев);

в) колян када кадакыв-предикат + ногакыв, пример пыдди, *Öльöксан мед-шуда кум друг пиыс: сылөн батьыс ловъя воис страда заводитчигкежлö* нин (Н.Куратова).

Вöвлытöм (лоана) керём петкөдлыс ногакыв ассыс вежöртассö йитлö шöркывъяскöд да кывподъяскöд, кодъяс асьныс веськөдлöны сыйн, шуам кöть, *Водз асылын чеччис, вежис дöрöмсö, жытниксьыс кöзййкаыслыс тиöктіс пыртны гöтрасигкежлö лöсьöдлөм пинжак-гачсö, картузсö — мöдöдчис* (В.Юхнин), *Симьёны окота босьтіс нёнявны-куритны сійö дона сигаретсö, кодöс запасён лои ньöбöма локтігкежлö* карса киоскыс (В.Безносиков).

85 §. -Төдз суффикса ногакыс

Коми кывйын тайё ногакывйыс индö вöвлытöм на керöм вылö, код заводитчытöдз овлö сёрникузяс шөр керöмыс, шуам, — *Водз садьмöны вöрса лэбачьяс да зверьяс. Шондi петтöдзис на пöрысь тар пуксяс öтка пожöм вылö да заводитас кургыны: «Ур-ур-ур, уру»* (И.Коданёв).

Ногакывлön керöмыс век овлö вöчтöм, вöвлытöм на, налön эм локтан кадлön ру, шуам, *Сьылöм менам оз на быр, Кувтöдз кута сьывны пыр. Коми йöзöс гажöда, Шогсö налысь пальöда Коми сьыланкывйöн* (В.Савин).

Ногакывьясын унатор индö эмакывьясысь налön артмöм вылö. На лыдö пырö тшöтш сийö, мый -тöдз суффикса ногакывьяс дорö кокниа вермöны йитчыны индан-асалана суффиксяс да артмöдны урчитöм ногакыв сикас: — *Школаад мунтöдзид, тиук, ставсö гöгöрбок видзöдлы да лочки игнась, — велöдö писö Петырлön мамыс.*

Урчитöм ногакывьяс (сöмын -тöдз суффикса ногакывьяс) сёрниын, гижöдьясын бергалöны медтшöкыда, шуам, *Дзизгысь-дзизгысь гут, Госыс сизим пуд, Талун чеччис Шондi петтöдз* (В.Лыткин).

Урчитöм ногакывьяс, мöдарö, асланыс суффикс тэчасьяснас индöны керöм вöчысь вылö: *Сöмын тайö пöрийö Павел вежöртis нин сьöлаыдысь ас ногыс мудералöмсö: вöлмкö, лэбас-лэбас да друг чукыльтас пуксьытöдзис на, мед пöрийöдлыны корсьысьсö* (Г.Юшков). Танi -ыс буретш индö 3 морта öтка лыда керöм вöчысь вылö (сийö = сьöла вылö). Урчитöм ногакывлön балаыс татшöм:

Морт	Лыд	Öтка лыда	Уна лыда
1		—	узьтöдз-ным
2		узьтöдз-ыд	узьтöдз-ныд
3		узьтöдз-ыс	узьтöдз-ныс

-Ыд суффикслön субъекта вежöртасыс тыдалö кык морт костын сёрнитигön: — *Бöрсö гортад локтöдзид пö черисö абу и солалöмыд, шуöны, — висьталö батысь пиыслы, — Эн пов, гöтрасьтöдзид бурдас, — шуис пельшер висьысь зонкалы.* Вежöртасыс вежö тэ, тэнад нимвежтасьяс, керöмсö вöчö 2 морта öтка лыда субъект. Урчитöм вежöртаса ногакывьяс бергалöны тшöтш вомгора сёрниын, гижöдьясын, сэк найö пасйöны быдöнлы тöдса либö тöдсаön юöртана керöм, шуам кöть, *Кытсюрö сидзи и швачкасны (белöйяс), дзик садь быртöдзид лолö* (И.Сажин).

-Ыс суффикслön субъекта вежöртасыс вежö сийö, сьлön морта нимвежтаслысь юöртöм, шуам, *Павел дась вöли чепöсийны да усьтöдзис котöртны шудысла: сийö радейтö, радейтö, радейтö!* (П.Шахов). Унаысь -ыс тöдчöдö ногакыв тэчасын индöм-петкöдлöм керöм вöчысьсö, примерьяс пыдди, *Анналы окота вöли уськöдчыны кымыньöн да ырзыны-бöрдны сьöлöм*

бурмытөдзис (Е.Рочев), *Коркө сійө вөлі паччөрын узьө. Мам кувтөдзис на* (А.Ульянов).

Мукөд индан-асалан суффикс, ногакыв дорө йитчиг, кутлө сөмын субъект былө индысь вежөртасьяс, шуам көть, *-төдзным*: — *Аски поезд былө пук-сьытөдзным* колө эськө мыйсюрө туй былө ньобышты; *-төдзныд* — *Зонъяс, узьнытө водтөдзныд* энө вунөддөй подольникъястө видлыны, самсө былъысь пуктыны; *-төдзныс* — *Керка дорө вотөдзныс* ни өти морт вуджөр эз тыдовтчыв (Б.Шахов).

Видлалан ногакывьяслөн эм субъект былө индөм боксянь төдчана аслыс-сикаслун: тшөкыда бергалөны ногакывьяс, кодьяс кутөны ас субъект былө индысь кывьяс (эмакывьяс, нимвежтасьяс), шуам, *Шурик висьмытөдз* вөра-лан руыс, *позьө* шуны, *эз на ызьөддлы менө* (И.Торопов). Тайө нөшта на вись-талө, мый *-төдз* суффикса ногакывьяс матынөсь кадакывйысь артмөм эма-кывьяс дорө, өтлаөдөм былө, *Шурик висьмытөдз* = *Шурик висьмөмөдз*. Но-гакывьяс кутөны сөрнийн татшөм сяма субъекта вежөртасьяс:

а) Öтувья субъекта вежөртаса ногакывьяс бергалөны вомгора кывйын да гижөдьясын: *Öти сьөлаөн и локтис Павел бурөвөяс. Веськалис на Горвасө бөр вуджтөдз* сьөла котыр былө, но эз ышты вөтлысьнысө (Г.Юшков).

б) Асшөр субъекта ногакывьяс кывйын бергалөны тшөкыда, кызвынсө ногакывлысь керөм вөчысьсө пасйө нимтан вежлөга эмакыв, шуам, *Шуда Сибирь да уна тыртөм места ышмөдисны юр бергөдчытөдз* мужикьясөс (П.Доронин), *Коркө, война заводитчытөдз на, батькөд сэтчө ветлим, батьө пыж сизьдис-вөчис* (И.Торопов). Овлөны тшөтш асалан вежлөга ним-вежтасьяс — ногакывлөн керысь былө индысьяс, шуам көть, — *Эг төд тэнө, Васьө, мейм мунтөдз* шег кодь на вөлін, өні со пу суда нин (Г.Фёдоров).

в) Урчиттөм субъекта ногакывьяслөн керөм вөчысьнас вермөны лоны унаөн либө быдөн, ситуация серти, өткодьялөм былө, *Сэсся коркө вуджисны Көрөтайка ю. Пыжөн жө ноксисны. Тайө пө медбөръя ю нин гожьянінө вотөдз* (Е.Рочев). Тані воысьнас вермө лоны гожьянінлань мунысь быд морт.

г) Субъекттөм вежөртаса ногакывьяс артмөны морттөм кадакыввужьяс-сянь: *туйө петны пемдытөдз, гортө воны зэрмытөдз, стынитны-узьны югдытөдз, эштөдны урожайсө пужьявтөдз, кынмавы кызөдтөдз, гөрны мусө лымьявтөдз* да с.в.

Грамматика шөр вежөртас сертиыс нимтам видлалана ногакывьяссө кызди вөвлытөм керөм былө индысьясөн.

Шөр вежөртасыс налөн — юөртны, мый ногакывлөн содтөд али асшөр керөмыс вермас лоны сөрникузьяса шөр керөм бөрын либө мый сөрникузья-са шөр керөмыс сөвмө, мунө ногакывлөн керөм заводитчытөдз. Тайөс позьө серпасавны таdzi:

Шөр керөм мунё	ногакывлөн керөмөдз
а С ₁ —————>	С ₁ = өтүвья субъект
Ваня дыр пасьтасис	школаё мунтөдзыс .
б С ₁ —————>	С ₂ = ашшөр субъект
Ваня школын вөлі	урокаяс помасьтөдз .

А вежөртас сикасын сёрникузяын эм өти өтүвья керөм вөчысь, а б вежөртас сикасын кык торья субъект да ситуация, код йылысь вөлі висьталёма нин. Татшөм вөвлытөм керөм вежөртаслөн эм аслысьяма када вежөртас, воана када вежөртас, кодөс корсюрө төдчөдоны на када вежөртаса урчитаньяс: **Рытланьыс**, клубё уджавны **мунтөдз**, Лиля сюрис батьыслөн грөз улө (В.Безносиков), Пывсянө **лэччитөдз** Степан мөдөс кульны урьяссь — өтийөс, мөдөс, витөддөс, сизимөддөс (В.Юхнин), Сыктывкарё **мунтөдз** на тані кос да жар поводдя сулаліс (Н.Куратова). **Аскинас**, **чеччитөдзыс** на, Петыр дыр мөвпаліс гөтырыслөн аслысруа өбича йывсьыс. Корсюрө ногакывлөн бөрынджык овлан керөм вылө индывлө тшөтш на кывтор либө торья шусьөгьяс, шуам, **Тадзисө вөтасьтөдз на** ас кешам ме көсьысьлікодь нин төв кешлас пөрөдчынысө кайны, а өні сэсья став падъялөмьясыс дзикөдз бырины (И.Торопов).

Ногакывлөн керөмыс вермас лоны важөн вөвлөм либө быд пөрийө овлана, кор мыйкө вөчсьө-керсьө. Сёрникузяс: — **Челядсьыс көть коркө водзё морт лөй, быдмасы да. Но өд найөс быдмытөдзыс** вердны колө (П.Доронин), — **Нинөм, пөчюд веськөдас-зыралыштас да гөтрасьтөдзыд бурдас** (Б.Шахов), **Ва воссьөмсянь гожөмбыд йи куттөдз** ветлан-кывтан-катан позтөм көк моз (В.Чисталёв).

Тайө подув вежөртасянь нин коми кывйын сөвмөма мөд вежөртас, ногакыв керөмыс индө сы вылө, кутшөм ёна либө кутшөм выйөдз мунё подув керөмыс, шуам көть, **Топыда сёйим и сьөлөм бурмытөдз чай юим** (Н.Никкулин). Мөд кывьясөн кө, ногакыв петкөдлө сёрникузяса шөр керөм мунан-ноглысь ёнлунсө (степеньсө). Татшөм вежөртасыс овлө -мөн суффикса герундиум дорө дзик өткодь, сылы синонимөн, өтлааститөм вылө, **И бөрья здукыс** — **синьясысь би петавамён, садь быртөдз**, кутшөмкө көртө люкасьөм (А.Дёмин).

Татшөм грамматика вежөртас подулас дзик мөд серпас-схема нин, тані ногакыв керөмыс гөгөрвосьө кызди вөвлөм керөм, кодлөн эм аслас результат:

Шөр керөм мунё	Ногакывлөн керөм мунё
а С ₁ —————>	С ₂ —————>
Ваня рытнас лыддьысис	кольмытөдзыс = зэв ёна.
б С ₂ —————>	С ₂ —————>
Ваня рытнас лыддьысис	юр дурмытөдзыс = зэв ёна.

Кыкнан вежортас сикасылон эм өти өтүвьялун: сёрникузяс шөр керомьясыс быттьокко лооны помканас ногакыв керомьяслы, кодьяс шөр кером ёна (дыр) мунөм вөснаыс заводитоны жө мунны да шедөдөны результат. Тайөс позьё бура петкөдлыны кык сёрникузя орчаөдөмөн:

*Батъыс эськө ранасө Ёньёлысь
кортавны көсийс отсыитны да өти
салдат ылө тойыиитис. Усьтөдзыс
лои (И.Сажин).*

*...но өти салдат ылө **тойыиитис**
сэтчөдз, сэтшиөм ёна, мый **Ёньё**
усис.*

Ногакывлөн мөд керөмлысь ёнлун петкөдлан вежортасыс зумыда йитчө сёрникузяс шөр керөмыскөд да серпасалө бөръяыслысь мунанногсө (сылысь мөрччөмсө, ёнлунсө, мунан кадколастсө). Сёрникузяс: *Васькалы пагаөтөдзыс* кулакнас *тувкис* еджыд салдат (И.Сажин), *Мутикам-сёям мыйта* эм, *кынөмьяс дундытөдз*, и лөсьыдджык лөө овны (И.Торопов).

Видлалан ногакывлөн керөмыс вермас лоны збыль овлана/овлөмөн (контекст) серти да лоны верманаөн (төкөттьө/абу лоанаөн). Збыль овлан керөмыс олөмас мунө либө мунөма нин, шуам көть, *Вичко стөрөж куимысь нин вичко йылас кайлис*, *куим пөрийө нин кынмытөдзыс звөниитис* (зэв дыр) (И.Сажин). Вермыны лоан керөм петкөдлө, мый шөр керөмыс вөсна өдва-өдва оз ло ногакывлөн керөмыс. Тайө вуджөдөм вежортаса ногакывьясөн тшөкыда вөдитчөны сёрнитан кывйын, сідзжө серпаса гижөдьясын, шуам көть, *Сөмын тай ме кок йылысь усьтөдз мудзи*, *Мися, бөртинас став пьидиыс пыктытөдз* узям (И.Торопов), *Көть сэсся семдытөдз повзы* (Ю.Васютов).

86 §. -Мөн суффикса герундиум

Герундиум өтүвтө шөркывлысь да ногакывлысь аслыссикаслунъяссө, өткөдө сям грамматика вежортасыс сёрниын петкөдлөма кык сикас синтаксис мог пыр — сійө бергалө кызди гөгөрвоөдан кыв да кызди ногапас. Вайө-дам сёрникузяс:

Гөгөрвоөдан кыв (атрибут)
*Вөрысь аддзи **ытишкымөн**
турун;*

Ногапас (обстоятельство)
*Тьёщаыс кынөм
висьмымөныс повзис
(В.Напалков).*

Коми кывйын герундиум артмө -мөн суффикс отсөгөн, сійө йитчө кадакывуж либө кадакывдін дорө, шуам, *пель **сьөдмымөн** дзуртас пач сайын чирк* (В.Чисталёв), *Синваыс **петмөн** жаль вөлі мамыс*, *Менам лысьөмьяс висьёны зэв, югдытөдз ог вермы унмовсьыны*. Зэв шоча бергалөны сэтшөм кывьяс, кодьяс подулын куйлө оз кадакыв, а эмакыв, шуам көть, *Налөн ам-*

булаториясыс вöлі керка **костмөн** ылнаöсь (А.Лыпуров). Герундиумыс артмö **кост** кывйысь да вежöртö «сы ылна, мый сэтчö керка тöрö, кык керка коста ылна».

Коми сёрнисикасьясин, вомгора сёрниын корсюрö бергалö -тöгъя тэчаса суффикс, кöні -я торйыс содтö кадакывбердлысь вежöртас рöм, примерьяс пыдди, *Йöз тöдчымöнъя педзыитісны места вылас: виччысьтöм юöрыс, тыдалö, шензьöдіс и повзьöдыитіс найöс* (В.Юхнин), *Вылын дзирдалö син ёрмöнъя яр шонді* (И.Изыуров). Гижöд кывйын тэчаса суффиксыс бергалö шоча, кызвынсö тырмымöнъя да тöдчымöнъя кывьясын. Унджыкысьсö сёрниын бергалö сöмын -мөн суффикс, нöшта тшöкыджыка тайöс позьö казявны гижöдъясысь, шуам, *Бать нывсö видіс бөрдемөн*, — *Но и делöя, сідзкö, — аслыс кывмөн öні шуис Илья да петіс лабич улысь* (В.Юхнин).

Герундиумлөн овлö нöшта урчитöм сикас, кöть шочиника, сійö вермö йитны индан-асалан суффиксьяс, мукöд коми ногакывьяс моз. Урчитöм герундиумлөн парадигмаыс мукöд ногакывьясысь оз торъяв:

Морт	Лыд	Öтка лыда	Уна лыда
1		—	нумöн-ным
2		нумöн-ыд	нумöн-ныд
3		нумöн-ыс	нумöн-ныс

Колö шуны, мый урчитöм герундиум овлö сöмын сэки, кор сійö бергалö сёрникузяын ногапас туйын, шуам кöть, *Кывзам да, быттьöкö сьёлöм потмöныс тöждысьöны республикалөн экономика вöсна, зільöны видзны быд шайт* (КМ). Медтшöкыда бергалöны вомгора да гижöд кывйын 2 да 3 морта öтка лыда -мöныд да -мöныс суффиксьяс тэчасьяс.

2 морта öтка лыда -ыд индан-асалан суффикслөн кык вежöртас. Öтиыс — подувса, сійö вежö *тэ, тэныд* нимвежтасьяс да петкöдлö, мый ногакыв керöмсö вöчö öтка лыда 2 морта субъект, вомъёрт, кывзысь: *Он кө волы улица вылас во либö мöдöс, шензьымöныд лöö: сы мында виль керка быдлаын удитöма кыптыны* (ВК). Мöд вежöртасыс — öтувья субъекта вежöртас, тайö серпасалан гижанног-сёрнитанноглөн тыдалана пас, кор автор/сёрнитысь вуджöдö герундиумлысь керöмсö кывзысь/лыддысьысь вылö, шуам, *А видлы лунтыртö жöдзны кок йылад, кызди Соня. Кок сөн рудзавмöныд мудзан* (В.Напалков), Митрей. *Мый пельтöмыдлы. Пель дорас лов петмöныд горöдан да кылыштö жö* (А.Попов).

3 морта öтка лыда -ыс суффикс индö 3 морта öти керöм вöчысь вылö, сійö вежö сійö, сылы морта нимвежтасьяс, примерьяс пыдди, *Эз татишмөн Петров тöдлы ассьыс гöтырсö, эз татишмöс радейтлы вёсьöпöрмöныс* (В.Юхнин), *Öньö син бердмöныс баргö-видзöдö сöмын неморт ногсөн чушйöм-чашийöм ректöминыс вылö* (И.Торопов).

Сөмын шочиника -ыс петкөдлө урчитом кером: *Ми өдйөджык сапөгъ-ястө пөрччим, думайтм, кынталөмыд кок чуньястө — лымйөн гөрөдмөныс зыралім* (Б.Шахов). Логика боксянь стөча кө гижны, тані колө вөлі пыртны -ныс суффикс, өд сөрниис мунө кок чуньяс йылысь — *лымйөн гөрөдмөнныс зыралім*. Но тані индан-асалан суффикслөн могыс мөд — серпасавны герундиумлысь керөмсө урчитөмаөн.

Субъект вылө индом серти герундиум сөрниин бергалө куим шөр вежөртасын: өтувья субъекта, асшөр субъекта, урчиттөм субъекта вежөртасысын.

а) Öтувья субъекта вежөртаса ногакывьяслөн керөмыс да сөрникузьяс шөр керөмыс петөны өти мортсянь, өти керыссянь, шуам, *Кулакьяс доймы-мөн шамыртчөмаөсь* (И.Пыстин), *Медбөрья кывьясө Тамара шуис муртса кывмөн нин* (В.Юхнин).

б) Асшөр субъекта герундиумьяс важысянь медтшөкыда бергалөны сөрниин да гижөдьясын. Найө артмөдөны торья ситуация, петкөдлө кодө герундиумлысь аслысикас вежөртассө. Синмө шыбитчө, мый торьякывйөн петкөдлан субъектыс вермө лоны кык пертасын: нимтан вежлөга эмакыв (кыззи уна мукөд шөркывлөн да ногакывлөн) да сетан вежлөга (мукөд морттөм сикасыяслөн татшөмыс оз овлы).

Нимтан вежлөга эмакыв либө нимвежтас петкөдлө кером вөчыссьө, шуам, *Том йөзыс усисны да, синва петмөн жаль* (В.Безносиков), *Сы төдмөн, мамыс горт оліс да эз и вермы сэтшөмасө кынмавны* (Г.Юшков).

Кером вөчысь вылө индысь сетан вежлөга эмакыв либө нимвежтас тшөкыда бергалө сөрниин, та вөсна гижыссяс тшөтш окотапырысь вөдитчөны наөн: *А гумласө шөрөдыс потшөма да вөчөма сылы прөйдитмөн восьса-ин, быттьө нейджыд завор, кытчө октөма сьөла си* (В.Юхнин), — *Эмышт жө тані пувйыс. Сьөлаыды кокыштмөн* (Г.Юшков).

в) Урчиттөм субъекта герундиумьяс петкөдлөны сэтшөм кером, кодөс вермө вөчны быдөн, торья мортөс урчиттөг, шуам көть, *Кольөм арьясын вөрәлігчөж вочасөн сөймөн шедіс* (В.Юхнин), *А картофельыс — кык гу, капустаыс мөслы вердмөн, тиак, вотөс... Чери-йыс мөд арөдз тырмө* (Ю.Васютов).

Видлалан герундиумлөн синтаксис боксянь эмөсь сэтшөм синмө шыбитчана аслысикаслуньяс, кодьяс абуюсь мукөд ногакывьяслөн да шөркывьяслөн. Медводз, герундиумөн вермөны веськөдлыны мортасян кадакывьяс, эмакывьяс, кывбердьяс, шөркывьяс, урчитаньяс да морттөм предикативкывьяс (*лөнъ, гажә, дыш* да с.в.). Герундиум быд пөрйө петкөдлө ассыс аслыспөлөс вежөртассө, серпасалө гөгөрвоөдан кывсө керөмлөн мера, лыд, ёнлун, сөвмөм, олөмас петкөдчөм сертиис. Герундиумөн век веськөдлөны сійө кывьясыс, кодьясөс -мөн суффикса формаяс гөгөрвоөдөны, төдчөдөны, серпасалөны. Вайөдам став сикас синтаксис тэчассө.

а) Герундиум + мортасян кадакыв (бергалө сөрниин ногакыв моз). Сөрникузьяс: *Гаж бырөма бумага-карандашысь, сьөлөм доймымөн гаж петө*

гужны-пастьявны ас гөгөр, горт гөгөр олём йылысь (В.Чисталёв), Пельяс **чунавмён горөдіс** свисток (В.Юхнин).

б) Герундиум + эмакыв (бергалё сёрниын шөркыв моз), шуам, *өти куысь морт **төрмён меиөк** вөчасны да сійө меиөкнас и мунасны розь до-рад* (мойдысь), *Вишкунысь бурён он мын, нэмтө мөдас дөзмөдчыны, он кө кольышит сылы **вузавмён прөмыс*** (В.Юхнин).

в) Герундиум + кывберд (бергалё сёрниын кызди кутшөмкө торъяланлун серпасалысь, вежөртассө ёнмөдысь, вынсяммөдысь кыв), шуам *көть, Ста-выс сылы тані вөлі ичөтысянь төдса, сьөлөм **дойдмөн матысса*** (Я.Рочев), — *Мый ог төд, сійөс ог төд. А тайө дзирдыс збыль **синпөртмөн мича*** (Н.Куратова).

г) Герундиум + шөркыв (сетө шөркыв керөмлы юөр, кутшөм ёна сійө сөвмөма-мунөма), пример пыдди, *Дас сажень и торйөдіс эбөссыс усьөм зверөс да садьсө **воштымён мудзём мортөс*** (Б.Шахов).

д) Герундиум + урчитан (бергалё кадакывлысь торъяланлунсө серпасалысь кыв туйын, урчитан моз): *Сөмын кыліс, кызди лов шысө **пөдтымөн өдйө** мөдіс чеччавны сьөлөмыс* (В.Юхнин), *Син **пөртмөн мичаа** ворсісны сцена вылын артистъяс.*

е) Герундиум + мортгөм предикатив-кыв (серпасалө мортлысь либө ывлалысь состояние, пытшкөсса кылөмьяс), шуам, *Дунялы лои синва **петмөн шог** да **гажтём*** (Я.Рочев), *Колюкы синва **петмөн окота** вөлі батыскөд тишөтш ветлыны* (И.Белых), *Сьөлөм **чепөльтмөн жсаль**; Пель **кынмымөн** көдзыд.*

Корсюрө ашшөр субъекта герундиум вермө бергавны весиг торъя сёрникузя пыдди, чутөн торйөдөмөн, пример пыдди, — *Мися, ёна нин тэ и уджавлін да. **Ме төдмөн*** (Г.Юшков). *Ме төдмөн* герундиум вежө *Кызди ме төда* либө *Кызди ме төдмалі нин сёрникузяс*. Тайө нөшта на төдчөдө, кутшөм ыджыд юөртөм вермөны петкөдлыны -мөн суффикса морттөм кадакыв сикасьяс.

Герундиум петкөдлө керөмсө аслысикаса, гөгөрвоөдан кывлысь кутшөмкө торъяланлун моз, шуам, ...а мамыслы **бөрдмөн** нин **ковмөма** *өдйөдэжык асланыс керкаө вуджны* (Г.Юшков). Мамыслы сэтшөма ковмөма вуджны, мый сійө бөрдтөдз волөма. Сідзкө, герундиум аслас керөмнас век индө сы вылө, кутшөм торъяланлуна лоө гөгөрвоөданторйыс. Тайө торъяланлуныс тшөтш аслысикас. Сійө вермө петкөдлыны унатор, на пиясь медтөдчанаяснас лоёны:

а) керөм кызди лыд, ыжда, ылна, сьөкта петкөдлантор, шуам, *Пызан **чегмөн** лөсьөдөма сёян-юансө* (сы мында, мый пызаныс вермө чегны); *Бур лэч туй — сійө аслыссяма ыджыд дзуг, кодөс нюзжөдөма вөрті кызь-комын верст кузя, лунбыд кезлө **прөйдитмөн** кытиш* (В.Юхнин) (сы ылна, мый тырмас прөйдитны лунтыр);

б) керём кыдзи мёд керёмлөн, состояниелөн ёнлун, степень, петкөдлө, кыдзи вермө сөвмыны или кыдзи сөвмө, кутшөмөн вермө лоны серпасалан-гөгөрвоодан керөмыс, торъяланлуныс либө состояниеыс, шуам көть, *Син-ва петмөн жалитны* (сэтшөм ёна, синва петтөдз), *Горш веськавмөн ваыс көдзыд* (сэтшөм көдзыд, мый горшыд веськалас), *Гимнастёрка кизьясё да өти медальсё сідз чиститөма, мый найө син ёрмөн дзирдалісны* (С.Равевский) (сэтшөма дзирдалісны, мый синнымөс ёрис). Татшөм аслысикас вежөртас петкөдлан позянлуннас кужөмөн вөдитчөны гижысыяс, матө став коми гижысыс пыртө видлалан герундиумсө аслас гижөдьясө, шуам көть, *Өти и сійө жө здукө ۆзйыштлісны прожсекторьяс, пель чунавмөн горөдіс паровозик да ғрымөдчигтырйи вөрзис места вывсыс, Ғрымөбтіс духөвөй оркестр — веськыда бригада вылө, пельяс чунөдмөн, Ставыс артмис сідзи, мыйыс быд фронтовик лөгасьлө кусыс петмөн* (В.Юхнин).

Када вежөртас петкөдлөм боксянь герундиумьяс вуж выйөн торъялөны мукөд ногакывьясыс да шөркывьясыс сыөн, мый векджык петкөдлөны лоны вермана, потенциальнөй керөм, шуам көть, *Шөртіыс сөмын векны-дик туй потас, «велөдысылы» ветлымөн* (В.Чисталёв), *Весиг Марпалөн, өтка нывабалөн, найөс вөлі чукөртөма төвйымөн нин: жытникас өиалис кос льөм, кос чөд, тиак косьтөма и солалөма кольмөн* (В.Юхнин) (тшакыс сы мында, мый коляс на, ставсө оз сөйны).

Герундиум вермө петкөдлыны тшөтш өнія када керөм, герундиумлөн да сёрникузяын шөр керөм мунөны өттшөтш, өти кадколастө, шуам көть, *Сэтиөма нин өта-мөдсө радейтөмөн да пыдди пуктөмөн, тыр сөгласөн Ульянакөд олөны — йөз веж петмөн* (Б.Шахов) = олөны сідзи, мый йөзыслөн вежыс петө; *Өбидаяс рокөс кодь жө, кор сійөс пуктан нянь шомө, — олө, паськалө ортсө киссьымөн* (В.Юхнин) = олө, паськалө да ортсө киссьө весиг.

Тшөкыджыка -мөн суффикса кадакыв сикасыяс петкөдлөны помасьөм керөм (колян када вежөртас) шөр сёрникузяса керөм сертиыс, шуам көть, *Кыйдөссө меститісны тиамъяө, небзьымөныс пывсисны жар пывсянын да мөд лун кайисны выль керкаө* (Б.Шахов) = пывсисны да небзисны; — *Да мый нин сёрнитны, — аслыс кывмөн шуис Прокопей, — мойдыд мойд и эм* (В.Юхнин) = шуис да кыліс сөмын ачыс. Но татшөм сям вежөртас сикасыяс торъялөны оз сэтшөм ясыда, та вөсна мукөд сёрникузясын сьөкыд стөча индыны, потенциальнөй, өнія али помасьөм керөм вылө индө герундиум, өткодялөм ради, *Кыліс ломтысысь пачлөн төдса, сьөлөм нюкыртымөн муса, гора трачкөдчөм* (Б.Шахов).

10. УРЧИТАН

У р ч и т а н — ашшөр кывсикас, коді тӱдчӱдӱ, кыдзи, кутшӱм ногӱн мунӱ керӱмыс, стӱчмӱдӱ качестволысь либӱ предметлысь признаксӱ. Грамматика боксянь урчитан торъялӱ мукӱд кывсикасысь аслас вежласытӱм-луннас. Сылӱн абуйӱс нимъяслы либӱ кадакывлы лӱсялана, тырвуйӱ сӱвмӱм категорияс. Сӱрникузяын урчитан петкӱдчӱ пырджык обстоятельство да определение туйын. Сыӱн веськӱдлӱны мукӱд кывсикасыс. Коми кывйын урчитан вермӱ петкӱдчыны пӱшти быд кывсикас бердын: а) к а д а - к ы в б е р д ы н: *ӱдйӱ котравны, веськыда сӱрнитны. Мастер Иванов скӱра видзӱдлӱс аслас уджалысьяс выльӱ* (Е.Рочев), б) к а д а к ы в л ӱ н м о р т - т ӱ м ф о р м а я с б е р д ы н: *Викторлы жалъ водзын тыдалысь пашкыр ниаяса вӱр дӱторйыс, буракӱ, лыа сӱтӱ, со кутшиӱм кузьӱс пуйасыс* (Е.Рочев), *Сыысь позис мынтӱдчыны, уджавны кӱ водзӱ думайтӱмӱн* (Е.Рочев), *Виктор дас воськов сайын сулалӱ мышкас винтовкасӱ водзланъ чургӱдӱмӱн* (Е.Рочев), *Сирӱд кӱр пывсянас сӱмын и кылыштӱ выльӱн вӱчӱм пуклӱссясысь, но оз дӱзмӱдана...* (Г.Юшков), *Вӱр-васӱ жалиттӱг таргайтӱгӱн оз-ӱ ми тиыкӱдӱй асьнымӱс?...* (Е.Рочев), *Тайӱ вӱлӱ дыр виччысяна сӱрни*, в) к ы в б е р д д о р ы н: *вывтӱ дженьыд, торйӱн мича; Ставыс вӱлӱ шнич выль*, г) э м а к ы в б е р д ы н: *Вагонын вочасӱн кусӱны сӱрнияс, на пыдди ӱнджыка кутӱ кывны ныргорӱн шкоргӱм* (И.Торопов), *И пыксьӱ-мырсьӱ челядькӱд Анюта, гежӱда сюрлӱ сылы пӱттӱдз узьӱмыс...* (А.Ануфриева), *Косков лючки кылӱс пастуклысь скӱра горзӱмсӱ* (Е.Рочев), *Пыр сийӱ асланьыс синӱ став йӱзсӱ, пыр видзӱдӱ дзескӱдны бурджыка олысьястӱ* (И.Пыстин), д) у р ч и т а н б е р д ы н жӱ: *Куреньын ми олӱм бура унаӱн* (В.Савин), *Ме дӱза дыр варовитӱ ськӱд* (Е.Рочев), *Мый эськӱ эн вермы да! — тӱдӱмӱн коса вочавидзис Панев да вӱрзис зорӱд дӱнысь* (Г.Юшков).

Коми кывйын урчитан — артмысь-сӱвмысь, мукӱд кывсикасысь ӱна томджык кывсикас. Кызвыннас сийӱ артмӱ ловъя сӱрниын, кор мукӱд кывсикаса кывъяс пӱрӱны урчитанӱ либӱ петкӱдчӱны сы туйын. Та вӱсна урчитансӱ мукӱд кывсикассыс абу кокни торйӱдны. Урчитанлӱн аслыспӱлӱслуныс сыын, мый тайӱ кыв чукӱрас пырӱ вежӱртас да грамматика боксянныс уна пӱлӱс тӱчасыс. Найӱ лӱӱны торъякыв формаясӱн либӱ кывтӱчасысӱн, кодъяс вуджӱмаӱс либӱ вуджан выйынӱс на мукӱд ашшӱр кывсикас парадигмаясысь. Вайӱдам примеръяс, кӱнӱ бура тыдалӱ урчитанлӱн уна пӱлӱс тӱчасыс: *Та вӱсна (ме) вынысь топӱдӱ саксӱ кыркӱтиш бердас* (Г.Юшков), *Ыркӱдчыштам, ӱтисорысь тиынасьыштам, — пӱрччысянӱнӱ кыскис Косков* (Е.Рочев), *Канев шытӱг вуджӱртӱс Митинлӱн югыд комнатаӱ* (Е.Рочев), *Виктор чӱла петӱс бӱрсянныс* (Е.Рочев), *А чуньясыс (сылӱн) кызӱс, ми вок серти куим кызӱс, гаикӱ* (Г.Юшков), *Водзӱ-водзӱ котӱртӱ мӱвпыс и быттӱ кытчӱкӱ ӱдывысьыс тангысьӱ* (Е.Рочев), *Оз-ӱ вуж выйӱн*

веж кӱр видзыхсыслысь уджсӱ? (Е.Рочев), *Со тай, ты мӱддас, вижӱдӱма нин дӱӱн-дӱӱн эжӱрыс*. Быттьӱ ар нин воӱма (Г.Юшков), *Виччысьтӱг шойчан лун миянлы вичмис* (Г.Юшков), *Панев видзӱдмӱн бӱр гажмис чужӱм вылас* (Г.Юшков), *Лыткин паськыда очсыитӱс да завидьтана синмалӱс менӱ* (Г.Юшков), *Абутӱмвывсьыд нӱшта дзескыд лои: сӱйӱм кузя и паськӱм кузя* (Г.Юшков), *Саяна да Панев ӱтарӱ пыльсъялӱсны, веж петмӱн вӱлӱ на вылӱ видзӱдны* (Г.Юшков), *Ёна нин важмис сиктын керканым, колӱс кӱтӱ видзӱд-нысӱ* выльмӱдыитны (Г.Юшков) да уна мукӱд.

Торья кывсикаса формаясыс пӱрӱны урчитанӱ сӱрникузяын, кор кутшӱмкӱ кыв либӱ кывтӱчас тшӱкыда бергалӱ обстоятельство туйын да вочасӱн воштӱ аслас кывсикаскӱд йитӱдсӱ, вӱвлӱм грамматика категориясӱс. Шуам, коми кывйын эм *тор* эмакыв, кодӱ вежласӱ лыд, вежлӱг да инданасалан категорияс серти. Но керанторья формаыс сылӱн зӱв тшӱкыда паныдасӱлӱс обстоятельство туйын да вочасӱн ӱдортчис вежлӱгасян парадигмасыс, кымис тайӱ функцияс, вуджис урчитан чукӱрӱ: *торйӱн* пукавны, *торйӱн* овны, *торйӱн* бура уджавны да с.в. Либӱ *коймӱд* лыдакыв. *Коймӱдысь* ветлӱс ныв ва дорӱ сӱрникузяын лоӱ нин урчитанӱн сы вӱсна, мый урчитӱ, кутшӱм ногӱн (кымынысь) вӱлӱ кадакывйӱн индӱм керӱмыс. Сийӱс, мый урчитан сӱвмӱ сӱрникузяын, синтаксическӱй функция подув вылын, петкӱдлӱ татшӱм пример: *Дас квайт мойӱс миянлы колӱ кутны ловйӱн да дзоньвидзайӱн, и кымын ӱдйӱ, сымын бур* (Г.Юшков), *кӱнӱ ловйӱн* кыв лоӱ кывбердӱн, но функция сертиыс сийӱ зӱв матын урчитан дӱнӱ, ӱткодялӱй кӱтӱ татшӱм контексткӱд: *Унайӱс сӱжи ловйӱн сотӱсны, кӱнӱ ловйӱн* кыв позьӱ лыддыны тырвыйӱ урчитанӱн.

Сидзкӱ, видзӱдлыны кӱ грамматика боксянь, урчитан медся ёна торьялӱ мукӱд кывсикасысыс аслыспӱлӱс вежӱртаснас да синтаксисӱ зумыда вужь-ясыӱмнас. Морфология тшупӱдын сийӱ торьялӱ тӱчас боксянь унапӱлӱсногнас, мукӱд кывсикаскӱд топыд кыв артмӱдан йитӱдьяснас, тырвыйӱ ашӱр вежласян парадигма абутӱмлуннас. Синмӱ шыбитчӱ, мый урчитан — чожа сӱвмысь кывсикас, сийӱ артмӱ уна ногӱн, зӱв ӱдйӱ. Та дырйи ёна сӱвмӱ кыв артмӱдан синонимия, кодыр ӱти пӱлӱс вежӱртасьяс петкӱдчӱны торьялана формаясӱн, шуам, *ӱтпырйӱ/ӱтпырйӱн/ӱтпырйысь/ӱтпырйысьӱн/ӱтпырйысьӱн моз: Найӱ ставыс ӱтпырйӱ* бырскӱбтӱсны *Суворовӱс шытыкнас* (И.Пыстин), *Быдӱн ӱтпырйӱн* кутӱсны мыжавны *Пипуныровӱс кулакьясӱс бур* делянкаӱ индӱмысь, *кулак ногӱн сылӱммысь* (И.Пыстин), *Найӱ ӱтпырйӱ моз* вӱрзисны да тӱрыба вӱсъялӱсны *поезд помлань* (Г.Юшков), *А сӱсся и дас ки ӱтпырысьӱн моз* уськӱдчӱны *кватитны кызджык шӱрӱм, торйӱн нин коркаладорсӱ* (И.Торопов). Либӱ *мырдӱн/мырдысь/мырдысьӱн/мырдӱна/мырдӱн сорӱн/кызмырдӱнысь/кызмырдӱн/кызмырдысьӱн: Сийӱ мырдӱн* кутӱ казакьясӱ (И.Пыстин), *Канев мырдысьӱн* пӱдтӱс ортсӱ *пычиктысь серамсӱ* (Е.Рочев), *...Ачыс мырдӱн сорӱн* кутчысис, *мед не сувтӱдны автобуссӱ да петны* (Г.Юшков), *Ардальонлӱн абу на и содлӱма*

кулёмсö вожйöмыс, быд дзугсьöмин **кызмырдöн** разьсьö... (Г.Юшков), Сэс-ся ме **мырдысьöн моз** нетиышитчи на дiнысь, чеччыитi вöрзьöм нин даддьö, ылö кольöм гоожöм яра öвтысь турун ылö (И.Торопов) да мукöд.

Татшöм вариант формаа урчитанъясыс коми кывйын паныдасълöны тшöкыда. Тэчасног боксянныс найö уна пöлöсöсь: *гатиш/гатишöн*, *паныд/паныдöн*, *сёр/сёрöн*, *öдйö/öдйöн/öдйöдöн*, *лёкысь/лёкöн/лёк ног(öн)*, *мышкырöн/мышкыраöн*, *окотасысь/окотапырысь*, *лунтырöн/лунтырнас*, *öтнас/öтнасöн*, *тöндзи/тöндзия*, *збыль/збыльысь*, *томсянь/томысянь*, *тыр/тырöн/тырысь/тырысьöн*, *тиыгла/тиыгла*, *öтчукöрöн/öтчукöрын*, *кузьöн/кузяöн*, *вомöн/вомöн ног/вомлöс/вомлöса*, *скöрысь/скöра*, *мыжаа/мыжапырысь*, *бокиа/бокишöн/бокианог*, *сувтсöн/сувтсаöн* да мукöд. Мукöддырйи кыв артмöдан синонимьяс овлöны тэчаса формааöсь, шуам, татшöм сёрникузясын: *Чорыда нöйтi*, *сьöлöм бурмымöн* (П.Шахов), *Сьöлöм бурмытöдз утюжитi* (П.Шахов), *Свежов мунöм бöрын найö юасянаöн видзöдлiсны мöда-мöд ылас...* (В.Юхнин), *Вежöсö пырис полковник Кабанов, юалана видзöдлiс Ракин ылö* (Г.Юшков), *Мöд варышыс, энныс, видзöднысö весиг ыджыдджыкыс, рудовджык визя мыш ылаыс, пыркнитчис да лыйышитис истанлань, чиинитис сы бердтi* (Г.Юшков), *Степан видзöдöмпыръяысь арлыда нин* (В.Напалков), *Видзöдöмьяс серти* медся зiль да ына мужикьясö и индiс начальник стрöитчан бригадö (В.Напалков), *Та мында и вöли став сёрниыс, а бабаяс видзöдмöн вежсисны чужöм ыланыс...* (Г.Юшков) да мукöд.

Урчитанлöн кыв артмöдан формаслысь вариативностьö позьö гөгөр-воöдны сiйöн, мый урчитанлöн вежöртасыс абу паськыд, а артмö сiйö уна ногöн мукöд кывсикасьясысь, тшöкыда öти кыввужйысь. Тайö ёна озыр-мöдö коми кывсö: позьö бöрйыны колана форма да бöрыннас нин стöчмöдны сылысь вежöртассö, урчитны функциясö, тöдчöдны стиль боксянь. Шуам, **Рытъявылыс** чорыда зэрмис, öшиньö вöли быттьöкö анькытишöн коялöны (Г.Юшков) сёрникузяын бöрйöма сiйö формасö, кодi матысджык гижысьлы, кöть эськö сы пыдди позьö вайöдны **рытъявыс, рытъявынас, рытъядор, рытладор, рытлань, рытланьö, рытгорув** да мукöд форма. Сэк жö позьö казавны, мый öти пöлöс формаслöн сёрниын вежöртасысыс торъялöны, весигтö корсюрö позьö сёрнитны торъя урчитанъяс йылысь. Öткодявны кö татшöм сёрникузяяс: *Яйыс (косьтöм дозмöрлöн — Г.Ф.) топалöма, гөрдовкодь лоöма, но бура чуктö пинь улад, сидзи и сылö вомад, и быттьö öтпырйысьöн сетö бурмысь ловыдлы вөр-ваыслысь став чöскыдсö да пöтöссö* (И.Торопов), *Старик öтпырйысьöн кызкö нюрсмуни, рушмис да ынтöма лэдзчысис лабич ылö* (И.Торопов) да *Нярснитан юрсьыд шапкатö, но öтпырйысьöнсö миян, буракö, оз артмы, старицина чукрасьö да ыльысь тиöктö* (И.Торопов), позьö казавны, мый öтпырйысьöн урчитанлöн вежöртасыс абу öткодь. Медводдза сёрникузяс сiйö тöдчöдö, мый индöм керöмыс сетö субъектыслы мыйкö öтувйöн, мöдас — мый сёр-

никузяс субъектис вöчис индöм действиесö öдйö, öти здукöн, а коймö-
дас — мый индöм керöмсö вöчö уна субъект öти кадö, öтвылысь. Урчитан-
лөн форма да вежöртас боксянь унапöлöслуныс висьталö тайö категория-
ыслөн водзö сöвмöм йылысь. Уна кывйын, фин-угор кывьясын тшöтш,
урчитан — выльöн сöвмысь кывсикас. Кызди сёрөн чужöм категориялөн,
сылөн эм аслыспöлöслун быд торьякывйын, быдторйын — тэчасногын,
вежöртасьяс сöвмöмын, грамматикаын.

87 §. Коми урчитанлөн тэчасног

Вöли пасйöма нин, мый урчитан чужö-сöвмö сёрникузяын, кор торьякыв
либö кывтэчас петкöдчö обстоятельство туйын. Сійö ловья да визув кате-
гория, кытчö вочасөн кыв вежлалан парадигмаясысь гылалöны мукöд кыв-
сикаса формаяс. Урчитанö пöрöмыс (адвербиализация) — кузь да уна ныр-
визя процесс, кодi вайöдö торьялана результатьясö. Та вöсна кывйын пыр
збыльвывса урчитаньяс пöвстын эмöсь сэтшöмьяс, кодьяс сöмын на
пондöны бергавны урчитан туйын либö сöмын мунöны сылань öткымын
петкöдчöмын, но урчитанöн оз лоны. Тэчасног боксянь коми урчитан зэв уна
пöлöс, та вöсна сійöс сьöкыд вайöдны инö-артö, кутшöмкö ногөн сикасав-
ны. Мед бурджыка аддзыны мукöд кывсикасьясысь эрдöдан визьсö, колö
медводз видлавны урчитансö тэчасног боксянь да юкны кыв чукöръяс вылö.
Сійöс позьö юкны куим ыджыд чукöрö: тэчасног боксянь прöст урчитаньяс,
артмöм урчитаньяс да транспозицияысь лоöм урчитаньяс.

88 §. Тэчасног боксянь прöст урчитаньяс

Прöст урчитаньясöс позьö юкны посныдджык чукöръяс вылö. Торья-
лöны подув, медводдза вежöртассö воштöм (деэтимологизированнöй), шы
сетан, серпасалан да мöд кывйысь пырöм урчитаньяс.

1. П о д у в у р ч и т а н ь я с кыссьöны важысянь, важ перым да фин-
угор кадколастсянь. Налөн прöст, кызвыннас öти кывпеля тэчас. Найö оз
вежласьны, тэчас сертиыс некутшöм мöд кывкöд оз йитчыны, найö абу
артмöмаöсь мукöд кывьясысь. Вежöртас сертиыс медсясö петкöдлöны
ка д, и н, к е р ö м м у н а н н о г, в ы н а л и б ö о м ö л я
п е т к ö д ч ы с ь с в о й с т в о, к а ч е с т в о. Мукöд фин-угор кывьяс-
ын моз коми кывйын подув урчитаныс абу уна, но найö паныдасьлöны
тшöкыда да артмöдöны урчитан категориялысь подувсö: *сёр, тиöтиш, топ*
(öдзöс пöдлавны *топ*), *инич, сап, бон, чöв, тишук, вель, весь, гатиш, дзик, пыр,*
дыр, зэв, водз, дув, доза, люзь (люзь кöтасьны) да мукöд. Тöдчана сійö, мый
подув урчитаньяс асланыс тэчас сертиыс тшöкыда оз торьявны мукöд кыв-
сикаса кывьясысь, öткодялöй кöть: *сёр* локны да *сёр рыт, гöгöр чöв* да *чöв*
рыт, чеччыны водз да *водз асыв; турунсö люзь* нуны да *люзь* турун да с.в.

Тайо урчитан чукор выло откымын пример: *Дас окмысод* воын *Мирон вель уна эмбур да сьом бырөдіс* (И.Пыстин), *Керкаыс вель* ыджыд (КРС), *Бур, мый воин югыдөн, Вывті бур* (КРС), *Ордымыс пыр* нуо сук вөрөд, *гырысь козьяинті* (И.Пыстин), *Веськыд пескыд зэлыд тув тувъялігад пыр* потө (И.Пыстин), *Асывнас водз сійө вөлі лөсьөдчө лэччыны Щугөрө, сэсся Ляпинө, медым өддзөдны нянь вайөмсө* (И.Пыстин), *Дзик войшөр кадын* (КРС), *Дзик пырала тіянө* (КРС), *Уджавны дзик рытөдз* (КРС), *Весь ті ме выло уськөдчинныд* (КРС), *Абу весь шулөмаось* (КРС), *Сійө йөктыны кутіс места вылас, кепыся киясө воча швачөдіс* (И.Пыстин), *Мужик воча* юалис небзьөм гөлөсөн... (И.Пыстин), *Водз чеччи, да этиша печки* (шусьөг), *Эшитөдны срокысь водз* (КРС), *Керьяс дув* кытөны лөнь ва вывті (КРС), *Менам скөнь вунөма* (КРС), *Повны скөнь* нинөмысь (КРС), *Васька Окуль бура дыр чөв* пукалис (И.Пыстин), *Найө зумыштчөмаось, чөв* сулалөны (И.Пыстин), *Тишук* ог вермы висьтавыны (КРС), *Стеклө тишук* вундөма (КРС), *Ставыс вөлі иници* выль (КРС), *Энөй тишөти*, *первой өти* (КРС), *Найө бон* пинясисны (КРС), *Председатель бара* видзөдліс пукалысьяс выло, *виччысис, мый найө шуасны* (И.Пыстин).

2. Медводдза вежөртассө воштөм урчитаньяс торьялөны воддза чукорсьыс сійөн, мый налөн тэчасногыс сложнойджык, найө быттьөкө артмөмаось некымын юкөнысь, но өнйя кывйөн сёрнитысьлы тайө юкөнъясылөн вежөртасьясыс гөгөрвотөмөсь нин: *вөлись* (*вөлисьти*), *вочасөн, төндзи, войдөр, өнтай, мөйму, кымынь, лючки, люстик, дөбелъки, аски, аскомысь, склян, скрипью, сөмын, сыметь, тайкө, уровйө* (*няньыд таво уровйө*), *чипуратки* (*чипуратки* пуксьыны), *сулик, нивөю, люпыра, кикурөда, кикимльөс, йылавек, йөмкө, зывөк, өтүв да уна мукөд*. Тайө чукорас пырө вель уна кыв, но вежөртас боксяныыс найө откодьөсь, кызвыннас петкөдлөны *керөм мунанног, шөчджыка — ка д да ин серти ло өм тор стөчмөдөм, шуам, өтторья* пинясьны, *төндзи* аддзысьлім да с.в. *Өнтай* асывнас сылы инмөма тувнас пельбокас да кувтөдзыс лоөма (И.Пыстин), *Дзоньвидзаасигтырйи вочасөн* бөрыньтчисны (И.Пыстин), — *Эг тэныд инфаркт көвъялөм могысь ме татчө* веськөдчы, — *ньюжйө* заводитіс Канев (Е.Рочев), *Лючки* видзөд да кывзы (КРС), *Чайта, аскомысь* туйө нин петанныд? (И.Пыстин), *Өтторья* йөз локтөны и локтөны (КРС), *Өшинь улас склян пес* (КРС), *Джаджьяс склян* тэчөма ситеч помаяс (КРС), *Понөльяс керыштім да пилитныс йөмкө* лои (КРС), *Тарас вөлисти* аддзис усьөм нывсө да кыліс бабаысылысь бөрдөмсө (И.Пыстин), *Мылдіно* воөм бөрын найөс ставнысө сувтөдлісны *орччөн, радө* (И.Пыстин), *Панюковлы* позьө вөлі *төндзи* пышйыны краснөйяс діно (И.Пыстин), *Ог сөй, сөмын* видла (КРС), *Тыдалө личыд* на вөлі сыысь, мый веніс зонмөс (Г.Юшков), *Да, кывнад мукөддырйи морттө дөбелъки* позьө дойдны (А.Ануфриева), *Юрас өтарни* бергалө югыд бияса посөлокыс (Е.Рочев), *«Вөлись на волін, а бара нин локтан»*, — шуалө көзаякаыс порогсө воськовтысьлы (Е.Ро-

чев). Тайö кыв чукöрсъыс уна кыв паныдасълö ёнджыкасö быд лунъя йöз кост сёрниын либö серпаса гижöдъясын геройяс сёрниын, да гежöдджыка мукöд пöлöс стилия гижöдъясын. Тэчасног сертиыс найö матынöсь урчитанъяс дорö, кодъяс тэчасын эмöсь сёрниын гежöда нин бергалысь либö öтка, кулöм нин суффиксъяс.

3. Тэчасног серти прöстöн лоöны урчитанъяс, кодъяс петкöдлöны быд пöлöс шыясöн либö син водзын петкöдчöмъясöн лоöмтор урчитöм. Найö шусьöны серпасалан (изобразительнöй) урчитанъясöн. Коми кывйын найö артмöдöны озыр да аслыспöлöс кыв чукöр: *шурк, дув, гизь, бриньк, мурч, жбыр, шлëп, шмот, чаж, тювк* да мукöд. Татшöм кывъяс пырджык овлöны ашöр вежöртаса кадакывъяс бердын да отсалöны ясыдджыка серпасавны морт вежöрын, кызди петкöдчис син водзын вöчöмторйыс, кутшöм шыяс та дырйи кылiсны, кызди тайö керöм-вöчöмсö донъялö сёрнитысьыс. Пример вылö: *Вöлыс джöм сувтiс* (И.Пыстин), *Тшем* сулалö том йöз, *морт сё саяс* (И.Пыстин), *Сотчысь чужöмсö сийö полöмөн матыстiс* ныв чужöм бердö, *здук кезлö паръяссö сибöдлiс* Катялөн вом дорöдз, *сэсся звирк* чепöсийыс пышйыны. *Некытчö лои коньöр* истанлы воштысьны да лёк ногөн и сунгысис ваö, *а варышгъяс штыв* кыпöдчисны... (Г.Юшков), *Сöмын он тай босьт: бөр шлив* (зорöд вывсынь туруныс — Г.Ф.) *лэччö ас вылö* (Г.Юшков), *Кумнанным, ме и Лыткин и, Собянин и, уськöдчим кыркöти дорö, муртса эгö буждöдöй кыркöти дорышö зым* сувтöмнанным (Г.Юшков), *Нывбаба, кылö, босьтiс чемодансö, дзуртышитiс вугнас, но вёрзём пыдди бөр жмут* лэдзис туй вылас (Г.Юшков), *Пасьтасьöм бöрас, кор нин вещьмешöксö вылысас кышалiс, кыськö былъыс* петiс Коськов, *вай пö ноптö лэптышта* (Е.Рочев) да с.в.

4. Мöд кывйысь пырöм урчитанъяс. Тайö кыв чукöрас пырöны кызди прöст, сiдзи и тэчаса роч урчитанъяс, кодъяс коми кывйö пыригөн дугдiсны юксыны торъя юкөнъяс вылö. Роч кывйысь босьтöм урчитаныс коми кывйын уна; найö аслыспöлöсöсь, уна сикасаöсь, пример вылö: *прöтив, прöстö, прöста, правильнöя, пöйти, пöпуттьö, пöперег, посклоннö, öдва, осторожнö, особö, обязательнö, брöд, покöсö, надурнö, набалмаш, рознöя, рöзвал, сквöзь, частö, чистö, явнö, явö, действительнö, дарöм, быть, сразу, снитки, беспути, строинö, невернö, случайнö, срöду, непременно, удобнö, нароинö, дöвöль, выгоднö, делö, добровольнö, дöсaднö, друг, дурка, единогласнö, единоличнö, забеднö, загреки, калтурнö, крест-накрест, öдва* да с.в. Гöлöсуйтны *прöтив. Век* гортас пукалö. Челядьöс *век* колö бурён велöдны (КРС), *Кöсийысин кö, быть* лоö вöчны (КРС), *Тайöс талун обязаннö* колö помавны (КРС), *Татиöм уджысь быть* лоö кывкутны (КРС), *Сьöд ваыслөн визулыс пöйти* оз тöдчы (И.Пыстин), *Друг* öдзöс воссис (И.Пыстин), *Собраниесö вöчны Тарас нароинö* лэччылiс кер лэдзанинсяньыс (И.Пыстин), *Талун меным вывтi делö* (КРС), *Дырджык кö скöрмöдасны, нароинö* кута сийöс радейтны (Г.Юшков), *А налөн* (пожöмъяслөн — Г.Ф.)

вужъясыс ёна пыдынёс козъяс серти, сідзкён муыс **дөвөл** нин сывлө (Е.Рочев). Тшөкыдакодь рочыс пырём урчитан коми кывйын босьтө вежлөг формаяс, мыйыс артмёны выль урчитанъяс. Пример вылө: Эн сөр, мися! **Прөстасъыс**, мися, эн во батьö вылас. Ог пö **прөстасъыс** (Г.Юшков). Тайö кыв чукöрыс пыр содö.

89 §. Артмём урчитанъяс

Артмём урчитанъяс прөст урчитанъяс моз жö тэчасног боксяныс уна пöлбөсөсь. Найö артмөмаөсь мукöд кывсикасъясыс суффиксъсөн да кык либö немын торъякыв öтүвтöмөн.

1. Суффиксъсөн артмём урчитанъяс юксьöны немын чукөрö:
 а) Урчитанъяс, кодъяс кутöны ас пытшканыс в а ж ъ я с у ф ф и к с ъ я с, кодъяс гежöда нин паныдасьлöны коми кывйын либö дзик петöмаөсь сёрниыс. Найö абу асвийöна урчитан артмөдыс суффиксъяс, паныдасьлöны мукöд кывсикас артмөдöмын. Урчитан тэчасын паныдасьлöны татшöм суффиксъяс: **-ся**: *помся, сэсся, медся, öтпомся. Тöждысö **медся** пи вöснаыс* (КРС), *Кодкö кö шуис, мый сетышта пö на сылы узьнысö, ачыд кö пö сы пыдди сё вой **помся** он узь, дерт, кöсийси* (Г.Юшков), *Войнас эськö и воссьылас енэжыс, но юдöгкежлас бара кымöртчас. Тадзи **помся** дэльöдчис поводдяыс* (Е.Рочев); **-са**: *муртса. Дзузган лампа биыс **муртса** кельдöдыштö асья сьöд пемыдсö* (И.Пыстин), *Ставыс сійö дзик **муртса** вöли* (И.Пыстин), *Мукöдыс **муртса** пыраласны, пыртасны кирпичяс да бара мунöны* (И.Пыстин); **-öб**: *тишöкöб, вирскöб. Учительтö аддзисны да, челядь **тишöкöб** ланьтисны* (Г.Фёдоров), ***Вирскöб** чеччыны* (КРС); **-öс**: *катчöс, кывтчöс. Паракхот сувтö берег дорö **катчöс** нырөн* (КРС); **-ыль**: *пуккыль. Ставсö керкаыс мöдар **пуккыль** бергöдöма* (КРС); **-ым**: *лызгым. Лызгым бöрдны* (КРС); **-ыд**: *регыд, катыд. Казармаö **регыд** кутасны локтавын мужикъяс, кодъясöс тишöктис юöртны Сандрö Петыр* (И.Пыстин), ***Регыд** бөр локта тиянлы отсöг вылö выль отрядён* (И.Пыстин), *Паракхот бергöдчис да мöдöдчис Эжва **катыд*** (КРС), *И бадь пырыс веськöдчи **кывтыд**, кöни кылис ызгöмыс косьлөн* (Г.Юшков); **-ла**: *вожала, кузяла, пасьтала, дорала, во-мала. Кер вылö **вожала** пуксьöма* (КРС), ***Дорала** зэрис кык сутки* (КРС), ***Во-мала** ног вундыны* (КРС), *А кузь да векни пыжыд эськö и дзибрöсдэжык, но кокныда исковтö, оз пыдын пукав, сьöктасö **кузяла** жö лöсьöдан да и нырсö кутны сылыс кивывдэжык* (Г.Юшков), *Микол Ивансö мустöмтлі, а Паисö ёндэжыка на. Зэв ыджыд ныра, быттö турнепс ляскöмаөсь чужсöмас выв-лань вужйөн, **помала** сійöс горзьöдлö, дундытöдзыс сёяс да. Вöв вылö **бо-кала** пуксьыны* (КРС), *Конö Семö öзтис выль чигарка, пуксис порог вылö **во-жалаён** да заводитис азыма кыскавын, быттö лунтыр абу тиынасьлöма* (Г.Юшков), *Водлас коса вылад вомён ног и **кузяла**...* (Г.Юшков); **-и**: *шöри, маті, пыді. Шöри* юкны, *маті* мунны (КРС), *пыді* гөрö, *пыжыс* **пыді**

пукалö (КРС); **-ти:** бөрти. **Бөрти** ачыл пырав (КРС); **-öд:** содтöд. Сэсся Кочев букыитчылис ме ылö **содтöд** да дöжныитис... (Г.Юшков); **-ыс:** ты-рыс. Почта вöли нейджыд пу керкаын, **тырыс** бергалісны йöз (Е.Рочев), Тадзтö эськö ме сэсь **тырыс** аддзи; **-ас:** ылöсас. Тиöктісны кö сэки меным öти здукöн тöдмавыны сылысь арлыдсö, ме эськö весиг **ылöсас** эг вермы... (Г.Юшков); **-йö:** öдйö. **Öдйö** мунны оз вермы, а Печорасянь Эжваöдз вөрöд мунны абу матын (И.Пыстин), Кытчö пö тэ эськö сы öдйöсö шерддян — друг шуö Дзоля Сандра (И.Пыстин), Ва вайö, ва! **Öдйö**, зіля! (Г.Фёдоров). Уна татшöм сяма урчитан паныдасьлö ним туйын, тшöкыджыка кывберд туй-ын, öткодялöй: **регыд** кадöн воим сиктöдз и **регыд** воим сиктöдз; б) Мöд урчитан чукөр артмöма л о в ь я (продуктивнöй) с у ф ф и к с ь я с отсöгөн, кöть татшöм суффиксыс урчитанлөн абу уна. Медся ёна паськалöма -а суф-фикс, коді паныдасьлö зэв тшöкыда да артмöдö урчитан матö быд качества кывбердысь: дыша (уджавны), долыда (овны), жугыля (сёрнитны), дзескы-да (овны), джуджыда (лэптöмаöсь), дженъыдика (висьтавыны), дженъыда (вундыны), гырыся (изны), гылыда (серавыны), гöля (овны), горша (сёйны), гораа (лыддьысьны), гежöда (волыны), гара (гартны), гажтöма (ышлолавыны), гажсаа (серавыны), вöсна (печкыны), бура (узъны), вильыша (видзöдлыны), веськыда (шуны), ёна (кучкыны), жеба (вердны), жугыля (видзöдны), зіля (уджавны), зуркыда (рöдтыны), зэлыда (кыöм), кизьöра (пуны), кокниа (лолыитны), кокныда (шедö), кöдзыда (видзöдны), кöсöя (сувтöдны), кру-та (сёрнитны), кузя-дженъыда (вундыны), кыпыда (уджавны), кышыда (чöвтны турун), лажмыда (гöрны), лайкыда (рöдтыны), лёка (сёрнитны), лёка, личыда (вурны), лöсьыда (вöчны), ляпкыда (гöрны), небыда (шуны), мылаа (сьывны), мустöма (видзöдлыны), мольыда (сынасьны), мичаа (вундыны), мисьтöма (сёрнитны), ньывкöса (ёсьтыны), нюдза (öзим **нюдза** вежöдö), паськыда (пуктавыны), омöля (тöдны), няра (элясьны), пелька (чеччыитны), пежа (нимтысьны), пемыда (öзьявыны), пöся (чолöмавыны), рама (видзöдны), руша (талун сійö **руша** сёрнитö), скöра (горзыны), сöстöма (овны), сука (пуны), сьöкыда (восьлавыны), сюся (кывзыны), тешкодя (арт-мис), топыда (тэчны), тишаа (пасьтасьны) да мукöд. Гежöдджыка -а суф-фикс отсöгөн артмöны урчитанъяс урчитанъясысь жö, шуам: веськодя, дыра, зывöка, öтмоза, а сідзжö шөркывьясысь, кодъяс пöрöмаöсь кывбердьясö, шуам, судзсьытöма (овны), повтöма (видзöдны), шогмытöма (вöчны), тырмытöма (тöждысьны), кывзысьтöма (юрсиыс **кывзысьтöма** сувтöма), лöсьыдтöма (вöчны), туйтöма (керны) да мукöд. Уна урчитан артмöма -а суффикс отсöгөн рочысь пырöм кывьясысь: мастера (вöчны), спеся (сёрнитны), кöсöя (видзöдны), мирнöя (овны), методичнöя (вöчны), стрöга (сёрнитны), спокойнöя (висьтавыны), слаба (уджавны), крута (бергöдчыны), непра-вильнöя (гижны), старательнöя (вöчны), культурнöя (шойччыны), лукава (видзöдлыны), бережнöя (вöдитчыны), яснöя (висьтавыны), яра (дорйыны), чистöя (пасьтасьны), честнöя (уджавны), чиннöя (пукавыны), успешнöя

(помавны), урёда (вёчны), умеренноя (ломтыны), уверенноя (сёрнитны), торжественноя (висьтавны), смела (видзёдны), скупа (вердны), прамоя (**прамоя** вайим вотёсё), поводноя (турун **поводноя** нин ытижкома), подробноя (висьтавны), слаба (гартны), интересноя (висьтавны), збоя (вочавидзны), збодера (восьлавны), зажиточноя (овны), жара (ломтыны), жадноя (кывзыны), вольноя (кутны асьтё), восьтера (гизжны), виновата (видзёдлыны), вежлива (вочавидзны), важноя (пуксьыны) да с.в. Вайёдам татшом тэчася урчитаньяс вылё откымын пример: *Война бёрын Катерина оліс **сьёкыда**, тырмытёма* (С.Раевский), *Чорыда* ковмис тышкасьны (И.Пыстин), — *Он кут каитчыны, он, — лабутноя* кывкёрталіс фермаса бригадир, *Ичотика* сулалём бёрын патруль бөр петіс, өдзёсё топыда пёддаліс лэптыштёмён, мед оз дзурт... (И.Пыстин), *Мича* овлё миян Войвывным, кор пондас **лышкыда** вёччыны-пёрччыны арся паськёмьясё (И.Торопов), *Дадь ныр* бокын сулалысь ямицк **стрёга** лэптышитліс сёвика сойсё: -но, но, ті! (И.Пыстин), ...*благочиннойлөн* синьяс видзёдлісны **шога**, но **кёдзыда**, **ыджыда** майшасьтёг (Г.Фёдоров), *Красноармеецьяс* өти здук оз лэдзны **лөня** овны мылдинсясёс (И.Пыстин), *Матушкалы* лёк, садьтёгыс уси. Ва вайё, ва! *Өдйё, зіля!* (Г.Фёдоров), *Сёрнитіс* Аристарх **гылыда** да **лөсьыда**, *вежавидзёмён* (И.Торопов), *Найё*, мудзёмаёсь, кымёмаёсь, тшыгёсь, **гёгөрвотёма** видзёдлісны вёлаяс вылё, сёсся веськёдчисны керкаё (И.Пыстин), *Лым пшысь* вуджёр моз тыдыштёны йөр потийсёяс, **шушитёма** лэпвидзёны пемыд рынышьяс (И.Пыстин), — *Сьёкыд* нажёткатё тай **кокниа** прёжэвитёмыдсёсь, — *улис* серамысь Еленлөн сяркнитісны югыд көрт пиньясыс (В.Безносиков). -А суффикс кындзи урчитаньяс артмёдоны нёшта -аддза да -я суффиксъяс, көть найё паныдасьлёны шочджыка: -аддза суффиксён урчитаньяс артмёны нимьясысь да кутёны помка либё мог вежёртас: **гажааддза**, **йёзааддза**, **жаляаддза**; -я суффиксён — нокакывьясысь да кутёны с т ё ч м ё д а н вежёртас: **тёдчымёнья**, **аддзымёнья**, **тырмымёнья**. Примерьяс: *Гажааддза* вөрё ветлыны, *Дивья* сылы сывны, **дивья** гуляйтны, *удж кё эштёма* (КРС), *Та бёрын Миша Кочев* кёсьылас вётлыны *Лыткинсё* егерсьыс, *мед оз вузась* аслас *уджнас* да **жаляаддза** коляс на (Г.Юшков), *Поликари* копытчыліс да шымыртіс *кос турунсё*, **жаляаддза** ышловзис (Г.Юшков); в) Суффиксъяс кындзи урчитан тэчасногын тшёкыда паныдасьлёны суффикс туйё мунысь торьякывьяс, унджыкысёс — кывбёрьяс. Найёс шуёны с у ф ф и к с о и д ъ я с ё н. На отсёгён ёна йывмёны-рөдмёны урчитаньяс, артмёма нин ыджыдкодь кыв чукөр.

-**Пырысь** с у ф ф и к с о и д артмёдо урчитаньяс кывбердысь либё урчитанысь жё: **норапырысь**, **окотапырысь**, **нимкодъпырысь**, **веськодъпырысь**, **гажапырысь**, **дышпырысь**, **жальпырысь**, **здовольпырысь**, **звёкпырысь**, **любёпырысь**, **надейнёпырысь**, **мыжапырысь**, **радпырысь**, **бурпырысь**, **долыдпырысь**, **скёрпырысь**, **сьёкыдпырысь**. Панев — том морт, и то эз нюм-

ёвтлы, юрсё на лэдзліс **мыжапырысь** (Г.Юшков), — Вермас лоны, — лабут-
нőя вочавидзис Поликарп, неуна весиг **мыжапырысь** быттё... (Г.Юшков),
— И барышнянад некод оз ыджэддлы, Гашикő, коркő лőгпырысь (Г.Юшков).
-Пырысь суффиксоид отсөгөн чужőны урчитаньяс сідзжő кадакывьясысь
артмём эмакывьясысь либő -ом да -тём суффиксяса шөркывьясысь:
шензёмпырысь, чуймёмпырысь, мудзёмпырысь, тырмытёмпырысь,
повтёмпырысь, кőсийтёмпырысь, судзсьйтёмпырысь. — Дугды, эн гу-
дырт, — шуис Поликарп да **мудзёмпырысь** веськőдчис, кыкнан сак зібсő бөр
кияувсьыс топөдіс (Г.Юшков), Лыткин йөжгыльтчыліс, но эз **повзёмпы-**
рысь, а быттё лов пытикөсыс сылөн гудыртчыліс (Г.Юшков), — Сэтысь,
гортсьыд, и уджыс эз ликмы? — **жалитёмпырысь** юаліс Канев (Е.Рочев).
Корсюрő паныдасьлőны сідзжő урчитаньяс, кодьяс артмөмаөсь абстрактнőй
вежөртаса эмакывьясысь, шуам, **шогпырысь, лөгпырысь, мудзпырысь.**

-**В ы в с у ф ф и к с о и д** артмөдө урчитаньяс: а) эмакывьясысь: **дор-**
выв, помывв, пельывв, бөрвыв, бөжывв, кивыв, серам выв, водзывв, бокывв;
зорөдыс пөрөма бокывв, бөрвыв чеччыштны, **водзывв** висьтавыны, **нырвыв**
пуксьыны, серам выв лэптыны, тайө сөмын врачлы **киывв, меным таладор-**
сянь кивыв. Сойва керөссянь куимысь **дорвыв** ухнитісны краснőйяслөн пуш-
каяс (И.Пыстин), Эн тэрмась, **дорвыв** висьтав (КРС), Неуна косім, аддзим,
кыдзи Рыжко ырсмунөма-чеччыштөма **бокывв, а** сэсся кыккокйив лэбма
гортлань (Г.Юшков), Ме водзлань видзөдлі, а сійө вөлөм, **шуйгавыв** индө
(Г.Юшков); б) кывбердьясысь, кызвыннас относителнőй кывбердьясысь: **ту-**
лысьяывв, бөрьяывв, асьяывв, рытьяывв, веськыдывв, шуйгавыв, арьяывв
да с.в. Унмовсис сөмын **асьявылын, Веськыдывв** кежис, Кадыс вөлі **арья-**
ывв нин, но луньясыс шоньдөсь да гажайсь (КРС); в) нимвежтас кывдінысь:
өтывв уджавны; **Пыжас** сөлөмаөсь **өтарвыв, мый** вөсна пыжыс дорыньт-
чөма (КРС). Колө пасйыны, мый тайө суффиксоида кывьясыс вермөны
артмөдны ина вежлөг кынмём формаяс, кодьяс паныдасьлőны подув фор-
маяс дорысь тшөкыджыка, шуам, **водзывв** подув формаысь артмөмаөсь
водзвылын, водзвылысь, водзвылө, водзвывсянь кывьяс; **бөрвыв** формаысь —
бөрвылын, бөрвылысь, бөрвылө, бөрвывсянь кывьяс; **веськыдывв** формаысь —
веськыдвылын, веськыдвылө, веськыдвылас, веськыдвывсянь, веськыдвывті
да уна мукөд. Пример вылө: **водзвылысь** аддзыны, **водзвылын** мунөма ош,
водзвылө петны, кежны **шуйгавылө, лыйсьөм** кылө **веськыдвылын, ме**
бөрвылын келіс вөлөй, кысянькө **бөрвылысь** кыліс лыйөм шы, эг лысьт
видзөддыны **бөрвылө, мөс бөрвылысь** тыдовтчис кукань, **бөрвывсянь**
чукөстісны (став примерыс КРС-ысь). Татшөм формаяс кындзи сёрнитан да
гижөд кывйын нөшта паныдасьлőны индан-асалан суффиксяса ина вежлөг
формаяс, шуам, дыр пыксис, а **бөрвылас** сөгласитчис, **Веськыдвылас** сулаліс
киссьөм керка, **шуйгавылас** — вичко, Со бара на нөсилаөн моз кыкнан
потшисө босьтөмаөсь да сідзи мунөны: Зина — **водзвылас, Лыткин — бөрвы-**
лас (Г.Юшков), Көдзыд биыс (нюр вылын газ югзьө — Г.Ф.) морт вуджөрөн

котортё **водзвылад** (Е.Рочев) да мукёд. Съёкыд шуны, кутшөм закон веськөдлө тайё формаяс артмөдөмын, мыйла өти кыввужйысь артмё уна форма, мөдысь — сөмын некымын либё дзик өти, мыйла өти формаяс вужъясьёны сёрниё, бергалёны паськыда, мөдъясь — озджык (шуам, *бөрвылысь/бөрвывсьыс, веськыдвылын/веськыдвылас*), мыйла өти кыввуж артмөдө урчитанъясь быд ина вежлөг формаясьысь, а мөд — оз. Төдчө сөмын, мый ина вежлөг формаясын пырджык паныдасьлёны кывдінъясь, кодъясь кутёны ина вежөртас (*водз, бөр, бок, веськыдладор, шуйгаладор* да с.в.). Мөд вежөртаса урчитанъясь паныдасьлёны өтка формаясын, кодъясь ёнджыкась гөтөрвосьёны контекст пыр, пример вылө: (Чудь) *Ловъявывсьяныс асьнысё гуавлөмаёсь* (Г.Юшков), — *Вай эн на ловъявылысь гуась, — номйысь моз шенныштитис Митин* (Е.Рочев), *Рытъявывснас* белёй салдатъясь дугдисны лыйсьёмысь (И.Пыстин), *Рытъявылыс* чорыда зэрмис, *ёшинё вөлі быттё анькытиён коялёны* (Г.Юшков); г) эмакыв, кывберд да нимвежтас кывдінъясь кындзи *-выв* суффиксоид отсөгөн урчитанъясь артмёны кадакывйысь артмём эмакывъясьысь либё шөркывъясьысь. Аслыспөлбелуныс сыын, мый найё некор оз паныдасьлыны *-выв* подув формаын, а сөмын индан-асалан вежлөгасьёмын өткымын 2 да 3 морта ина вежлөга формаясын. Пример вылө: *Пыж мегырас, буракё, дітикыссьёма менам повзёммывысьыд* (Г.Юшков), *Код төдас, дыр-ё на эськё Лыткин няръяліс* (ворсіс гудөкөн — Г.Ф.) *өддзёммывысьыс, но Поликарп эсся лэптыліс кисё, мед дугдылас, чеччис пызан сайсьыс да пырис пыдіас* (Г.Юшков), ...*Швульсмуні сөмын личкёммывысьыд* беддёй, *эсся бара чорыд муё йылыс зурасис* (Г.Юшков).

-Йы в с у ф ф и к с о и д кывзыннас артмөдө керём мунанног петкөдлысь урчитанъясь. Но найё паныдасьлёны гежөдджыка *-выв* да *-пырысь* отсөгөн артмём урчитанъясь дорысь. Артмөмаёсь найё эмакывъясьысь: *кокйыс, кыккокйыс, гурйыс, дзирйыс; кокйыс* сувтны, *Крук мынём мысти өдзёс гурйыс* воссис, а *өдзёс сайсянь чургөдчисны шытыкъяс* (И.Пыстин). Корсюрё паныдасьлёны *-йыс* суффикса урчитанъясь ина вежлөгъяса формаясын, шуам, *Зонов эз дзик пыр унмовсь, унйыссьыс* кывзіс, кызди кёнкё сиктын ливкйөдлөны-сьылёны нывъясь (Г.Фёдоров), *Удиті пыийыны, а эськё кераліс менё сэтчө скөрйыссьыс* (Г.Юшков), *-А-а, Витёк, — быттё унйылысь* садьмис *Косков, паськөдіс потиёс кузьта сывъяссё* (Я.Рочев).

-Дор, -ладор с у ф ф и к с о и д а урчитанъясь вежөртас сертиыс пыр петкөдлөны ин либё кад, кён либё кор мунё сёрниын гаралан керёмыс: *рытъядор, рытладор, тулысладор, тувсовъядор, рөмдандор, асьядор, югдандор, водзладор, бөрладор, шуйгаладор* да с.в. Ставысь найё артмөмаёсь нимъясьысь. *-Выв* суффиксоид моз жё, *-дор* да *-ладор* суффиксоидъясь вермёны артмөдны ина вежлөгъяса формаясь, шуам, **водзладор**: *водзладорын, водзладорысь, водзладорё, водзладорті; бөрладор: *бөрладорын, бөрладорысь, бөрладорсянь, бөрладорё, бөрладорті; веськыдладор: *веськыдладорын, веськыдладорысь, веськыдладорсянь, веськыдладорё* да с.в. Паныдасьлёны найё сідзжө**

откымын индан-асалан формаын, ёнджыкасё 3 морта отка лыда формаын. Пример вылө: *А асьядорыс некод эз кут тыдавын ни нинём эз кут кывны, быттьё некод сэн абу вөр пиас* (И.Пыстин), *Пуксим Гришакөд пыжё — сійё бөрладорас, ме — нырладорас — и зібьясигтырйи мөддөдчим Печора катыд* (Г.Юшков), *Рытладорыс жё тай мыйлакё веськаліс анькытиш му вылө!* (А.Попов).

-**Тыр** с у ф ф и к с о и д отсөгөн артмём урчитанъяслөн вежөртасыс петө *тыр* ашөр кыв вежөртассыс. Найө лыдаёс: *лунтыр, китыр, ноптыр, шапка тыр*. Шондi петтөдзыс на Роман петіс Абар сиктсаян да *лунтыр* муніс вөрөд, *нитиш вывті, васөд нюръясті, кос яг мылькъяс вомён вуджис* (И.Пыстин). Тшөкыджыка паныдасьлөны индан-асалан формаяса урчитанъяс, кодъяс бергалөны сөмын сёрниын, контекстын, но кывкудьясын подув кыв пыдди оз мунны, шуам: *А йөктігмоз видзөдлыссис Виталий вылө: сійё сулалө кытишын да син тырнас* нимкодьясё Валяён.

-**Быд** с у ф ф и к с о и д сідз жө артмөдөма кад петкөдлыс откымын урчитан: *арбыд, вобыд, гожёмбыд, тулысбыд, рытивбыд, рытбыд, төвбыд, асывбыд, войбыд*; кузь *войбыд* овны; *арбыд* зэрис да с.в.

-**Ног, -ногөн** с у ф ф и к с о и д а урчитанъяс артмөны зэв тшөкыда да унаыс паныдасьлөны сёрниын. Кызвыннас найө петкөдлөны керөмлыс мунанногсө да артмөны матө став кывсикасыс: кузяла *ног, пөлөс ног, пасьтала ног, бок ног, мөд ног, лёк ног, лёк ногөн, лөсялана ног, дас ног, морт ног, колана ног* да с.в. Откымын пример: *Йөввыв дырйи батыныс вильдөма кильчө пос помө, усьөма, зяткысьөма лёк ног, сьылдзирсө чегөма, Лыссө куим пөвстөн вольсаліс му вылас, а ноддяыскөд орччөн қузьмөс ногыс лызьсө вылө кысөн лөсьөдіс, Кымын уна велөдчөмыдөс, сымын сө ног отиторсө вежөртанныд* (Г.Юшков), *Сувтөдөма пыжсө вомён ног* да йөткасьө шондi нылыдыс (Г.Юшков), *Эськө, бур ногөн кө, керка помө оз ков сійөс сибөдны да* (Г.Юшков), *Но мед и доз-мөд-коймөд, сідзкө... Морт ногөн кө, турун пуктөмсьыс на миянлы* (Г.Юшков), *Лыткин эз пөрччыс, весиг узылан мешөксө ассыс эз нюзөдышит, юр ув пыдди лёк ногөн ёкмыльтіс улас да водіс-лизгымуніс* (Г.Юшков).

-**Выйө, -выйын, -выйөдз** с у ф ф и к с о и д ъ я с отсөгөн артмём урчитанъяс стөчмөдөны керөмлыс мунанногсө, индөны сылыс помтшупөдсө: *тырвыйө, джынвыйө; уджсө джынвыйө эштөдны* (КРС), *Думыш-төма вужс выйөныс вежны өнія көр видзанногсө* (Е.Рочев). -Вый- суффиксоидөн урчитанъяс тшөкыда артмөны шөркывьясыс, а сідзжө кадакывйыс артмём эмакывьясыс, пример вылө: *И эбөсным ставнымлөн быран выйын* (Г.Юшков), *Кыкөн сэсса найө и кыскисны шедан выйөдз пыксьыс шойөс* (Г.Юшков), *Повзи.>Addза, мися, Степанөйлыс шойсө да мый кута вөчны? Шуны кө, сійөс корсьны эськө и петі, а вот сюран вьяс и чегси* (Г.Юшков).

Вайөдөм суффиксоидьяс кындзи урчитан тэчасын паныдасьлөны тшөтш отка кывдиньяс, кодьясөс оз позь шуны суффиксьясөн. Татшөм урчитанъяс

матынӧсь тэчаса кывъяс дорӧ, кӧть бӧръя юкӧныс налӧн артмӧма кывбӧ-
рысь, шуам, **-моз**: *ӧтмоз, ӧтмоза*; **Орччӧн моз** и сулалісны найӧ пыжас, а
пыжыс боксӧн нюжсвидзис кыркӧти дінас; **-шӧрӧ**: *весьшӧрӧ* кад воштыны;
-бок: *гӧгӧрбок; гӧгӧрбоксянь* видзӧдлыны; Эштӧм бӧрас Мирон нӧшта на
гӧгӧрбок видлаліс пессӧ биасьӧмӧн (И.Пыстин); **-тиӧти**: *ӧттиӧти*; **-дыр**,
-дырйи: том *дырйи*, челядь *дырйи*; *Том дырйиыс*, кор батыскӧд татчӧ
веськавлісны, ӧзтывлісны жӧ да ӧдва вермисны кусӧдны; **-кості**, **-коста**:
кодакості; кодакості удитіс пыравны; Менам гӧтырлы коліс медсясӧ, мед
ме кытчӧкӧ вошлі кӧть тӧлысь джын кезлӧ, а сійӧ *сэк коста* ремонт квар-
тирааным нуӧдас (Г.Юшков); **-сайын**, **-сайыс**: *ӧти сайын*; Мӧвпыштлам
ӧти сайыс (Г.Юшков); **-сорӧн**: *серамсорӧн, зывӧксорӧн, броткӧмсорӧн*;
Миша Кочев йитчыліс сыкӧд рация пыр да *чолӧмасорӧн* висьталіс, мед вич-
чыяс гӧстьясӧс (Г.Юшков); — Эн на мун но. Олыштам на. А, Зина? — **мык-**
талӧм сорӧн кевмысис Лыткин (Г.Юшков), — Но, талун тай мӧдджык нин
Егорейыс, — **серам сорӧн** долышитіс Нина (Г.Юшков).

2. Кывводз отсӧгӧн артмӧм урчитанъяс. Коми кывйын
сӧмын нӧль кывводз. Кыкыс на пӧвстысь — *не-* да *ни-* паныдасьлӧ
урчитан тэчасын. Найӧ артмӧдӧны соссян вежӧртаса урчитанъяс, кодъяс
сулалӧны подув урчитанъяслы паныд: ылын — *неылын*, ылӧ — *неылӧ*,
ылысь — *неылысь*, честнӧя — *нечестнӧя*, уна — *неуна*, унаӧн — *неунаӧн*,
око́та — *неоко́та*, окотапырысь — *неокотапырысь*, лючки — *нелючки*,
ладнӧ — *неладнӧ*, дыр — *недыр*, ӧтчыл — *нӧтчыл*, кор — *некор*, важӧн —
неважӧн, унаысь — *неунаысь*, коркӧ — *некоркӧ* да с.в. Ӧткымын урчитанлӧн
паныд сулалысь подув формаыс абу, сӧмын соссянаыс, шуам, **небурысь**
видзӧдлыны, неогӧн вӧчны, Сыысь ме *нӧти* ог пов, деньга *нӧти* эз коль,
непӧру локны да мукӧд. Сэк жӧ колӧ пасйыны, мый кызвын урчитаныс,
шуам, татшӧмъяс: *ӧнтай, войдӧр, сулик, лигыш, гӧгӧр, вочасӧн* да мукӧд оз
артмӧдны соссяна гоз пӧвсӧ. Некымын пример: **Недыр мысти** ая-ниа пы-
рисны шонтысьны (И.Пыстин), Белӧйяс Порогсянь воны **некыдз** эз вермы-
ны (И.Пыстин), Мылдіно мунігӧн поссӧ вуджан да берегыс **неуна** кыттыштӧ
(И.Пыстин), **Неважӧн** на сійӧ вӧлі росмӧм паськӧма ичӧтик детинка, олӧ
висьысь мам дорас (И.Пыстин), Меным **некор** сёрнитны (КРС) да с.в.

3. Кык либӧ унджык кывдінысь артмӧм урчитанъяс, т э ч а с а у р ч и -
т а н ь я с. Тэчаса урчитанъяс паськыда паныдасьлӧны коми кывйын. Кыз-
выннас найӧ артмӧмаӧсь эмакыв, нимвежтас да урчитан кывдіньясысь: (*чой*)
горув, буретиш, бон-бус, рытгорув, тӧрыт, асывводз, талун, рытсёр, вой-
дӧрлун, гӧгӧрпӧв, шӧрипӧв, асьяпом. Уна васӧ эн ю, буретиш колӧ юны, Тайӧ
сапӧгыс меным **буретиш**, Пувйыс **шӧрипӧв** кын, **Гӧгӧрпӧв** бергӧдчыны, **рыт-**
сёр воны, Ставсӧ **гӧгӧрбок** артышитны колӧ (И.Пыстин). Тшӧкыдакодъ паны-
дасьлӧны коми кывйын куим ашӧр кывдінысь либӧ фразеологизмысь
артмӧм урчитанъяс, шуам: **кыккивежынь, кыккирудз** пукавны, **кыккокйыс**
гӧнитны, сынисады узыны. Вӧлыс ляпмунлі, нюжсавліс, **кыккокйыс** кутіс лэб-

ны Даньтыла чой паныд (И.Пыстин). Өткымын тэчаса урчитанлөн өти юкөнныс воштёма нин ассыс вежортассё, мукөддырйи петкөдчө дженьдөдөм формаын, пример вылө: **төрыт**, **талун**, **өтпырйө**, **өтмында**, **өтөдйө**, **өтторйөн**, **өтгудыр**, **өтув**, **өтпыр** да мукөд. *А тавой* Ефим зэв лёк вөт вөтасис, быттьө сиктас крестьяна ставныс колхозө пырисны... (И.Пыстин), *Зурган Мирон таво* арнас вузаліс кум мөс (И.Пыстин), *Но Удоратин* волігөн белйи салдатъяс пөвстын агитация нуөдөмыс абу **весьиөрө** вошёма (И.Пыстин), **Төрыт** рытнас собрание вылын зэв унаён гижсисны ударной бригадаө (И.Пыстин). Тэчаса урчитанъяс прөст урчитанъяс моз жө вермөны петкөдчыны вежлөг формаясын, артмөдөны синонимъяс либө дзонь форма позъяс, шуам, **лункосмөс/лункосмөсөн/лункосмөсысь**; **кызмырдөн/кызмырдысь/кызмырдысьөн**; **матигөгөр/матигөгөрын/матигөгөрө/матигөгөрысь**; **асывводз/асывводзын/асывводзнас** да мукөд. *Потаповъяс* пывсянсө ломтисны пөшти **лункосмөсөн**, сы вөсна мый налөн батыс уджаліс сиктыскөд орчча лесопунктын, ёна кымаліс лым пид собалігас, *Картупель* бөрьянін пө ачыс **лункосмысь** пыралө, *видзөдө* ёна-ө сісьмө да шоныд-көдзыдыс тырмө-ө, *Канев мырдысьөн* пөдтіс ортсө пычиктысь серамсө (Е.Рочев), ...немөсыс вынсө воштө унджык сы серти, мыйта босьтө **кызмырдөн** перйөм көрымсыс (Е.Рочев), ...Сйө **мырдөн** кутө казакъяссө (И.Пыстин), *Часөвөй* мыйкө броткөдіс **вомгорулас** (И.Пыстин), *Мыльк* йылас, **өтмөдарө** түй бокас, *нюжөдчөмаось* окопъяс (И.Пыстин), **Доргөгөрыс** сотчөм да нильбг пытшкөса тиаксө сөйисны вом пытшкөссө соттөдз. **Матигөгөрын** некод эз вөв (КРС). Унакодь урчитан артмөма ним кывдінъяссысь, кодъяс дорө өтпырйө содтысьсө вежлөг суффикс, шуам, **лёкгоршён** горзыны, узны **пыргорён**, **код юрөн** вөчны да с.в. *Вагонын* вочасөн күсөны сёрнияс, на пыдди ёнджыка кутө кывны **пыргорён** шкоргөм (И.Торопов).

Вель ыджыд кыв чукөр артмөдөны с о ч и н и т е л ь н ы й и т ө д а т э ч а с а у р ч и т а н ь я с. Найөс позьө юкны посныдджык кыв чукөръяс вылө. 1. А с в ы й ө н а в е ж ö р т а с к у т ы с ь к ы в ь я с ы с ь артмөм урчитанъяс. На пөвстын торьялөны: а) урчитанъяс, кодъяс артмөмаось өти кыв форма орччөн сувтөдөмөн: **рыт-рыт**, **вежөн-вежөн**, **параён-параён**, **өткөн-өткөн**, **визьён-визьён**, **торйөн-торйөн**, **чукөрөн-чукөрөн** да с.в. *Лыйлөны* залпөн и **өткөн-өткөн** (И.Пыстин), *Сёркни* петөма **өткөн-өткөн**; б) урчитанъяс, кодъяс артмөмаось өти кывлысь торья формаяс орччөн сувтөдөмөн: **этиша-этиш**, **унаысь-уна**, **спути-спуть**, **пырысьтөм-пыр**, **муртсаысь-муртса**, **кань-каньён** (матыстчыны), **водзысь-водз**, **вежа-веж**, **водзаводз** да с.в. **Водзаводз** асылын **вежа-веж** кыліс пицаль шы, **водзысь-водзө** век омөльтчис, **вылысь-выльө** локталісны йөз (КРС), *Мунйө* **өтка-өткөн** часөвөйяс дінө, *винтовкаясныдтө* ки вылын чургөдөмөн кутөй, *пропуск* ставныд төданныд (И.Пыстин); в) урчитанъяс, кодъяс артмөмаось кык торьякыв (тшөкыда вежлөг формаясын) орччөн сувтөдөмысь: **отног-мөднөг**, **лючки-ладнө**, **гүгөн-банён**, **лючкиа-бура**, **тышкөн-мышкөн**, **тышкас-мыш-**

кас, тиын-бус, сьӧрсӧн-бӧрсӧн, сорті-кості, ӧтарын-мӧдарын, ӧтарӧ-мӧдарӧ, ӧтарлань-мӧдарлань, ӧтарсянь-мӧдарсянь, гыжъя-вежъя (овны) да с.в. Запас **талун-аски** тырмас (КРС), керъяс **йылӧн-дінӧн** пуктавы (КРС), **Сьӧрсӧн-бӧрсӧн** став йӧзыс муналісны гортъясаныс (КРС), Олӧмыс **тышкӧн-мышкӧн** бергӧдчис (КРС), Но мед нин лоӧ **сьӧрсӧн-бӧрсӧн** тайӧ ветлӧм-мунӧмсӧ мянлысь висьталӧма (Г.Юшков), Кывтыдсянь, косьладорсянь, сійӧ **чукльӧн-мукульӧн** лӧбзис васьыс невылыті (Г.Юшков), Дивӧ босьтіс Антонӧс, Миля вермӧ шуны верӧсыслы мелі кывъяс, и сэк жӧ, стрӧ-ка сюрас да, **бон-бус** пинявны (А.Ануфриева); г) Тыдалӧ, тайӧ жӧ кыв чукӧ-рас позьӧ пыртны тэчася урчитанъяс, кодъяс артмӧмаӧсь керанторъя вежлӧг формаа урчитанъясысь -сорӧн кывбӧр отсӧгӧн. Найӧ артмӧны коми кывйын тшӧкыда да пасйӧны содтӧд керӧм, коді мунӧ мӧд керӧмлы признак пыдди: дӧзмӧмӧн-сорӧн, тиыгйӧн-сорӧн, яндзимӧн-сорӧн, котӧрӧн-сорӧн, бауӧн-сорӧн, мырдӧн-сорӧн, шуткаӧн-сорӧн, ружстӧмӧн-сорӧн, бӧрдӧмӧн-сорӧн, чуймӧмӧн-сорӧн, ышловзьӧмӧн-сорӧн, узьӧмӧн-сорӧн, йӧктӧмӧн-сорӧн да с.в. Ионов пырис **котӧрӧн-сорӧн**, лыбӧдліс пельпомъяссӧ... (Б.Шахов), Зэв ӧдйӧ нетишки тӧзь турунсӧ, ветлӧма да мед вайӧма жӧ нин лоӧ, и **котӧрӧн-сорӧн** локті бишур дінӧ (Г.Юшков). 2. Торйӧн нин тшӧкыда паныдасьлӧны коми кывйын с е р п а с а л а н а (изобразительнӧй) урчитанъяс, кодъяс артмӧмаӧсь: а) кык пӧв ӧти кывсӧ шуӧмӧн: вак-вак (серавны), койтов-койтов, лайк-лайк, чер-чер (усьны). **Рук-рук** шыасьліс та бӧрын мойыс да ланьтӧдчис... (Г.Юшков), Бӧр зэв ӧдйӧ сувтіс да кӧрт беддӧн **гур-гур**вӧчис (Г.Юшков), Мой-мам быттӧ таысь медсясӧ и видзчысис, кыз тай зүтишкис да **гольс-гольс** йирышитіс менӧ сайӧдысь сутугасӧ (Г.Юшков), Кодкӧ (черияс пӧвстысь — Г.Ф.) пыр и **тіг-тіг**вӧчис самсӧ, но эз, тыдалӧ, ӧшйы кыс-кышитігас (Г.Юшков); б) кывдінас г о р а шысӧ вежӧмӧн: лют-лёт, дюг-дэг, люп-ляп, лос-ляс, буз-баз, зурк-зӧрк, зур-зар, gryма-грама, шкув-шков, зиль-зэль, дзуж-дзаж, вуз-ваз, тур-тар, вуш-ваш, пусь-пась, дув-дов, кунь-кань, лүти-лати, пурк-парк, руз-раз, сюв-сяв, шурк-шарк, кутов-катов; **шкув-шков** кучкыны, **зиль-зэль** жугалі ӧшинь стеклӧ, **дзиж-дзаж** косявны, куш бӧчка гӧгыльтчис **gryма-грама**, **зур-зар** петіс битӧг, **зурк-зӧрк** пырис, няйтӧд **буз-баз** котӧртны, бӧжнас **люг-легкерис**, став кӧлуй **руз-раз** шыблалӧма, комнатаӧ **шурк-шарк** пырны, челядь **сюв-сяв** котӧртисны, **кунь-кань** матыстчыны, **дув-дов** ветлыны, **вуш-ваш** сёрнитны, **пусь-пась** жугавны, **тур-тар** лӧччыны пос кузя, **вуз-ваз** сёйны. Вася Лыткин пыр и судзӧдчыліс гудӧкысла, пуксис да **сюр-сяр**вӧчышитіс мольяснас, сӧсся «Шондібанӧй» пызйишитіс (Г.Юшков), Лыткин нускис да нускис, вӧрышталіс, быттӧ пес вылӧ узьмӧдчис да бара на кыткӧ сьлӧн доймӧ ли позялӧ, сӧсся вочасӧн лӧнис и **тюп-тяп**, кылӧ, вӧчис вом доръяснас, нистыны кутіс (Г.Юшков); в) вокал шысӧ вежӧмӧн да кыв помъяссӧ ӧткодя шуӧмӧн: лувйӧн-лявйӧн, люпки-ляпки, турки-тарки, лютки-летки, сунки-санки да с.в. **Турки-тарки** вайӧдны шошаӧд, Идйыс **лувйӧн-лявйӧн** петалӧма, Гӧгӧр мӧвпныштӧг сійӧ

кыв оз чөвт, зэв оз радейт **люпки-ляпки** вöчны (И.Пыстин), *Поликарип быттьö эз и аддзыв миянлысь вина яциктö, весиг эз и сувтовкерлы, сöмын очсышитис и водзö **луйки-лайки** тапсьöдiс* (Г.Юшков), *А мойти, коньöр, ачыс весьöпöрöма, **люги-леги** вöрышталö...* (Г.Юшков), *Митрей Семöйд, вöрад ветлывлöма да, некытчö оз инмыв, **вугыль-вегыль** и мунö, а ми энъякөд öти пуысь кежыштам, а мöд пуас и зургам нин пельпомнаным* (Г.Юшков), г) торьякывьяслысь помьяссö öткодя шуöмön: *разi-пели, чули-пели, ышки-пошки, кыши-поши, муткыль-пескыль, лютки-летки, шувки-павки, **шувки-павки** петны ывлаö, **лютки-летки** водзö вöрзъйтöг котöртышитны* (КРС), *зыми-йирки* посьяс вывтi грымöдiсны вöлаяс, керкаас гөгöр **дзим-дзурк**, сёрнитны **кышитi-пырийи**; Викторлы öти швачöдчысьыслөн гөлöсыс кажитчис тöдсакодöн, а кор видзöдлiс сылы чужöмас, тöкөтö эз **гири-люки** усь полка вывсьыс... (Е.Рочев).

90 §. Транспозиция отсöгөн артмём урчитанъяс

Урчитанъяс, кодъяс артмёмаöсь мукöд кывсикаслысь торъя формяс босьтöмön, а д в е р б а л и з а ц и я отсöгөн, артмөдöны коми кывйын ыджыд кыв чукöр. Найöс абу кокни эрдöдны, сы вöсна мый форма боксянь-ыс мукöд кывсикасьясысь найö оз торъявны. Коми кывлы лöсялö кык сикас адвербиализация нырвизь. Тайö — вежлөг формяс урчитанö пöрöм да ногакыв урчитанö пöрöм.

1. Вежлөг формясслөн урчитанö пöрöм. Кыв вежлалан парадигмаысь торъя вежлөг форма пöрö урчитанö сэк, кор сийö воштö ассьыс грамматика вежöртассö, лексикализуйтчö да морт вежöрөн дугдö гөгöрвосыны нима кывлөн торъя форма пыдди. Обстоятельство туйын тшöкыда бергалiгөн сийö босьтö ас вылас мöд функция да вочасөн пöрö урчитанö. Вежлөг формяссысь лексикализация отсöгөн артмём урчитанъяссö абу кокни эрдöдны сы вöсна, мый ловья кывйын öтмоза паныдасьлöны найö да збыльвыв вежлөг формяс, кодъяс корсюрö вермöны петкöдчыны урчитан туйын. Тайö грамматика чукöръяс костас вуджны позьтöм потшöс абу. Тшöкыда овлö, мый öти и сийö жö кывсö позьö видлавны эмакыв либö кывберд вежлöга форма туйын, урчитан туйын тшöтш. Корсюрö кыв туялысь уджъясын урчитан тэчасын паныдасьлысь вежлөг суффиксьяссö лыддьöны кыв артмөдан суффиксьясөн. Тайö абу дзик стöч видзöдлас, сы вöсна мый вежлөг формяс лексикализуйтöмön артмöны оз öткодь урчитанъяс: öтияс лöоны тырвийö лексикализуйтчöм вежлөг формяссөн, кöни оз позь торйöдны збыльвывса урчитан артмөдысь суффикс, мöдъяс артмёмаöсь нин кывйын бергалысь формяс вылö видзöдöмön, аналогия серти. Наысь позьö торйöдны урчитан артмөдысь суффиксьяс. Тшöкыда сьöкыд висьтавны, кызди тайö либö мöд формасö колö донъявны. Кызвыннас лексикализуйтчöны ина вежлөгъяс, корсюрö тшöтш и мукöд вежлөг формяс.

Н и м т а н в е ж л ö г зэв гежöда петкöдчö урчитан артмöдöмын. Сöмын контекст отсöгөн позьö гөгöрвоны, мый тайö формаөн вöдитчöны урчитанөн моз, шуам, **горув** исковтны, **рыт-рыт** пукавны, **лун-лун** уджавны, **чунь** кыкөн овны. И со колис сийö **чунь** öтнас ыджыд стада дöзьöритны (Е.Рочев).

К е р а н т о р ь я формаяс медся тшöкыда пöрöны урчитанö. Артмöм боксяныыс на пöвстысь позьö аддзыны некымын сикас: а) эмакыв либö кывберд вежлöг форма веськыда пöрöма урчитанö: **горөн** (бöрдны), **гозийөн** (öшлыны), **войколөн** (мунны), **водзöсөн** (сетны), **вемöсөн** (аддзывны), **öдöбөн** (чеччыштны), **öдийөн**, **невöляөн** (ыстыны), **подөн**, **бать этиён** (уджавны), **шемöсөн**, **чукöрөн**, **чукйөн** (тэчны), **чатöрөн**, **уджён** (босьтны), **тишайподөн**, **кималасөн**, **öтчукöрөн**, **ыльöбөн** (киссис вур), **ырöбөн**, **ызöбөн**, **бöрөн**, **торйөн**, **могөн**, **чепöльөн**, **рöдийөн**, **кытишолөн**, **падвежён** (пуктыны), **лёлльөн** (öшавны), **переменаён**, **кытишьльён** (узыны), **кытишолөн**, **котöрөн**, **йöжгыльён**, **здукён**, **донён** (сувтö), **дзульöбөн**, **дзулькйён** (пуö), **дзольöбөн** (петö), **джынийён**, **гузьöбөн**, **гöрбыльён**, **мышкырён**, **öтпöлöсөн** (петны), **важён**, **бурён**, **букыиён**, **вьльён** (воысыяс), **югырён**, **кузяён**, **регыдён**, **куиён**, **зумыиён**, **дорыньён** (видзöдлыны), **дзоньён**, **гусьён**, **вьльён**, **вежыньён**, **надзён**, **пöлöсөн**, **тамышён** (видзöдны), **куиён**, **гöгрöсөн** (шырны), **бöрыньён** (петны), **тишгийён**, **ульён** (сёйны), **надзён**, **пöлынён**, **уркöвöйён** (уджавны), **орччён**, **öткён** да с.в. Поликарп сэсся бөр мунис зорöд мöдарас, а ме чöвтi киссьылöм турунсö да **вьльён** вайöм юрö кутчыси (Г.Юшков), ... А пызан дор лабичын Степан пукалö: сьöд ной пинжака, еджыд дёрöма, гачыс сöмын важыс — кучик пидзöсаыс; сапöгсö **вьльён** дьöгöдялöма (Г.Юшков), ... Сувтисны **чукöрөн** посводсянь пырöм öдзöс дорö, кутисны шöпкöдчыны (И.Пыстин), Найö **букыиён** видзöдлисны тайö серпас вылас да **ньюжйöникён** шлёнъгисны баракланьö... (И.Пыстин). Уляшов олö **тишгийён** (И.Пыстин), — **Важён**, царь дырийыд, лöсьыдджык вöли, а найö воча: лöсьыд пö, дерт, вöли тiянлы, озыръяслы... (И.Пыстин), **Öти нүүдысьыс котöрөн** пыралис керкаö, петкöдiс Сенялысь пальтосö, гын сапöгсö да шапкасö... (И.Пыстин), Сэки жö налы паныдөн **рöдийөн** дзукнитисны гыёрзьöм вöлаяс (И.Пыстин), Виктор гөгöрвоис, **бурён** не мынны сылы Коськовысь (Е.Рочев), Мыйла тэ тундрасяныыс кыссин **подөн**? (Е.Рочев); б) Мöд урчитан чукөр артмöма тайö формаяс дорö аналогия серти. На пöвстысь позьö аддзыны кыв формаяс, кöни -ён суффикс оз содты некутшöм вьль вежöртас, шуам: **шöри** ~ **шöрийөн** видзны (мöс), **сёр** ~ **сёрён** (водны), **кымынь** ~ **кымыньён** (водны), **регыд** ~ **регыдён** (воны), **вомён** ~ **вомёнён** (пуктыны), **накöсö** ~ **накöсөн** (вартны), **бокала** ~ **бокалаён** (пуксьыны), **паныд** ~ **паныдён** (пукавны), **öтног** ~ **öтногён** (вöчны), **öтсöглас** ~ **öтсöгласён** (овны), **гатиш** ~ **гатишён** (узыны), **öтув** ~ **öтувйөн** (уджавны), **öтпырийö** ~ **öтпырийён** (вöчны), **мырдысь** ~ **мырдысьён** (тишöктыны) да с.в. **Регыд** воим вотчанiнö, **Регыдён** и воим колана коськöдзыс (Г.Юшков), Романлысь судьбасö штабын реишiсны **регыдён** (И.Пыстин), **Дерт**, тайö **ре-**

*гыдён оз артмы (Е.Рочев), Сійё гатиш уси. Виктор чуть гатишён эз усъ тадзикён «чолёмасъёмсыйс»... (Е.Рочев), Вода вёлі гатишён да зіля пуксыйны киён мыджсыйтёг (Г.Юшков), Конё Семёлыс пыжсё кодкё гатишён и кольёма (Г.Юшков), Миян керкалы паныд сулаліс джынвийё киссём нин Паладдя баблён керка. Бурёвёйлы паныдён... лёзаліс ыджыдкодь мусюр (Е.Рочев), Юёрыс воис сёр. ...Дедъяслён примета серти, сёрён кё пуксис төв, нюжалас и тулысыс (Е.Рочев), Канев водіс сёрён жё (Е.Рочев); в) Та кын-дзи эмось урчитанъяс, кёні -ён суффиксё позё лыддыны тырвийё кыв артмёдыс суффиксён, сы вёсна мый сійё артмёдö выль кывъяс либё вежё урчитанлыс подув вежёртассё. -Ён суффикс кутё некымын кыв артмёдан вежёртас: 1) ö т в ы в т а н вежёртас: **отчыдён** (отчыдён ставсё сёйны) < **отчыд**; **отпырысьён** (отпырысьён нуны) < **отпырысь**; **отикысьён** (отикысьён вайны) < **отикысь**; 2) р а з ö д а н а (распределительной) вежёртас: **отчыдён** (отчыдён быдён ветлас вала) < **отчыд**; **отмындаён** (отмындаён юкны) < **отмында**; Унаыдлы, да морт **ичотикаён** и вичмис (винаыс) (Г.Юшков), Дыш жё меным лои **ичотикаён** буждöдавны тайё лабдасö, да ме куті гырыся босьтавыны (Г.Юшков), Чёскыда и пывсим ми сэки, морт **куимысьён** корёсясим (Г.Юшков); 3) м у к ö д в е ж ö р т а с ь я с, шуам, татшөм урчитанын: **дырён** (дырён мынтысьны) < **дыр**. Вайбдөм керанторъя формаа урчитанъяс колё торйөдны урчитанъяссыс, кодъяс мукöд кывсикасьяс моз жё предикативной функцияын босьтöны -ён суффикс, шуам, татшөм сёрникузясын: Куреньын ми олім бура **унаён** (В.Савин), Дась вёчөм тувйөн тувъяліс розьсö да помсö вундіс ножовкаён пес помыскöд **тишөтшиён** (И.Пыстин).*

Т о р й ö д а н вежлөгыс урчитанъяс артмёны водзын видлалөм формаяс дорыс гежөдджыка. Кызвыннас тайё формаын лексикализуйтчö эмакыв: *пöщадатöг, донтöг, помтöг, ладтöг* да мукöд. Пример вылö: *Канев шытöг вуджёртіс Митинлөн югыд комнатаö* (Е.Рочев), *Но кыдзи пывсыйтöгыс! Сэсся Косков пасьтöгыс, гашкö, оз и тöд сійөс* (Е.Рочев). Уналаын съөкыд висътавыны, лоö-ö тайё либё мөд кыв эмакыв формаөн либё сійö пөрёма нин урчитанö, шуам, татшөм сёрникузясын: ...*Отпöлөсөн, көмтöг нүдöсны кык винтовка костын* (И.Пыстин) и *Локтіс деньгатöг и көмтöг: деньгасö видзёма мөдтор* вылö. Ыджыд төдчанлун та дырйи босьтö контекст, кыв формалөн сёрникузяын иныс.

М о г м а н форма лексикализуйтчö гежөда, көть ачыс бергалö тшөкыда. Тайё формасыс артмөм кызвын урчитаныс помка вежёртаса: *йöйла, тиыгла, скөрла, жарла* да с.в. — *Тайö пон сёяныс сөмын тiянылы...* — *Косков скöрысла* курчаліс паръяссö (Е.Рочев), *Иван Егоровичлөн чуймöмысла* вомыс весиг калькмуні (Г.Юшков), *Радысла* детинкаыс и нывкаыс быдсөн чеччыштлісны да кутісны кекеначасыны (Б.Шахов), *А Ася* сулаліс, быттьö нинөм эз и ло, сөмын ицöка лыыс чурвидзис *скöрысла* (Г.Юшков), *Миша Кочевлөн* медводз лыбавліс вом пельöсыс виччысьтөм *нимкодъысла, Скöрыс-*

ла киясыс ыджыда тір-тармунлісны, **кыммөмла** кө быттьө, эськө чуньясыс эз веськыдасьлыны... (Г.Юшков), ...Ышмөм Коськов мый вынсьыс швачөдіс **жарысла** нөпмунөм дядьөөс (Е.Рочев). Тайө формаяссө сьөкыд торйөдны вежлөг формаа нимьясыс, найө абу на тырвыйө пөрөмаөсь урчитанө, та вөсна найөс оз суйны урчитан лыдө. Гежөд кыв позьө стөча шуны урчитанөн, шуам сёрникузяын: *Светлана... көсийө төдчөдны, мый сылы веськодь Викторлөн воөмыс, эз кор, эз виччысь. Мед сөмын **жаляддзаысла** оз ветлы татчө, сытөг на овсьө* (Е.Рочев).

Медся ёна коми кывйын урчитан чукөрө вуджөны и на вежлөгъ - я с а ф о р м а я с; быд пытшкөс да ортсы ина вежлөг форма вермө артмөдны урчитан. Та вөсна кывйын тшөкыда паныдасьлөны ина формаясыс артмөм урчитаньяс, кодьяс котыртчөны дзонь парадигмаясө: *улын, улысь, улө, увлань, увсянь, улөд, увті, улөдз; шөрын, шөрысь, шөрө, шөрлань, шөрсянь, шөрті, шөрөдз* да с.в.

И на вежлөг формаыс артмөм урчитаньяс кутөны кызвыннас ина вежөртас. Найө артмөмаөсь эмакыв да нимвежтас кывдіньясыс, шуам: *дорын, бокын, пыдын, өтчүкөрын, ылын, шөрын, өтмөдарын, өтвесьтын, өтарын, кодарын, вылын, пытшкын, выліын* да с.в. *Иванович, **водзын** виччысьө ыджыд ускөттьө* (Е.Рочев), *Викторлы жаль **водзын** тыдалысь папшкыр нияяса вөр діторйыс, буракө лыа сэті, со кутишөм кузьбөсь пұясыс* (Е.Рочев), *Сэні **матын** геологьяслөн база, төвнас тундрасянь вездеходьяс волөны грузла* (Е.Рочев). Тшөкыда ина формаын паныдасьлөны *-выв-, -дор-, -йыв-* да *-вий-* суффиксоидьяс отсөгөн артмөм урчитаньяс: *шуйгавылын, веськыдвылын, шөрвылын, водзвылын, бөрвылын, бөрладорын, веськыдладорын, водзладорын* да с.в. Нимвежтасыс да урчитанысь жө артмөмаөсь урчитаньяс, кодьяс тэчасын эм ин петкөдлысь *-ла* юкөн: *уналаын, өтилаын, быдлаын, өткымынлаын* да с.в. *Сойва мөдлапөлын шочиника **өти-мөдлаын** тыдавлөны красноармеецьяс, кывлө көрт зырийөн троньөдлөм шы* (И.Пыстин). Сөмын өткымын ина вежлөг формаа урчитан кутө оз ина, а мөдджык вежөртас, шуам *к е р ө м м у н а н н о г*: *гурйылын, өтлаын, быдысьын* да мукөд. *Медбөрын* сійө тэрыба чеччис пызан сайысь... (Е.Рочев), — *Көні нө войтырыс?! — **медбөрын** юалис* (Е.Рочев).

П е т а н форма сідзжө тшөкыда артмөдө ина вежөртаса урчитаньяс, кызвыннас нимвежтас да эмакыв кывдіньясыс: *пытшкысь, шөрысь, шөрвылысь, өтлаысь, улысь, вылысь, бөрысь, матысь, ылысь, Даньөлөн да-дюлыс **неылысь** и сюри...* (Е.Рочев) да с.в. Тайө кывчукөрас тшөкыда ин вежөртасыс вынсьөдчө *-ла* торъя пасөн, коді петкөдлө керөм веськөдөм: *быдлаысь, өтилаысь, уналаысь* (өткодялөй: *быдысь, өтиысь, унаысь*). *Кыдзи и век, **өти-мөдлаысь** койбедьнас гудйиштіс лымсө, төдмаліс, ёна-ө йизьө-ма му эжыс* (Е.Рочев). Ыджыд урчитан чукөр артмөма ним кывдіньясыс *к е р ө м м у н а н н о г* *в е ж ө р т а с ө н*: *невөляысь, мырдысь, лөкысь* (горзыны), *помысь* (сёрнитны), *скөрысь* (видзөдны), *медводдзаысь* (аддзы-

ны), бурьсь (казьтивны), вöляысь (гуляйтны), выльысь (локны), думысь, öтвылысь, другысь да с.в. — Мыйсь обычай? — **скöрысь** вирдышитіс синъяснас Косков (Е.Рочев), **Медводдзавысь** на татиöм кыпыднас Виктор аддзис Митинöс... (Е.Рочев), Юалис Поликарплысь, кор матькышитіс **медбöръяысьсö** (Г.Юшков), Та вöсна **вынысь** топöді саксö кыркöти бердас (Г.Юшков), Ася корис Иван Егоровичлысь, миян председателысь, мед лэдзис ийрöдны кöть öти вадорса видз, а то пö гожöмбыд вöрын видзим (скöтсö), йöв пö **прамöйысь** эз нин и содлы (Г.Юшков), Митин ваиъяліс, и сьöкыд вöлі гөгöрвоны, Каневöс крукышитöм ради либö **збыльысь** восьса сьöлöмсянь петö сылön шмонитана сёрниыс (Е.Рочев), Колöкö, **выльысь** шуа: медыджыд наукаыс — ачыс сьöлöмыс (Е.Рочев), Виктор эз нин **первойысь** мöвпав та йылысь (Е.Рочев), Оз **прöстаысь** найöс шуны «вира» мылькъясöн (Е.Рочев). Нимвежтасысь, урчитанысь жö да лыдакывйысь озыра артмöны лы д да п ö в (п ö в с т а) ве ж ö р т а с а урчитанъяс: öтчыдысь, мöдысь, коймöдысь, öтмындаысь, неунаысь, унаысь, этиаысь. Лыйисны **нёлöддысь, витöддысь, Унаысь** паныдасьлö татиöмторйыс, Мирон воськовтіс **куим-ö-нёлъысь**, сувтіс джодж шöрас Тараслы воча да шуис киргöм кодъ гөлöснас (И.Пыстин), Косков ногөн артмис, Викторкөд сійö эзв нин важся другъяс, эз нин **öтчыдысь** мездлывлыны öта-мöдсö пикö воöмысь (Е.Рочев), Матысь кыліс **кыкысь** дорвыв лыйöм шы (Е.Рочев). Петан вежлöга öткымын урчитан эмакывкөд йитöдын кутö ю к л а н , т о р й ö д а н вежöртас, шуам, морт **öтиысь** ветлыны, морт **öтиысь** сетны.

Пыран вежлög форма артмөдö ина вежöртаса урчитанъяс нима кывдінъясысь: **ылö** (мунны), **бокö** (кежны), **вылö** (кайны), **водзö** (мунны), **бöрö** (кольчыны), **матö** (пуктыны), **шöрö** (пуктыны), **пыдö** (пырны), **медводзö** (петны), **пытишкö** (суйны), **ортсö** (кисытны) да с.в. И **бöрö-водзö, бöрö-водзö** резина гөгыльясöн ургöны (машинаыс), чепöсйöмаöсь шондіводзса кодзувкотъяс моз (Е.Рочев), Мусинсянь визувтö нин кыз трубаяс кузя кизьöр ломтас, **ылö-ылö**, стöчдъыка кö, сэтчö, кöні сійö медъёна öні колö (Е.Рочев). Мукöд ина вежлөгъясын моз жö, пыран формаа урчитанъяс тшöкыда кутöны -ла- ин петкөдлысь юкөн: **öтилаö, öткымынлаö, быдлаö, уналаö. Вит-ö-квайтлаö** лöсьöдісны часöвöйяслы сулаланін да часöвöйяс дінас керкасянь, жыннян кывсянь, нюжöдісны сутугаяс (И.Пыстин). Сöмын öткымын урчитанлön эм кад либö керöм мунанног вежöртас: **öтарö, мöдарö, öтвесьтö, матö. Но, дона другъяс, — шыасис Виктор, — мый сэсса водзö** кутам керны (Е.Рочев), Сыысь позис мынтöдчыны, уджавны кö **водзö** думайтöмön (Е.Рочев), ...**Пöрысьö-нэмö** кö бара кутіс енмöс тöдны, мый сэсса тиыксис али мый?... (Г.Юшков), **Öтарö** вежласис и вежласис воча котöртысь мулön чужöмбаныс, и Шаля азыма йиджтіс ас пытишкас мича ловья серпасъясöс... (И.Торопов), Зык пыр **öтарö** ыдждö (И.Пыстин), Ветлісны **öтарö**, ветлісны **мöдарö** — некод абу (И.Пыстин).

М а т ы с т ч а н форма артмөдө сөмьн өти пөлөс вежөртаса урчитаньяс — м у н а н н ы р в и з ь, керөм веськөдлөм петкөдлысь урчитаньяс: *увлань, вывлань, шуйгавывлань, шуйгалань, бөрлань, боклань, водзлань, өтарлань, ортсылань* да с.в. *Век водзлань йөткө көрт нырсө* (Е.Рочев), *Виктор дас воськов сайын сулаліс мышканыс винтовкасө водзлань чургөддөмөн* (Е.Рочев).

Ы л ы с т ч а н форма урчитанө пөригөн оз вошты вежлөглысь подув (ылыстчан) вежөртассө. Артмөм урчитаньяс пөвстын торьялөны и н да к а д вежөртаса кывьяс. Ина вежөртасаясыс паныдасылөны паськыдджыка: *вылісянь, вывсянь, водзысянь, быдласянь, шуйгавывсянь, бокисянь, веськыдывсянь, ортсысянь, пыдісянь, улісянь, увсянь, бөрсянь, водзвывсянь, өтмөдарсянь, өтарсянь, матісянь, дінсянь. Вель ылысянь на часөвөй равөстіс винтовкасө чургөдігмоз: «Сувт! Коді сэн?»* (И.Пыстин), *Вывсянь кайө посныд лым, шебрөдө кын мусө кыз эшкынөн, вевттьө син водзысь ставсө* (И.Пыстин), *Косков видзөдліс Канев вылө вылісянь*, кыдзи кань шыр вылө (Е.Рочев), *Виктор чөла нетіс бөрсяньыс*. Ылыстчан форма озыра артмөдө кад вежөртаса урчитаньяс: *өнтайсянь, өнісянь, векисянь, важсянь, төрытсянь, ичөтсянь* да с.в. *Асывсяньыс* талун чукөртісны Мылдінысь став йөзсө рөв кыр йылө встречайтны гөстьясөс, белөйясөс (И.Пыстин). Öткымын формаысь позьө казьявны керөм мунанног вежөртас, шуам: *Сэтиөм жө гораа, пыдісянь босьтчисны сьывны йөз чукөрын* (И.Пыстин), *Воронко сувтіс, сэсся пыдісянь, быттьө ружтөмөн, лөлышитіс* (А.Ануфриева), *Өтарсянь* Кузнецов асьсө дорйис, зілис веитышитны ас вывсьыс мыжсө (И.Пыстин), *Бокисяньыд* сьөкыд донъявны коми йөзлысь корөмьясөс.

В у д ж а н вежлөг формаысь артмөм урчитан чукөрыс кутө вежлөгыслысь подув вуджан вежөртассө: *өтилаті, выліті, матіті, өткымынлаті, кыклаті, бокиті, ортсыті, этишлаті, ыліті. Стенсө штукатуритөма, а вылітіыс краситөма* (КРС), *Бур югыдөн нин юрсигусь кодь вертолёт кыпөдіс сынөдө Митинөс да Каневөс, лэбисны кыпөдчысь шонділы паныд, кажитчис — сійө кок увтіныс көсйө кытчөкө уйкнитны, сэтиөм уліті уйө* (Е.Рочев), *Боктіыс* вына төв ныр моз жвичйөдлісны гырысь грузөвөй машинаяс (Е.Рочев). Вуджан вежлөглөн -өд суффиксыс урчитан артмөдөмын паныдасылө гежөдджыка, шуам, *шөрвыйөд* вундыны, корсюрө паныдасылө -ті суффикскөд вежласьөмөн: *улөд/увті/уліті, вылөд/выліті, дінөд/дінті* да с.в. Гежөдика вуджан формаа урчитаньяс босьтөны оз ин вежөртас, шуам: *вывті* ыджыд; *водзті* тадзи оз позь вөлі вөчны.

В о а н артмөдө урчитаньяс сідзжө подув вежлөг вежөртассө кутөмөн: *ылөдз* тыдавы, *шөрвыйөдз* вундыны, *улөдз* копытчыны, *пыдөдз* пырны да с.в. *Сувтіс* лызь вылө, веськөдчис ягас, *ылөдз* эз и ветлы (Е.Рочев), *Виктор оз нин первойысь мөвпав та йылысь, ёнакодь ылавлө, ылөдз-ылөдз вежөрнас ветлө* (Е.Рочев). Ыджыд урчитан чукөр кутө к а д вежөртас: *өнөдз*,

*тöрйтöдз, сёрöдз, асъявылöдз. Корсюрö урчитанъяс воштöны подув веж-
лöгыскöд йитöдсö да босьтöны мöд, абу ина либö када вежöртас, шуам,
Бадь кустъяс пöвстас быттьö суныштлас сийö, **дзикöдз** вошлö, сэсся бара
быльк пөтавлас (И.Пыстин), *Капиталöс ми бырöдам **помöдз*** (И.Пыстин),
*Тані энö куртлöй, **бөрöдз** кольöй, мед косьмас (КРС), Паськöмыс **люстикöдз***
*кöтасис.**

Мукöд ина вежлөгъясысь моз жö урчитан озыра артмö матыс ина
вежлөг чукөр формаясысь, кöнi сийö босьтö стöч вежлөгылысь
вежöртассö: матыс ина (*водзланьын*), матысь петан (*водзланьысь*),
матö матыстчан (*водзланьö*), матысь ылыстчан (*водзлань-
сянь*), матi вуджан (*водзланьti*), матöдз воан (*водзланьöдз*).
Пример вылö: *Кöръясысь неуна **бокланьti**, медым не чуйдыны найöс,
сийö (Виктор) веськöдчис стада помланьыс (Е.Рочев), «Окотникъяс» дыш-
пырысь, но лэптисны кияснысö, сöмын та бöрын Виктор пöрччис лызьяссö,
кыскышитис винтовка йывнас Косковлысь лым вылын куйлысь двуствол-
касö, перйис патронъяссö, пасьвартис лöжасö кын вутши бердö, вуззис кыр
горулö, **бокланьö** шенышитис и Мефодьлысь черторсö (Е.Рочев).*

2. Ногакывлөн урчитанö пöрöм. Ногакыв подув вылын
артмöм урчитанъяссö коми кывйын сьöкыд торйöдны ногакывйысь, сы
вöсна мый коми ногакыв аслас пытшкөсса тэчаснас матын урчитан дiнö,
тшöкыда сийöс весиг шуöны «кадакывъя урчитанöн». Торйöдны найöс позьö
сöмын контекстын. Ногакыв пöрö урчитанö сэк, кор сийö воштö ассьыс ка-
дакывъя признакъяссö: сёрнивизь да керöм мунанног вылö индöм, кадакыв
модаа мукöд кывъясöн веськöдлöм. Урчитанö вермö пöрны ногакывлөн
матö став формаыс: а) **-öмöн** суффиксöн: **öтувтчöмöн** уджавны, **верзьöмöн**
ветлыны, **тöдöмöн** бурджык, **тöдчымöн** ыджыд, **ыргöмöн** ломтысьны,
судзьсьöмöн овны, **тэрмасьöмöн** вöчны, **ырöстöмöн** бöрдны да мукöд. Вайö-
дам сёрникузяс: *Накöд колö **күжсьöмöн** сёрнитны (И.Пыстин), Челядь... **ве-
жэвидзьöмöн** чöв колльöдисны протоирейöс синъяснаныс (Г.Фёдоров), (Катя)
уськöдчис крöвать вылö да **лимзьöмöн** бöрддзис (С.Раевский), Толя **дöзмöмöн**
петис улич вылö (А.Попов), Весиг дöзмышитис гöтыр вылас. Горш вылас
талыччöмöн корö да (А.Попов), Быдтысигас пö (мой) энъыс нинöм вылö оз
сибöд айсö, **пурöмöн** пукас, локтас кö мöдыс, кöть шуам, видлыны, кызд нин
семьяыс олö (Г.Юшков), Проня **видзчысьöмöн** пуктис гудöксö лабич улö,
видзчысьöмöн моз жö пуксис (А.Льпоров), Ирина Фостирьевна... перйис лöз
мышка куим тетрадь, **радейтöмöн** малышитис кинас, веськöдис важ чукыръя-
с (Г.Фёдоров); б) **-тöг** суффиксöн: **дугдывтöг** сёрнитны, **мудзлытöг** уджав-
ны, **тыртöг** мунны, **пөвтöг** видзöдны, **тэрмасьтöг** сёрнитны да с.в. Вöв
дугдывтöг сувтлö (КРС), Поликарп Григорьевич, **тöдлытöг** артмис.
*Прöститöй, — корана шыаси ме (Г.Юшков), Тайö думъяснас Саша вугыртис,
и думъясыс кызкö **тöдлытöг** вуджисны вöтö, кодi вöли вемöссьыс сьöкыд-
джык (Я.Рочев), Аски, кöть кызд, а котöртла сберкассаас, пукта кöкъямыс-**

сё ветымын шайт... *А то тӱдлӱтӱг* видзяс деньгаыс (А.Ануфриева), *Сельсоветса гӱгӱрбок бергӱдӱс документсӱ, сӱсся кызкӱ виччысьтӱг* писькӱдӱм шомӱс моз бӱр ропмунӱс, дышника бергӱдӱс чужӱмсӱ ӱшинӱ (Е.Рочев), **Виччысьтӱг** шойччан лун миянлы вичмис (Г.Юшков), — *Асывсянь топыда сӱйим, — кӱсйысьтӱг* вашмунӱс Прокор Иван, кодлы лои любӱ нылыслӱн мелӱлуныс (А.Попов), **Кыв шутӱг**, сӱйӱ сюсь морт. Сыкӱд позяс нэм помӱдз бура овны (С.Раевский), *Мыйла нӱ либӱ пусӱ ковтӱгыс* пӱрӱданныд (Г.Юшков); в) **-иг** суффиксӱн: **пырмунӱгмоз** гарыштны, **тӱрмасигтӱрйи** сӱйыштны, **видлӱгмоз** нӱбны да с.в. *Нылыс... яндысигмоз* кыйкнитлывлӱс бать вылас (А.Попов), *Бывла югыдыс зӱв на полӱгтыр* сӱдзӱдыштӱ керка пытисӱ, *Кодкӱ полӱгтыр* вӱрзӱдӱс сӱйӱдыс Иван Алексеевичӱс (Г.Фӱдоров), — *Сӱйӱ тӱ сӱдз, — мӱвналӱгтыр* вочавидзис бригадир (Е.Рочев), **Югдӱгас** Мыл мӱдлапӱв чой горулъс аддзисны Эжваса кымӱм ямицкӱс (И.Пыстин); г) **-тӱдз** суффиксӱн: **Пӱттӱдз**, сӱлӱм **бурмытӱдз** чеччалӱс (Г.Фӱдоров), *Налӱн уджыс, кызди Виктор гӱгӱрвоӱ, абу жӱ дзиридз ӱктӱм. Пӱттӱдз* чизыр тӱлыс и турӱбыс нӱшкалӱ (Е.Рочев), *Ачым аддза — му люкавтӱдзыс* кутӱ овны (Г.Фӱдоров); д) **-ана** суффиксӱн: **мӱрччана** шуны, **ӱскӱдана** висътасны, **позяна**; *Чужӱмыс сӱлӱн гӱрдӱдӱс, корана* видзӱдӱс Катя мам вӱлӱ (С.Раевский), — *Григорьевич, луныс миян кузь на, да и войыс югыд, — лӱсялана* кайтыштӱс татчӱ Миша Кочев (Г.Юшков), *Вӱрӱ ылалӱм морт моз мудзӱма да шы пальӱдана* ышловзис Панев... (Г.Юшков), *Лыткин паськыда очсыштӱс да завидьтана* синмалӱс менӱ (Г.Юшков), *(Виктор) сӱмын на пицальсӱ чӱвтӱс пельпом вылас, пыр жӱ чошкӱдӱс пельясӱ да юалана* видзӱдӱс кӱзяин вылас коз улын куйлыс Лыско... (Е.Рочев); е) **-мӱн, -мӱнъя** суффиксысӱн: **пӱтмӱн** узьны; **бӱрдмӱн** жалъ, турун лӱсӱдны **тырмымӱн, мытсавмӱн** сӱйны, **тырмымӱнъя** чукӱртны, **тӱдчымӱнъя** содны, ваыс кокӱн **судзмӱнъя, ӱштымӱнъя** уджавны, ӱзим **аддзымӱнъя** быдмӱ (КРС), *Саяна да Панев ӱтарӱ пыльсӱялӱсны, везж петмӱн* вӱлӱ на вӱлӱ видзӱдны (Г.Юшков), *Мамыс тыдавмӱн* жебмӱма. *Мой розъ и вӱлӱма, васяньыс кайӱ да водзӱ на мунӱ. Гашикӱ, пон тӱрмӱн*, ляпкӱдчас кӱ (Г.Юшков), *ӱти паръялӱминын збыльыс тӱдчис чаль чунъ тӱрмӱн розъ* (Г.Юшков), *Синмӱн аддзымӱнъя* гӱгӱр лӱсталӱс алӱй рӱмӱн: *енӱжӱ кавиашыс шондӱыс ворсӱс ю веркӱсын* (В.Напалков), *Кӱзяйка некымыныс нин чӱвтӱс ведра ва тӱрмӱн самӱварӱ пӱсь ӱгырсӱ* (В.Напалков). *Урчитанӱ пӱрӱмӱн* ногакывъяс мукӱддырйи *дзикӱдз* воштӱны *накӱд* йитӱдъяссӱ, *весиг* вермасны *вежны* тӱчассӱ, *прӱстмыны*. *Позьӱ* чайтны, *мый* татшӱм ногӱн коми кывйын лоисны **-сӱн** суффикса **пуксӱн** (унмовсьны) сяма урчитанъяс. *Тыдалӱ, медводз танӱ вӱлӱма пуксӱмӱн* ногакыв, *кодӱ* пӱрӱма урчитанӱ тӱчасногсӱ *прӱстмӱдӱмӱн*. *Тайӱ* кыв дорӱ аналогия *серти* артмисны *водсӱн* (лыддъысьны), *восъсӱн* (ӱдзӱс кольмӱма), *кийывсӱн* (уджавны), *сувтсӱн* (зӱрны) да мукӱд кывъяс. *Петӱ* аскинас ытшкыны да *пажынӱдз* эг и *зудъявлы, быттьӱ* ачыс *ветлӱ* (коса), **сувтсӱн** *туруныс* кольӱ, *бӱрвылад* вӱлис пӱрӱ (Г.Юшков). *А* *ниаыд, видзӱ-*

да да, бергөдчыны кутис **сувтсөн** (Г.Юшков). Татшөм сяма туй, тыдалө, вуджисны и **варкйөн** (**варкйөн**, **варкйөмөн** пуны), **восьлөн** (**восьлөн**, **восьлалөмөн** мунны), **вевсьён** (**вевсьён**, **вевсялөмөн** тэчны) да мукөд. Урчитанө пөригөн ногакыв вермас босытны с о д т ө д с у ф ф и к с ь я с, кодъяс лөсялөны урчитанлы да вынсьөдөны сылысь вежөртассө, шуам, татшөм сёрникузясын: — *Оз, оз откажит!* — **эскөданаа** шуис Кирө Вань (С.Раевский), *Свежов мунөм бөрын найө юасянаөн* видзөдлсны мөда-мөд вылас (В.Юхнин), *Повзьөмысла гөстьыд весиг ёрчышитис*, муртса **кывмөнъя** өлөдс *петукөс*: «*Ланьт, труст*» (В.Напалков), *Сиктад* мортыдлы **вежа-видзөмөнджык** на колө овнытө *карад серти* (Г.Юшков), **Кыскымөнсьыс на кыскымөн** лои нопйыс (Г.Юшков). Ногакывлөн адвербиализуйтчөмыс содтө урчитанлысь сідз нин озыр синонимия да вариативность. Шуам, *Гырысь чер-ल्याсыс вөрисны* **дышөдчөмөн** (А.Попов) сёрникузяын гижысь вайөдөма урчитанө пөрөм ногакыв, коть эськө позьө вөлі вөдитчыны *дыша*, *дышпы-рысь* синонимьясөн. Татшөм сяма синонимия паныдасьлө коми кывйын паськыда: *жалитөмөн/жалитана/жальпырысь* (шуны); *өлөдөмөн/өлөдана/өлөдөм* *могысь* (шыасыны); *зывөктөмөн/зывөктана/зывөка/зывөкпырысь* (сёрнитны) да с.в.

91 §. Урчитанлөн лексико-грамматическөй кыв чукөръяс

Урчитанъяс налөн вежөртас да сёрникузяын ин серти юксьёны гырысь торьялана чукөръяс вылө. Тайö обстоятельство вылө индысь, определяйтана да серпасалан урчитанъяс.

О б с т о я т е л ь с т в о а урчитанъяс индөны-стөчмөдөны керөм вөчигөн быд пөлөс обстоятельство: кызди, кутшөм ногөн, кор, көні, дыр-ө, кутшөм помка вөсна мунө керөмыс. Кызвыннас найө бергалөны кадакыв, шөркыв да кадакывйысь артмөм эмакывъяс бердын. На пөвстын торьялөны урчитанъяс, кодъяс петкөдлөны: 1. Ин: а) к ө н і вөчсьө керөмыс: *вылын, ылын, пыдын, бөрын, матын, водзынджык, шуйгавыв, веськыдланьын, мукөдлаас, некымынлаын*; *Базаө каян туйыс россялөма, но ордым кодъяс төдчыштө*. **Өтмөдарас** сук, *шуштөм вөр* (В.Напалков), *Ляпкыдджык* *берегъяс пөлөн овмөдчөмаось бадь пуяс*. **Вылынджык** — льөм пуяс (С.Раевский), *Трөпасяньыс неуна* **бокынджык**, **веськыдвылас**, *пуяс костөдыс тыдыштө неыджыд эрд* (С.Раевский), **Веськыдладорас** вөрыс вөлі томджык и кыз сора (Г.Юшков), *Улис сынөдыс рөмыдаліс* **водзнас**, *вочасөн ру кодьө пөри...* (Г.Юшков), *Пожөм вужля, пель йылөдзыс нин пув коръя, тыдаліс туй шуйгаладорын...* (Г.Юшков), *Көнкө водзын*, *кыла, тотикөдчө сизь* (С.Раевский), *Өти* *школаын велөдчим*, **өтилаын** *быдмим*. *Керкаяс миян* **орччөнөсь** (Н.Куратова), *Лэччис эськө Наташа өні море дінас, пуксис кытчөкө да ёна и мөвпаліс, но казалис* **неылі** *чотликтысь* *Доронинөс*, *веськөдчис сылань* (Г.Юш-

428

асывъясö **водза-водз** садъмём бöрын (И.Торопов); б) к о р с я н ь мунö керöмыс: водзвывсянь, тöрытсянь, асывсяньыс. Мунам **өнисянь** гортö! (Г.Юшков), «Мый мыжысь енмыс ёрис менö **томысянь** öтка олём вылас?» — курыда мөвпаліс сійö Лиза вылö завидьтöмөн видзöдіг (В.Напалков); в) д ы р - ö мунö керöмыс: лунтыр, войбыд, рытывбыд, лунъюгыдөн. **Регыдөн** и воим колана коськөдзыс (Г.Юшков), **Рытбыд** сзэся тэрмөдліс Тихомировөс, мед гижас Москваö... (Г.Юшков), Тырыс пöтка вайис **арбыднас** Виринаялы тайö Ниа нюрысыс (Г.Юшков), **Дырөн-ö-регыдөн**, абу öд часі серти арталöма, коркö и ыб вылас пондіс воссьыны (Г.Юшков), Ньöти ном **гожёмбыд** эз курчав (Г.Юшков); г) к у т ш ö м к а д ö д з мунö керöмыс: тöрытöдз, öнöдз, аръявылөдз, рытсёрöдз. И **өнöдз** со уджалö. **Өнiдз** татчö волывліс мужичöй ветеринар орча сиктысь (В.Напалков). 3. П о м - к а д а м о г : тиыгла, йöйла, скöрла, жаляддза, йöзаддза. Та бöрын Миша Кочев көсйылас вöтлыны Лыткинсö егерсьыс, мед эз вузась аслас уджenas, да **жаляддза** коляс на (Г.Юшков), — Некыздз, — **гажаддза** шуис новлөдлысь. — Водзö ачыс визувтö (Г.Юшков), **Жаляддза** татиöмторьястö, тöдöмысь, оз сетны (Г.Юшков), Нинём эг куж шуны **шемöсмылöмöйла** (Г.Юшков), Старик надмыштіс, **повзёмлаыс** муртса эз уськөд кисыыс самöвар трубасö (Г.Фёдоров).

О п р е д е л я й т а н а урчитаньяс тöдчөдöны керöмлысь, признак-лысь, предметлысь качествосö, индöны, ёна-ö сійö петкөдчö. Тшöкыда найö артмöны качествоа кывберд подув вылын: югыда, тиана, ньöжмыда, нора, меліа, öдйö, нимкодя да с.в. Определяйтана урчитаньяс вочавидзöны кызди? кутшiм? кутшiм ногөн? юалöмьяс вылö. На пöвстын торьялöны: а) качествоа (нога) урчитаньяс: гусьөн-пöлөн, лёка, гатиш, бур ногөн, воссьөн, вевсьөн, кулан выйöдз да с.в. Кык семьялөн челядь быдмисны **öтгудыр**, быттьö öти вевт улын (В.Напалков), Гыжъяснас сатикысьöма пуö, мыдж-сьöма чорыд бöжнас да **дугдывтöг** тотикöдчö ёсь нырнас (С.Раевский), Кык лун **помся** сапкис лым (С.Раевский), Ясыд шондi **лышкыда** койö югöрьяссö (С.Раевский), Көть эськö и зэв **сьöкыднырысь** ставыс сетчö сылы, сы вöсна мый оз вермы сійö **сидз-тадзсö** керны-вöчны, некыздз оз лэп-ты сьöлöмыс, сылы мед эськö ставыс век вöлі **стрöгасьыс-стрöга** (И.Торопов), Неуна и косім, аддзим, кызди Рыжско ырсмунöма-чеччыштöма **бок-выв**, а сзэся **кыккокийв** лэбöма гортлань (Г.Юшков), Ставсö кө **сьöрсён-бöрсён** висьтавыны олём йывсьыд, некор оз помасьлы (Г.Юшков), Натурплататö тай онö жö **кокнипырысь** нуй (Г.Юшков), Микулай лыбöд-чис бөрöздасьыс **пидзöсчаньён**, петіс ортсöдджык, пуксис кутшiмкö гу вылö, кодöс **кималаснас** казалис, кытиовтіс синнас ас водзсö, сöмын мый бöрас, эз видзöдлы (Г.Юшков), И восьлаліс эз **веськыда**, а **көдджөн-көдджөн**, медым не лякны бурджык зöрьяинсö... (Г.Юшков), ...Миша Кочев йитчыліс ськөд рация пыр да **чолөмасорён** висьталіс, мед виччысяс гöstьясöс (Г.Юшков), Коді ышловзис, кодi **жугыля** нюмёвтис — и чөв усим (Г.Юшков), Тиöтиш и

Лобанов эз шыасьлы: чӧсмасис **бурпӧт** (Г.Юшков), Корсюрӧ вожъяс вывсьыс лымйыс шливгӧ-исковтӧ да **сьӧкыда** инейкысьӧ муас, лым вылӧ жӧ (С.Раевский), Сыкӧд **кужӧмӧн** колӧ вӧдитчыны (Е.Рочев), Вӧрыс **шушитӧ-ма** шувгӧ (С.Раевский), Татиӧм лунъясас век **ӧтмоза** чирзӧны пышкайяс, чукӧрӧн лӧбалӧны ӧти керка дорсян мӧдӧ (С.Раевский), ...И коліс кӧть **бӧр-водза** ветлыны вӧрас, но лысьтан ӧмӧй татиӧм кадас ылыстчыны горт дінсьыд (Г.Юшков), Суседъяс **кӧсӧйӧн** видзӧдӧны, кулакъяс пӧ ті, мироедъяс (Н.Куратова), ...Эз **прӧста** пыр суседыс татиӧм **сӧрнад** (Н.Куратова), Пемӧсьяс (мойъяс — Г.Ф.), а колӧ жӧ тадзи кужны: ӧд бадь пуяс да кыз пу вожъяс и пукталӧмаӧсь **вевсьӧн-вевсьӧн**, костъясӧ нуйталӧмаӧсь, а оз тай пасьмун ни письты кыткӧ (Г.Юшков); б) качестволысь либӧ керӧм-вӧчӧмлысь тшупӧд петкӧдлысь урчитанъяс: зэв, вывтӧ, ёна, муртса, неуна, дзик да с.в. **Тӧкӧтьышитӧ** гежӧдджыка, но бара на **зэв** уна пырӧма гычыс (Г.Юшков), Ме видзӧді **вель** дыр да жалитӧ, мыйла эг босьт фотоаппарат (С.Раевский), **Ньӧти** сӧрмытӧг и муні клубад юр вемӧс югдӧдны... (В.Безносиков), Таысь **медсясӧ** Наста и поліс (Г.Юшков), ...Телепит лолі ветлыны да **бон-бус** пинявны кыкнаннысӧ керка шӧраныс (Г.Юшков), Шонді петӧмсян да шонді лӧччытӧдз посни лӧбачьяс радлӧны тулысыслы, **помтӧг** сьылӧны, чолӧмалӧны сійӧс (С.Раевский), Со нин **дзикӧдз** лӧбовтіс узян унымыс лов вывсьыс, но Викень куйлышитӧ на синсӧ восьтытӧг, зіліс сідз на вежӧртны, уна-ӧ нин эськӧ кадыс да **тырмымӧн-ӧ** нин узис (И.Торопов), И бур, мый сэки **вывтісӧ** эз тэрмасьны... (И.Торопов), Пӧрӧдӧм-дасьтӧм керсӧ том гозья туй дорӧдз **ӧнджыкасӧ** ас выланыс и быглялісны да вильыд утьяс вывтӧ шливсйӧдлісны, сы вӧсна мый Викень батыӧн козыналӧм Каркосӧ **ёна** жалитісны: ӧд сылы **тырмымӧн** дӧнзӧ вӧлі сиктӧдз керсӧ кыскигӧн (И.Торопов); в) количество вылӧ индысь урчитанъяс: уна, ӧтиша, унаысь, неуна, ӧтмында, кыкӧн, сёысь, нельӧдысь да с.в. Чӧскыда и пывсим ми сэки, морт **куимысӧн** корӧсясим (Г.Юшков), Мыйӧн пӧ отрядным бӧр воас да доддя туй пуксяс, пыр и вӧрзям, мед рӧштво кежлӧ **ӧтчдысьӧн** бергӧдчыны нин, а то и водзджык на (Г.Юшков), **Унаӧннад** эськӧ ӧдйӧдджык картупельсӧ лӧптисны дай бӧрас пывсьыны на удитисны, да пӧсь самӧвар дорын сӧлӧм бурмытӧдзс сӧрнитышитны (Н.Куратова), Ме сӧ дас кумӧс вайлі да ловйӧннас **куимӧн** кольінныд (Н.Куратова), Аски асывнас колӧ вӧлі лӧбзыны бурӧвӧйӧ, а нопйыс чукӧрттӧм на вӧлі, и кутіс ветлӧдлыны сэтчӧ-татчӧ, **ӧтикаӧн** ваявны босьтанторъясӧ коридор джодж шӧрӧ паськӧдӧм нопйӧ (Г.Юшков), Ковмас, буракӧ, тані тӧвйыны тэд **ӧткӧн** (С.Раевский), Найӧ... **ӧтиӧн-ӧтиӧн** зӧр шепъясӧ аkläлісны (Г.Юшков).

С е р п а с а л а н урчитанъяс коми кывйын паныдасьлӧны тшӧкыда, лоӧны сылӧн аслыспӧлӧслунӧн. Найӧ стӧчмӧдӧны кадакывлысь вежӧртассӧ уна боксян: а) серпасалӧны керӧмлысь муанногсӧ: **шняп** усыны, **пласьт** водны, **мурч** курччыны да с.в. Митрей Семӧыд, вӧрад ветлывлӧма да, не-кытчӧ оз инмыв, **вугыль-вегыль** и мунӧ, а ми энъякаӧд ӧти пуысь кежыш-там, а мӧд пуас и зургам нин пельпомнаным (Г.Юшков), Маргарита Ефи-

мовна татчö **сярöбөн** серöктыишис (Н.Куратова), Дзоляджык чой-вок, нельöнöсь найö — кум вок да öти чой... ас костаныс **тильк-тильк** серöк-тыишöны (В.Тимин); б) петкöдлöны керöмлысь öдсö: **джöм** сувтны, **бырс** сутикыны, **клоп** пöдлавы, **тювк** пырны да с.в. Юрöс ме кылöдi сэк, кор быттö лöньыишис да вöвным **джöм** сувтис (С.Раевский), Сийö чöскыда очсовтис да **звирк** чеччис (С.Раевский), Пласьтвидзысь морт друг öдöб-сьöмөн **звирк** пуксис места вылас... (Н.Куратова), Марья пöч повзис сийö кывьясысь, **ырс** чеччис места вывсьыс (Н.Куратова); в) петкöдлöны керöм-лысь результатсö: **пусь-пась** косявны, **зиль-зель** жугавны, **дзиж-дзаж** разьны, **руз-раз** шыблавы да с.в.

Урчитанлөн лексико-грамматическöй кыв чукöрьясыс торьялöны синтаксисын. Обстоятельствоа да серпасалан урчитантьяс кызвыннас йитчöны ка-дакывьяс да сылөн формаяс динö. Определяитана урчитантьяслөн йитöдьясыс паськыдджыкöсь. Найö вермöны сулавны: а) ка да кыв да сылөн формаяс бердын: **Сьöкыдпырысь пычкысис** югыдыс, арнад тай век кузя да **мырдысьөн моз югдывлö**, дженъидик луныды, буракö, абу жö зэв кокни вермыштыны **кыза личкысь** войсö (И.Торопов), **Вир** сöныс, быттöкö, **вöли буракöд** нин **шойччöма**, **кузяөн öкмöм** мудзьясыс выль луныс кезлö веськалыишöмаöсь, сiдзкö чеччан кад (И.Торопов), **Öдзöсланяс — гöрдöдз** доналöм плитаа пач, ссяня, матыстчан кö, öвтö шоныдөн (М.Игнатов); б) эма кыв бердын: **Керасьны** эз нин сэтшиöма ковмы, **коставлысь** позтыръясөн нин быдмöмаöсь мусюр вывланяс пуясыс, и то **кызвыныс** сьöд вожьяса да парчöсьöм пучерьяса **урöс кыз** да сэтшиöм жö **висьлöс ниа**, быттö гөнсялöмаöсь гöгöр везьялан сьöд ройөн (Г.Юшков), **Шöрыс** дзоридзыслөн катшасинлөн лöзвижөн жö тыдалис, а **доргöгöр корьясыс** — кельыдгöрдөн (Г.Юшков), Эз и ковмы меным кузя лэдзны «мушкасö», **весиг** нетишкыштавны жылкасö эз ковмы, кылi **чорыдакод** **тук-тукнитöм**, и пыж улö кутис менам кысь жылкаыс пырны (Г.Юшков), Ас коддьöмөд век сюрас. **Прöста майшасьöм** (В.Тимин), Пу гöгöрсö **лючки весалöм** бöрын тиуна пусö сыладорсянь, кодарö кöсья пöрöдны (Г.Юшков); в) кыв берд диньы: **Ёна и винёлöсь да ёнöсь** пучейясыд, — водзö висьтавлis дедушыс (И.Торопов), **Снабженец**, ыджыд учреждениеын. Колöкö, **вывтiдэжык** **писькöс** (Н.Куратова), ...**ёна лöсьыд** да **нимкод** сылы... (И.Торопов); г) урчитан бердын: **И** веийыштан **бауөн öдйö**, мед оз варкöд око-пад кырöдöм му сорыскöд тиöтиш, да бара на мыччысьлан (Г.Юшков), Ардальон **эбöстöмвывсьыс бауасьöмөн** пуксис му вылö (Г.Юшков).

Тшöкыда урчитан йитчö дзоньнас сёрникузя динö, весигтö артмöдö сийöс, шуам кöть: Кор ми воим эрд вылöдз, **Иван Иванович** друг сувтис да лэптis веськыд кисö: öлöдис, **ньöжйöндэжык** пö (С.Раевский), Юлялөн быри терпе-ниеыс, шыбитis шатинсö ноп дорö да мунis ты мöдарас, вöрö. Ме вежлалi местаяс, но **весьшöрö** (С.Раевский), Ковмас на. Öнi кö оз, **мöдысьдэжык** (Г.Юшков), **Ми вот, пожöмъяс**, ставыс кö **лючки-ладнö**, дыр олам, нельсö вöдзз **весиг** (С.Раевский).

92 §. Урчитанлөн грамматика категорияс

Урчитан — морфология боксянь омёля вежласьыс кывсикас. Сійö торъя-лö аслас тэчасног боксянныс унапöлөслуннас. Мукöд кывсикаса формаясыс артмём понда сылөн тэчасногас паныдасьлöны уна кыв вежлалан категориялөн колясьясыс, шуам, вежлөг суффиксьяс (*нытикö, луннас, подöннад, асыв-сянныс, водзын, вывті* да с.в.), уна лыда суффикс (*лунтыръясөн, бокъясти* да с.в.), индан-асалан суффиксьяс (*вомгорулас, вомгорулад, войбыдыс, йöйла-ыс* да с.в.). Примеръяс: *Гаикö, и татиöмыс корсюрö овлывлö, но унджы-кыссьö сійö кыйöдчö трöна бокын засадаын* (С.Раевский), *Тöрытъя мыссьöм-пывсьöм бöрын нимкодъ сылы, андел кодъ сöстöмыслы да вöсни шабдi дöраыс небыд улыс дöрöм-гач пасьталöмыслы, — ёна лöсьыд да ним-кодъ сылы вöляникись нюзмасьышитны на гөн вольпасяс да ас кejas мöвпалышитны быдторйыс йылыс* (И.Торопов), *Эня-ая бара öтлаынöсь лöбны* (Г.Юшков), *Войколөн* *вылö петисны эня-ниа гортсьыныс* (Г.Юшков), *Татиöм дыратö* *эз на чукöртчыв, быттьöкö волытöм* *вылö нин мунö, да мед эськö* *эз вун нинöм* (Г.Юшков), *Мыйыс чöv олан сэтшöм важöнсö?* (Е.Рочев), *Важөн нин ме татиöм чöскыдасö* *эг сёйлы* (Г.Юшков). Вайöдöм кывьяссьö оз позь лыддыны урчитанлөн кыв вежлалан формаясөн, öд найö оз артмöдны тырвийö вежласян парадигмаяс, öткөн-öткөн усялöны мукöд кывсикасьясыс да вочасөн кынмöны.

Регулярнöйджык вежласян парадигма артмöдöны качествоа урчитаньяс, кор найö вöдитчöны кывбердлөн öткöд я л а н т ш у п ö д ъ я с к а - т е г о р и я ö н: *ёна — ёнджыка — медъёна, сёр — сёрджык — медсёр, дыр — дырджык — медся дыр* да с.в. Кывбердлөн моз жö, урчитанлөн тайö категорияыс артмöма куим тшупöдыс, кодъяс петкöдлöны качественыс подув вежöртас, сылөн мöд качество дорыс (öткодявны кö) вынаджыка петкöдчöм да качественыс медъёна петкöдчöм. М е д в ы л i т ш у п ö д артмö мед- кывводз да медся кывтор отсöгөн: *медбöрьяыс, медбура, мед-уна, медэтиа, медöдийö, медводз* да с.в. Семён Иван *медводзсянныс матö* *эз сибöд татиöм сёрнисö* (И.Пыстин), *Коймöд лунсö ми медся сьöкыда катим* (Г.Юшков), *Шпал чукöр дорö медбöрын* *дышиникапырыс тапиктис* *Öстап Сашко* (И.Пыстин). Öткöд я л а н вежöртас кутыс -джык суф-фикс вермö содтысьны: а) кывдін бердö: *Этиаджык сёрнит да унджык вöч* (КРС), *Викень тöдтöг оз ов, Анук гöтырыс асывнад кöть эськö и дырджык на узяс, асья унмаджык сійö, но öнi кö вöрзяс Викень, гозпöлыс, дерт, тиöтши жö садьмас да чеччас* (И.Торопов), *Уна вöрсö кокниджык эськö вöлi ю дорö петкöдлыны да кылöдны ва туйöд...* (И.Торопов), *Тувсов зэр мыскалас найöс сöстöм вайн, вердас-юкталас, медым регыдджык тук-тисны да потисны гаръяс* (С.Раевский), *Тöлын унджык луныс букыд, гажтöм* (С.Раевский), *Лым сылгөн белöйяс тиöтши сылисны, ецö водзджык на* (И.Пыстин), — *Ог, — бөр пуксьöдiс Эдуард Ивановичöс Виктор, — ме-*

ным тани **кывыдджык** (Е.Рочев); б) артмём урчитангыс динё, кызвыннас вежлөг формаяс динё: — Пуксям сёйыштам, инё, да лэччам пывсям, — **око-тапырысьдджык** нин сёрнитё Степан (Н.Куратова), **Ковмис шёрланьёдджык** петны, кольны ньёжмыдджык дор визувсё (Г.Юшков), **Куратов ёлөдёмон гарышитіс**: Ради бога, **видзчысьёмёнджык** олоё (Г.Фёдоров); в) урчитан пытшкё: — Иван! Ылалін тай сёрнинад. Велөд, дитя, уроктё, эн дышидчы. Лыдды, лыдды **зільджыка**! (В.Савин), **А мудзём да кынём сюмалём пыр чорыда да ёнджыка топөдө Иванёс...** (И.Пыстин), **А пуляс пыр тишкыдджыка** розьөдлісны керка стенсё (И.Пыстин), **Джуджыд** каменнөй вичкоад ещө **гораджыка** юргө пушкаён лысьсьёмыс (И.Пыстин), **Скөтсё ёнджыкасё** картупельөн вердам (КРС), **Медся лёк видчөмыс сылөн, чорыдджыкасё** оз кууж ни оз лысьт, старовер да (Г.Юшков), **Көсья судзсянаджыка** да **пөтөсдджыка** овны, **бурджыка** челядтё быдтыны (И.Торопов), **Викеньлөн** вармунём син пөлыс визувтіс ортсыё, но ачыс тай бара на ловйөн коліс, көть эськө и, увйыс кө **веськыдджыка** лыйышитіс, вермис на и юр вемсё пазөдны (И.Торопов), **Гажсаджыка** кутісны сьывны лэбачьяс... (С.Раевский). Тшөкыда -джык суффикса урчитан оз кут некутшөм өткодялан вежөртас, сөмын урчитё керөмсё кад либө ин серти. Ёнджыкасё тайё овлө сэк, кор -джык содгыссьё обстоятельствоа урчитан динё, шуам, татшөм сёрникузясын: **Гортас пыр жө пөрччысис да өдйөдджык** водіс, **мед аски водздджык** чеччыны... (И.Пыстин), **Бөрынджык** тайё мөвпгяссё Егор висьталіс тыылы (И.Пыстин), **Тэрмасисны** нуны **ылөдджык** (И.Пыстин), **Горынин, КГБ-са начальныкыс, чорыда көйысис Павел**лы быть шедөдны квартира тайё керкасьыс, а сесся висьталіс **мөдысьдджык**, мый сійö эм нин списокын (Г.Юшков), **Орччөнджык** лоины, да **Одинцов** шуис: — Эн коль менө (Г.Юшков), **Шондйыс** каяс **вылөдджык**, и керка вевтьяс вывсянь заводитө тейөдны войтва... (С.Раевский), **Татчө весиг төвру** оз веськав, лөнъ, сөмын көнкө **бокынджык**, клө, пинясьöны уркай гозья (С.Раевский), **Кымын пыдөдджык** пыран вөрас, **сымын пемыдджык, шуштөмдджык** (С.Раевский), **А водзынджык**, вөр весьтас, горизонтланыс, **кымөрыс вөлі вевттьёма** нин енэжсё (М.Игнатов), **Бокынджык** потишөс **вылө** валитчөмаёс кык мужик: өтиыс тошка, мөдыс ичөтик уска (И.Пыстин), **Аски водздджык** чукав (КРС).

тайо серпас вылас да **ньюжйоникон** шлёнъгисны баракланьо (И.Пыстин), **Гусьоникон** сийо матыстчис Сеня крөватъ динь (И.Пыстин), — Егор Олександрович, оз на лыйо? — **гусьоник** юало сыкд орччон куйлысь Сарпом (И.Пыстин), Василь поп стенсъыс босьтис гитара, кутис **надзоникон** брундчыны (И.Пыстин), Сэсся нюмдөмөн **небыдика** шуис: «Мыйла пö тi бокын сулалад?» (И.Пыстин), Васька Окуль юрсö бергөдигтырйи ставныс вылө видзөдөмөн **нуртөминика** шуис... (И.Пыстин), Сэн менам синъясöй **ичотика** кутисны воссьыны (В.Савин), Белöйяс войнас локтисны **гусьоникон** пароход дiнас (И.Пыстин), ... Топөдөм морөссьыс кылiс сöмын **слабиника** ружтөм (М.Игнатов), Недыр мысти Доронинөс петкөдiсны ывлаө, **матөник** и нүөдiсны... (Г.Юшков), А коснас кө, быдман свежнас да сирөднас тишупан татшөм керсö да **буриника** вевттян-керан, сэки сылы нэмыс оз ло (И.Торопов), Ми **өдйөник** лөсьөдлiм зорөд пыдөссö (Г.Юшков), ...Мойпи **муртсаник** котөртиштiс да ёкмьлтчис, пессьыштiс да ланьтiс... (Г.Юшков). Ичөтмөдан формаяс тшөкыда артмөдöны татшөм сяма синоним радъяс либö весиг варианта формаяс: *этианик/этианика/этианикөн/этианикаөн*; *сёроник/сёроникөн/сёроникаөн*; *гежөдик/гежөдика*; *надзоник/надзоника/надзоникөн/надзоникаөн* да с.в. Пример вылө: *Кадыс пö медбур врачыс, быд пөлөс шогсö **ньюжйоник** песас* (Е.Рочев), *Вежласьөмөн жугөдлам чорзьөм сөйсö да водзөстчам **ньюжйоник*** (Г.Юшков), *Сэсся Юля **ньюжйоникон** матыстчис стен бердö, сысянь кыйкнитлiс-видзөдлiс öшиньöд да гораа серөктiс* (С.Раевский), *Сэсся öтикыс **ньюжйоника** бергөдiс юрсö* (И.Пыстин), *Сёрнитiсны ставыс **ньюжйоникөн*** (И.Пыстин), *Вай **ньюжйоникаөн** лыддöы* (В.Савин); б) продуктивнöй -кодъ суффикс төдчөдö, мый индөм качество петкөдчö ылөсас, оз дзик стöча: *ылынкодъ, ылөкодъ, частөкодъ, унакодъ, ёнакодъ, важөнкодъ, сьөкыдкодъ* да с.в. *Егор Мокеевич вылад өд ёнакодъ жö нин шуасьöны* (И.Пыстин), *Сийö **прамөякодъ** вежссис* (КРС), *Мамыс чышкыштiс килутишнас синъяссö, **курыдакодъ** нюмдiс* (Н.Куратова), ***Збодеракодъ** шыасис* (Н.Куратова), ***Скөракодъ** шуис Кочев, Көть Канев ёнакодъ* манитчис бурөвöйывьвса «охотникъяскөд», мөд луннас югыд синмөн на вуджис Сандивей юсö (Е.Рочев); в) гежөдджыка паныдасьлысь -дзи, -дзик(а), -индзик(а) суффикс кутö ичөтмөдан, корсюрö лөкөдан либö мелөдан вежөртас: *Бöрыннас Öньö Микул **буриндзи** гындыштiс наян гөтырсö таысь* (Г.Фёдоров), — *Көнi?* — ***гусьөндзи** ме юалi* (Г.Юшков), — *Кыськө тай эм, — Раялы моз, **гусьөндзи** шуыштiс Рита...* (Г.Юшков). Тайö суффиксыс отсөгөн сiдзжö тшөкыда артмөны *буриндзи/буриндика/буриндикөн* сяма варианта формаяс. Тайö суффикс чукөрөн артмөм формаясыс кызвыннас бергалöны йöзкостса ловья сёрниын, озджык паныдасьлыны гижөдъясын. Найö озырмөдöны сёрнисö быд пөлөс вежөртасторъясөн, пыртöны стиль боксянь рөмъяс, но оз артмөдны грамматика зумыд категория, кыв вежлалан тыр парадигмаяс.

ОТСАСЯНА КЫВСИКАСЪЯС

11. КЫВБӨР

К ы в б ө р — отсасяна кывсикас, коді век сулалё асвыйёна торъякыв бёрын да петкөдлө сылысь мукөд кывъяс дорё грамматика йитөдъяс. Отсасяна кывсикасъяс пиысь кывбөр медся озыр да аслыспөлөс. Мукөд отсасяна кывсикасъяс моз сійö: а) оз паныдасълы сёрникузяс член пыдди; б) сылөн абу кыввора вежортас; в) абуось аслас грамматика категорияяс. Но мукөд отсасяна кывсикасъяс сійö торъялө өткымын грамматика аслыспөлөслунөн: а) кывбөр век паныдасълө ашөр кывсикаса кыв бердын, на костын эм синтаксиса йитөд (сибөдөм либө веськөдлөм); б) кывбөр торъякывкөд өттшөтш мунö сёрникузяс член пыдди; в) кывбөръясын вермёны паныдасълыны эмакывлөн грамматика формаяс: -яс уна лыда суффикс, индан-асалан суффиксъяс, вынсьөдан суффиксъяс, предикативлөн уна лыда -ось суффикс да качество петкөдлысь -джык суффикс; г) аслас функция сертиыс кывбөр лөсялө вежлөг категориялы.

93 §. Кывбөрлөн торъякывъяскөд паныдасълөм

Коми кывйын кывбөр паныдасълө быд ашөр кывсикаса торъякыв бердын, медся тшөкыда — эмакыв да нимвежтас бердын. Бөръя кык бөрас вермө сулавны став пөлөс кывбөрыс, а мукөд бөрас — сөмын өткымын, вежортас сертиныс лөсяланаясыс. Сідзкө, кывбөръяс вермёны паныдасълыны: 1) э м а к ы в б е р д ы н: *Ю сайын, во гөгөр, тölъысь чөж, йөз моз, бать кодъ. Туй вылад тэд, вок, оз торк бур ни лёк* (И.Куратов), *Виль лым кузяыс* кокниа мунас нартыс... (Г.Фёдоров), — *Бара вомйй кодъ* лоө куранйй, — *жермунліс Зина...* (Г.Юшков), *Кодыр Вөрью кузя турун пуктөмъяс помасисны нин и уджалысь йөзыс сувтісны ыбъяс вылө, сэки Чу-гун Ольöи ловзис* (В.Юхнин), *Син водзад* содысь *ытва моз* повзьөдчис аскиыс: бөръя вöлаяс лэччисны *Горва кузя*, висьталісны, мый Сибир *туй вылас* армеечыс нин сөмын колисны... (Г.Юшков); 2) н и м в е ж т а с б е р д ы н: *сы дорё, на ордө, та выйөдз, сы мында, ас костаныс, тэ кодъ, ме моз, сы вöсна. Кутиём сійö войнаыд, Сандра бура төдө, ас вывтіыс вуджис* (Г.Фёдоров), — *Та мындатө* и ме гөгөрвоа, — *шуйс Ревекка* (Г.Юшков), *Öні ковмас виччысьны вöла туй пуксьөм, коді тані овлө ёна кузьджык миянланьын дорысь* (Я.Рочев), *Ок, ок, ок! Муса вок, эн тэ ме дінө лок!* (И.Куратов), *Лок, Тося, мунам татысь. Код вылө тэ бур кывтө видзан? Гөгөрвоас-ө?* (Н.Куратова), *Кутиём шог вöлі сэк Прокор Иванлы. Эз вермы нывсö юкваён вердыитны да öні сылы сэтійөм кодъ жö лои* (А.Попов), *Тіян съыланьд дас пөв лөсьыдджык миянлөн дорысь* (И.Торопов), *Став вылас* көзяин да *ас*

вылас казак (кывйёз), Мый вылө лөгасян, сы вылө и бурасян (кывйёз), Некод водзын Виринаялы куньтырасьнысё... (Г.Юшков), Сідзи кымын и лои, кор сямтөм на тарсё эз вермы лыйны (Васька) Кальё керка вывсьыс (Г.Юшков). Морта нимвежтасьясы ставыс вермёны паныдасьлыны кывбөрьяскөд нимтан вежлөгын, сөмын 3 морта нимвежтасьяс тшөкыда бергалёны дженьдөдөм формаын: *Пасьтась да пырысь-пыр жө вайөд ме дінө Куршайт Микөлс да Ош Пронькалысь писё! (П.Доронин), — И ме вылө эн дөзмы, — кайтіс Коктөм Косьта. — Мыйысь тэ вылөсё? (Г.Юшков), И евангелльёныс на абу гижөм тэ вёсна! (И.Куратов), И мыйла сідз олөмыс ті кодьсё ёрис? (А.Мишарина), Волас да сөмын пиньясё ми вылө (Варук) (Г.Фёдоров), Гожөм кезлас татчө кутам корлыны дитясё. Мед ми ордын олө (Г.Юшков), Ичөт дырйиыс сійө на ордысь эз и петаवлы (Г.Юшков), Та вёсна кузьджыка сёрниыс на костын эз лолы (Г.Юшков), Мамө кувтөдз вежжон-мөд войдөр на Аннаыс пыравліс миян ордө. Аслас завобозакөд, коді сы бөрысь вуджөр моз век ветлөдіс. Нювсис сы дорын ли... (Г.Юшков), Сэсся и гёлюловыд мыйта колө, сы мында и локтө вөлі найө дінө нажбөвитчыитны... (И.Торопов).* Уна лыда 1 да 2 морта нимвежтасьяс кывбөра тэчасын вермёны сулавны сідзжө асалан вежлөг формаын: *Меным нимкодь кывны тэнад бур удж йылысь. А миян вёсна эн шогсьы (Г.Фёдоров), Сьөд кань али мый тіян костөд прөйдитіс? (В.Безносовых), Сөмын, гашкө, миян ногөн серти унджык кузь тушаа йөзыс (И.Торопов), И миян костын бара на войнадырся олөм йылысь сёрниыс пансис (В.Безносовых). Тайө да сійө индана нимвежтасьяс паныдасьлөны кывбөрьяскөд сөмын дженьдөдөм формаын: Уна-ө пө коран та вылө? (фольклор), Нинөм сы вёснатө (Г.Юшков), Но Ваньө та йылысь ёнасө оз думайт, сійө дзоргө-видзөдө водзө... (И.Торопов), Но Ваньөлы өні некор та йылысь юрсө пазөдны, сылы колө котөртны водзө... (И.Торопов), Кыкнанныс казавтөг эз овны, мый налы окота сёрнитны: и сёрнитны бурети сы йылысь, мый медьёна дзескөдө өні ловнысё... (И.Торопов).* Вынсөдан-морта нимвежтасьяс пиысь кывбөрьяскөд бергалө медтшөкыда ас нимвежтас. Сійө вермө петкөдлыны став вынсөдан-морта нимвежтасыслысь вежөртассө, өд сійө паныдасьлө сөмын асалан суффиксьяса кывбөрьяскөд. Асалан суффикс кывбөрын стөчмөдө нимвежтасыслысь лыд да морт. Примерьяс: *А өні сы вылө, ёсь пеля ныриса ёртыс вылө, медыджыд надеяыс, весиг ас вылас дорысь на ыджыдджык! (И.Торопов), А бур, мый мортыд ас дінас велөдөма тиөти и понйөс! (И.Торопов), Ота-мөд вежмөныс пондісны юасьны дедьясныслысь, кызди тані найө олісны ас кезжаныс... (И.Торопов), Сідзкө, поньяс регыдөн лөсьөдісны ас костаныс мир (И.Торопов), — Да тэ паськөд бугыльястө да бурджыка видзөдлы ас гөгөрсьыд, мый вөчсьө! — өддөмвывсьыс эз вермы сувтны Бисин (И.Торопов), Сэсся деда-внука шүисны эновтлыны чөвтөм шатиньяссьө ас кезжаныс: гашкө пө комьясыс аддзөны миянөс да яндысьөны ли мый ли сөйнысө (И.Торопов), Колө вөлі челядь радиыс этиаджык думайтны ас йывсьы-*

ным... (И.Торопов); 3) **лы да кы в бер ды н:** кык пельö, нель пöвстöн, кум вылö, сё кымын, вит кезлö, дас мында. Кадыс **дас кык вылö** на мурт-са вöлі петöма... (Г.Юшков), **Нелямын саяс** во нин ола... (Г.Фёдоров), **Мый нö Изö** Иваныслы **ветымын сайö**, а бротикасьö керкаысь керкаö... (А.Ульянов); 4) **но га кы в бер ды н:** öткымын кывбöр ногакывкöд тшöкыда паны-дасьлöмысла вуджöма суффиксö, пример пыдди: **чöж:** локтигчöж, **кості:** узигкості, **кежлö:** мунігкежлö, **моз:** сёрнитігмоз. **Купеч** вöлі пасьтасьöма воддза **волігъясö дорысь** скромнöйджыка (Я.Рочев), **Но, да öд сэки,** война бöрад, **бöрйысьмөн мындаыс** эз вöв мужикуловыд (И.Торопов), **Öд тывтö** кыскалігөн, быд ног вöригөн, лöсьыдджыка на позьö гожйöдчыны лыа вы-лын кер моз **куйлігөн дорсьыд** (И.Торопов), **Тиай пузигкості** Петыр сысьяліс йöвтö, **петкöдіс чуланö** (А.Ульянов); 5) **ур ч и т а н бер ды н:** регыд мысти, дыр кезлö, öдйö пыдди, аски кезлö, гусьön моз, мырдöн моз. **Регыд мысти** Прокор Иван вöлі нин Эжва кыр йылын (А.Попов), **И** чужö-мам мем **гусьön моз** сэк асьсö резіс зэр (В.Попов), **Педьö водз пыдди** чеч-чис, а мамыслөн пöжассьöма нин (Б.Шахов), **Но недыр мысти** лои выль дивö: Тэрыб Коклөн ранаясыс вочасөн дугдісны висьны (И.Торопов), **Регыд мысти** ми воим нин Ыб туй вежö (И.Торопов), **Дыр кезлö** вежöрö коліс Ваиуткинскöй тыяс вылö волöм, кысянь заводитчö Адзва юыс (Е.Рочев); 6) **кы в бер д бер ды н** (шоча): Сійö вом тырнас нюмдіс, петкöдіс еджыд пиньяссö, лои дзик **важся кодъыс** (А.Попов), **Дерт,** найö эз артмы-ны öтчыд лолыштöм кості, кöть олöмнымöс ми унаысь öткодъявлам **moid-са кодъён** (Я.Рочев), **...гожся моз** на няйіс-пöжис рытьядор катовтчöм шонді (И.Торопов), Бисинлөн пыдіа пукалысь синъясыс югнитісны, **томдыр-ся мозыс** на югнитісны чардөн (И.Торопов), Дедыс тэрмасьтöг сынö, оз игырысьён сыныштав, но **өнтая серти** водзö кылалöны бурджыка... (И.Торопов); 7) **ка да кы в под бердын** шоча, сöмын öткымын сёрнисикасын (сыктывшöрса, емваса, эжвайывса): **Öльöш,** мыссьыны **пыдди,** вöтчис Устя бöрся да Устякöд сувтіс öти колода вылö (В.Юхнин); 8) **от с а с я н а кы в бер ды н** субстантивация дырйи: **Гаикö да пö вылад** эн надейт-чы (кывйöз); 9) **Кымын да моз кы в б ö р а т э ч а с ь я с бер ды н.** Примерьяс: **Мамöным** эз жö паныдав корасьысьсö, да **вежон мысти кы-мын** радпырысь и кайи киссьöм колхозсьыд... (В.Безносилов), **Ем йылын моз** пукалö, **öгыр вылын моз** сулалö (кывйöз).

Сёрникузьяса öтсыма членъяс дырйи кывбöр вермö паныдасьлыны: а) öтчыдысь, сöмын медбöръя кы в б ö р а с. Унджы-кысьсö кывбöр паныдасьлö сёрникузьяса öтсыма кык член дырйи: **Муса** да **колан саяд** мунігөн синваыд оз пет (кывйöз), **Гортад** олігад быттьö кык **мам** да кык **бать дінын** олан (кывйöз), **Николай Митрофанович** вой-быд кыйсьöма, **юква** да **жаритмөн вылö** кыйöма жö (В.Ширяев), шоча не кымын член дырйи: **Кöть эськö и коньöрушкалөн** кык **улыс дөрöм-көрöмаысь** да **платтьö-ковтаысь, ситеч чышгянысь** да **ботинки**

гозйысь отар немтор сэсся эз и вёв (И.Торопов). Кывбөр кө веськөдлө кушмкө вежлөгөн, сёрникузяся отсяма членъяс пиысь вежлөг формасө вермёны босътны ставныс либё сёмын бөръяяс: *Училищесы да библиотекас кындзи* ме некытчö оз ветлы... (Л.Огнёв), *Свежов да Асныровысь кындзи* вёліны ещö кык том морт (В.Юхнин); б) б ы д т о р ь я к ы в б ö р ы н (ёнджыкасö кывбуръясын да сыланкывъясын). Сёрникузяся отсяма членъяс бёрын сулалö оти и сійö жö кывбөр: *Нылыд сійöс окаліс, окаліс да шуаліс: Ю вомён, тьöс пос вомён* Мусук менö вуджөдіс... (фольклор), *Ю сайын да ва сайын* Вьль слөбөда тыдалö (фольклор), либё вөдитчöны синоним-кывбөръясөн: «...Педөр Кирондй, роч му кутысьöй, Роч багатырöй да бур мортанöй, тэнö корсисны *гымкөд паныд, чардкөд воча*» (фольклор). Шоча оти торъякыв бердын вермёны паныдасьлыны отсяма кывбөръяс: *Кор нö тайö вежа висътсö чужтöма? Лэбач-кадыс вуж выйоныс, бердөдыс* (Е.Козлов).

94 §. Кывбөра тэчасын йитөд

Кывбөр торъякывкөд отвылысь артмөдö кывбөра тэчас. Коми кывйын эмöсь кык пöлöс кывбөра тэчасяс — сибөдан да веськөдлан йитөдаяс. Унджыкысьсö торъякыв сибөдö ас бердас кывбөрсö. Кывбөра тэчасын эмакыв да нимвежтас сулалöны н и м т а н вежлөгын, уна лыда 2 да 3 морта нимвежтасяс — тшöтш а с а л а н вежлөгын. Примеръяс: *Ю вомён шатин* кучкöма (öшкамöшка) (нöдкыв), *Керка гөгөр* сира гез (нитш) (нöдкыв), *Гöль олöмыд кöдзыд зр улын олөм кодь* (шусьöг), *Сэки Бисиныс* вöралан кузь пуртнас ырыштчис *ме вылö*... (И.Торопов), *Сэсся и гöлюловыд мыйта колö, сы мында и локтö вöлі найö дінö* нажөвитчыштны... (И.Торопов), *Вьль властыыс вед мян дор* лои, гöльяс дор... (И.Торопов). Откымын кывбөр нимтан вежлöга торъякывъяс кындзи вермö паныдасьлыны тшöтш мукöд вежлöга кывъяс бердын. Тайö — *вылö, воча, паныд, кындзи, öприч, öтдор, отар* да откодялан кывбөръяс. *Вылö* кывбөр «кодлыкö мыйкö сийм» вежөртасын тшöкыда сулалö с е т а н вежлöга торъякыв бердын: *И колис мянлы красноармейскöй паёк да деньга тэнлы вылö* (Б.Шахов), *Овмөдісны сійöс паськыд öшина, джуджыд йирка öтнаслы вылö* ыджыд вежöсö (П.Шахов). *Воча* да *паныд* кывбөръяс вермёны паныдасьлыны с е т а н да ö т в ы в т а н вежлöга торъякывъяс бёрын, кывбөра тэчасын кө подув кывйыс ловъя эмакыв, нимвежтас, шоча ловтöм эмакыв. Ловтöм эмакыв пасйöм кывбөръяс водзын пырджык мунö н и м т а н вежлөгын: *Сэсся управляющöй пызан дорö матыстис сьöкыдкодь кыз пу улöс, пуксис Туисовлы воча* (В.Безносиков), *Сылы воча* пукалісны кык нывбаба (А.Попов), *Шылыыд набойяса, шöрланьыс паськалöм пелькиник пипу пыж шлывгис ю веркөсöд öдöба, кöть эськö и визув паныд* (И.Торопов), *Лöня да кывзысьмөн кө олан, некод нин оз юрси паныд* зуышт (В.Безносиков), *Сэсся налы паныд* уськөд-

чис сьёдов кудриа юрсиа... ныв (В.Безносиков), — Мый лои? — Олексей сани тар моз копыртчис **нывлы паныд** (В.Безносиков), *Восьлалёны (нывьяс) керёс паныд*, но важ моз жё кокниа (В.Безносиков), *Педёр Кирондой, роч му кутысьдой, Тэнё пё вед корёны Гымкёд воча, Чардкёд паныд* (фольклор), *Керка гёгёрыс кытишовтас, Другыскёд паныд лоё* (фольклор). Кындзи кывбёр паныдасьлё кер а н да п е т а н вежлёга эмакыв либё нимвеж-тас бердын. Примерьяс: **Чумысь кындзи** налён некутийом керка эз и вёвлы (И.Торопов), *Корысьыдлысь коран мешёкё кындзи босьтны нинём* (кывйёз), *Озырыдлы уджалёмён гёрб кындзи нинём он нажёвит* (кывйёз). **Отдор, отар** да **оприч** кывбёрьяс веськёдлёны сёмын п е т а н вежлёгён: **нянь-ысь оприч** нинём эз вёв, **меысь оприч** вёлі морт нёль, **тэысь отдор** некодёс эг кор; *Оні менам, тайё австрийскёй ботинкиысь отар*, вёлі тиётти и ту-лыс-арын новлан литовскёй пальто... (И.Торопов). *Кодь, моз, дорысь, сер-ти* кывбёрьяс вермёны паныдасьлыны быд вежлёга торьякыв бёрын: кутшом вежлёга кыв откодявсьё, сэтшом вежлёгын и сулалё кывбёра тэ-часа торьякыв. Примерьяс: *Луныс вёлі шондiа, но Сыктывкарын серти танi ёна ыркыджык* (И.Торопов), *Танi абу карын кодь, а ставыс аслысьяма, мёд нога* (С.Раевский), *Войнаёдыд Комиад поводдяыс Сибирын кодь* вёвлі (В.Безносиков), *Сувтёдём из кодь морт морёсыс, гашикё, кык пасьта мукё-дыслён дорысь...* (Г.Юшков), *Васька шыбитчис туй вылас, медтыкё ёдйёав-ны джуджыд лымйёд дорсысь...* (Г.Юшков), *Олём, ньёжмыд и ёддзём, нойтё ёдзёсас гыясён моз* (В.Попов), *Блё туйё моз, кадё кыскёмён, и веж-сис да ыстёмакодь муніс гёрд пельёсас* (Г.Юшков), *Юыс чукуля-мукуля визувтис топыд берегыс костын, ворйёд моз* (И.Торопов).

95 §. Кывбёрын кыв вежлалёмлён колясьяс

Унджык кывбёрыс сёвмёма торья вежлёга эмакывйысь. Та вёсна коми кывйын кывбёрьяс вермёны босьтны эмакывлысь откымын грамматика форма. Тайё аслыспёлёслуныс торйёдё кывбёрсё мукёд отсаяна кывьясысь. Кывбёр пиын вермёны паныдасьлыны: 1) кынмём вежлөг формаяс, 2) индан-асалан суффиксьяс, 3) -яс уна лыда суффикс, 4) -ёсь предикативлён уна лыда суффикс, 5) -тё, -сё вынсьёдан-тёдчёдан суффиксьяс, 6) -джык суффикс, 7) -ник ичётмёдан суффикс.

1) К ы н м ё м в е ж л ө г ф о р м а я с. Кывбёрьяс пиысь унджыкыс артмёмны вежлёга эмакывьясысь, сы вёсна кывбёр тэчасын тшёкыда паныдасьлёны вежлөг суффиксьяс. Асьныс кывбёрьясыс вежлөг сертиыс оз вежласьны. Вежлөг формаа быд кывбёр — ашёр кывбёр, кодлён эм аслас, сёмын сылы лёсялана вежёртас. Кывбөрё тшёкыда кынмёмаёсь и н а в е ж л ө г с у ф ф и к с ь я с а эмакывьяс, на пиысь медся тшёкыда — пытшкёс ина вежлөг суффиксьяс, шоча — матыс ина вежлөг формаяс (видзёд «Кывбёр позьяс» таблица). Мукёд, абу ина, вежлөг формаяс кыв-

бөръяс озджык паныдасьлыны. Позьё пасйыны, мый өткымын кывбөр тэчасын кольёмаёсь: а) *керанторъя вежлөг* суффикс: *вийён, мозён, сорён, ногён, чөжён, этиён, сямён, пөвстён, отсөжён, вомён*; б) *өткө-дьялан вежлөг* суффикс: *бөрся*; в) перым кадся аллатив вежлөг-ла суффикс: *насьтала, кузяла*. Өткымын кывбөрысь позьё казьявны тшөтш вежлөгъяслысь важ формаяссө.

2) *Вынсьөдан-төдчөдан -тө, -сө* суффиксьяс. -Тө да -сө суффиксьяс тшөкыда паныдасьлөны кывбөръяскөд нимвежтаса тэчасьясын налысь вежөртассө төдчөдөм могысь. Примерьяс: *Мыйкө өд вайёдіс жө миян ордөсө?* (Г.Юшков), *Тільс-тольс и лоө кубометр лыдыд, дай сы мындасө* на колө кык пельö юкны, кык вугъя өд пилаыд (Г.Юшков), *И мыйла сідз олөмыс ті кодьсө ёрис?* (А.Мишарина), *Челядьлы нимкодьлун вылө позьё и манитчыитны сы мындатө* (П.Шахов), — *Та мындатө и ме гөгөрвоа*, — *шуис Ревекка* (Г.Юшков), *Сійө тэ кодятө төдө жө...* (В.Безносиков), *Ичөт көшө нин, мельничаын моз, воёма сьлөн изаныс, да ичөт ваён нин и изас та мындатө* (Г.Юшков), *Ва паныдтө* пыжыд ачыс оз кат (кывйөз).

3) *Индан-асалан* суффиксьяс. Кывбөра тэчасын асалан суффиксьяс эмакыв шочджыка паныдасьлө суффикстөм дорысь, суффикссө тшөкыдджыка босьтө кывбөрыс. Примерьяс: *Ёна и скөрмис внукыс вылө Опонь дед* (А.Одинцов), *Таысь сьлөн сьөлөмыс доя, и некыдз оз вермы бурасьныс ни совхозса управляющөй вылө, ни этайө уджалысь зонмыс вылө* (В.Безносиков), *Пасибө*, — *шүө, тэныд, бур морт, перйөмыд вылө* (фольклор), *Гу дорас шыбитчи да дыр олялі айканым вөсна...* (В.Безносиков), *Сэс-ся изкисө и бөрйис Ваньө пызанныс пыдди* (И.Торопов). Кывбөр пиын паныдасьлысь индан-асалан суффикс гөгөрвоөдө эмакывлысь вежөртассө морта нимвежтас моз, пример пыдди, *кок улам — менам кок улын; кок улад — тэнад* кок улын, *кок улас — сьлөн* кок улын; *кок уланым — миян* кок улын; *кок уланыд — тиян* кок улын; *кок уланыс — налөн* кок улын. Индан-асалан суффиксьяс ставныс вермөны йитчыны кывбөр дорө, но оз өтмоза. Медся тшөкыда паныдасьлөны 2 да 3 морта өтка лыда суффиксьяс индан да асалан вежөртасьясын. Примерьяс: *Ме думысь, шудыд быд мортлөн ас саяс...* (Г.Фёдоров), *Мукөд дорсьыс төдчымөн ёнджыка кутіс омөльтчыны Геркулес* (И.Торопов), *Детинка ниртыитіс кинас чужөм вывсьыс синвасө...* (Л.Огнёв), *Да өд груза додда вөвьяснад вөр выветіыс он лэбзы* (Г.Фёдоров), *Генерал оз вөлі төд, мый тайө сійө Иваныд, кодөс сійө мездіс пу дінсьыд* (фольклор), *Мун телега дорад да шу: «Йитчы-клеитчы...»* (фольклор), *Лёк-над сійөс он босьт, Лёк вылад сійө ачыс лёк* (Г.Фёдоров), *Тэ нө мый, Митреевич, кильчө вылад өбөдайтан?* (П.Доронин). Мукөд индан-асалан суффиксьяс йитчөны кывбөръяс дорө шочджыка, сөмын кывбөра тэчасын подув кывйыс кө нимвежтас либө эмакыв, коді кутө мортлысь торйөдны позьтөм юкөн, качество, свойство, рөдвуж вежөртас, а сідзжө эмакывйөн индөм эм-

торйыс кӧ субъектлӧн асалантор. Примеръяс: *Муні да муні, кыдзи мойдын, вӧрыс **ныр улам** моз, а оз лок* (Н.Никулин), ... *и **син улам** пыр и усӧ лӧзалысь ва...* (И.Коданёв), *Бытьӧ мян юр вем **пыддиным** шузьӧм юм* (В.Безносовых), *Кӧдзыд ваӧн резӧм вӧсна ставным кӧтасим, но **сӧлӧм выланым** быдӧнлы долыд* (В.Безносовых), *Мыйысь сераланнӧд, сійӧ и **ас вывтіныд** вермас мунны* (В.Безносовых), ***Пельпомъяс выланыс** карнана ведраяс тырӧн найӧ сувтісны туй шӧрӧ...* (Г.Фёдоров), ***Сёрни костаныс** сӧсся Петра сюйсис...* (Г.Фёдоров), *Бӧрдӧ, кылӧ, **мышку саяным** сталиндырся уна во* (Г.Юшков). Сёрни кокньӧдӧм могысь индан-асалан суффиксяс кывбӧръясыс вермӧны вежны нимвежтася кывбӧра тӧчасьяс. Татшӧм позянлуныс артмӧ сы вӧсна, мый морта нимвежтасьяс да индан-асалан суффиксяс ӧтмоза индӧны морт былӧ. Медся тшӧкыда вежсьӧмыс паныдасьлӧ ина, пыран да петан вежлӧга кывбӧр тӧчасьясын. Примеръяс: а) *и н а в е ж л ӧ г а к ы в б ӧ р ь я с: Сюри Пера багатырьд: Бурети сійӧ локтіс гортас, Вайӧ пысалӧмӧн **ордас** Шыыс йылын сизим ош* (В.Лыткин), *Вӧнь сӧк Мизя кыс-кис зептысь, Муртса кисӧ сійӧ лӧптис — Воссис **водзаныс** веж луд* (В.Лыткин), *А сӧсся и олӧмаджык Ӑньӧ шуис томджык ӧртыслы: — Тӧ, Илля, зонмӧ, ружьетӧ **дӧнаджык** кут...* (И.Торопов), *Бур ним-славатӧ кууж видзнытӧ, **ордад** кут* (шусьӧг), *И аддзис... юра лӧзья да лӧптӧм гӧленя бакилӧяса мортӧс... **Дӧнас** тыдаліс неуна нопья нин мешӧк* (Г.Юшков); б) *п ы - р а н в е ж л ӧ г а к ы в б ӧ р ь я с: Сӧсся локтіс шемӧс аньыд Ньӧжйӧникӧн Мизяланьӧ, Меліа видзӧдліс **вылас**, еджыд кисӧ сетіс сылы* (В.Лыткин), *Мунӧй, виӧй Ёма нывсӧ! Дзирыд тывборд босьтӧй **ордад**, веж-жавидзиг нуйӧ гортад* (В.Лыткин), *Тӧрыб Кок мудзис нин шензьӧмысь да весиг эз думыштылы, кыдзи позьӧ васӧ матыстны **дӧнад**, а не аслыд матыстчыны сы дӧнӧ* (И.Торопов), *Павел ньӧжмӧдіс, ...кывзысиг, лажыньтчис **дӧнас** лӧсялӧм коз улӧ* (Г.Юшков), *Сиктад ӧд мыйкӧ аслысногджык кӧ лӧй шуӧма, сибдас **бердад*** (М.Игнатов); в) *п е т а н в е ж л ӧ г а к ы в б ӧ р ь я с: Сійӧ пияныслы шуӧ: «**Сьӧрсьым** вузӧс уна нуа...»* (В.Лыткин), *Пераыд зӧв удал вӧралысь вӧлі. **Сьӧрсьыс** эз новлӧдлы некутиӧм пицаль...* (В.Лыткин), *Пачын пӧжалісны сирлысь квайт ӧн тиытши, босьтісны **сьӧрсьыныс** (куим вок)* (И.Торопов); г) *в у д ж а н в е ж л ӧ г а к ы в б ӧ р ь я с: Вася дрӧгнитіс, вӧсьтіс синьясӧ. **Дӧнтіыс** мир туй вывті гӧнитіс вӧла* (Я.Рочев).

4) - *Я с у н а л ы д а с у ф ф и к с*. Уна лыда -яс суффиксӧ кывбӧръяс йитлӧны шоча. Сійӧ ӧнджыкасӧ паныдасьлӧ ина да када кывбӧръяс тӧчасын, стӧчмӧдӧ кывбӧр водзын сулалысь эмакывлысь вежӧртассӧ. -*Яс* суффикс вермӧ тӧдчӧдны: а) *эмакывйӧн индӧм э м т о р л ы с ь у н а л ы д: И сӧмын кор нин **карта сайясті** локтіс да пырис гортас, доршасьны кутіс синваыс...* (Г.Юшков), ***Паччӧр вывъясьяныс** Пӧчьяс чуксасьӧны* (И.Куратов), *Комнатаыс вӧлі вель ыджыд, **стен бокъясас** сулалісны улӧсьяс, кык пызан* (Б.Шахов), ***Пур доръясын** скӧрысь нӧйтчӧны гыяс* (И.Торопов); б) *к а -*

дысь кадö мунысь керöм: *Ужин бөрьясын, войпукны петтöдз, тадзисö унаысь сійö шойччывлö* (В.Юхнин), *Пажын бөрьясын тиöкыда зэрлывлis; Йöктöм да ворсöм костьясын тишемилö песисны, чунь крукөн кыскасисны, вермасисны...* (Г.Фёдоров); в) и н в е ж ö р т а с л ы с ь у р ч и т т ö м п а с ь к ы д л у н: *Чöс туйыс Öньöлөн ыджыда кытиовтö Биа-сёръяö лэччысь Öньö-эль гөгöрьясöд...* (И.Торопов), *И батысь сылөн, öнiя Öньöлөн, и пöлыс, и пöлыслөн пöлыс век нин кыйсьылöмaöсь Öньö-эль гөгöрьясын* (И.Торопов), *Сійö быттö бордьяссис: бурджыка кө öвтыш-тас кияснас — орöдчас му эжсьыс, лэбзяс-шывгас öнi муяс, вөръяс, еджыд руён шебрасьöм Эжва весьтьястi...* (Б.Шахов).

5) У н а л ы д а - ö с ь с у ф ф и к с. Кывбөр тэчасын паныдасьлö сiдзжö уна лыд вылö индысь -öсь предикатив суффикс. Сійö йитчö кодь да ина суффикса кывбөръяс дорö, кывбөра тэчасыс кө мунö сказуемöйлөн нима юкөн пыдди уна лыда эмакывъя либö нимвежтаса подлежащöй бердын. Примерьяс: *Арнад — купеч кодьöсь, тулыснад — корысь кодьöсь* (шусьöг), *Лым чирьяс эзысь бобув кодьöсь. Шондi петöмсянь да шондi лэччытöдз найö видз вылынöсь* (В.Юхнин), *Мöдiс югдыны, кык вок вöлины нин öшинь уласöсь* (В.Юхнин), *Менам öд томана öдзöс сайынöсь дитясыс, кысь налы лымйыс?* (Г.Юшков), *И вот найö пу йывьяс весьтынöсь, вылöджык и вылöджык кайöны, лэбöны веж парма весьтöд* (Г.Фёдоров).

6) -Д ж ы к с у ф ф и к с паныдасьлö медясö ина да öткодьялан кывбөръяс тэчасын. Сійö содтö кывбөр вежөртасö вынсьöдан-öткодьялан рöм. Примерьяс: *Менö мича нывьяс дiнöдджык пöрöдö!* (Г.Фёдоров), *Ме карта гөгöрдджык бергалi* (В.Безносиков), *Сы вылöджык и зiлис тувчавнысö, мед көть вирус воыштлас* (Г.Юшков), *И ме тэнö радейта... Гашкö, сöмын мам моздджык* (И.Торопов), *Веня... киасис... ёртьясыскöд да пуксис öдзöс дорö-дджык* (П.Шахов), *Танi бурети öтласьöны кык ю дзик öткодьöсь, öтпась-тайöсь, сöмын тай шуйгаыслөн ваыс тöдчымөн сьöддджык, нюр ва кодь-дджык* (И.Торопов).

7) -Н и к с у ф ф и к с паныдасьлö кывбөръяс тэчасын шоча. Сійö содтö кывбөр вежөртасö ичöтмöдан рöм, пример пыдди, *Старöста öтчыд жö петалис блюдиён öктысьны: мый нö öктан та мынданик йöзыдлысь?* (В.Савин).

96 §. Кывбөра тэчасьяслөн сёрникузяын ин

Кывбөра тэчасьяс вермöны бергавны сёрникузяса быд член туйын: а) о б с т о я т е л ь с т в о (ина, када, помкаа, нога, мога) т у й ы н: *Джуджыд вөр шöртi, крут слудаяс костöд, тиöтшикös юра ягьяс пöлöнтi гартчö, котöртö визув Висер ю* (Г.Фёдоров), *Лымъя эрдьяс вывтi тюрис көлöкольчик шы* (Г.Фёдоров), *Асывбыд кезлö сылы тырмö танi уджыс* (А.Попов), *Пинжакасьлöны да шапкаасьлöны найö сöмын шоныд дырйи*

тиапитчём могысь праздник луньясё... (Я.Рочев), *Та вёсна нёшта нин мустёма коли энъ сюзьлөн тайё луныс* (Г.Юшков). Обстоятельство пыдди мунігөн кывбёра тэчас вермё гөгөрвоодны к а д а к ы в: *Сулалё сюръя моз, ломтысьё биён, жар абу ни ру абу* (нөдкыв), *Паччёр вылын асьтё эн кыпёд, а ывла вылын эн пов* (кывйёз); урчитан: *Пожёмъяс сулалісны сись-яс моз* веськыда, *пыш моз тиёкыда* (В.Юхнин); с ё р н и к у з я с ё с т а в н а с: *Пёлёс морт вылын паськёмыс пёлёс* (шусьёг), *Нянь-сов дінад гутыд век пукяс* (шусьёг); б) д о п о л н е н и е т у й ы н: *Опонь дед эз кёсйы кывзыны некутишём пыж йылысь* (А.Одинцов), *Сійё сёмын шензьышитіс Толялөн не то тиапмыштём, не то оийысяна гёлёс вылё* (А.Попов), *Бритчытём чужёмыс пөльтчёма, дженъыдик съод тошкыс тер-тука вылё шамё* (В.Безносиков); *Паськём пыдди сійё новліс Куим вуртём йёра ку* (М.Лебедев); в) г ө г ө р в о ö д ы с ь т у й ы н: *Мачта кодъ пожём дрёгнитіс туганнас да отарё өддзис, швачкысис-усис лым пытишкё ас кодъыс жё пожёмъяс костёд* (В.Юхнин), — *Ставыс сись кодъ шыльыд да жыннян кодъ гора кер, — стёчмөдіс дедушыс* (И.Торопов). Кывбёра тэчасыс вермё гөгөрвоодны э м а к ы в: *Голь олёмыд көдзыд зэр улын олём кодъ* (кывйёз), *Мудеркөд эн төдмась, ас кодъ ёртёс корсь* (кывйёз), *И пыдын, лыас, желлясьём кодъ дой кылё* (Г.Юшков), *Нывбабалён мойдём кодъ сёрниыс быттьё гычөдө Ильяёс* (В.Безносиков); к ы в б е р д: *Гидйысь петаवлытём қукань кодъ* рам нылыс (кывйёз), *Поликарап мыччис меным куим вожа пу лэбын, йи кодъ шыльыд да ён* (Г.Юшков), *И кок пыдөсьясыд на доймалёны: несласян пөв кодъ* чорыд да посни ёсь сера пыдөса лыаыс (Г.Юшков); г) с к а з у е м ö й л ö н н и м а ю к ö н т у й ы н: *Вөрын первой лым выль книга кодъ* (В.Юхнин), *Менам жоньясыс, пыстаясыс гүмла дорынёсь* (П.Шахов), *Тыдалё, унаён нин и кыз му улынёсь* (В.Афанасьев), *Бабаылён видёмыд пёсь шаньга сёйём кодъ* (кывйёз), *Юрсиыд дзормёма, шочмёма, кёсаыд кольёма шыр бөж кодъ* (Б.Шахов); д) п о д - л е ж а щ ö й т у й ы н: *Куим чой пиысь Калиса* медся ичөт арлыда (В.Безносиков), ... *тайё лөнъ асывводзнас сыысь кындзи сиктын унаён оз узьны* (Я.Рочев). Торйөдана кывбёра тэчасьяс тиёкыда вермёны мунны подлежащöйлөн стөчмөдан юкөн пыдди. Ашпөр подлежащöй туйын кывбёра тэчасьяс паныдасьлөны сёмын ловья сёрниын абу тырвуйё сёрникузясөн вөдитчигөн: *Кымын морт воліс тіян конференция вылө? — Сё сайё.*

97 §. Артманног серти кывбөр чукөръяс

Артманног сертиыс кывбөръяссьö поэть юкны кык пельö — поэзя (серия артмөдысь) кывбөръяс да өтка (позтём) кывбөръяс. П о з ь я к ы в б ö р ь - я с артмөмаёсь өти кыввужья уна сикас вежлөга кывьясысь. Найё отувт-чöны аслысьяма кывбөр поэзясö. Коми кывйын паныдасьлө комын сайё татшөм поз. Поз артмөдысь кывбөр лыдыс абу век өтмында. Медся ичөт поз

шымыртö куим кывбөр, кодъяс артмөмаёсь пытшкөс ина вежлөга кывъясысь. Тадзи сөвмөма тэчаса кыввужъя унджык кывбөрыс, пример пыдди, *водзвыв-: водзвылө, водзвылын, водзвылысь; водзладор-: водзладорын, водзладорысь, водзладорө*. Куим членаёсь тшөтш *пом-, сьөр-, ортсы-* кыввужъя кывбөръяс. Медся ыджыд поз артмөдöны *берд-* да *дор-* кыввужъя кывбөръяс. Налөн лыдыс воёма нин дас öти — дас кык кывйөдз: *берд-: бердын, бердысь, бердө, бердсянь, бердлань, бердөдз, бердөд, бердти, бердланьын, бердланьысь, бердланьсянь; дор-: дор, дорын, дорысь, дорө, дорсянь, дорлань, дорөдз, дорөд, дорти, дорланьын, дорланьысь, дорланьө*. Коми кывйын эмöсь кöкъямыс, сизим, квайт, вит кывбөра поэяс. Колö пасйыны, мый кывбөр лыдыс матыс ина вежлөга кыв формаяс подув вылын вермас на содны.

Öткa (п o з т ö м) кывбөръяс оз артмөдны öти кыввужйысь öтувъя поз. Найö артмөмаёсь эмакывлөн кутшöмкö öти формаысь (*могысь, отсöгөн, этиөн* да мукöдъяс), урчитанысь (*пыр, паныд, воча* да мукöдъяс) либö пырöмабсь коми кывйö рочысь (*ради, öприч, пöперег*). Öтка кывбөръяс пöвстысь поэьö торйөдны некымын торъя формаын паныдасьлысь кывбөрчукöр. Тайö кывбөръясыс оз öтвччыны кывбөр поэйö, бергалöны асвийöна торъя кывбөръяс моз. Тшöкыда найö паныдасьлöны синонимъяс либö формальной вариантъяс моз, шуам, *кості/коста/костіөн; сор/сорён; ногён/ногсён/ногаён; мысьт/мысти; кезлө/кежö; кузя/кузяла; пасьта/пасьтала*. Öтка кывбөръяс медся тшöкыда паныдасьлöны подув формаын, пытшкөс ина (öти кыввужъя öти либö кык кывбөрын) да керанторъя вежлөг формаын. Корсюрö кывбөр тэчассьыс оз нин поэь торйөдны вежлөг суффиксö.

Кыёбёр поэяс

Бекжол	Нимтан	Пыран	Петан	Ина	Ылысчан	Матысчан	Воан	Буджан		Матыс ина	Матысь петан	Матысь ылысчан	Matò матысчан	Matì буджан	Откодлан	Керанторья
Берд-		+	+	+	+	+	+	+	+	+	+	+				
Бок-		+	+	+	+	+	+	+	+							
Бёр-		+	+	+	+	+	+	+	+						+	
Бёрывав-		+	+	+				+								
Вевдор-		+	+	+	+		+	+	+							
Весы-		+	+	+	+	+	+	+	+							
Водз-		+	+	+	+	+	+	+	+							
Водзвыв-		+	+	+												
Водзладор-		+	+	+			+									
Выв-		+	+	+	+	+	+	+	+	+			+			+
Вый-		+	+	+			+									
Вья(-)	+	+	+	+			+	+	+							
Гогёр(-)	+	+	+	+	+	+	+	+	+							
Дін-		+	+	+	+	+	+	+	+							
Дор(-)	+	+	+	+	+	+	+	+	+	+	+		+			
Йыв-		+	+	+	+	+	+	+	+	+	+		+			

Бекжіт	Нимтан	Пыран	Петан	Ина	Ылысчан	Матысчан	Воан	Буджан		Матыс ина	Матыс	Ылысчан	Матö	Маті	Буджан	Откодлан	Керанторья
Кеж-		+	+	+			+	тi-	юд-								
Кост-		+	+	+			+	+	+								
Мыш(к)-		+	+	+									+				
Орд-		+	+	+	+		+										
Оргы-		+	+	+													
Пасыала(-)	+		+	+													
Пи-		+	+	+	+		+	+									
Пом-		+	+	+													
Пөвст-		+	+	+	+			+	+								
Пөлөн(-)	+	+	+	+	+			+	+								
Пытш(к)-		+	+	+	+		+	+	+								
Сай-		+	+	+	+		+	+	+	+				+			
Сьөр-		+	+	+	+												
Ув-/улі-		+	+	+	+		+		+	+					+		
Улдор-		+	+	+	+		+			+							
Шөр-		+	+	+	+		+		+	+	+		+				
Шөрвай-		+	+	+	+				+	+							+

Өткә кыббөрҗас

Суффикс кыввуҗ	Ø	-а	-өн	-ө	-ын	-ысь	-өд	-өдз	-сянь	-йи	-та	-ла	-ти	-лө
Аддза	+													
Бөр													+	
Вомбн	+													
Воча	+													
Вөсна	+													
Дыр-		+							+	+				
Кеж-				+										+
Кодь(-)	+	+												
Кост-		+												
Кузь-		+									+			
Кузя												+		
Кымын	+													
Кындзи	+													
Места-				+	+									
Мог-						+								
Моз(-)	+	+												
Мында	+													
Мысти/														
мысьт	+		+											
Ног(-)	+		+	+										
Нылыд	+													
Отсөг-			+											
Өприч	+													
Өтар	+													
Өтдор	+													
Пай-						+								
Паныд	+													
Пасьта	+													
Пель-				+										
Понда	+													
Пөвст-			+											
Пөрий-		+		+										
Пөперег	+													
Пыдди	+													
Пыр	+													
Ради	+													
Серги	+													
Сор(-)	+		+											
Сям-		+	+											
Туй-			+	+	+		+							
Чөж(-)	+		+											
Ылөс(-)	+				+			+						
Этш-			+											

98 §. Вежортас серти кывбөр чукорьяс

Коми кывйын кывбөрьяс петкөдлөны уна сикас грамматика вежортас. Кывбөрьяс пиысь унджыкыс уна вежортаса, но быд кывбөрлөн эм подув вежортас, код серти став кывбөрсö позьö юкны чукорьяс вылö. Коми кывйын торьялöны: 1) ина кывбөрьяс, 2) ина-асалан кывбөрьяс, 3) када кывбөрьяс, 4) вежана кывбөрьяс, 5) торйöдана кывбөрьяс, 6) лыда кывбөрьяс, 7) öтко- дялан кывбөрьяс, 8) öтвывтана кывбөрьяс, 9) помкаа кывбөрьяс, 10) мога кывбөрьяс, 11) керöм мунанног вежортаса кывбөрьяс. Быд чукөр шымыртö вежортаснас, торьякывьяскöд йитöдьяснас да сёрниын паныдасьлöмнас öта- мöдсьыс торьялана некымын кывбөр.

Ина кывбөрьяс

Ина кывбөрьяс коми кывйын артмöдöны медся ыджыд чукөр. Налөн подув вежортасыс сöвмöма кыввужйыслөн кыввора вежортас да вежлöглөн грамматика вежортас подув вылын. Та вöсна ина кывбөрьяслөн пытшкöс- са тэчасысь колö торйöдны грамматика кык сикас вежортас: а) э м т о р с е р т и и н п е т к ö д л ö м, б) м у н ö м с е р т и и н п е т к ö д л ö м. Тайö вежортасьясыс öтвылысь артмöдöны кывбөрлысь грамматика вежортассö. Э м т о р с е р т и и н в е ж ö р т а с кывбöрын сöвмöма кыввуж вежортас подув вылын. Öнiа коми кывйын кывбөрьяс петкөдлöны уна сикас ин: эмторлысь инасьöмсö öти либö уна эмтор серти, ставнас эм- торйыс либö сылөн кутшöмкö торья юкөн серти, эмторйыскöд йитчöм либö абу йитчöм серти. Сы серти, кутшöм ин вылö индöны кывбөрьяс, найö öтувтчöны посныдджык чукорьясö. Эмтор серти ин петкөдлöм вежортас кывбөрьясö юкö кык чукөр вылö. Тайö ö т и э м т о р с е р т и д а у н а э м т о р с е р т и и н п е т к ö д л ö м кывбөрьяс. Унджык кывбöрыс вермö петкөдлыны öти эмтор серти ин, сöмын *кост*- кыввужья кывбөрьяс петкөдлöны ин уна эмтор серти. Найö паныдасьлöны лыдакывйöн да лыда урчитанöн гөгөрвоöдöм, уна лыда либö öтвывтан вежортаса эмакыв бöрын: *кык öшинь, нывьяс, ая-пия костын*. Öти эмтор серти ин петкөдлысь кыв- бөрьясö водзö позьö юкны сы серти, кыдзи на вежортасын тыдалö эм- торкөд йитчöмыс. Кывбөрьяс ин вежортассö вермöны стöчмöдны эмтор серти ставнас, сылөн юкөн либö муртöс серти.

Став эмтор серти ин петкөдлысь кывбөрьяс юксьöны кык пельö: эмтор- лысь пытшкöс да ортсы ин петкөдлысь кывбөрьяс.

О р т с ы и н петкөдлысь кывбөрьяс позьö юкны куйм пельö. Кывбөрьяс вермöны петкөдлыны: 1) с т ö ч м ö д т ö м о р т с ы и н. Тайö вежортассö кутöны *ортсы*- кыввужья кывбөрьяс; 2) матысса ортсы ин. Тайö вежортассö петкөдлöны *гөгөр(-), дор-, дин-, берд-, бок-* кыввужья кыв- бөрьяс. Коймöд чукöрсö артмöдöны *весьт*- кыввужья кывбөрьяс, кодьяс

петкӧдлӧны мӧд э́мтор в е́сь т с а м у н ъ м да и н а с ь ъ м. Коми кывйын э́м тшӧтш э́мторлӧн юкӧн серти ин петкӧдлысь уна пӧлӧс кывбӧр. Найӧ стӧчмӧдӧны ин вежӧртассӧ э́мторлӧн быд юкӧн серти с у в т с а н о г да в о м ъ н н о г. С у в т с а н о г и н вежӧртас петкӧдлӧны в ы в и н а да у в и н а кывбӧръяс. Выв ина кывбӧр чукӧрсӧ артмӧдӧны *выв-, вевдор-* да *йыв-* кыввужъя кывбӧръяс. Ув ина кывбӧр чукӧрӧ пырӧны *ув-* да *увдор-* кыввужъя кывбӧръяс.

В о м ъ н н о г и н вежӧртас петкӧдлысь кывбӧръяс юксьӧны кык пельӧ: водз ина да бӧр ина кывбӧръяс вылӧ. В о д з и н а к ы в б ӧ р чукӧр артмӧдӧны *водз-, водзвыв-, водзладор-* кыввужъя кывбӧръяс, а сіджӧ *воча* да *паныд* ӧтка кывбӧръяс. Б ӧ р и н а к ы в б ӧ р чукӧр шымыртӧ *бӧр-, бӧрвыв-, сай-* да *мыш(к)-* кыввужъя кывбӧръяс.

М у р т ӧ с и н а к ы в б ӧ р чукӧр артмӧдӧны предметлӧн пасьта-кузъя, муртӧс серти ин петкӧдлысь кывбӧръяс. Ин вежӧртас сертиыс найӧс позьӧ юкны нель пельӧ: 1) п а с ь т а и н а к ы в б ӧ р ь я с: *пасьтала, пасьта, вомӧн, пӧперег;* 2) к у з ь т а и н а к ы в б ӧ р ь я с: *кузя, кузъя, кузяла, нылыд, пӧлӧн(-);* 3) м у р т ӧ с и н а к ы в б ӧ р ь я с: *выя-* да *вий-* кыввужъя кывбӧръяс; 4) ш ӧ р и н а к ы в б ӧ р ь я с: *шӧр-, шӧрвий-* кыввужъя кывбӧръяс.

М у н ъ м с е р т и и н вежӧртас сетӧ кывбӧрлы сы тэчасын паныдасьлысь вежлӧг суффикс. Колӧ пасйыны, мый кывбӧрса вежлӧг суффиксьяс вежӧртаснас неуна торьялӧны эмакывлӧн вежлӧгъясысь. Кывбӧр тэчасын найӧ воштӧны асьыныс пытшкӧс/ортсы ин вылӧ индӧдсӧ да босытӧны выль индӧд — урчитӧм/урчиттӧм ин петкӧдлӧм. Татшӧмторйыс артмӧ сы вӧсна, мый, ӧти-кӧ, кывбӧрлӧн кыввужйыс вежлӧгъяс дорысь стӧчджыка петкӧдлӧ пытшкӧс да ортсы ин сикасьяссӧ, мӧд-кӧ, кыввужйыс вежлӧг суффиксыскӧд артмӧдӧмаӧсь нин выль кыв, кодлӧн сӧвмӧма выль ӧтувъя грамматика вежӧртас. Кывбӧръяс вермӧны петкӧдлыны мунӧм серти инлысь неумын сикас. Медводз колӧ торйӧдны инасьӧм да мунӧм вежӧртасъяс, кодъяс торьялӧны э́мторлӧн ин вежӧм да ин абу вежӧм серти. Паныдасьлӧ кык пӧлӧс и н а с ь ъ м вежӧртас: 1) у р ч и т ӧ м и н, кор колӧ индыны стӧч ин. Тайӧ вежӧртассӧ петкӧдлӧны *-ын* суффикса кывбӧръяс: *вылын, улын, бокин, дорын* да с.в.; 2) у р ч и т т ӧ м и н, кор инсӧ оз позь стӧча индыны. Тайӧ вежӧртасыс паныдасьлӧ *-ланьын* суффикса кывбӧръясын: *бердланьын, дорланьын, бокланьын* да мукӧдъяс. М у н ъ м вежӧртаслысь позьӧ торйӧдны кык сикас: т у й (трасса) да м у н а н і н (пункт движения). М у н а н і н вежӧртас шымыртӧ кык подув вежӧртас: п е т а н і н да в о а н і н. Кывбӧръясын паныдасьлысь вежлӧг суффиксьяс стӧчмӧдӧны петанін да воанін вежӧртасьяссӧ. П е т а н і н с ӧ найӧ вермӧны петкӧдлыны кызди и н да п а с, кысянь мунӧ керӧмыс. Ин вежӧртаса петанін вылӧ индӧны *-ысь* да *-ланьысь* суффикса кывбӧръяс. Найӧ торьялӧны ӧта-мӧдсьыныс у р ч и т ӧ м (*-ысь* суффикса кывбӧръяс: *вы-*


лысь, улысь, бӱрысь, дӱнысь) да у р ч и т т ӱ м (-ланьысь суффикса кывбӱрьяс: *вывланьысь, увланьысь, бӱрланьысь, дӱнланьысь*) ин петкӱдлӱмӱн. Петанӱн п а с вежӱртас тшӱтш вермӱ лоны у р ч и т ӱ м (-сянь суффикса кывбӱрьяс: *вывсянь, увсянь, бӱрсянь, дӱнсянь*) да у р ч и т т ӱ м (-ланьсянь суффикса кывбӱрьяс: *бӱрланьсянь, дорланьсянь, бердланьсянь*). Во а н ӱ н вежӱртаслӱн сикасыс унджык. Колӱ торйӱдны ин, п а с да п о м - т ш у п ӱ д вежӱртасьяс. Воанӱнлысь ин вежӱртас петкӱдлӱны -ӱ суффикса кывбӱрьяс: *вылӱ, улӱ, весьтӱ, бӱрӱ*. Пас вежӱртас кутӱны -лань суффикса кывбӱрьяс: *дорлань, сайлань, увлань, вывлань*. Кывбӱрьясын воанӱнлӱн п о м т ш у п ӱ д вежӱртас вылӱ индӱны -ӱдз да -ланьӱдз суффиксаяс: -ӱдз суффикс петкӱдлӱ у р ч и т ӱ м помтшупӱд (*вылӱдз, дорӱдз, дӱнӱдз, бердӱдз*), -ланьӱдз суффикс — у р ч и т т ӱ м помтшупӱд (*вывланьӱдз, бердланьӱдз, увланьӱдз, дӱнланьӱдз*). Кык сикас торьялӱ тшӱтш туй вежӱртасын: у р ч и т ӱ м туй петкӱдлӱны -ӱд, -тӱ суффикса кывбӱрьяс (*дортӱ, боктӱ, весьттӱ, бердтӱ*), у р ч и т т ӱ м туй — -ланьӱд, -ланьтӱ суффикса кывбӱрьяс (*дорланьтӱ, бокланьтӱ*). Мунӱм серти ин петкӱдлӱмсӱ кывбӱрьяслысь позьӱ мыччӱдлыны схемаӱн, кытчӱ пырӱ ин вежӱртаслӱн став сикасыс. Пасйӱм ин сикасьясыс медсясӱ паськалӱмӱсӱ позья кывбӱрьяслӱн, торйӱн нин ортсы инаяслӱн. Кымын унджык кывбӱрысь артмӱма позйыс, сымын унджык ин сикас вермӱны петкӱдлыны тайӱ позйысь кывбӱрьясыс. Мунӱм серти ин вежӱртас эм тшӱтш ӱтка ина кывбӱрьяслӱн. Тэчасног сертиыс ӱтка кывбӱрьяс торьялӱны позья кывбӱрьясысь. Найӱ артмӱмӱсӱ урчитанысь, сы вӱсна на тэчасын шоча паныдасьлӱны вежлӱг суффиксаяс. Мунӱм да эмтор серти ин вежӱртас тайӱ кывбӱрьясыс петкӱдлӱны ӱтвылысь. ӱтка кывбӱрьяс пиысь унджыкыс кутӱ туй либӱ инасьӱм вежӱртас, пример пыдди, *вомӱн, паныд, воча, пӱперег, пыр* кывбӱрьяс.

Кывбӱрьяслысь эмтор да мунӱм серти ин вежӱртас петкӱдлысь схемаысь (1 да 2 схема) позьӱ аддзыны ина кывбӱрьяслысь тэчассӱ, кывбӱр чукӱрьяслысь ӱта-мӱдсьыс торьялӱмсӱ, на костысь йитӱдьяссӱ. Эмтор серти ин вежӱртасыс сетӱ позянлун юкны ина кывбӱрьяссӱ ичӱтджык чукӱрьяс вылӱ, мунӱм серти ин вежӱртасыс торйӱдӱ ӱта-мӱдсьыс ӱти позья кывбӱрьяс.


Коми кывйын ина кывбӱрьяс позьӱ юкны татшӱм чукӱрьяс вылӱ: 1) ортсы ина кывбӱрьяс, 2) дор ина кывбӱрьяс, 3) весьтас ина кывбӱрьяс, 4) пытшкӱс ина кывбӱрьяс, 5) ув ина кывбӱрьяс, 6) выв ина кывбӱрьяс, 7) водз ина кывбӱрьяс, 8) бӱр ина кывбӱрьяс, 9) муртӱс ина кывбӱрьяс, 10) кост ина кывбӱрьяс. Ин вежӱртас кындзи ина кывбӱрьяслӱн эмӱсь тшӱтш мукӱд вежӱртасьяс, кодьяс сӱвмӱмӱсӱ ин вежӱртас подув вылын. Унджык кывбӱрыс уна вежӱртаса. Видлалам быд кывбӱр чукӱр торйӱн.

1. О р т с ы и н а к ы в б ӱ р ь я с. Тайӱ чукӱрсӱ артмӱдӱны *ортсы-кыввужья* кывбӱрьяс: *ортсыысь, ортсыӱ, ортсыын*. Найӱ индӱны эмтор серти стӱчмӱдтӱм ортсы ин вылӱ, сы вӱсна паныдасьлӱны гежӱда. При-

1 схема
Эмтор серти ин петкөдлөм



2 схема
Мундөм серти ии петкөддөм



мерьяс: *Отилати потишосыс вёлі паськыдджык, да сәті и төрөдчис (Коля) йөр ортсыё, пыркнитіс доймышитөм пельпомнас да котөртіс ва гуран дінё...* (Г.Юшков), *...өграда ортсыын, юж туй вылын, гызис йёз (Я.Рочев), А стын ортсыын, уличладорын, ыджыда тиупөдавлом иляпта кыз сюръяас вылын, сулаліс ён керъясыс жё тиупөм ыджыд жытник (И.Торопов).*

2. Д о р и н а к ы в б ö р њ а с. Дор ина кывбөр чукөр шымыртё дор-, дін-, бок-, берд-, гөгөр(-) кыввужья кывбөрьяс, кодьяс индöны эмторлысь мөд эмтор дорö матыслунсö. Кывбөрьяссö позьö юкны кык пельö сы сер-ти, инасьö-ö эмторйыс мөд эмторлөн сöмын кутшöмкö öти бокын либö став бокас. Унджык кывбөрйыс тайö чукөрсыйс — берд-, дін-, дор- да бок- кыввужьяс — петкөдлöны медводдза вежөртассö. Мөд вежөртассö кутöны сöмын гөгөр(-) кыввужья кывбөрьяс. Дор-, дін-, берд- да бок- кывбөрьяс пиысь матынöсь вежөртаснаныс дор- да дін- кыввужья кывбөрьяс, кодьяс индöны эмторлысь мөд эмтор дорö йитчйтөм инасьöмсö. Дор- да дін- кывбөрьяс торъялöны сійөн, мый паныдасьлöны торъякывьяскөд бөрйысьöмөн: дор- кывбөрьяс тшөкыдджыка бергалöны лөвтөм эмакывьяс бöрын, дін- — ловья эмакывьяс да нимвежтасьяс бöрын. Тайö торъялöмыс вочасөн бырö. Öнйа коми кывйын кыкнан кыввужья кывбөрьясыс торъя-кывьяскөд паныдасьлöны öтмоза. Найö торъялöны сöмын вежөртас рöмнас: дін- кыввужья кывбөрьяс индöны матыс дор ин, дор- кыввужья кывбөрьяс ылыс дор ин. Берд- кыввужья кывбөрьяс торъялöны дор- да дін- кыввужья кывбөрьясысь йитчөм рөмөн. Найö кутöны медся матыс дор ин вежөртас. Бок- кыввужья кывбөрьяс унджыкысьсö индöны стöчмөдөм дор ин вылö, эмторлөн бок вылас. Инті нюжалөм, абу стöч мыгöра либö ловья эмтор вежөртаса эмакывьяс бердын сулалігөн, найö матыстчöны вежөртаснас дор-, дін- кыввужья кывбөрьяс дорö.

Берд-: бердын, бердысь, бердö, бердлань, бердöдз, бердöд, бердсянь, бердті, бердланьсянь, бердланьын, бердланьысь. 1) И н а в е ж ö р т а с. Примерьяс: *Батыслөн важжён киссьöм жытник бердын ачым кыи бордья сыланкыв!* (С.Попов), *Шондіыс со удитіс нин исковтны горув да вөртас бердö сибöдчыны (Б.Шахов), ...налы шедышитіс сьöла и дозмөр, öти тар на весиг еджыд вужля бердысь (Г.Юшков), Орчдён, стен бердланьыс, стоквидзö рөмпöштан, кодöс трюмоён ыдждöдлöны (А.Попов), — Ваас чеччыит! — горзігмоз Варук котөртіс дзик ва бердöдзыс (Г.Фёдоров), Со эськö и яйыд, но энъ сюзь эз вошты садьсö, шлывкнитіс коз бердöд бокша ног...* (Г.Юшков), *Ывла вылын турöб, му бердтіыс нöбöдö, ...панов кодь лым чирьяс (П.Артеев), Марпа пöчыс мыйкö дыра кöйгырасьышитіс шоныд пач бердас, сэсся джек вылö жö пуксис...* (В.Безносилов). 2) О б њ е к т, к о д в ы л ö в е с ь к ö д ö м а к е р ö м с ö с у б њ е к т ы с. Примерьяс: *Гриш пиньён и гыжйён кутчысис ас овмös бердас...* (П.Доронин), *А водзын, кöть и сьöкыда шедліс көрымыд, кутчысьлісны мös бердад (А.Ульянов), Сылөн öд, дöваылдөн, челядыс, мыйён кок йылас сувтышитлісны, сразу и удж бердö*

кутчысьлісны (Н.Куратова). 3) Э м т о р б е р д ы н у д ж а в н ы, о в н ы. Пример пыдди, *Ќні өд сійө, Перк Көсьта, не сөмын конюкалө сөвет бердын, но тиөтиш и нарошнөялө!* (И.Торопов).

Бок-: бокын, боковысь, бокө, боклань, боксянь, бокөдз, бокті, бокөд. И н а в е ж ө р т а с. Примерьяс: ...веськыда лымйөдыс кутіс собны вөр **бокын** сулалысь гаражлань (Г.Юшков), А вөлыс, кодөн ветлөдліс бригадир, потишөс **бокын** «газет лыддис», тиыгйөн оліс (В.Безносиков), ...босьтас киас да шымыртас туй **бокысь** рос... (С.Попов), ...нитика вутитьяс **бокө** дзебсьөмөн сійө... писькөдчө сук парма пыр... (Б.Шахов), ...коймөдьяс бус сора зарни тусьяссө зыртисны да коялісны... гумла мөдар стен **бокланьыс**, көні сулалісны тлөддчан машинаяс (Б.Шахов), ...и райын кодь лои: бак **боксяньыс** оняліс, некод эз тойлав, эз таляв... (Б.Шахов), Мөд делө, кор артельтчылан ылө ветлыны, шуам, Урал **бокөдз** (Б.Шахов), А ветлөны өд керка **бокөд**, Оз өтчөд вежоннас, быд лун (А.Мишарина), Гылыда шливкьялөны пөрөдөм пожөм **бокті** черьяс, орийөдлөны кыз увьяс (Г.Фёдоров).

Дор-: дорын, дорысь, дорө, дорсянь, дорлань, дорланьө, дорланьын, дорланьысь, дорті, дорөд, дорөдз. 1) И н а в е ж ө р т а с. Примерьяс: *Песті вөр дорас* бипур, пукала, шог ог төд. *Картупель пөжсала, печеняся* (А.Одинцов), *Пач вом дорын* Гриша бергалө-ноксьө (А.Ульянов), *Нуждаыд пө ме дорө* көвьясис, кор пө ме тэ *дорө* пир вылад волі (фольклор), *И петіс на сөмын кильчө вылас да нөджовтчыліс часовня дорлань* (Г.Юшков), *Сэся Питирим сыніс шонділы паныд берег дорланьө*... (И.Торопов), *Пызан дорланьын* бергалө сизимөд бригадөн веськөдлысь Анань Ёгор (В.Безносиков), *Сандралөн сюсь пельыс друг кыліс керка дорсянь* локтан морт кок шыяс (Г.Фёдоров), *Ме сэтишөм ньөж муні тьян пызан дорті*... (П.Шахов), *Шунькнитам кар дорөдз*... (И.Торопов). 2) О б ъ е к т, к о д в ы л ө в е с ь - к ө д д о м а с у б ъ е к т ы с л ö н к е р ö м ы с. Примерьяс: — *Вай первой сөйыштамөй*, — шыясис Ольө өртьясыс *дорө* (Б.Шахов), *Отсөгла шыөдчылі и аслам өрт дорө*... (А.Ульянов). 3) О б ъ е к т, к о д д о р ö т ы д о в т ч ö с у б ъ е к т л ö н о т н о ш е н и е ы с. Примерьяс: *Саша видзөдліс Лида вылө, сьөлөмыс сьлөн небзьыштіс, чужис Лида дорө* жальлун... (Б.Шахов), ...и министерствоын да ЦК-ын сёрнитанкежлө сійө велаліс нин удж йылысь дум *дорө*... (Б.Шахов), *Но Микит эз вөрзбы, эз дышла, а веськодьясла өртьяс дорас, зэр дорас* (В.Юхнин). 4) Ö т к о д я л а н а в е ж ö р т а с. Примерьяс: *Вөр сөян дорсьыд* чөскыд, шу, немтор абу. *Да өд, дедуш?* (И.Торопов), *Скуп попаддялы дорысь* бурджык нин дядьлы мыркны, век жө ас морт (Г.Фёдоров), *Варук өд ар дас витөн том Марья пөч дорысь* (Н.Куратова), *Өд тывтө кыскалігөн, быд ног вөригөн, лөсьыдджыка на позьө гожйөдчыны лыа вылын кер моз куйлігөн дорсьыд* (И.Торопов). 5) Т о р ь ö д а н в е ж ö р т а с. Примерьяс: *Но Рыжко некыдз эз көсйы торйөдчыны табуныс дорысь*... (И.Торопов), *Чуксасис сійө эсысянь, му помсяньыс, көні мича том кыддза рас юкөма тайө мусө мөд му пласт до-*

рысь (Н.Куратова). 6) Ы л ö с к а д. Примерьяс: *Во дорö* эз нин вöв не-
кутишöм юör верöссяньыс (Я.Рочев), *Кör дорысь воём бöрын öнi сийö* (Ка-
лина) *вежон дорö* нин эз палявлы (Я.Рочев).

Дин-: дiнын, дiнысь, дiнö, дiнсянь, дiнлань, дiнтi, дiнöд, дiнöдз. 1) И н а
в е ж ö р т а с. Примерьяс: *Детскöй садйын зильгысь котыр гартчисны нин*
сы дiнын... (Г.Юшков), *Генерал оз вöли тöд, мый тайö сийö Иваныд, кодöс*
сийö мездiс пу дiнсьыд (фольклор), *И вичко стöрöж на вöли узьö аслас гöтыр*
dinas, *асья звöнитöм йылысь ньöти тöждысьтöг* (П.Доронин), *Посводзыс*
абу, мöскыс dинтi колö ветлыны (Г.Юшков), *Бауён кыссис кызкö Петрик*
пыж dинöдзыс и пыр вирён сёласис нильзём сёй вылö (П.Доронин),
Вöлөмкö, сёрнитчöмаöс дай гусьöн утышитöмны сиктö нывьяс dинö (Н.Ку-
ратова). 2) О б ъ е к т в е ж ö р т а с. Примерьяс: *...важ бурьясö воитö-*
мысь, а выль бурьясыс dинö лючкисö велаветöгыс, ми, коми йöз,... асьным сэс-
ся тиöтиш пондiм чусмыны... (И.Торопов), *Сьöкылдуньяс dинад*, *тöдан ачылд*,
велаवलвлi томсянь (А.Ульянов). 3) Т о р й ö д а н в е ж ö р т а с. Пример
пыдди: *Кöдзöдi ас dинысь...* (И.Торопов).

Гöгөр(-): гöгөр, гöгөрö, гöгöрын, гöгöрысь, гöгöрсянь, гöгөрлань, гöгөрöд,
гöгөртi, гöгөрöдз. 1) И н а в е ж ö р т а с. Примерьяс: *Гартышитi пищаль*
кöвйöс сой гöгөр, *кычипи моз нигыльтчи да водi* (И.Торопов), *Олөм весиг*
танi, шойна гöгöрын, *вöли... помтöм-дортöм...* (Г.Фёдоров), *Некодi бокöвöй*
оз ло, ас йöз кар гöгöрысь (Г.Фёдоров), *Чöс туйыс Öньöлөн ыджыда*
кытишöвтö Биа-сёръяö лэччысь Öньö-эль гöгöрьясöд... (И.Торопов), *Керка*
гöгөр сира гез (нöдкыв), *Круг гöгөр* сьöд татары сулалö, *Лабич гöгөр* сöс
войтыр пукалö (фольклор), *Ми öнi Вöрья адзтö видлалам да, кылö шуö, тiян*
гöгөрö пö матö ковмас стрöитны вөрпункт (В.Юхнин). 2) К а д в е -
ж ö р т а с. Примерьяс: *Лун шöр гöгöрын* вöли чöв-лөнъ (А.Ульянов), *...сик-*
тас воисны лун шöр гöгөр нин (А.Ульянов), *Кадыс лун шöр гöгөрлань* ма-
тысмö (И.Торопов), *Тувсов уджъяс во гöгөр* вердöны (шусьöг), *Илля лун*
гöгөр сютö кынтö. 3) Ы л ö с л ы д в е ж ö р т а с. Примерьяс: *Журган*
грездöдз комбедсаяслы колö мунны верст куим гöгөр... (И.Торопов), *Тöрыт*
нелямын верст гöгөр лои мунöмыс... (Б.Шахов). 4) О б ъ е к т в е ж ö р -
т а с. Примерьяс: *Горт гöгөр* уджавны — не лым пиын уявны (шусьöг), *...ме*
карта гöгөрджык бергалi (В.Безносиов), *Горт гöгöрын* ноксян паськöма
вöли (А.Попов), *Ми пывсян гöгөр* ноксим — ва пыртлiм, *пес поткöдлiм-новлiм*
(А.Ульянов).

3. В е с ь т и н а к ы в б ö р ь я с индöны эмтор весьтын мöд эм-
торлөн инасьöм вылö: эмторсянь сийö весьтас вылын, улын либö бокын.

Весьт-: весьтын, весьтö, весьтысь, весьтлань, весьтсянь, весьтöдз,
весьтöд, весьттi. 1) И н а в е ж ö р т а с: а) весьтас в ы в и н
в е ж ö р т а с: *Шондiыс пу судта вылнаö нин каттыысис вөр весьтö* (П.До-
ронин), *Кöнкö вөр весьтын* шочиника кывлö кырнышлөн мисьтöма круксöм...
(И.Торопов), *Ю весьтысь* руыс эз на кач... (А.Мишарина), *А сэсся и казалис*

Оньё вөр **весьтöд** гöгралысь самолёт (И.Торопов), Кымөръяс төвзисны уна юра гундыръяс моз дзик керка вевтьяс **весьтöд** (Г.Фёдоров), **Ді весьтті** кывтыдлань нырöн борд шыён лэбзисны уткаяс (П.Доронин); б) в е с ь - т а с д о р и н в е ж ö р т а с. Примерьяс: — *Дерт, збыльысь кö, дзик прöста жö мунам да, — пыж весьтысь* воськов дас прöйдитöм бöрын шуис Микол... (П.Доронин), *Гриш мурöстöмön пуксис лабичö шöр öшинь весьтö* (П.Доронин), *Муніс-муніс да парк весьтö* воис... (Г.Юшков), *Дзоля яг весьтöдз сэся муніс...* (Г.Юшков), *...дöрöм станыс морöс весьттіыс* дзик подол дорöдзыс вöлі сулик ва (П.Доронин), *Буретиш сэки Дінъель устье весьтсянь* кыпöдчисны утка пара и пуксисны дзик Микол **весьтö**... (П.Доронин). 2) К а д в е ж ö р т а с. Примерьяс: *Рытьяс весьтас* катовтöм шондi эз нин сэттиöма пöж, либö керкаяс вуджöрын сулалöм вöсна прöста сылы сiдз кажитчис (П.Доронин). 3) В е ж а н а в е ж ö р т а с. Пример пыдди: *Кык морт весьтö* на уджаліс колхозас и совхозас, артышитны кö (Г.Юшков). 4) Э м т о р т ш ö т в е с ь т ö к е р ö м в ö ч ö м. Примерьяс: *Тэ кодьясыс только и тыртöны ассыныс горшьяссö государство тийöt весьтö* (И.Торопов), — *Код тийöt весьтö?* — *ещö на юалис Öльöксей* (В.Безносиков).

4. П ы т ш к ö с и н а к ы в б ö р ь я с. Пытшкös ина кывбöрьяс артмöдöны *пытиш(к)-, пи-, пöвст-, пом-* кыввужья кывбöрьяс да *пыр* öтка кывбөр. Тайö кывбöрьяссö öтувтö пытшкös ин серти уна сикас йитöд петкöдлöм. На пиысь медся паськыд пытшкös ин вежöртасыс *пытиш(к)-* кыввужья кывбöрьяслөн. Найö вермöны паныдасылыны мыгöра да мыгöртöм эмтор вежöртаса эмакывьяс бöрын. *Пи-* кыввужья кывбöрьяс ёнджыкасö бергалöны вещество да абстрактнöй вежöртаса эмакывьяс бöрын, *пöвст-* кыввужья кывбöрьяс — öтвывтана вежöртаса либö öтвывтан вежöртасын паныдасылысь эмакывьяс бöрын. *Пом-* кыввужья кывбöрьяс ина вежöртасын паныдасылöны шоча, сöмын öткымын кыв бöрын. Найö кутöны öтвывтана ина вежöртас. *Пыр* кывбөр кутö эмтор пытшти керöм весьтас веськöдöм вежöртас.

Пытиш(к)-: *пытикын, пытикö, пытикысь, пытилань, пытисянь, пытикöдз, пытиті.* 1) И н а в е ж ö р т а с. Примерьяс: *Ош видз дзебсясьö на ру пытикын* (Г.Фёдоров), *Но пыдын, кöнкö морöс пытикас, öзийс битор...* (А.Ульянов), *Асывнас Иван кум юрси си пуктіс бумага пытикö, а öстальнöйсö, кодi колис, юкис 12 пельö* (фольклор), *Гумла пытисянныс* кыліс öтка төлöдчан машиналөн швачкöдчöм... (Б.Шахов), *Варук съöкыда собис лым пытиті...* (Г.Фёдоров), *...(мöс) букушитчис Петыр вылö, шлапсьöдiс-вешийс карта пытилань* (А.Ульянов). 2) Т о р ь ö д а н а в е ж ö р т а с. Пример: *Тайö гөлöссö төдiс эськö син куньöмön сё пытикысь...* (Г.Фёдоров).

Пи-: *пиын, пиö, пиысь, писянь, пиöд, питі, пиöдз.* 1) И н а в е ж ö р т а с. Примерьяс: *И зэв ыджыд öбида ас пиын...* (А.Мишарина), *Морöс пиö* рад-

лунйой оз тёр (А.Мишарина), ...оз ковмы лым **питі** собомён пес дасьтыны (Б.Шахов), Дышйодіс нин кыскавны сьёкыд көм-паськөм, джуджыд лым **пиод** собавны турёбъяс дырйи школаё (А.Одинцов), Биджыд каръяс грымакылёны... Тиын **пиын** да бус **пиын** пөддөны... (И.Торопов), Лым **писянь** видзөдис ош, уфнитіс (В.Юхнин), Татиём мичыс да гажыс **пиын** Микитлөн лов вылысь быттьөкё вушйёны став төждысьёмъясыс да вийсьёмъясыс (И.Торопов). 2) Т о р й ө д а н а в е ж ö р т а с. Примеръяс: Нель чоя-вока **пиысь** медыджыд арлыда вөлі (Марнаыс), да, майбырй, сюрліс жё уджавныд (В.Безносовых), Некод на сиктса нывбабая **пиысь** эз петитчыв висьём төдмалёмысь, ставныс на кывзысьлісны да вөчлісны сійёс, мый требуйтё медицина, а тайё... (В.Безносовых), Тіян **пиын** эм боевой фронтвик... (Б.Шахов).

Пөвст-: пөвстын, пөвстё, пөвстысь, пөвстсянь, пөвстөд, пөвстті. 1) И н а в е ж ö р т а с. Примеръяс: Но сэки — Лёк көдзыдыс да Еджыд Лымйыс **пөвстын!** — бара на косьёбтіс Гыма чардби... (И.Торопов), Көть и ыркыдджык Кырув грездын, көть сійё частёкодъ дзебсьывлө ру **пөвстё**, но Олексей сьёлөмсяньыс радейтё чужан местасё (В.Безносовых), Гудыр кымөръяс **пөвстті** мыччасё шонді (Я.Рочев), Со кустъяс **пөвстөд** мыччысьліс быдёнлы төдса пелькиник тушаа морт — Семен Иван (И.Пыстин), Куст **пөвстысь** биньёв моз вирдыштіс-петіс Дзоля Сандрө... (И.Пыстин), Голядзыс тола **пөвстас** вөйёмадьсь-вошмадьсь керкаяс (Г.Канев), -Ы-ы? — гы моз исковтис ныв-зон **пөвстөд** шум (Н.Куратова), Бур йёз **пөвстын** олыштан — төлкаджык лоан, Лёнь. Немтор оз вөрзъы ни төвзъы. Сөмын орччөн, кысянькё кыз ру **пөвстсяньыс**, меліа дзольгё-воё Лёмью (И.Торопов). 2) Т о р й ө д а н в е ж ö р т а с. Примеръяс: Олексей Чуманов Кырув грездса зонъяс **пөвстын** медсюсь кыйсьысыс (В.Безносовых), И пукалысьяс **пөвстысь** быдёнлы завидь лолө (П.Шахов), Сэки өд, сійё жё важ олөмас, йёзлысь вөрөдысьясыс медся лёк, медся пеж йёзнас лыддысьлісны комияс **пөвстын** (И.Торопов), Вөралысьлөн татиём курыд кывъясыс би дорын рытйысьясыс **пөвстысь** быдённөс кутиёмкё да кутиёмкё ногөн вөрзёддісны да дойдісны (И.Торопов).

Пом-: помысь, помё, помын. 1) И н а в е ж ö р т а с. Примеръяс: И оланін, и уджаланіныс өти керка **помынёсь** (Г.Фёдоров), Мамыс, непөштё ас керка **помё** ичмонь вьлө вайёдны, но и кывзынысё Павел невестапу йылысь эз көсйи (П.Доронин), А менё коді идралас да казътөдлас, аслам кө нинөм эз коль керка **помё**? (Г.Юшков), Гришлы эз во сьёлөм вылас Павеллөн висьталөм, мый бара керка **помё** лишной рөскод (П.Доронин), Медым дзебны пиыслысь пон сямсё, Дарья и ошйысьёма суседъясыслы, чурка Дуняёс пө войын суи пи дінысь да вөтлі керка **помысь** (Я.Рочев). 2) П о д у в в е ж ö р т а с. Примеръяс: Вөр лэдзём **помысь** да вөралысьяслысь прөмыс ньёбөм-вузалөм **помысь** озырмылөм Кассян эз жалит ни сьём, ни немтор аслыс татиём оланін поз зымкнитөм вьлө (И.Торопов), Бать век вөралөм **помысь** олө, мукөд ремеслө оз төд (фольклор), Ассьыныс прөшениесё челобитчикъ-

яс помкаалисны, мый печораса да устьнемса крестьяналөн нянь кӧдзанинъяс и видз местаяс абудсь, чери кыйӧм да зверь кыйӧм прӧмысьяс кындзи налы овны дзик нинӧм **помысь** (П.Доронин), Паськӧмыс серти вӧлі тӧдчӧ, мый сійӧ абу крестьянскӧй удж **помысь** петӧм морт (П.Доронин). 3) К е р ӧ м в ӧ ч и г ӧ н с о д т ӧ д э м т о р в е ж ӧ р т а с. Пример пыдди: ...нач вом весьтас ӧшалісны йиркас сутуга **помысь** крепитӧм кык кыдз пу крук (вӧр керкаын) (Б.Шахов). 4) К е р ӧ м в ӧ ч а н т о р в е ж ӧ р т а с. Примерьяс: Но сӧмын коса да зыр **помысь** уна йӧзӧс он верд (Б.Шахов), И керка вылад пӧ став керсӧ куш чер **помысь** жӧ орийӧдлім... (И.Торопов), Сылӧн том дырийи сортовка вӧр куш чер **помысь** на и лӧдзлӧмаӧсь ылі сиктад, и орӧдан пӧ помсӧ да пилаӧн пилитӧмысь шильыдджык артмӧ (И.Торопов), Батыйдлӧн аслас ки **помысь** быдторйыс артмӧ (Я.Рочев), Водзті, кор коми вӧралысылӧн эз на вӧв пицаль да кыйсьыліс сӧмын шы **помысь** да ньӧввуж **помысь**, да нурта-чера **помысь**, кутиӧм мыджӧдӧн, колӧ чайтны, вӧліны татиӧм чӧсьясыс... (И.Торопов). 5) Ӧ ш м ӧ с в е ж ӧ р т а с. Пример: Татиӧм грӧза кӧзяин аслас семья пытикын ас нэм чӧжнас дзик первойысь на кыліс татиӧм воча кыв и кыліс медічӧтсяныс — нӧль арӧса детинка **помысь** (П.Доронин).

Пыр. 1) Ина вежӧртас: а) эмтор пытшти мунӧм. Примерьяс: Водзӧстӧ ӧд быть сет, он кӧ му **пырыс** кӧсйы мунны (Г.Юшков), Иван ӧшиньтӧ восьтыліс да ӧшинь **пыр** шыбитіс атаманлысь шойсӧ дворӧ (фольклор), Съӧла казялас гӧрд пелысьсӧ, лӧччас сӧр вылӧ кокасны, ӧти роз дінсяныс мӧд дінӧдзыс мӧдас тапиксьӧдны петля **пырыс**... (И.Торопов), Но гыӧра ӧшинь **пыр** нинӧм эз тыдав (Н.Куратова), Шонді ру **пырыс** оз пысьт (А.Мишарина), Кӧрт морт му **пыр** ветлӧдлӧ (гӧр) (нӧдкыв); б) в о м ӧ н ӧ н в у д ж а н и н. Примерьяс: Ӧні сылӧн комната **пыр** кутас ветлыны гӧстьыс, быть шебрась (В.Напалков), Ветлӧны синьяснысӧ кодзлӧдлӧмӧн йӧрьяс **пыр** да карта сайясті, ӧтиӧн-ӧтиӧн (И.Пыстин). 2) К е р ӧ м в ӧ ч а н т о р в е ж ӧ р т а с. Пример пыдди: ...пӧрӧдны кӧ сыв кыза пучера коз да лӧдзны пилорама **пыр** пев вомлӧса костӧн, уна и пыж набой артмас (Г.Юшков). 3) М ӧ в п б е р г а л а н і н в е ж ӧ р т а с. Примерьяс: Сандра век на пукаліс кӧдзалӧм самӧвар дорын, вежӧр **пырыс** виль пӧв лӧдзис коркӧя вӧвлӧмторьяс (Г.Федоров), Пока восьталіс партийной секретарь тайӧ кык километрсӧ, унатор бергӧдіс юр **пырыс** (Н.Куратова). 4) К е р ӧ м м у н а н н о г в е ж ӧ р т а с. Примерьяс: Галя синва **пыр** некымынысь лыддис медбӧрья лист боксӧ и помнитӧ быд кыв (И.Торопов), — «Несознательной элемент!» — пинь **пырыс** сӧдзӧдӧ Камбед Ӧльӧк (И.Торопов), ...дзескалӧм лов шы **пырыс** пӧдӧмкодъ гӧлӧсӧн шуис шпыннялысь Катша Мишка (И.Торопов). 5) М о р т, э м т о р, к о д о т с ӧ г ӧ н м ы й к ӧ в ӧ ч ӧ н ы. Пример пыдди: Шуис звӧнитлыны рытнас Башлыковыслы гортас, мед сӧрнитчас и эм кодкӧдкӧ да юӧртас Ӧлексей **пырыс** лун да кад йывсьыс (Г.Юшков).

5. Вывина кывбөръяс. Вывина кывбөръяс шымыртёны *выв-*, *вевдор-* да *йыв-* кыввужъя кывбөръяс. Найё кутёны выв ин вежөртас. Ас костаныс кывбөръяс торъялёны ин вежөртас рөмнас да содтөд вежөртас лыднас. *Выв-* да *йыв-* кыввужъя кывбөръяс тшөкыда индёны эмтор веркөс ин вылө, торъялёны торъякывъяскөд паныдасълөмнас. *Йыв-* кыввужъя кывбөръяс тшөкыда паныдасълёны инын нюжалөм эмтор вежөртаса кывъяс бөрын. *Вевдор-* кыввужъя кывбөръяс индёны эмторсянь матыс выв ин вылө либө эмтор веркөс ин вылө. Кывбөръяс пиысь медся уна содтөд вежөртасыс *выв-* кывбөръяслөн.

Выв-/выл-: *вылын, вылысь, вылө, вывсянь, вывлань, вывланьё, вывланьын, вылөдз, вылөд, вывті.* Тайё кывбөръяс пиысь содтөд вежөртасысыс медся ёна сөвмөмабсь *вылө* кывбөрлөн. 1) Ина вежөртас: а) эмтор веркөс ин вежөртас: *Вёлыс и телегаыс сълөн вёлі туй **вылын** нин седокөс виччысьё* (П.Доронин), *Водзё мамыс эз нин скёрав, пыртис повводзсыс, зіб **вылысь**, выльён песлалөм ки чышкөд...* (Г.Юшков), *Со и куйлан, пуктөмыд китё кымөс **вылад** ачылд* (И.Куратов), *Ыбъяс **вывсянь** өдбөбн котөртисны гудыр шоръяс, лэччисны сёньясті, гуранъясті юё* (Г.Фёдоров), *Лымъя эрдъяс **вывті** тюрис көлөкөльчик шы* (Г.Фёдоров), *Мамыс тай воліс сылы паныдөн кар туй **вылөдз**...* (Г.Юшков), *Доровтчыліс Гриш **вывланьё** да кыв шутёг...* *кватитіс колода бокысь ассьыс пищальсё...* (П.Доронин), *...и нимкодзсышисті ворсөдчысь сөдз визлачнас и вадор ыркыднас, и визув **вылөд** чёла кывтысь гырысь чери сьём кодъ гылалөм коръяснас* (И.Торопов); б) эмтор весьтын ин вежөртас. Примеръяс: *Керка **вылын** ёшалё нянь край, понъяс увтёны, оз и судзлыны (тёлысь) (нөдкыв), Шондйой! Он жө тэ ламав коми грездъяс **вылын** дыр!* (И.Торопов), *Төвпоз **вывті** лэбис эсті (Пипилисты Сёкөл) (В.Лыткин).* 2) Объект, код вылө (вылысь) веськөдөма видзөдлас, сёрни, мортлөн реакцияс. Примеръяс: *Микол сувтөмөн видзөдліс зарниён лөсталысь вичко юр **вылө** да вежис сёрнисё* (П.Доронин), *И сэк жө синсё чөвтліс ваысь лэптөм нывбаба **вылө*** (П.Доронин), *Ныла-зонма видзөдёны өта-мөд **вылас**, а матыстчыны оз вермыны (нөдкыв), Уна чорыд, веськыд кыв шөтісны Ласей **вылө** ёртъясыс* (В.Безноси́ков), *Волас да сөмын пинясьё ми **вылө** (Варук) (Г.Фёдоров).* 3) Субъект, коды мыйкөс и өма. Тайё вежөртасын *вылө* кывбөр тшөкыда паныдасълө сетан вежлөга эмакывъяс бөрын. Примеръяс: *Чөс туй и кык кулөм на, ыджыд синма да посниа, видзис-кутіс Вириная пиыслы **вылө*** (Г.Юшков), *А казялісны кө пө? Тайё пө өд гусясьөм, абу и яндзим? Яндзим, мися, мыйкө, эг өд аслым **вылө** босьт* (Г.Юшков), *Сьөдөддөма дзикөдз кыддзёй. И өд сійёыс, кодөс Василейлы **вылө** пуктывлөмаёсь* (А.Попов). 4) Содтөд эмтор вежөртас. Примеръяс: *Тиыг во вёлі сэки. Няньсё кач сорён пөжалісны, пызь сорён йөв **вылын** папуяс пөжалісны* (Г.Фёдоров). 5) Керөмлөн мог вежөртас. Примеръяс: *Найё асьныс важён нин*

виччысьоны, кор чукортласны сэтшюм сёрни **вылас** (Г.Фёдоров), Найо ломтисны пач, пыртисны чай **вылө** сывдыны лым (Е.Уляшев), Оод тайо сюзь. Войся лэбач. Прёмыс **вылө** петёма (А.Одинцов), Часовня кер туйыс сэсянь войо на мунө, а Микулайлы, гортас лэччюм **вылө** кө, рытив-лунө колө сэсянь сетчыны (Г.Юшков). 6) М о р т а с к ы л ө м л ө н п о м к а. Примерьяс: Зык **вылас** садьмис и кагаыс (И.Изьюров), Вежыс петис яблөкыд **вылө** (фольклор). 7) К е р ө м л ө н п е т к ö д ч а н и н. Примерьяс: Мортос удж **вылын** тодмалоны (кывйөз), Сёйныто боярин, а удж **вылад** детинка, Бөрйы гөтырпүто удж **вылын**, а эн рытйысянінын (кывйөз), Педор Кирон, роч му кутысь, Вавилонскөй сын Иванович! Тыш **вылө** оод корисны (фольклор). 8) М а т ы с л у н в е ж ö р т а с. Примерьяс: А тэ ачыд мамыд **вылө** мунан. Кыз ныра-вома (Г.Юшков), И збыль: сийө некоднан вок **вылас** эз мун (А.Ульянов). 9) О б ъ е к т, к о д в ы л ö в е ж с ь ö э м т о р. Примерьяс: Уна-ө коран та **вылө**? (фольклор), Кор волас лесопункто, пыр нин пыртас Александр Петровичлы сёла гоз ли, көч туша, дон **вылө**, дерт (Г.Фёдоров), Сиктад ас валежитө магазинса **вылад** бара оз вежны... (Е.Уляшев). 10) Ö т к о д я л а н в е ж ö р т а с. Примерьяс: Öнi Ягдор вөрпунктын кыскасьоны веськыд туйасөд, и быд лун катице вылө воө планысь **вывти** кер (Г.Юшков), Воыс эз на помась, а яйсө планысь **вывти** нин вузалім... (В.Безносиков). 11) К е р ö м м у н а н н о г в е ж ö р т а с. Примерьяс: ...öнi бабө вермас серам **вылө** лэптыны (Н.Куратова). Тайо вежөртасын кывбөра тэчасьяс тшөкыда пөрöны урчитанө. Примерьяс: Муртса на удитис нюжмовтчыны, **мудзвыссьыс** пыр и суркмунис-унмовсис (Г.Фёдоров), Шөйөвошюма пычкис-пычкис тасасьом ловсө да **мырдөнвылысь** чеччөдіс асьсө (Г.Юшков), Ми Шыркөд топöдалім, орччөдалім пурьяснымөс да **радвыссыным** не этиша песышитім öта-мөднымөс (И.Торопов).

Вевдор-: вевдоры, вевдорö, вевдортi, вевдорөдз, вевдорсянь. 1) И н а в е ж ö р т а с. Примерьяс: Вералан сынөд **вевдоры** öтка руд кымөр... вегылясис, некодарө эз веийы (Г.Юшков), ...посводзө пыран öдзöс **вевдорö** тувъяли гөрд плакатсө (Я.Рочев), Но, шуны кө, эз идрав, а мыльöсалис, пидзöс **вевдорөдз** иддза подсө колис и... (Г.Юшков), Сэсся воисны утка гозья: юрыд менам ва **вевдоры** вутш юр кодь (фольклор), Керйысь тишупөм ыджыд кильчөыс сод **вевдортiыс** тасьяса мича перилöа (П.Шахов), Лым усьөм бөрын мукөддырйи исласьлис сийөн собор гөра **вевдорсянь** Сыктыв ю вылөдз... (Г.Фёдоров).

Йыв-/йыл-: йылын, йылысь, йылө, йывлань, йывланьö, йывланьысь, йывланьын, йывсянь, йылөдз, йылөд, йывтi. 1) И н в е ж ö р т а с. Примерьяс: Мича, мича ичмонь да ки **йылө** оз öийы (öгыр) (нөдкыв), Бергалө майöг **йылын** катиша моз (кывйөз), Ем **йылын** моз пукалө, öгыр вылын моз сулалө (кывйөз), Керкаыс мыр **йылын** на (кывйөз), Абу нө муса... би весьтын ньөр **йылын** шедөм черитө жаритөмыд? (Г.Юшков), Ичөтик да гөгрөсиник кыснан моз, тыдавтөм сi **йылысь**, уйис сийө быттө ва

пыддосд... (Г.Юшков), ...Турун нобтö йöзыдлысь мырддälмөн... гез **йылö** жö öшгяс колхозыдлөн мöскыд (Г.Юшков), *Сандра мөддöдчис Бадьель **йывлань**, бурджык туйöдыс (Г.Фёдоров), Со юр'яс весьтöд швачкисны-лэбисны вит-öк-квйт горда, вöчисны нейджыд кытишов да морöсьяснысö чатöртöмөн ыз-гысисны кур'я **йывланьö** (В.Безносовых), ...уль ыркыд лэччис гöра **йывсянь**... (С.Попов), Чöрс кодь веськыд коз'яс костöд юрси **йылöдз** тырём раскөд... (А.Мишарина), Шондi мыччисис вөр п'яс **йивтi** (А.Одинцов), *Вад **йывлань-сьыс**, вутиг'яс костсьыс, нейджыд кулига сийö аддзис да пырис сэтчö* (Г.Юшков), *Вася пукалис дадь дор **йылын** мамыслань мышкөн* (Я.Рочев). 2) Мöвпалан либö сёрнитантор вежөр'тас. Пример'яс: *Кузь туруна вöйласьысь подула нюр'ясöд собö Öньö... да шогö усьлёмөн быдтор **йивсьыс** мөвпалö* (И.Торопов), *И мян костын бара на войнадырся олём **йылысь** сёрниыс пансис* (В.Безносовых), *Тулыс воём **йылысь** медводз висьталисны керка жöлöб'ясö öийöм йинёныс...* (В.Напалков), *Варов ныв-баба висьталис весиг сэтшиöмтор'яс **йылысь**, мый **йылысь** сылысь эз юав-ны* (В.Безносовых), *А паськыд пельпом'яса том морт сулалис Важ Эжва берегын да дыр видзöдiс лöз енэжлань, быттьö лыддис сэтись аслас олём **йылысь**, сиктса йöзлөн олём-вылём **йылысь** бөрö кольём лист бок'яс* (В.Напалков), *Кодi мыйөн висьö, сы **йылысь** и сёрнитö* (шусьöг). 3) К е р ö м м у н а н н о г. Пример пыдди: *Кузь лунтыр верма кок **йылын** овны* (Г.Юшков). Тшöкыда тайö вежөр'тасын кывбöра тэчас'яс пöрöны урчитанö, шуам, татшöм сёрникуз'яын: *Марпа весиг садьмылис да **унйивсьыс** гораа шöпкöдышитiс вомгорулас...* (Г.Фёдоров).*

6. У в и н а к ы в б ö р ' я с. Тайö чукöрсö артмөдöны ув- да удор-кыввуж'я кывбөр'яс. Найö öтутчöны ув ин вежөр'тас петкөдлём серти. Кывбөр'яс тор'ялöны вежөр'тас рөмнас да сёрниын бергалöмнас. Ув- кыв-вуж'я кывбөр'яс паськыджык вежөр'тасаöсь. Найö вермöны индыны эмторлөн весьтас ув вылö (*пызан **улын**, книга **улö**, шебрас **увсянь***), эмторсянь улынджык паськыд да ылын ин вылö (*шондi **улын**, кырта **увлань**, син **улö***). Удор- кыввуж'я кывбөр'яс вермöны индыны сöмын эмторсянь ылын улыс ин вылö (*кыр **увдорын**, гижöд **увдорысь***). Найö паныдасьлöны шоча да кутöны сöмын ин вежөр'тас.

Ув-/ул(i)-: улын, улысь, улö, увсянь, увлань, улöдз, улöд, увтi, улitи, увланьöд. 1) И н а в е ж ö р ' т а с. Пример'яс: *Тöв нин со пуксис, Виль во нин гажсаа пасйисны Гудган сиктын, совхозлөн капуста муяс'ыс еджыд да пушыд эшкын **улын** нин шойччöны* (В.Безносовых), *Сук синкым'яс **улын** дзöрысь син'я-сас тöдчис ёсялысь том морт дорö лöглун* (В.Безносовых), *Но и вуджөр'т син **улысь**, мянлы уджавны колö* (Г.Юшков), *...мамыс бара матыстiс чаи-каяссö Педьö ныр **улö**...* (П.Шахов), *...нёл гоз син шебрас **увсяньыс** чуймöмөн видзöдисны...* (Б.Шахов), *Лыткинöс быттьö вильдöдны кутiс кырта **увланьыс**...* (Г.Юшков), *Вольпас'ын куйлысьяс шебрассö щöка **улöдзныс** тракнитiсны-кыскышитiсны...* (Б.Шахов), *Кольём вося öти номерын вöли*

кыпыд очерк налөн... ии **увті** ветлём йылысь... (Г.Юшков), *Ярьюгыд кодзув **улын**, тыдалё, чужлёмыд да шудаа и гажсаа пондан овны-вывны, быдтысьны...* (В.Безноси́ков), *Гёбёч **улын** ои лапа (нач лыс) (нёджыв), Владиклысь быттьё чорыда чепёлтысны кыткё, морёспань **увланьёдыс**...* (В.Безноси́ков), *Гу места колё бёрыны косджыкинё да шоныдджыкинё, кодйыштавны кызджык вужляяс **уліті**...* (И.Торопов). 2) **К а д в е ж ö р т а с**. Примерьяс: *Арнас вартігөн абу удитёма вартём няньсё колхоз складас нуны, вой **улё** гумна вылас кольёма (Н.Куратова), Вой **улас** өд пачтё он нин ломты...* (С.Раевский), — *Кытчё нё вой **улас** чойёй лэбзис? — юала мамлысь (А.Одинцов), ...вой **улё** чорзян мороз вильыша кыйёдчис чепёлтны Елюк-лысь нырсё (Г.Фёдоров).* 3) **К е р ö м м у н а н н о г**. Примерьяс: *Сиктысь колхозной обоз вёрзёдчис гудёк шы **улё**, нывьяслён лэчид гёлёса сьылём шы **улё** (Г.Фёдоров), Радиола ворсём **улын** зымгам-йёктам (В.Афанасьев), Дыр на гудёк **улё** сьылгтырийи том йёз гуляйтисны грезд кузя (Б.Шахов), Сёрни **улас** эз тёдлыны — пуксис рыт: матыстчис ылі горизонт дорё (Я.Рочев), Микит оз вермы, сёлёмыс оз лэпты ружьё **улын** лэччодны тайё йёзсё... сиктё да сдайтны органьясё (И.Торопов), Тёв пёлыштом **улё** Микит садьмис (В.Юхнин).* 4) **Т р а н с л а т и в н ö й в е ж ö р т а с**. Примерьяс: *Но видзысьыс эз на чеччы, вермытом **улё** уськёдчис да вегылясьны кутіс...* (Г.Юшков), *Йёй **улё** кё лэдчысян, быдёнлы позё йёктыны (кывйёз).* 5) **Э м т о р , к о д ö с м ы й в ы л ö к ö л ö с ö д ö м а , д а с ь т ö м а**. Примерьяс: *Кыксё гектарыс эз чукөрмы колхозыслён тувсов кёдза **улас** (Г.Юшков), Тарыт помалісны витёд бригадалы анькытиш сора зёр **улё** му гөрём (В.Безноси́ков), Скётсё колхоз картаё вайёдім, а керкасё правление **улё** босьтім (Г.Юшков).* 6) **Э м т о р м ö д э м т о р у л ы н**. Примерьяс: *А Изъвайыв вёлёсть **улё** пырысь сиктясын олысьяс пёшти ставныс эз кужны гижны ни лыддьысьны (С.Морозов), Дерт, шедлас кё Серкоис сьлөн гыж **улё** ли пинь **улё**, ошкыс чуш-чаиш и вёчас и ёти здукён (Г.Юшков).*

Увдор-: *увдорын, увдорё, увдорысь, увдорёдз.* Ина вежёртас. Примерьяс: *Векныдик плеш **увдорас** гёгрёс шом кодь синьясыс сідзи и дзөрёны, кыйкъялёны (В.Безноси́ков), Духовно-приходскöй училище йёришитчёма вёлі Троицкöй собор кёлёкёльнича **увдорё**...* (Г.Фёдоров), *Ёти татиём обли-цуйтом кык судта керка пельёсысь, «ул.Красноармейская 4» гижёд **увдо-рысь**, син улё уси мемориальной дёска (Я.Рочев), Кыр **увдорын** быдмисны лежнөг да өмидз кустьяс (Г.Фёдоров), Черилён бёжыс лядьвей **увдорёдыс** шлячёдö (В.Безноси́ков), ...синваыс доршасёма дзёрысь синлысьяс **увдорас** (В.Безноси́ков).*

7. **В о д з и н а к ы в б ö р ь я с**. Тайё чукёрас пырёны *водз-, водз-ладор-* кыввужтя кывбөрьяс, а сідзжё *воча* да *паныд* кывбөрьяс. Ставныс найö кутёны водз ина вежёртас. Бөрья кык кывбёрыс стöчмөдöны тайё вежёртассö, индöны веськыд водз ин вылö. Вежёртас боксяныс найö оз торьявны, бергалöны синонимьяс пыдди. *Водз-, водзвыв-, водзладор-* кывбөрья-

яс пиысь медся шоча паныдасьлө бөрьяыс. Вежөртас сертиыс *водзвыв-* да *водзладор-* кывбөрьяс өткодьöсь. Найö индöны матыс водз ин. *Водз-* кыв-
вужья кывбөрьяслөн вежөртасыс паськыджык. Найö вермöны индыны ма-
тыс да ылыс водз ин, весьтас да абу дзик весьтас водз ин. Водз ина кыв-
бөрьяс пиысь уна вежөртасаöсь *водз-* кыввужья кывбөрьяс.

Водз-: *водзын, водзö, водзысь, водзсянь, водзöдз, водзті, водзöд.*
1) И н а в е ж ö р т а с. Примерьяс: *Пукала общежитие комнатаын восьса
öшинь водзын да видзöда ывла ывлö (Е.Козлов), Но конюшняс кежöдан
туйвежöдзыс и воис Васька, Пекла ичиньсö казяліс мös карта водзысь...*
(Г.Юшков), *Нинöм он лысьт кольны йöз син водзö (Г.Юшков), Син водзті
прöйдитіс нэмөвöйся коми парма (А.Попов).* 2) К а д в е ж ö р т а с. При-
мерьяс: *Тэ жö тöлысь водзті на Лина ывлö гöтрасьны кöсйин! (Н.Курато-
ва), Кузь тулыс водзын жöлöб дорö йи кузя нюжöдчö (фольклор).* 3) О б ъ е к т
в е ж ö р т а с. Примерьяс: *А öні некод водзын Виринеялы куньтырасьнысö...*
(Г.Юшков), *Сійö онас «Боец» колхозыд рöцöта нин вöлі государство во-
дзад, а Модьöйд начальство водзад честьö уськöдчис — кызь порсь планысь
вывті сдайтöдіс (В.Безносовых), И салдат-ёртъясыс водзын та бöрын ёна
кыпöдчис удал кавалерист (И.Торопов).*

Водзвыв-/водзвыл-: *водзвылын, водзвылысь, водзвылö.* 1) И н а в е -
ж ö р т а с. Примерьяс: *Тупыль быгыльтчö сы водзвылын (П.Доронин), Лат-
кин петіс вездеход водзвылас лөмөн да кутіс туясьны...* (Г.Юшков), *Пиконлөн
быттö кыйöма и лыйöма нин йöрасö. Кузь кокнас тювйö-кырсьсö сійö ме
водзвылын, ачыс йöра кодь (И.Торопов), Нырсö чатöртöмөн лым питіыс
келіс вöвьяс водзвылö (Б.Шахов), Збойнад и немечыс збой, и наянлуныс сылөн
пон моз ас водзвылас котöртö (Г.Юшков).* 2) К а д в е ж ö р т а с. При-
мерьяс: *Армияö ыджыдджык писö босьтісны война водзвылын (А.Ульянов),
...но Анна збодер на, кöть коскыс юкавлö поводдя вежсьöм водзвылын...*
(А.Ульянов), *Шонді лэччöм водзвылас ми йöткыштчим кывтны квайтөн
öти пыжён...* (И.Пыстин), *Васька бауасис да вуджис паччöрö, сэтысянь нин
валегиа кокөн лэччис джоджö, очсалыштіс кöдзыдас петöм водзвылын
(Г.Юшков), Стариклөн сёйсис жö нин..., чай юём водзвылын сылы окота
чигарка куритны (И.Торопов).*

Водзладор: *водзладорö, водзладорын, водзладорысь.* И н а в е ж ö р -
т а с. Пример пыдди: *Илья пырис да сы водзладорö сувтіс (фольклор).*

Паныд: 1) И н а в е ж ö р т а с. Примерьяс: *Восьлалöны (нывьяс) керös
паныд, но важ моз жö кокниа (В.Безносовых), Пыригас на кöзйякаыс
уськöдчис сылы паныд...* (В.Безносовых), *Чечча тэрыб «Заря» теплоходысь
да ньöжйöникөн восьлала нöрыс паныд (А.Ульянов), Котöртöны кокъясöй
асьныс тэлань паныд (А.Мишарина), Ва паныдтö пыжыд ачыс оз кат
(шусьöг).* 2) К а д в е ж ö р т а с. Примерьяс: *Василей паныд кö кодзула,
вотös артмас (фольклор), Воясыд лоисны омöльöсь, оз артмы вотöсыд:
Василей лун паныд войыс вöлі кымöра, лымйыс эз дзирдав (В.Юхнин), Кык*

лун бёрын, шойччан лунлы **паныд**, Дингёль вёрпунктё Свежов локтис бёр, съёрсыс вайис радиоприёмник (В.Юхнин), — Пывсынытё ог нин, Марпа тётка, видасны. — Мый нё видасны, талун од праздник **паныд**, он печкы (В.Юхнин). 3) О б ъ е к т, кодлы паныда веськөдöма ассыс керöмсö субъект. Примерьяс: *Отнасөн колис водзын локтысь оломыслы паныд* (И.Белых), *Онйя властылы паныд сйö эз зырсы* (Г.Фёдоров), *...Турьяса крестьяна кыпöдчылсны нартитысяслы паныд* (А.Ларев), *А, колöкö, и ыджыдджыктор вылö на арталис, Памалы паныд и веськöдны сэсся сйöс* (Г.Юшков).

Воча: 1) И на вежöртас. Примерьяс: *Ме видзöда пач вомö, чургöдла киясö лыньгысь шоныдыслы воча да гора чиктывла* (Н.Куратова), — *Бурьяс, локтöй, локтöй-пырöй, ...Волывланныд мыйкö шоча: Локтöй, пета тилы воча* (И.Вавилин). 2) О б ъ е к т, кодлы паныда веськөдöма ассыс керöмсö субъект. Примерьяс: *Сувтис сэк да уськөдчис гөрöд флагөн враглы воча мян муса ныв* (С.Попов), *Педор Киронöй, роч му кутысöй, роч багатырöй! Тэнö нö вед корöны гымкөд воча, чардкөд паныд* (фольклор).

8. Б ö р и н а к ы в б ö р њ я с. Бөр ина кывбөр чукөр артмөдöны бөр-, бөрвыв-, сай- да мыш(к)- кыввужья кывбөрьяс, кодьяс торьялöны бөр ин вежöртас петкөдлöмнас, сёрниын паныдасьлöмнас да содтöд вежöртас лыд- нас. На пöвстысь медся тшöкыда бергалöны кывйын да медпаськыд вежöртасаöсь сай- кыввужья кывбөрьяс. Медся шоча паныдасьлöны бөр- кыввужья кывбөрьяс. На пиысь ин вежöртасын бергалö нин сöмын öткымын форма — эмтор бөрся мунöм вежöртасаяс. Ин вежöртасын бөр- кыввужья кывбөрьясö вочасөн вежöны мыш(к)- кыввужья кывбөрьяс. Бөр ин петкөдлöм серти кывбөрьясö позьö юкны кык пельö. Öти чукöрсö артмөдöны бөр-, бөрвыв-, мыш(к)- кыввужья кывбөрьяс. Найö паныдасьлöны ёнджыкасö стöч мыгöра эмтор вежöртаса кывьяс бöрын да индöны матысса весьтас бөр ин вылö. Сай- кыввужья кывбөрьяс вермöны паныдасьлыны мыгöра да мыгöртöм эмтор вежöртаса кывьяс бöрын. Тайö кывбөрьясыс кутöны паськыджык вежöртас: бөр ин, ылыс ин, тыдавтöм ин, ортсы ин вежöртасьяс. Торья ин вежöртас петкөдлöм йитчöма контексткөд. Бөр ина кывбөрьяс пиысь сöмын сай- кывбөрьяс паныдасьлöны: а) инын нюжалöм эмтор (ю, туй, чукыль), б) паськыд ина эмтор (вөр), в) весьтас сулалысь векни эмтор (öдзöс, öшинь, дзирья) вежöртаса эмакывьяскөд.

Бөр-: бöрын, бöрысь, бөрö, бөрлань, бөрсянь, бөрöд, бөрти, бөрöдз, бөрти, бөрся. 1) И на вежöртас. Тайö вежöртасын бөр- кыввужья кывбөрьясö тшöкыда сьöктöдöма объект вежöртас. Примерьяс: *Мамö кувтöдз вежон-мөд войдөр на Аннаыс пыралис мян ордö. Аслас завобозакөд, кодi сы бöрысь вуджёр моз век ветлөдлiс* (И.Торопов), *Найö дыр уяласны-суналасны öта-мөд бөрсяныс вöтлысьмөн* (Б.Шахов), *И ме бөрöд юрбитиг сэки пондiс авья питор лыддьыны тшöтш нёжйöник* (И.Куратов), *Сюяс вöлi*

зептас солалом нянь да батыс **бörся** лыыштас-котортас (А.Ульянов), Олюксан видзодис рытиввысянь ньöжйöника кывтысь юра кымörьяс **бörся** (Б.Шахов), Губернскöй начальство тиöктис сюся кыйöдны государственной преступникьяс **бörся** (Г.Фёдоров). 2) К а д в е ж ö р т а с. Тайö вежörтасын тшöкыда паныдасылö **бöрын** кывбör, торйөн нин кадакывйысь артмём эмакывьяс бöрын. Примерьяс: Сöмын вой шör **бöрын**, первой петук шыяскöд, локтö сйö рытйысянйысь (П.Доронин), Иванös батыс гöтралис арлыдөн нин, салдатысь воём **бöрын** (П.Доронин), Гозья мыйкö сёрнитисны — öбед **бöрын** пö ме висьöмö лэччыся, вокös пö корö, мый шуас (фольклор), Гриш кимöдзнас зэв öкуратнöя чышкыштитис пызан вывсö... да бергöдчис Миколлань. — Ме öбöдня **бöröдз** ог лок (П.Доронин), Тадзи котöртисны лун **бörся** лун (Г.Фёдоров), Гым **бöрын** да зэр **бöрын** шондö пөтавлö (шусьöг).

Бөрвыв-/бөрвыл-: бөрвылын, бөрвылысь, бөрвылö, бөрвывти. 1) И н а в е ж ö р т а с. Примерьяс: Вылитиджык сэсся босьтитис пулемётыс, кытчöкö Васька **бөрвылö**... (Г.Юшков), Друг ас **бөрвывсьыс** кылис пошкём (С.Раевский), Кын сюръя моз сулалис Öдюк..., сэсся йöз **бөрвывти** тиöтши пырис керкаас (А.Ульянов), Öтчөд карательяс шörö веськалисны. Колонна **бөрвылас** найö вöлöмайсö, поньяйсö (Г.Юшков). 2) Кад вежörтас. Примерьяс: Атака **бөрвылын**, чöв пуксьём кор, Бать писö дзебöма... (В.Попов).

Сай-: сайын, сайысь, сайö, сайлань, сайсянь, сайöдз, сайöд, сайти, сайланьын. 1) И н а в е ж ö р т а с. Примерьяс: — Но, сы серти кö! — кывйö сетчис Коктём Кöсьта. — Паськыд ва **сайынöсь** ми батыдкöд... (Г.Юшков), Куст **сайысь** чепöсйис дженъидик пальтоа том морт... (П.Доронин), Збылысь вöли Юдинлөн сруб тыр кер гумлаяс **сайö** дзебöма (П.Доронин), ...шор **сайлань** шарсийсны-котöртисны... том йöз (Б.Шахов), Сэсся и эз кутны тыдавын найö чуколь **сайсянь** (И.Торопов), ...а сэсся бергöдис ас водзас да ньöжйöник зырöдöмөн колльöдышитис бипур **сайöдз** (Г.Юшков), Пывсян **сайти** кытишовтысь векньидик туй петкöдис Варукös сы керка öшинь улö (Г.Фёдоров), Эз и кывлы Стакейлысь потишös **сайöд** матыстчöмсö (Г.Юшков), ...совдорас, сикт **сайланыс**, гöп эм, и сэтчö му пытиссьыс лолышталöмөн ва петö, загөр сола (Г.Юшков). 2) К а д в е ж ö р т а с. Примерьяс: Тöлысь **саяс** пöжи тöбöм да кардьялём сойös, да бурдис тай (В.Безносиков), Кык во **сайын** на чужис медичöт кагаыс (Г.Фёдоров), Видзсö татысь вежон-мöд **сайын** нин вöли пуктöма... (Г.Фёдоров), Важөн нин вöлöма тайö; кольöма сё вояс **сайö** (В.Лыткин). 3) О б ъ е к т в е ж ö р т а с. Примерьяс: Катерина петис верös **сайö** тракторист Федя **сайö** (С.Раевский), Мыйла нö, ок, мыйла, сэки ме **сайö** эн мун? (С.Раевский), Локтис Васька поп ордö, а попыд нывтö купеч пи **сайö** нин сетöма (фольклор), Дыш меным книгагас **саяд** зунясьны (И.Торопов), Луннас Катькалы гажтöмтчынысö некор: ...то школьной учебникьяс **сайын** зунясьö, то кино видзöдö телевизорыс (В.Безносиков). 4) Ы л ö с л ы д в е ж ö р т а с. Примерьяс: Куимсö **сайö** километр кывтим ойдём Сыкывти? (И.Торопов), Тайö вöли нелямын **сайö**

вуджём арлыда, шөркоддьём тушаа, ыджыд ёсь сьёд тошъяса... мужик (П.Доронин), Коркё керка комын **сайё** вёлі (Н.Куратова), Иван мунысьыс абу ётнас: артеляс дас морт **саяс** (П.Доронин).

Мыш(к):- мышкын, мышкысь, мышкё, мышланьё. И на вежортас. Примерьяс: Мам сулаліс базарын, ичотик часовня **мышкын**... (Г.Фёдоров), Казариновалён веротья видз **мышкын** куйліс вутикось нюр (Г.Фёдоров), Ме мунышті керка **мышкё** (И.Торопов), Егор **мышкын** кыліс ваё ызгысьём шы (Н.Куратова), Друг Соболь лёк ногён уськөдчис **Ольош мышланьё** (В.Юхнин).

9. Муртёс ина кывбөръяс. Тайё кывбөр чукөрсё артмөдöны эмторлөн пасьта-кузьта, муртёс серти ин петкөдлысь кывбөръяс. Ин вежортас сертиыс найё юксьоны нель пельö: а) пасьта ина кывбөръяс: *пасьтала, пасьта, вомён, пöперег*; б) кузьта ина кывбөръяс: *кузя, кузьта, кузяла, ньылыд, пöлөн(-)*; в) муртёс ина кывбөръяс: *вий-* да *выя-* кыввужья кывбөръяс; г) шөр ина кывбөръяс: *шөр-, шөрвий-* кыввужья кывбөръяс.

Кузьта серти ин тöдчöдысь кывбөръяс пиысь кузяланог мунём рём пыр кутöны сöмын кузяла, *пöлөн(-)* кыввужья кывбөръяс. *Пöлөн-* кыввужья кывбөръяс стöчмөдöны керöмлысь эмтор дорті кузяланогыс мунёмсö, керöмыс мунё эмторйыскöд орччөн. *Кузяла, кузя, кузьта, ньылыд* кывбөръяс индöны керöмлысь эмтор веркөсті либö питі кузяланог мунёмсö. *Кузя* да *кузьта* кывбөръяс бергалöны вуджан вежлөг вежортасын, тшöкыда паныдасьлöны кузь эмтор вежортаса эмакывьяс бöрын. *Ньылыд* кывбөр содтöд кутö абу паныда мунём вежортас.

Кузя: 1) И на вежортас. Примерьяс: *Варук мыш кузя котöртіс йирмөг, кöдзыдыс быттьö прöймитіс пась пырыс* (Г.Фёдоров), *1861-öд воын... Яренскöй тракт кузя* Емдінö... рөдйөн локтіс вöла (Г.Фёдоров), *Енэж кузя* кывтісны летём вурун кодь кымөр пластъяс... (А.Одинцов), *Быдсяма машинаяс ветлöны бусöсь мир туй кузя* (В.Безносиков), *Кор налөн на- берушканыс тыри чөдйөн, лэччисны найё визир кузя* юлань (Л.Мартюшева). 2) Гөгөрвоöдан вежортас. Примерьяс: *Аддзисны арифметика кузя* кымынкö учебник (С.Морозов), *Сетісны новлөдлысьöс, вентиляция кузя* уджалысьöс, коді тöдіс шахтасьыс быд туй возж (Г.Юшков), — *Мун сэтысь, ёртыс! — öвтыштитчис Öньö. — Ми öні та кузя, пöткасö кыйём кузяыс* шуа, *тэ дорысь озырджыкось лоам* (И.Торопов), — *Да кызкö тай быттьö сідзи и колö... — ковмис яныштыны Волковлы. — А кывныд кузя кө...* Быдлаын роч сёрни... (И.Торопов), *Вадоровöс кезнитөдліс, мый сылөн коркöя ёртыс сы ним кузя* шуавліс увтыртана кывьяс... (П.Шахов), *Сёрнитчисны и дон йылысь, и сөйём-юём кузя...* (А.Ульянов). 3) Мо г вежортас. Примерьяс: *Вöч тайö бурсö, Иван Алексеевич, менам посни челядь кузя!* (Г.Фёдоров), *Öтчыд озыр вок именинник кузяыс* бал вöчас (фольклор). 4) По м к а вежортас. Примерьяс: *Виш ассьым батёс ли — Со мый кузя* потлө сьölөм! (И.Куратов), *Но сэк жö и падъялö да шогö усьлө Öньö водзö вöралöмыс кузя...* (И.Торопов).

Кузяла: И на вежортас. Примерьяс: Сёмын тувсов кадö, кор ю йывсянь заводитöны лэдзны моль, сёмын сэки ю **кузяла** кылöны гажса морт гөлöсьяс (Г.Фёдоров), Сикт **кузяла** помся помысь Коллявлімö гажса войсö... (А.Мишарина), И куш юрьяс, гыяс моз, сёмын и лайкъялöны зал **кузяла** (И.Торопов), Ачыс, буракö, и ветлөдлө ув **кузялаыс**, сідз дзөрö ли (И.Торопов).

Кузьта: И на вежортас. Примерьяс: Пöв кум кымын джодж **кузьтаыс** муніс да шуö... (И.Сажин), Кутиём ва **кузьта** кывтан, сэтысь и васö юан (шусьöг).

Нылыд: И на вежортас. Примерьяс: Нöрыс **нылыд** найö лэччисны тэрыба (С.Раевский), А вöв пыйышитіс кыр **нылыд**... (И.Коданёв), Неуна öддзöдчыштан, и төвзёдö Сыктыв кузя, ислав көть ва **нылыд**, көть ва паныд: шыльыд йи вывтійд быдлаö öткодь (В.Безносиков), Оз позь некодлы пöтачитны да юрси **нылыдыс** малавны вина гагъясöс (В.Безносиков), Но ю кывтыдтö, визув **нылыдыд**, эз на ковмы помала да вынысьöн сыныштанавнытö (Г.Юшков), Сійöс эськö эз жö гөн **нылыдыс** малышитны (Н.Куратова), Кывта ме ва **нылыд** Важ моз öтка пыжа (А.Мишарина), Сэки Быгыльöс чой **нылыд** Ёстіс Ёма вокъяс былö (В.Лыткин).

Пöлөн(-): пöлөн, пöлөнö, пöлөнсь, пöлөнын, пöлөнсянь, пöлөнöд, пöлөнті. И на вежортас. Примерьяс: Сыктыв **пöлөн** быттё кодкö ыджыд ки тырөн шегышитöма джуджыдысь-джуджыд мылькъяс... (В.Безносиков), Чожöг ёль **пöлөнö**, дерт, эз жö кольччыны, сзсь со повзёдöма лои (Г.Юшков), Налы ки улö шедіс Эжва да Сыктыв юяс **пöлөнсь** уна сикт... (Г.Юшков), Асланыс ид му йөр **пöлөнöд** кайисны ая-пия вөрлань... (Г.Юшков), Джуджыд вөр шöрті, крут слудая костöд, тиöтишкöс юра ягъяс **пöлөнті** гартчö, котöртö визув Висер ю (Г.Фёдоров), Журган грездöдз комбедсаяс-лы колö мунны верст кум гөгөр юлөн паськыд, кутиёмкö вöра сьöрт **пöлөнöд**... (И.Торопов), Микол петіс öшинь ув йöрысь и, нем вöчигмоз, мөдöдчис берег **пöлөн** Поповъяс лавкалань (П.Доронин), А кутиём гажса да озыр местаяс Лёмью **пöлөнöдыс**! (И.Торопов).

Пасьта серти ин тöдчöдысь кывбöрьяс торъялöны öта-мöдсьыныс вежортас рöмнас да торьякывъяс бöрын бергалöмнас. Вомён да пöперег кывъяс тшöкыда паныдасьлöны векни да кузь эмтор вежортаса кывъяс бöрын, **пасьта** да **пасьтала** — пасьта да кузьга серти öтсема эмтор вежортаса кывъяс бöрын. Медводдза кывбöрьясыс петкөдлöны вомёнөн эмтор вуджём, бöрьясыс — эмторлысь мөд эмтор пиын пасьтаног инасьöмсö.

Пасьтала(-): пасьтала, пасьталаын, пасьталаысь. И на вежортас. Примерьяс: Крепостной право ыджыдаліс быдлаын Российской империя **пасьтала** (Г.Фёдоров), Сылы воёны письмöяс страна **пасьталаысь** (Н.Володарский), Да, дерт, казтывтöг оз ов, кызди сійö нимкодпырысь чепсасьлывліс гажса ягыс **пасьтала** (И.Торопов), Сэсся и видлы пö та ыджда сикт **пасьталасьыд** став грездъяссö подöннад кытишовтны (И.То-

ропов), *А сэсся сійёс, Марпа Ёльёкёс, гаикё, и казяласны да уездё чукёстасны, Усть-Сысольскё. Да шуасны: ...Вай жё пё тэ заводит юрнуёдны кулакъяскёд чорыд тыинас став Коми му пасьталаын* (И.Торопов), *...Василий Николаевич Латкин аддзёма Усть-Вояысь из гёра, посни синма зэв бур песчаник, кутиём оз сюр, гаикё, Россия пасьталаысь* (Г.Фёдоров).

Пасьта: И н а в е ж ё р т а с. Примерьяс: *Пежыд медбёръя шы сетё: «Мед жё лоас, мед жё... ой... Став му пасьтаысь съёд вой!»* (В.Лыткин), *Страна пасьта нималысь Надымсянь нелямын километр сайын, ыджыд тыдорса нёрыс вылын, тёвйисны «Родина» колхозлён первой бригадаса кёръяс* (Е.Рочев), *Тайё юёрыс ёдйё и разалис шахта пасьта* (Н.Куратова), *Сылы окота вёлі дырджык видзёдны радейтана бригада вылас, вёр участок пасьта медбур бригада вылас* (В.Юхнин).

Вомён: 1) И н а в е ж ё р т а с. Примерьяс: *Ме бара ыста письмё тэд сёдз юяс, лёзов парма вомён* (А.Мишарина), *Ёлексей воськовтис порог вомён...* (А.Ульянов), *Понйыс лыйышитис картофель му вомён* (А.Ульянов), *Ю вомён, тьёс пос вомён* Мусук менё вуджёдйёс (фольклор). 2) К а д в е ж ё р т а с. Примерьяс: *Но налён ловтё шонтысь озырлуныс вуджис миянёдз нэмьяс вомён...* (А.Ульянов). 3) К е р ё м м у н а н н о г в е ж ё р т а с. Примерьяс: *Вермасны и менам юр вомён* Вёлёгдаё юёртны (Г.Фёдоров).

Пёперег: 1) И н а в е ж ё р т а с. Пример пыдди: — *Шойччыштам, — вёзйыліс Паика да кепысьсё кынём улас дасьтём бёрын ножгысьыліс туй пёперегыс*. 2) М ё д э м т о р л ы п а н ы д в е ж ё р т а с. Примерьяс: *Своячканад сійёс дзик на первойысь шуёны. Вёлёмкё, сійё сувтёма пёдругаыслы пёперег...* (В.Безносиков), *Матрослён нимыс сиктса озыръяслы горш пёперег тасасис* (Г.Фёдоров), *...сійё восьлалё Ласейкёд орччён да оз лысьт туй пёперегыс сувтны* (Г.Фёдоров).

Муртёс ина кывбёръяс тёдчёдёны ёти эмторсянь мёд эмторйёдз муртёс ин.

Вый-: выйён, выйын, выйё, выйысь, выйёдз. 1) И н м у р т ё с в е ж ё р т а с. Пример пыдди: *Прокопей вёрканьён матыстчыліс ветымын воськов выйёдз, синнас пасйышитис местасё, а кёні сулаліс ачыс, тёв кежлё вёчис пасйёг* (В.Юхнин). 2) С о с т о я н и е м у р т ё с в е ж ё р т а с. Примерьяс: *Дерт, шоммёма нин эськё сійё (кёйдысыс) нити выв улисьсыс, чирёма курыд выйёдз* (Г.Юшков), *Печора устьяса морской пристаньын куим во сайын торйёдчём бёрын сійё (Геня) вержсьёма тёдтём выйёдз* (Я.Рочев), *Такёд ёттиёти, гораа, быттё лыйисны, тратинитис-чегис лы выйёдз косьмём кыз пипу ув* (А.Парначёв), *Бёръя вояс чёжён вуж выйён вержсисны миян сиктъяс...* (Я.Рочев). Вый- кыввужъя кывбёръяс тшёкыда паныдасьлёны -ан суффикса кадакывйысь артмём эмакывьяс бёрын. Та дырйи кывбёра тэчас тшёкыда мунё урчитан пыдди: — *Да пывсян миян вайман выйын, — радысла места эз аддзы Калина* (Я.Рочев), *Воан выйын* нин вёлі

урыс, өтикөс зэв матысь аддзыліс (Вирина), Вөлі сзэь рыт. Шонді **бердан выйын**, гөрді югөрөн саякйө (Н.Попов), Кымын сё вёла нин бергөдчис Ляпинсьыс, и эз на кывсьыв өлөдөм, **быран выйын** пө нин сэн ня-ныс (Г.Юшков), Татиом поводдянад и скөтлөн вытьыс кык ыджда — кёрымыс **быран выйө** воис (А.Одинцов), **Чеган выйөдз** зэвтлас веж кёдзы-дыс вөр-васё, лапавнытө нинөм... (И.Торопов), — Март помөдз некутиом шойччөм оз ло! Некодлы! — кыліс өдзөс дорсянь төдса вёсни гөлөс, коді өні зэлалөма **оран выйөдз** (И.Торопов).

Вья(-): вья, вьяө, вьяын, вьяысь, вьяті, вьяөдз. 1) И н м у р т ө с в е ж ө р т а с. Примерьяс: Гу гөгөрыс сё воськов **вьяті** нөшта вөчис кыти (Прокотий) (В.Юхнин), Тайө кык ю пельөсас, устьесааныс сё метр **вьяө**, нөрысас кос яг вылө и стрөитісны Дінъель вөрпунктсө (В.Юхнин), Борис — латикыд тушаа крөпид там морт, вөлөстлань нелямын километр **вьяын**, Вөрью йывланьын, пөчинокын олыс Хуторков Прокотейлөн пи... (В.Юхнин), Туй бокын, кйөн судзмөн **вьяын**, сулалісны гырысь пельсь пуяс (И.Изьюров), Водзын, тыдалан **вьяын**, мөд сикт (И.Изьюров). 2) К е р ө м л ө н м у - н а н н о г. Пример пыдди: Морт оз вермы овны ас **вьяыс**, сійө олө йөзлысь уджысьмөм (О.Уляшев).

Ш ө р и н а к ы в б ö р њ я с петкөдлөны эморлысь (признаклысь, керөм-вөчөмлысь) мөд эмор шөрын инасьөмсө. Подув вежөртаснас шөр-да шөрвый- кыввужья кывбөрьяс оз торьявны. Тшөкыдджыка паныдасьлө-ны уна вежөртаса шөр- кыввужья кывбөрьяс. Шөрвый- кывбөрьяслөн сөмын өти вежөртас.

Шөр-: шөрын, шөрысь, шөрө, шөрлань, шөрланьө, шөрланьысь, шөрла-нын, шөрсянь, шөрөдз, шөрөд, шөрті. 1) И н а в е ж ө р т а с. Примерьяс: Ваө юртө эн суй, сьөд вөр **шөрө** эн воштөдчы (И.Торопов), Бурджык керкасыс кар **шөрынөс**... (Г.Фёдоров), Пельпомьяс выланьс карнаана вед-раяс тырөн найө сувтісны туй **шөрө** да бура дыр сёрнитісны (Г.Фёдоров), Бара чеччалам ва **шөрланьыс**, гольскам багырьясөн (В.Безносиков), Кыкнан-ныс чөв усыны, быттьө өта-мөдныскөд сёрнитчөмөн вешйыштісны би **шөрланьөджык**... (И.Торопов), Пыжсө весиг кыскаліс сэтчө Васька, ...ме-дым и ва **шөрсяныс** тиөти позис разөдалыштыны (Г.Юшков), Ласта **шөрланьын**, ляпкыдик веретя таладорын, Самарин виччысьө нин вөлі, додь возьяс костас нин вөвсө сувтөдөма, өти возсө вылын нин кутө гужы пөвнас шыркнитөмөн (Г.Юшков), Сійө удитіс нин воөдчыны ю **шөрөдзыс** да тиаккысьны лизгыртчөм Ардальонлы куртка кёлысас (В.Безносиков), Он кө пөрысьдыльс кывзы, ва **шөрөд** кылалан (кывйөз), И друг ю **шөрті** кутіс кывтны гөрда-сьөда мичаысь-мича пароход (П.Шахов). 2) К а д в е ж ө р - т а с. Примерьяс: ...Сылөн кывьясыс меным вөліны төв **шөрын** гымыштөм кодьөс (И.Торопов), Февраль **шөрас** сійө гортас нин воис (Г.Юшков). 3) Л о в њ я о б њ е к т и н в е ж ө р т а с. Примерьяс: Код төдас, му-дер морт **шөрө** веськалан да (Г.Юшков), ...а нажөткаыд колө, и бара Ви-

риня **шөрө** веськаліс (Г.Юшков), А бара кө йөгра **шөрад** веськавлан төрытъя мозыд? (Г.Юшков), Ревеккалөн личаліс сьолёмыс: бур йөз **шөрө** на веськалёма пиыс... (Г.Юшков), Корсям сьыланкыв ас **шөрысь**, Ас му-ва вылысь, ас вөрысь (И.Куратов).

Шөрвый-: шөрвыйён, шөрвыйын, шөрвыйысь, шөрвыйё, шөрвыйсянь, шөрвыйёдз, шөрвыйёд, шөрвыйті, шөрвыйланьын. И на вежөр т а с. Примерьяс: Бурети сэки стада **шөрвыйёныс** кымын артельсьыс кольчышитіс өти дзодзёг... (П.Доронин), Усть-Цильма **шөрвыйын** кымын эм Гортса шор (Я.Рочев), Сикт **шөрвыйёд**, Сөветскöй уличакөд орччөн, нюжөдчөмаёсь нин Набережнöй да Нагорнöй уличаяс (Я.Рочев), Йөзыс тэрмасисны гортаныс, и Ревекка тиөти кырта **шөрвыйёдз** кыпөдчыліс... (Г.Юшков), Сикт **шөрвьяс** базвидзё өтмөдорё сизёра ыджыд выль керка (И.Пыстин), Кыдзкө-мыйкө ю **шөрвьяс** нин ми вок кутчысьлам асланым важмём ветки пыжён... (Я.Рочев), Пув сик рөч **шөрвыйланьын** Капит Паи казяліс пөткалысь нөшта өти пуртікасянін (И.Торопов), Том зон бергөдчис и сэк жө аддзис, кыдзи Ёгорлы Калина индіс зал **шөрвыйёд** классө пырысь өдзёслань (Я.Рочев).

10. К о с т и н а к ы в б ö р ъ я с. Тайө чукөрсө артмөдöны кост-кыввужъя кывбөръяс. Найө индöны эмторлысь инсө некымын эмтор серти. Та вöсна кост-кыввужъя кывбөръяс паныдасьлөны лыдакывйөн да лыда урчитанөн гөгөрвоөдөм, уна лыда либө өтвывтана вежөртаса эмакыв бöрын.

Кост-: костын, костё, костысь, костөд, костті, костөдз. 1) И на вежөр т а с. Примерьяс: Кык өшинь **костас**, небыд диван вылын, сан кодь пушыд гөна кысө куткырвидзё (В.Безносовых), Видзөдам: Серөдөй, матушкай, козяс **костын**, нити вылас нюжвидзё, синъясыс кылаөмаёсь (В.Безносовых), Ыинясис Максим аслас семья **костын**, мый Пыстин рөд — кыпыд вира йөз, куим-нөль көленаөн вермасны пөлавны да тыртны Абар ыджда дзонь сикт... (П.Доронин), Воча некод жө эз шыась, сөмын кыськө вылысь, муртса тыдалан сөрьяс **костысь**, идастор усис (Г.Юшков), ...мир туйыс мөдіс чукльөдлыны-гартчыны пашкыр пожөмъяс **костөд** (А.Ульянов), ...вөлыс бөръя эбөсьыс, а сувтлытөг на кыпөдчис кык мыльк **костөдзыс**... (Г.Юшков), Пока ставсө лыддьөдлас, блиныд удитас көдзавны дай выйыс чуньяс **костъястіыс** визувтны (Н.Куратова), Джуджыд мылькъяс костө поздысьөмаёсь тыяс, кодъяс йитчөны өта-мөдыскөд изьяс **костті** сөльгысь визув висьясөн (А.Попов), Но со водзын, козя-ловпуа сайөд **костөд**, югнитіс йир тылөн югыдлөз веркөсыс... (И.Торопов). 2) К а д вежөр т а с. Примерьяс: Мамыс өткажитіс первойсө. Но кык видз **костө**, крещеннөа-йөлвыла **костө**, бара воисны корасыны (Н.Куратова), Сійө сөрни **костас** бурети керкаө пырис Микол... (П.Доронин), Таво ниалөн кык лым **костө** уси лыскыс да — ыджыд ва лоө (фольклор).

Ина-асалан кывбөръяс


Ина-асалан кывбөр чукөр артмөдöны *орд*- кыввужъя кывбөръяс. Найö паныдасълöны сöмын ловъя эмакывъяс да морта нимвежтасъяс бердын. Та вöсна найö кутöны ина да асалан вежöртас öтпырйö, индöны ин вылö да ин асалысь вылö.

Орд:- *ордын, ордö, ордысь, ордянь, ордöдз*. 1) И н а - а с а л а н в е - ж ö р т а с. Примеръяс: «*Не ваше дело*», — *рочышитис Катька да чушнитис, сзэся тэрмасьöмön петис быдтор тöдны көсйысьяс **ордысь*** (В.Безносиков), *Кадыс рытпом нин вöли, эштöма уджыс, и пырис видлігмоз зятъыс **ордö*** (Г.Юшков), *Ичöт дырйиыс сійö на **ордысь** эз и птавлы* (Г.Юшков), *Моск-ваын, купеч **ордын**, көні сійö вöли кага видзысьöн, сы син водзын салдатъяс да сояныс гөрöд көртöда рабочöйяс мырддисны жö купеч семьялысь ставсö...* (И.Торопов), *...Öльöкыс тишöти и лög кутöмысь көсйö пыравны Викеньыс **ордö*** (И.Торопов), *Гожöм кежлас татчö кутам корлыны дитясö. Мед ми **ордын** олас* (Г.Юшков), — *А öні ме тэнö колльöда квартирайöдзид. – Гаишкö, Татьяна **ордöдз**?* (В.Напалков), *А збыль, Герман?! Коркö ми **ордö** пыраліс да тэ йылысь и сёрнитис* (Г.Юшков), *Проконей **ордянь** ош кыйны мөдöдчигöн вöли асыв* (В.Юхнин). 2) А с а л а н в е ж ö р т а с. Примеръяс: *Сійö мыччис газетсö Лерик батылы, ачыс босьтис сы **ордысь** кагасö* (Н.Куратова), *Но сэж коста Ёгор аддзис сы **ордысь** ружйöсö...* (В.Юхнин).

Када кывбөръяс

Вежöртас серти мөд ыджыд чукөр артмөдöны када кывбөръяс. Найöс позьö юкны кык чукөр вылö: а) веськыд кад индысь кывбөръяс, б) абу веськыд (относительнöй) кад индысь кывбөръяс. В е с ь к ы д к а д в е ж ö р т а - с а к ы в б ö р ь я с индöны кутшöмкö кад мөд кад вылö мыджсыгтöг. Найö вермöны петкөдлыны кад вежöртаслысь кык сикас: а) урчиттöм кад, кор мунö керöмыс: *дырйи*; б) урчитöм кадколаст, дыр-ö кысьö керöмыс: *чöж, дыра, чöжöн, кежлö, кежö*. А б у в е с ь к ы д к а д и н д ы с ь к ы в - б ö р ь я с петкөдлöны кад кутшöмкö мөд кад серти. Тайö кад вежöртассö кутöны *мысти, мысьт, мысьтöн, бөрти, кості, костіön, костöн, коста* кывбөръяс. Вежöртас сертиыс найöс позьö юкны нель пельö: а) урчитöм кад, код кежлö вöчсьö керöмыс: *кежлö, кежö*; б) кадколаст, кодыр мунö керöмыс: *кості, костіön, костöн, коста*; в) кад, код бöрын мунö керöмыс: *мысти, мысьт, мыстиöн, бөрти*; г) керöм заводитчан кад: *дырсянь*. Абу веськыд кад вежöртас тшöкыда кутöны ина кывбөръяс. Найö вермöны петкөдлыны тайö кадлысь некимын сикас, пример пыдди, кутшöмкö кад бöрын, а сіджö кад водзын керöм муна кад: *войшйөр бöрын, пажын водзын, празник водзылын*. Када кывбөръяс абу уна вежöртасайсь. На пиысь унджыкыс öти вежöртаса либö кутö кад вежöртаслысь некимын сикас. Када

кывбөрьяс тшөкыда паныдасьлөны кад, керөм, лоөмтор вежөртаса эмакывъ-
яс да када урчитанъяс бөрын. Када кывбөрьяслысь кад петкөдлөмсö позьö
серпасавны схемаөн:



Дырйи. Кывбөрлөн эм некымын вежөртас: 1) К е р ө м в ө ч а н к а д. Тайö вежөртасын кывбөр паныдасьлө кад, процесс да состояние вежөртаса кывъяс бөрын. Примерьяс: *Андрей, менам важся друг, öтпуск дырйиыс локтіс ме ордö гөститны* (С.Раевский), *Мамыс воштöма түрөб дырйи*, *лым пиысь сюри* (Я.Рочев), *Дышöдіс нин кыскавны сьökыд көм-паськөм, джуджыд лым пид собавны түрөбьяс дырйи* школаö (А.Одинцов), *Сура праздникяс дырйи пö вежон чөж, а то и дырджык оз волы гортö...* (Н.Куратова), *Лөдз Иван лун дырйи öбедайтö, Петыр лун дырйи пажнайтö, Илья лун дырйи ужнайтö* (кывйөз), *Омоль көзайкалөн Петыр лун дырйи мөскыс тулуна ветлө* (кывйөз). Кывбердьяскөд паныдасьлігөн дырйи кывбөр индö э м т о р п р и з н а к с е р т и к а д. Примерьяс: *И вöрсö колö босьтыштавны сэтысь кын вывті да лымъя дырйи нин, мед лёк ногөн не гөрны да пузлавны бур нитика яг эжсö...* (И.Торопов), *Дозмөр кыйны да, мед шоныдджык дырйиыс оз тиыксьы, кыз чигъя көяяссö косьтыштны* (И.Торопов), *Но век жö луннад абу нин сэтиöм шуитöм вöрад. Да нöшта нин шондіа дырйиыд* (И.Торопов), *Менам сэтиöм оланног: овлө гажя, овлө шог; Гажя дырйи — ворсьышта, Гаж кө бырö — шогсьышта коми съылан-кывйөн* (В.Савин), *Көдзыд дырйиыд лыыд трөпök* (рыж), *а жарыд пö не-кодлысь на абу чегъявлöма льяяссö* (кывйөз). Дырйи кывбөр кадсö вермө

петкөдлыны мортлөн олан тшупөд серти. Примерьяс: *И дзонь-нас Анукус лөсьыд на, ныв дырйиыс моз на зэв шыльыд вир-яя* (И.Торопов), *Дзоля дырйиыс ас кокнас ветліс, а быдмис да — йөз шея вылө пуксис* (кывйөз), *А герой кодь и вөлөма. Зон дырйиыс русско-японскöй война вылө ветлөма* (В.Безносиков), *Менө ичөт дырйи батьө велөдліс жө уркайтө кыйны...* (И.Торопов), *Челядь дырйиыд и оландырйыс* (шусьөг), *Том дырйиыд өд кокыд нүө-а, пöрысь дырйиыд оз нин котөрт!* (шусьөг). 2) М о р т, к о д д ы р й и в ө ч ö н ы к у т ш ö м к ö к е р ö м. Тайө вежөртаса кывбөр паныдасьлө ловья эмакывьяс да нимвежтасьяс бöрын. Примерьяс: *Айка дырйи моньяс пыр чөв олісны* (П.Доронин), *Гөрба Педөр син пөвсө читкыртліс да Зук Егорлы вашкөдіс пинь пырыс назгөмөн: нылыд дырйи нө позьө сёрнитныс...* (И.Пыстин), *...сійө (Викень) мый вермис, такөдіс асьсө, мед эськө коньөрө не уськөдчыны... Торйөн нин челядьыс дырйи не лоны коньөр кодынас...* (И.Торопов). 3) У с л о в и е в е ж ö р т а с. Примерьяс: *Бур кыв дырйи уджыд шедөдджык, лолыд кокниджык* (шусьөг), *Виль дырйи быдтор мича* (шусьөг).

Дыра. Кывбөр индө керөм мунан кадколаст вылө, стөчмөдө дыр-ө кыссьө тайө керөм-вөчөмыс. Кывбөр петкөдлө кадсө өткөдьялөмөн, сы вöсна сійө тшөкыда паныдасьлө кадакывйысь артмөм эмакывьяс да нимвежтасьяс бöрын. Примерьяс: *Пөчинокас олігөн шыр кулөм дыра* и узыльылім, *гожөмнад вөлі здук кезлө и урсмунлан* (В.Безносиков), *Биа-сёрья катыдлань мыйкө дыра тирөдыштөм бöрын Катшыс пондіс азы-ма исасьны нитиасялөм ыджыд колода дінын...* (И.Торопов), *Майөг йылө катишалөн пуксьылөм дыра* мортылдөн олөмыд (кывйөз).

Чөж. Кывбөр петкөдлө урчитөм кадколаст, дыр-ө кыссьө керөм-вөчөмыс. Примерьяс: *Мукөд юсьыс, төварышьясыс сылөн, кык лун чөж сэсся вийсисны сэні. Лэбалöны ты весьтөдыс* (И.Торопов), *Тöлысь чөж уджалөм бөрад унатор тыдалө* (Л.Огнёв), *Зук Егор ордө вежон чөж нин быд рит чукөртчывлөны шышьяс моз Педот сиктысь кымынкө морт* (И.Пыстин), *Вежон чөж тупляси вольпасын* (А.Одинцов), *Быдса вежон чөж ковмис Öньöлы тадзи вөчасьбөмөн да дзонь-тасьбөмөн, лэч сёрьяс вылө пелысь розьяс öшлөмөн кытишовтны чөс түйсө* (И.Торопов), *Тöлысь чөж, пöшти ноябрь праздникөдз, позяс гөгравны том дырсянь мусмөм ягьясөдыс да норьясөдыс* (И.Торопов).

Чөжөн. Кывбөр индө керөм мунан кадколаст вылө. Примерьяс: *...шонді век на пөжис, лышкыда сявкйис пöсь югөрсө гожөм чөжөн* косьмөм Сыктыв ю вылө... (Г.Фёдоров), *Востер кыйсьысьбөн нимаवलөма Адам Көсьта: нэм чөжнас чергөдлөма кызь куим ошкөс* (В.Напалков), *Бөрья вояс чөжөн вуж выйөн вежсисны миян сиктьяс...* (Я.Рочев), *Дерт, шуам, сійө, Пиля Зоя, кольөм во чөжнас, гортас бөр вотөдз, быдторсө жө нин аддзыліс...* (И.Торопов).

Кежлө/кежсө. Кежлө кывбөр вермө петкөдлыны куим сикас кад вежөртас: 1) кер өм вөчан урчитөм кад: *Пажнайтыитөм бөрын рытъявылөдзыс керисны чом да чукөртисны вой кежлө пес — ёнджыкасө косьмөм ловпуюс...* (И.Торопов), *Лун кежлө петан туйө — вежсон кежлө босьт запастө, вежсон кежлө кө — төлысь кежлө* (Б.Шахов), *Федя — сийө миян Янковлөн батъыс, уджалө району да волывлө сөмын шойччан лун кежлө* (Н.Куратова), *Пемыднас нин ми чөсмасим чөскыд юквадн, юим юмов сук чай, сэсся вой кежлө заптөм пес...* (С.Раевский), *Регыд и сийө шебрасяс дыр кежлө еджыд эшкынөн* (С.Раевский), *...вөр массивъяс то недыр кежлө орлісны, то бара өтлаасьлісны* (И.Коданёв), *Асывбыд кежлө сылы тырмө тані уджыс* (А.Попов); 2) урчитөм кад пом, кор кежлө колө вөчны либө вөчөма керөмсө: *Матушка сэсся косьтис пир кежлө меишөк дас вит сю* (фольклор), *Көзаяка куим көрчагапом пуис, ...нянь пөжаліс — нимлун кежлө лөсьөдчис* (фольклор), *Победа лун кежлө лун төв пөлыиштіс да кыдзкө здукөн и оньыиштіс шоныдөн* (В.Безносиков), *Өд со көдзыд төв матысмө, дыр кежлө водан кад сылы воө, и быть колө тайө кывкутана кадыс кежлө бурджыка дасьтысьны...* (И.Торопов); 3) урчитөм кад пытшкын урчиттөм кад кол ас т: *Карын пө мукөдъяс кыкысь лун кежлө чаясьоны, а миян сиктын некод оз төд* (И.Сажин). Кежсө кывбөрлөн вежөртасыс оз торъяв кежлө кывбөр вежөртасысь, но паныдасьлө тайө кывбөрыс шөчджыка. Примеръяс: *Тайө коркө челядь дырйиыс на, шарөн ворсігөн, ёртъясыс Павеллы рыйгылісны чужөмас паличөн, и сэсянь нэм кежас коли тайө вурыс туйыс* (П.Доронин), *Төв кежсө он ов — гач пышкад лым пырас* (шусьөг).

Мысти/мысьт. Кывбөръяс индөны кад вылө, коді лоө мөд кад бөрын. **Мысти:** *Таво пө минитракторыд эз на воны, но во-мөд мысти дзик нин ваясны* (В.Безносиков), *Вежсон мысти көрпн вөтлысис нин дадь бөрся* (Я.Рочев), *Нестеров гозъялөн первой чужис пи — Геня, во мысти ныв — Ира* (В.Напалков), *Вежсон мысти сиктса почтальон пыртис Иван Анналы письмө* (А.Ульянов), *...и здук мысти керкаө пырис Миикалөн мамыс* (В.Юхнин), *Айка чорыд кывъяс бөрын монъяс тишөк ланьтлывлісны и пинясьлісны гусьдөн, ас костаныс, либө войын, вольпасьө водөм мысти...* (П.Доронин), *Но Павел, рекрутысь запаснөй ратникө петөм мысти, первой видз костас жө батъыслы паніс сёрни гөтрасьөм йылысь* (П.Доронин), *Ёна скөрмөм мысти Павел гөтырөс сийө пыр нимтывліс рыжөй либө недой көбылаөн* (П.Доронин), *Час-мөд мунөм мысти бара воим мича вөра ягө...* (И.Пыстин). **Мысьт:** *Сашө быд керкаө пырөм мысьт өти пөлөс сёрни лэптө* (И.Сажин), *Бергөдчөм мысьт тай ас грездө,>Addзи: ичмоньөй кулөм...* (И.Куратов), *Пуксис сийө регыд мысьт, воссис өдзөсыс, и петіс...* Куштанов (Г.Юшков), *Нель во мысьт ме addзи пиөс, Мортыд, видзөда да, тишап* (И.Вавилин). Кывбөръяс тшөкыда паныдасьлөны кадакывйысь артмөм эмакывъяс бөрын.

Бөрти. Кывбөрлөн вежортасыс оз торъяв мысьт/мысти кывбөръясыс. Примеръяс: ...локтас верёсыд лун-мөд **бөрти** жё дай нуас бөр гортад, а оз кё пё, оз и ков, и жалитны нинём (Н.Куратова), А час джын кымын **бөрти** сійё вайис кага. Шой кага (Н.Куратова), Кутиём нин сёрни радейтём йылысь та **бөрти**... (П.Шахов), Гөтырсяныс виччысьтём воча кыв кылём **бөрти** нөшта на скёрысь уськөдчис (Максим) чөв пукалысь пияныс вылө... (П.Доронин).

Дырсянь. Кывбёрыс кутё керём заводитчан кад вежортас. Примеръяс: Тыдалё, война **дырсяньыс** жё кольёма татишёмыс (И.Торопов), ...өд код на пё тёдас, кызди та кузя вермис ставыс лоны, зонмалан **дырсяньыс** кё син пёлаён колис... (И.Торопов), А сынёдыс керкаын тишупём **дырсяньыс** век на быттьөкё вөлі сир кёра да ловъя пу кёра (И.Торопов), Оё миян пөчъясым да пөлясым му пуксьём **дырсяньыс** век на чөсмасьлісны да вынавлісны юмов чөднад (И.Торопов).

Коста/кості/костіён/костён. Кывбөръяс кутёны өткодъ вежортас: индёны урчитём кадколаст вылө, код кості мунё керёмыс. Кывбөръяс тшөкыда паныдасьлёны кадакывйысь артмём эмакывьяс бёрын. **Кості:** Дерт, найё эз артмыны өтчөд лолыштём **кості**, коть оломнымёс ми унаысь өткодъялам мойдса кодёён (Я.Рочев), Сэк **кості** ми воим нин ыб туй вежө (И.Торопов), Зонкаяс сэк **кості** висьталісны, кыздымый лои (Г.Юшков). **Коста:** Тэ со дзонь шайт син лапнитём **коста** төв йыв лэдзин... (П.Доронин), Сэк **коста** Иван гөтыр пондіс пызан выв уберитны (П.Доронин), Шондіыс коркё **коста** рытъягөрд нин лоёма, оз нин пөж ни дзирдөд вөр-васё, а быттьө выйён мавтышталё (Г.Юшков), Сэк **коста** уркай восьтіс синъяссё, Свежов сійёс пуктіс восьса өшинь дорё... (В.Юхнин). **Костіён:** Нёоти абу и ылын! Тэрмасьиштёмён кё, школаса кык урок **костіён** и воан... (Г.Юшков). **Костён:** ...а мукёдыс вежон **костён** тайё ичөтик задатки деньгасё вевъялісны нин кызвынсё рёскодуйтны... (П.Доронин).

Вежана кывбөръяс

Вежана кывбөр чукөр артмөдөны пыдди, туйё, туйын, местаё, местаын кывбөръяс. Найё өтүвтчөны вежом подув вежортаснаныс. Бөръя кык кывбёрыс сөвмөма роч кыв подув вылын, паныдасьлө шоча. Вежана кывбөръяс, пыдди кывбёрысь кындзи, өта-мөдсьыс торъялөны кадакывьяскөд йитчөмөн: местаё, туйё кывбөръяс паныдасьлёны динамическөй кадакывьяса сёрникузясын, местаын, туйын — статическөй кадакывьяса сёрникузясын. Кывбөръяс пиысь пыдди кывбөр медся паськыд вежортаса, та вөсна сійё вермё паныдасьлыны мукөд вежана кывбөръяс пыдди. Кывбөръяслысь вежом вежортассё позьё серпасавны схемаён:



Пыдди. Кывбөрлөн некымын вежортас: 1) Ве ж ө м ве ж ө р т а с: а) кер ө м в ө ч ы с ь с ө ве ж ө м. Примерьяс: *Ме тэнӧ ачым көсья корны кольчывны ме пыдди*, Варук (Г.Фёдоров), *А ме коли ловйӧн, и колӧ гӧрны-кӧдзны на пыдди тиӧтши*, став усьӧмаяс *пыддиыс* (Н.Куратова), *Нӧль мужик пыдди ӧтнас Данил локтас гортас* (Н.Куратова); б) ӧ т и т о р м ӧ д т о р в ы л ӧ ве ж ө м. Примерьяс: *Вочавидзӧм пыдди Кушманов мӧдӧс лӧсьӧдчыны водны* (В.Юхнин); в) э м т о р л ы с ь ф у н к ц и я с ӧ ве ж ө м. Примерьяс: *Паськӧм пыдди сийӧ новліс куйм вуртӧм йӧра ку* (М.Лебедев), *Морт казакын и оліс во вӧв пыдди...* (фольклор), *Чыиӧян пыдди нин новліс сийӧс Ревекка...* (Г.Юшков). 2) П о м к а ве ж ө р т а с. Паныдасьлӧ шоча. Пример пыдди, *Тэ гӧль, да сы пыдди тэ бур, да тэнад вема юр...* (И.Куратов).

Туйӧ: Ве ж ө м ве ж ө р т а с. Примерьяс: *Ассьыным дон ми тӧдам! Мыйла омӧль туйас овны?* (И.Изъюров), — *А мийӧ сзесся Коммуна керам, кызди велӧдӧ Карл Маркс! — тӧдысь туйӧ зболяліс Перк Кӧсьта* (И.Торопов), *Чыиӧян пыдди нин новліс сийӧс Ревекка, пыр туйӧ...* (Г.Юшков), *А Поликарпыс ныв туйӧ и видзӧ сийӧс, нинӧм оз жалит* (Г.Юшков), *...мӧд нылыс, Феоктиста, гортасаяс шуйӧны Пиукӧн, ...челядь туйӧ на олӧ гортас* (Г.Фёдоров), *Збыльысь, колӧкӧ, оз и любит, а запнес туйӧ сӧмын на и видзӧ Павелӧс* (Г.Юшков).

Туйын: Ве ж ө м ве ж ө р т а с. Пример пыдди, *Тадз вежон-мӧд нимлун сӧйысь туйын оліс Боря* (Н.Куратова).


Местаӧ: Ве ж ө м ве ж ө р т а с. Примерьяс: — *Семен Иван ме местаӧ веськаліс Тури Вась Ӗдякӧд, — нуртӧминика, синсӧ лазгӧдӧмӧн висьталӧ Сӧдор Епим* (И.Пыстин), *Висьтавын колана думъясыс кытчӧкӧ пиийисны, на местаӧ мырдӧн сюйсисны Егорлӧн серпасыс, сы йылысь думъяс* (В.Юхнин).

Местаын: Ве ж ө м ве ж ө р т а с. Пример пыдди: *Кӧть эськӧ и, шуам, вӧлі кӧ Ӗльӧкыс местаын ачыс сийӧ, Кӧсьта, то бӧрйис эськӧ невестапу вылас оз тусь кодя кисьмӧм да чӧскыд Зояӧс...* (И.Торопов).

Торйӧдана кывбӧрьяс

Торйӧдана кывбӧр чукӧрсӧ артмӧдӧны кындзи, *ӧтар*, *ӧтдор*, *ӧприч*, *кеж-кыввужья*, *туйӧн*, *туйӧд* кывбӧрьяс. Ставныс найӧ аслыспӧлӧса торйӧдӧны торьякывйӧн петкӧдлӧм эмтор, керӧм, торьяланлун. *Кындзи*, *ӧприч*, *ӧтдор* да *ӧтар* кывбӧрьяс торйӧдӧны кык эмтор пиысь ӧтиӧс, та вӧсна найӧ

тшöкыда паныдасьлöны кык объекта (субъекта) тэчасьясин. Кыкнанныс ка-
дакывийыслы öтмоза колана. Найö петкöдлöны öтсыма эмтор, кодьяс тшöкы-
да торьялöны лыд сертиис: öти эмтор — уна (нöшта мöд) эмтор. Пасйöм
кывбöрьяс паныдасьлöны пырджык петан вежлöга эмакывьяс, нимвежтась-
яс, урчитаньяс бöрын. *Кындзи* кывбöр паныдасьлö тшöтш мукöд вежлöга
кывьяс да кывбöра тэчасьяс бöрын. *Кежс*- кыввужья кывбöрьяс — *кежысь*,
кежын, *кежö*, *кежöдз* — кутöны öти эмтор тöдчöдан вежöртас. Найö
торйöдöны сйöс мукöд сэтшöм сыма эмторьяс пасйöтöг. *Туйöн*, *туйöд*
кывбöрьяс урчитöны торьяланлунлысь петкöдчöмсö. Найö паныдасьлöны
сöмын индана нимвежтасьяс бöрын. Кывбöрьяслысь вежöртас серти тэчассö
позьö петкöдлыны схемаöн:



Кындзи: 1) Эмтор торйöдан вежöртас. Примерьяс: *Тэысь да Христофорысь кындзи ставöн вöлисны* (Л.Огнёв), *...быд жырийö, поводзись кындзи, морт судта гырысь öшиньясöд ыльгö-пырö ывла югыд* (И.Торопов), *...öшиньясянь би югöрöн югдöдöм öшинь ув кындзи оз тыдав нинöм* (В.Юхнин). 2) Содтöд эмтор вежöртас. Примерьяс: *Му вывтi кындзи биыс мунис пожöм йывьяс кузяыс* (В.Юхнин), *Вышка вылын, стöрöжысь кындзи, вöли нöшта кодкö* (В.Юхнин), *Кизериник тош кындзи да челядьлөн кодь веж юрси кындзи синмö шыбитчис Павел чужöмын сйö, мый сылөн чангыла ныр бокас вöли вурыс — верви туй* (П.Доронин).

Öтар: Содтöд эмтор вежöртас. Примерьяс: *Сакарысь öтар пызан вылын эмöсь нöшта мукöд чöскыд сёянтöрьяс: кампет, нök кашник...* (И.Пыстин), *Габыров асывнас Зук Егорлы сетис быдсыма сёян-юанысь öтар вит парта роч вина* (И.Пыстин), *Водзтi тай нö ми, кутишöм нин Войвылын олам-а, тишöти жö быдтылим няньсö... Вöралöмысь да мукöдтор керöмысь öтар...* (И.Торопов).

Öтдор: 1) Эмтор торйöдан вежöртас. Примерьяс: *Некод абу мыжа миян томлунысь öтдор* (Г.Юшков), *Коркö пö шулöмны важ йöз: Биысь да ваысь пö öтдор Ёнджыкыс абу некод* (Н.Щукин), *Йöра вольöн вевттьылöм көлуйыс вöли инын, ичöt пестерсьыс öтдор* (Г.Юшков). 2) Содтöд эмтор вежöртас. Примерьяс: *Сöлöм дойысь öтдор сйöс*

шемӱс босьтӱс... вежӱрыс эз кӱсйы сӱгласитчыны, мый тадзи вермасны вӱчны карса комитетын уджалысьяс (Б.Шахов), — Со тӱянлы и мӱд музей, Ореховскӱйысь **ӱтдор**, — шӱӱ сӱйӱ, — а збыль вылассӱ нӱшта на унджык (Н.Володарский), Урокъясысь **ӱтдор** уна удж вӱлі вичмӱ горт гӱгӱрын (Н.Козлов).


ӱприч: 1) Эмтор торйӱдан вежӱртас. Примерьяс: Лавка-ын тув нӱль-вит табак, папирос да кӱрт тув ящикысь **ӱприч**, бур тӱварыс нинӱм эз вӱв (И.Сажин), Сиктса зонпосни Иван дядьӱс некор эз аддзывны на вылӱ лӱкалысьӱн, ӱтчидысь **ӱприч** (А.Попов). 2) Содтӱд эмтор вежӱртас. Пример пыдди: Мӱскӱс, порсьӱс вердӱмысь **ӱприч** колӱ кык семьялы пусыны (А.Попов).

Кеж-. кежысь, кежын, кежӱ, кежӱдз. 1) Эмтор тӱдчӱдан вежӱртас. Примерьяс: Кӱдз-гӱр пая дукӱсӱн, а вунды дӱрӱм **кежысь** (кывйӱз), Котралам кӱмтӱг, ӱти дӱрӱм-гач **кежысь** луд вывтӱ... (А.Одинцов), Йӱзыс ветлӱдлӱны пинджак да куш дӱрӱм **кежысь** (Я.Рочев), Стражник, кильчӱ порог вылас кокъяссӱ чургӱддӱмӱн, зэв тӱждысьтӱг пукаліс улыс гач **кежысь** ичӱт нылыскӱд... (П.Доронин), Нйӱтӱс сапӱгӱс веранда ӱдзӱс бокас сувтӱдӱ, вурун ноския **кежысь** тапиктӱ кӱхняс (В.Безносиков), Пӱрччысисны найӱ плавки **кежӱдзныс** (И.Торопов). 2) Керӱмлӱн му-нанног вежӱртас. Примерьяс: Колимӱй ми ас **кежаным** куим вок да ӱти чой (И.Торопов), Тадзисӱ вӱтасьтӱдз на ас **кежам** ме кӱсйикодь нин тӱв кежлас пӱрӱдчынысӱ кайны (И.Торопов).

Туй-. туйӱд, туйӱн. Торъяланлун петкӱдчӱм урчитӱм. Примерьяс: Ирумка вина вылад некутиӱма вежыс оз пет, мамсӱ на та **туйӱд** дзескӱдӱ (Г.Юшков), Мамыс та **туйӱд** вежӱраджык на вӱлӱма Васькаысь, эз и казявлы быттьӱкӱ понсӱ (Г.Юшков), Вот и тешитчӱны сы вылын бурдысьясыс. Бӱрас Васька, сувтӱс кок вылас да, эз жӱ кольчы та **туйӱд** (Г.Юшков), Та **туйӱн** бур. Сы **туйӱн** лӱсьыд.

Лыда кывбӱрьяс

Тайӱ чукӱрсӱ артмӱдӱны эмторлысь лыд стӱчмӱдысь кывбӱрьяс. Найӱ вермӱны индыны: а) ылӱс лыд вылӱ: *кымын, ылӱс(-)*; б) юкан муртӱс вылӱ: *пельӱ*; в) пӱвст вылӱ: *пӱрья, пӱрйӱ, пӱвстӱн*. Кывбӱрьяслысь лыд вежӱртас петкӱдлӱмсӱ сетӱма схемаын:



Кывбөръяс вермёны петкөдлыны тшөтш урчитём да урчитём лыд вежортас. Тайё вежортасыс йитчёма торьякывлөн кыввора вежортаскөд. У р - ч и т ё м л ы д в е ж ё р т а с тыдовтчө лыдакывьяскөд паныдасылгөн, у р ч и т т ё м л ы д в е ж ё р т а с — лыда урчитаньяскөд. Кывйын ылёс лыд ылё индыс кывбөръяс пиыс тшөкыдджыка бергалё *кымын* кывбөр. Сійё паныдасылё эмакыв, лыдакыв, лыда урчитан, нимвежтас, весигтё кывбөра тэчас бёрын. Та вёсна кывбөрыс вермё индыны эмтор лыд, признак, кад, керём ылёслун ылё. Кывбөрлөн подув вежортасыс — ылёслун. *Ылөс(-)* кыввужья кывбөръяс кывйын бергалёны шөчджыка. Найё паныдасылёны *гөгөр* кывбөрлы синоним пыдди кад да муртас вежортасын.

Кымын. Ы л ө с л у н в е ж ё р т а с: 1) Ы л ө с л ы д. Примерьяс: *Өтар-мөдар улича пөлёныс сулалёсны дас кымын ну щитъясыс вөчём барак* (Б.Шахов), *Ветымын кымын сажень на коли матёса ю чукольдөз* (П.Шахов), *Верст джын сайын кымын чав лыа яг, тугана пожёмьяс кышакылёны, төв кө пөлыштас* (В.Безносовых). 2) Ы л ө с к а д. Примерьяс: *Брестё воём бёрын юөртёсны налы, мый ковмас тан шойччыштны сутки кымын* (Н.Куратова), *Мамёным эз жё паныдав корасысьсё, да вежон мысти кымын радпырыс и кайи киссьём колхозсьёд...* (В.Безносовых). 3) Э м т о р л ё н ы л ө с п р и з н а к. Примерьяс: *Өнөдз оз веийы паметьсьёс сёрни, кодёс кывлёс аслас кымын арлыда мужичёйлыс* (П.Шахов), *Вына соя том гөтырыс сэтшём кымын жё вөлі* (И.Торопов), *Косьтакөд орччён, тыртём мешөкъяс вылын, пукалё ар кызь вита кымын лөсьёдиник ныв Пиля Зоя...* (И.Торопов). 4) К е р ё м л ё н ы л ө с а с м у н а н н о г. Примерьяс: *Сідзи кымын и лои, кор сямтём на тарсё эз вермы лыны* (Васька) *Кальё керка вывсьёс* (Г.Юшков), *Тадзи кымын думайтёма сэки санинструктор* (А.Ульянов).

Ылөс(-): ылөс, ылөсын, ылөсөдз. 1) Ы л ө с к а д. Примерьяс: *Аскинас налён, гозьялён, базар вылын и колис лун ылөсыс* (Г.Юшков), *Вой шөр ылөсас* Аким Вань колльөдіс волысьясёс (Г.Юшков), *Лун шөр ылөсөдз тырмис тайё уджыс, буретшалёс пывсянсё ломтытөдз* (Г.Юшков). 2) Ы л ө с м у р т а с. Пример пыдди: *Турун зорөдө коли додө ылөс.*

Пөвстён: К е р ё м м у н а н л ы д в е ж ё р т а с. Пример пыдди: *Та вёсна Бузмаковыслы кык пөвстён на вичмылёс пессёмыс...* (Г.Юшков).

Пөрий/пөрья: К е р ё м м у н а н л ы д в е ж ё р т а с. **Пөрий**, пример пыдди: *Дяк кык пөрий нин веськыдыв өдзөсөд видзөдіс вөлтарё, мыйла сы дыра оз заводитны* (В.Савин). **Пөрья**, пример пыдди: *Гриш, син вештывтөг, уповод видзөдіс ыджыд пиыс ылё, кызди Иван дрөжжитан киён куим пөрья косялёс бумага...* (П.Доронин).

Пельё: Эмтор торйөдан лыд вежортас. Примерьяс: *...и ыштөкө кык пельё сійёс торйөдісны: синмыс куньтырасё, а пельёс кывзысьё* (Г.Юшков), *Тільс-тольск — и лоё кубометр лыдыд, да сы мындасё на колё кык пельё юкны, кык вугья өд пилайд* (Г.Юшков).

Öткодьялан кывбөррѣяс

Öткодьялан кывбөр чукөр артмөдöны *кодъ, кодя, моз, моза, ногö, сямä, сямöн, серти, этиöн, мында* кывбөррѣяс. На пиысь унджыкыс кутöны öтсѣма признак öтлааститан вежöртас, сöмын *ногö* да *серти* кывбөррѣяс индöны торъялана признак öтлааститан вежöртас. Öтсѣма признак öтлааститан вежöртаса кывбөррѣяс юксьöны кык пельö: эмторлысь признак öтлааститысь кывбөррѣяс (*кодъ, сямä*) да керöмлысь признак öтлааститысь кывбөррѣяс (*кодя, моз, моза, сямöн, этиöн*). Пасйöм кывбөррѣяс вермöны тöдчöдны öткодьяланторъясыслысь матыслунсö (*сямä, сямöн*) да öткодълунсö (*моз, моза, кодя, этиöн, кодъ*). Öткодьялан кывбөррѣяслысь вежöртас серти торъялöмсö петкөдлö схема:



Öткодьялан кывбөррѣяс торъялöны öта-мöдсьыныс тшöтш торъякывѣяскöд паныдасълöмнас. *Моза, кодя, этиöн, сямöн* кывбөррѣяс паныдасълöны сöмын нимтан вежлöга эмакывѣяс да нимвежтасѣяс бöрын, а сідзжö асалан вежлöга уна лыда 2 да 3 морта нимвежтасѣяс бöрын. Мукöд кывбөррѣяс, торйöн нин *кодъ* да *моз*, вермöны сулавны разнöй вежлöга эмакывѣяс бöрын, весигтö кывбөррѣя тэчасѣяс бöрын. Öткодьялан вежöртас вермö петкөдлыны öткымын ина кывбөр, пример пыдди, *дорысь: Тэнад мудерлуныд ас дорсѣыд водзджык чужöма*.

Кодъ: Öткодьялан вежöртас. Примерѣяс: *Маша... Да... Ок и визув нылка... Сьöдбöж кодъ тэрыб да пельк (И.Торопов), Поликарп мыччис меным куим вожа пу лэбын, йи кодъ шыльыд да ён... (Г.Юшков), Гырысь по-жöма вöр, эжа выв турун кодъ топыд да дженъыд нитика (Г.Юшков), Кырта йылас быдмисны увсянъыс сук вожа да пуксьытöм на турун юр кодъ тугана сус пуяс (Г.Юшков), А тэ кодъ шыöдчöмтö ме эг гижлы (Г.Юшков), Кисьмöм льöм тусь кодъ синѣясыс видзöдöны гажäа, збоя (Г.Фёдоров),*

...пыдö вöйöм гырысь кузьмöс синъясыс югзисны асья шондiлöн **кодъ** жö югöрьясöн (Г.Фёдоров), Да öд и сёрнитанногыс батыслöн **кодъ** жö: ла-
бутнöй да гора гөлöсa, оз тай ков велöдöм, кыскö рöдaд (Г.Фёдоров), Сылöн
кодъ жö читкыля юрсиa, топыд вом доряса, синъясыс сюся видзöдöны
морт вылас (А.Попов).

Кодя: Öткoдьялан вежöртaс. Примеръяс: *Важ олöмтö, гаикö, оз быдöн ме **кодя** тöдны* (Г.Фёдоров), — *А мый тэ оийысян уджалöмнад?* *Тэ **кодятö** оз али мый вермы?* (Г.Юшков), *Тян **кодятö** уджалас жö!* (В.Безносовых), *Бать-мамыс Паикалöн тиöти жö кутисны съывны, да съылан-кывйыс ёнмис-содiс. Мичаа жö артмис, патефон **кодя** жö, гораджыка на нöшта* (М.Игнатов), *Колö эськö кык **кодя** уджавны, мед синсьыд би петö!*

Моз: Öткoдьялан вежöртaс. Примеръяс: ...ачыс ямицкыс катша **моз** лепитчыштöма додö нырö... (И.Торопов), *Но медьёнасö Кокшеговыс, тöдöмысь, босьтö аслас кыз да ён гөлöснас, кодi мöдöдчас варгыны да тув-сов гым **моз** йиркöдö-муралö* (И.Торопов), *Волостнöй Сöветлöн ыджыд югыд коромина весьтын, тöв йылын ыпъялысь жар би кыв **моз**, дöлалiс-пессис гöрд флаг* (И.Торопов), *Сэки Ильялöн олöмыс вöли мöддджык: и гöтырыс на эз висьöдчы, и челядыс быдмисны йöзлöн **моз*** (Г.Фёдоров), *Мукöдлöн **моз** оз бара пызан дорын ниртчыны* (П.Шахов), *Ме эськö тэкöд, позьö кö вöли, съöд вёр шöрö мунi да олi мойдын **моз*** (Г.Юшков), *Прокор Иван кылис асьö танi йöзын **моз*** (А.Попов), *Бать отсалiс пöрччысьны Евлогий Николаевичлы, корис лоны гортас **моз*** (П.Шахов), *Негырысь сиктъясад войтырыд кургöны öти позйын **моз**, кöть зык-пильыд овлö жö* (В.Напалков), *Тöда эськö, збыль олöмад мойдын **моз** нинöм оз артмывлы...* (В.Безносовых), *Ыли туйö **моз**, кадсö кыскöмöн и вежсис да ыстöмакодö мунiс гöрд пельöсас* (Г.Юшков), *И ышловзöмыс кокниa артмис, бур мүдзысь личалыштöм бöрын **моз*** (Г.Юшков), — *Котлопунктас нö пұсысьыс, — вочавидзисны. — Сийö öд быдлаö удитлö. Ми ськöд мам дiнынöсь **моз*** (Г.Юшков), ...но Поповыс быттö пельтöм — *век асьыс висьтасьö: «Кызьöд воясья НЭП дырйи **моз** кö пондасны мырсьыны-уджавны — тыртасны сёян-юаннад!»* (В.Безносовых), *Грузовик вылысь правленнö весьтö чеччышитiсны дас кык дядьö... Видлисны пöлясьны: öтилöн ворсаныс öш **моз** буксö, мöдлöн — кычан **моз** тьвгö, коймöдлöн — каля **моз** чипсö, а каллян кодö пöляныс истан **моз** чивзö* (В.Безносовых).

Моза. Кывбöрыс паныдасьлö моз кывбöрысь шочджыка, сöмын ловья эмакывьяс бöрын. Öткoдьялан вежöртaс. Примеръяс: ...*Ме улын и джекöй Кукань **моза** йөктас* (И.Куратов), *Тэ тай ышмин кага **моза*** (И.Куратов), *Мыйла тi вок сайö йöз **моза** мöдi* (И.Куратов).

Сяма: Öткoдьялан вежöртaс. Примеръяс: *Медбöрын воим барак **сяма** ляпкыдик кузь керка дорö* (Я.Рочев), *Сылöн көсйöм серти чужö да быдмö му вылын мойдын **сяма** дзоридз* (В.Ширяев), *Ветлис сэни, пашкыр ош моз, гундыр **сяма** гöна морт* (М.Лебедев).

Сямён: *Өткөдьялан вежөртас.* Примерьяс: *И эз на мам сямён сувт Зоя дорыс?* (Г.Юшков), — *А ті коддьомсө кө кыятад лэдзан, көтиасөдз пыранныд,* — *кывйөз сямён вочавидзис Дора* (В.Безносиков), — *Видлы сапөгтө вузавны-а!* — *повзбыліс мамыс челядь сямён сёрнитысь письыс* (П.Шахов).

Этиён: *Өткөдьялан вежөртас.* Примерьяс: *Быд пельөс мича чача этиён кыпыда сярвидзө да быттьөкө ворсөдчигтыр кокньыдика лэ-бавлө веськыда вывлань...* (И.Торопов), *...кузькодь веж нитикыс шоныд пась этиён кыза и небыда шебрыштөма вөлі ягсө пасьталаыс...* (И.Торопов), *...вежөрас тувсов сизь этиён швачкөдчис мөвп: «Кыдзи да мыйла татчө веськаліс Бисиныс?»* (И.Торопов), *...быдлаын кодзувкот этиён шуксьө йөзыс — нарзан юанінын и ваннаяс дінын...* (И.Торопов), *...вежон чөж бур ёртьяс этиён олім...* (И.Торопов), *Но Маша эз кут виччысьны, мездысис, ур этиён өдйөджык уйкнитіс бөр кухняө...* — *Мыйла лестукьяс?* — *лөг ош этиён юаліс верёсыс* (Г.Фёдоров), *...кор джоджө усис китайскөй веер, Левицкий уськөдчис лэптыны, сетігөн лакей этиён нюммуніс* (Г.Фёдоров), *Ру локтіс челядь этиён дурны, котравны, кытчөкө вын бертны* (Г.Фёдоров).

Ногө: *Өткөдьялан вежөртас.* Примерьяс: — *Марпа. Эн коньөрө лэччысь! Миян ногө тэ бурджыка на олан* (Г.Юшков), *...йөра сюрысь ас вөчөм топыд сыннанөн лөсьөдө (Поликари) тошсө да юрсисө. Сыныштөмыс сылөн, гашкө, нывбабаяслөн ногө на кузьджыка артмө* (Г.Юшков).

Серти: 1) *Өткөдьялан вежөртас.* Примерьяс: — *Тэ, батьө, Лиза-сочаылдөн жөник сертифик мичаджык на!* — *эз өвсьы вильыш Анук* (И.Торопов), *Сөмын, гашкө, миян ногөн сертифик унджык кузь тушаа йөзыс* (Латвияын) (И.Торопов), *Тані, тар койтанінын, Сандра мукөдлаын сертифик дырджык оліс...* (Г.Фёдоров). 2) *Подув вежөртас.* Примерьяс: *Мастер төдчө удж сертифик (кывйөз), Сват сертифик сватья, гөсть сертифик и румка (кывйөз), Сямлуныд кыйсьысьлөн кыйсян ноп сертийыс тыдалө (кывйөз), Тайө төдчис и вөсньыдик вом дорьяса омөльтчөм чужөмыс сертифик, и сьөдов синкымъясвесьтса джуджыдкодь чукөрьяс сертифик* (Г.Фёдоров). 3) *Лөс ялөм вежөртас.* Примерьяс: *Калиналы сьөлөм сертифик веськаліс вьлө төдсаыс* (Я.Рочев), *Эз вөв Васькалы сьөлөм сертийыс совхозыс...* (Г.Юшков), *...гуся вежөртас сюйліс Семө аслас радейтана шусьөгө: «Валегиньыд морт сертифик да вурун сертифик артмө»* (Е.Уляшев). 4) *Керөм мунанног вежөртас.* Примерьяс: *Стрөга компас сертифик мунөмнад коркө и веськаліс параллель вьлө. Сы бөрти веськөдчис, бара маткаыс сертифик жө, асыввывлань — вөр керкалань* (Е.Уляшев), *«Ме управляющөй тишөктөм сертифик ставсө вөча!» — горөдіс Ласей* (В.Безносиков), *Виталей... пожйыштис керөм гырөдөсь черияссө, сэсся батьыс велөдөм сертифик шөриөн вундаліс да лэдзалис пөртйө* (И.Торопов), *Метеорологическөй станция юөртөм сертифик, лун шөр гөгөр вермас заводитчыны пурга* (И.Коданёв).

Мында: Примерьяс: *Йёзыс пароход вылын жуисны кодзукот мында* (А.Ульянов), *Тэнад мында нажёткаыд быдлаын сюрё* (Л.Огнёв), — *Та мында-датё и ме гёгөрвоа*, — *шуис Ревекка* (Г.Юшков), *Кёзяин Пашко ордын войпук. Нывъяс арын катиша-рака мында* (В.Юхнин), — *Ме чунь джын мында тэысь ог пов*, — *скормис Шомысова* (И.Изъюров), *Некымын лун нин вийсьё кёрпикёд, а тёлкыс чеполь мында эз на шед* (Е.Рочев), *Коркё весигтё аслыныс сельсовет кёсийсны лёсьёдны, но йёзыс колхоз бригадаын мында и ёкмёма, да эз гынмы* (В.Безносовых), *Юрыс пёрт кодъ, а мывкыдыс чуньлыс мында* (В.Безносовых), *Мичлунтё өд он нув. Мича чужём-рожалы кык мында мывкыд колё* (А.Ларев).

Отвывтана кывбёръяс

Отвывтана кывбёр чукөр артмё *сорён*, *сор* да *сьёр*- кыввужъя кывбёръясысь. Найё индёны керём вёчигён содтёд эмтор вылё. Кывбёръяс торъялёны вежёртас рёмнас да торъякыв бердын паныдасьлёмнас. *Сор*- кыввужъя кывбёръяс паныдасьлёны ловтём эмакывъяскёд, асланыс функциянас лёсялёны керанторъя вежёлглы, а *сьёр*- кыввужъя кывбёръяс паныдасьлёны ловъя эмакывъяскёд да нимвежтасьяскёд. Бёръя кывбёръясас тшёкыда лясёны индан-асалан суффиксяс, сы вёсна найён вёдитчёны кывбёра тэчасьяс пыдди. *Сьёр*- кыввужъя кывбёръяс индёны торъя отувъя эмтор вылё, *сор*- кыввужъя кывбёръяс — отувтём отувъя эмтор вылё.

Сорён: О т в ы в т а н в е ж ё р т а с. Примерьяс: *Онялан шоныдён өвтышитіс керкасыс, пачсыс кутишёмкё чёскыд кёр кылё: дзик, буракё, ыжяй пёжсёд, капуста сорён ли мый ли* (В.Безносовых), *Няньсё кач сорён пёжалісны* (Г.Фёдоров), *Тэрмасьтёг нин сукар сорён сёйис пёсь шыдсё, саккар торйён чай юис* (Б.Шахов), *Бур пызь сорён кё, скодной нянь и артмё бобёняньсёд* (Н.Куратова), *Зорйыс швачкысис ваас пыж бок ногыс, гы сорна-нас береганьыс куркнитіс Петриклысь веткисё, муртса сійёс эз пёрёд* (П.Доронин), *Колхозсьыд быд трудодень вылё пунт ид и сетісны, дай сійёс кыд сорён да торичаён* (В.Безносовых). 2) К е р ё м м у н а н н о г в е ж ё р т а с. Тайё вежёртасын кывбёра тэчас тшёкыда мунё урчитан туйын, торйён нин кывбёрлөн урчитан, абстрактной да кадакывйысь артмём эмакыв бёрын бергалігён. Примерьяс: *Сизимдас арёсысь муртса петём морт, квайтымын восё мырсис аслас олём лёсьёдём вёсна. Корём сорён быдмис* (В.Юхнин), *А Марина тыр синмён и шог сорён видзёдліс ме вылё* (И.Торопов), *Удж сорнад Натальяыд ылавлас и петаавлас юрсьыс радейтчём мортис, быдсён веськодъ лолё* (Л.Мартюшева), — *Вот тадзи, — нюм сорён гарышитіс Павел* (Г.Юшков), — *Молодеч, Туланов, — шмонитём сорён ошкышитіс Миш Педьёёс Лунин* (Б.Шахов), *Иван Анна котёрён сорён сы дінё* (А.Ульянов).

Сор: — *Со тiянылы и колхоз!* — *зык-шум сор* Дарья кыліс мужичёй гёлёс (Г.Фёдоров).

Сьөр-: сьөрсь, сьөрө, сьөрын. **Өтвывттан вежөртас.** Примерья: *Патератö өд сьөрсьыд он новлөдлы (шусьög), Сэсся босьтис сьөрсьыс вайөм корөсьсө да дзумгылис нөсь ва тыра чугунө (Васькалөн батьыс) (Г.Юшков), Сылөн кө сьөрсьыс вөліны бордьяс, татишөм здукас кыпөдчылис эськө юсьяс дінө (В.Напалков), Ошкыдлөн черыс и пуртыс век сьөрсьыс... (И.Торопов), Бур, мый сьөрсьыс нопйын Васька новлөдліс черсө... (Г.Юшков).*

Помка кывбөрьяс

Тайö чукөрсө артмөдöны **аддза**, **вөсна** да **понда** кывбөрьяс. Öнiя коми кывйын **аддза** кывбөр бергалö шоча. Сiйö öти вежөртаса. **Вөсна** да **понда** кывбөрьяслөн, **помка** вежөртас кындзи, эм нöшта мог вежөртас. Тайö кывбөрьясыс вермöны петкөдлыны **помка** вежөртаслысь некымын сикас: пытшкөсса да ортсыса **помка**, подув.

Аддза: **Помка вежөртас.** Примерья: *Тані ми празник аддза, öттор-мөдтор вайим көзйакаяслы... (И.Торопов), Но, беляна, чөскыд сёян тай дасьтöмась талун, празник аддза (И.Торопов), Кыдзисюрö пасьтасьöм челядьиян — кодi важ дукöсшоя, а кодi и, празник аддза да гажалуныс аддза, мичаджык дөрöм кежсьыс, — дерт, казавтөг эз овны татишөм отрядтö... (И.Торопов).*

Вөсна: 1) **Помка вежөртас.** Примерья: *...лу йывсьыс сылы веськыда юр пыдбсас сатшкысис көдзыд вөсна рöшкыдмөм нейджыд кос ув и сразу жö виис Пилябс места вылас (П.Доронин), Косiник дзор тошкыс сылөн, арлыдö вуджөм вөсна, быттьö неуна дзöрис нин (П.Доронин), Жарлун вөснаыс кыкнан створканас лавка öдзöсыс вöлі осьса дзирйивтiыс (П.Доронин), ...вильöн мысьсöм бöрын ки чышкөдөн чорыдджыка чышкысьöм вөсна, став чужöм сер вылас олыняліс öмидз рөмөн (П.Доронин), Зэр вөсна пемыдыс вöлі сэтшiм сук, мый Ладимерлөн да Мишкалөн тöдчисны сöмын вуджөрьяс (В.Юхнин). 2) **Мог вежөртас.** Примерья: *Зычитiсны ас костаныс (мужикьяс), нөсь петтөдзныс тöргуйтчисны довереннöйяскөд быд грöш-көпейка вөсна (П.Доронин), Йöз юр вөснаыд оз на быд морт тувсов йиа ваад чеччышт... (П.Доронин), Сизимдас арöсыс муртса петöм морт, квайтымын восö мырсис аслас олөм лөсьöддөм вөсна (В.Юхнин), — А мыйла велөднысö? — эз лэдзчысь Туганов Илья. И пырысьпыр жö ачыс вочавидзис: — Да сы вөсна лөд рочасьны, мый коми садик абу... Коми школа абу... Куш сöмын план вөсна ставөн вийсьöны... (И.Торопов). 3) **Дорьян объект, тöждысянтор вежөртас.** Примерья: *— Но и молодец, — шуис Райда. — Аслас олөм вөсна помөдз тышкасьö... (И.Торопов), Ме унаысь висьтавлывлi ёртьяслы вөр-ва вөсна сылөн ыджыд тöждысьöм йылысь (И.Торопов), А сэсся öд сiйö жö син пöла Викеньыс со кыдзи öтдортiс и янөдiс кавалерист-другö Көсьталысь, виль власть вөсна медьёна вийсьысьсö (И.Торопов).***

Понда: 1) Керёмлөн да состояниелөн помка да подув вежортас. Примерьяс: *Тян ю дорьясёдыс ёна важёнсё мян йёз абу на вёравлёмась, дерт, кёнкё, ылын понда...* (И.Торопов), — *А Катиыс нё либё эськё мый понда эралё та вылё? — татиём ногён лоны верманасьыс падмыштёмён шыасис вёралысь* (И.Торопов), *Виринаялы быдён долыдджык лои, быттьё нянь понда шогыс усъышитис нин* (Г.Юшков), *Весиг этайё мортис понда, коді чугра улас овмёдчис, эз эновтчы тайё позсьыс (сюзь)* (Г.Юшков). 2) М о г в е ж о р т а с. Примерьяс: *Роктё, выйтё ас понда эн видз (кывйёз), — Но өд и Ёльёкыс оз жё ас пондаыс тадзисё чорыдась, — мёдарсянь бара мёвпалё Зоя* (И.Торопов), *Ёньё тёмдмасьлис ськөд газет лэдзанинас, кор тиётти пыраліс сэтчө вёр-ваыс понда аслас дойясён* (И.Торопов).

Мог кывбөрьяс

Мог кывбөр чукөр артмё *могысь, дор, ради* кывбөрьясысь. Кывбөрьяс торьялёны óta-мёдсьыныс вежортас сикаснас да торьякывьяскөд паныдасьлёмнас. *Могысь* кывбөр бергалё кызвыннас кадакывйысь артмём эмакывьяс бёрын да индё керёмлысь могсё. *Дор* кывбөр паныдасьлө ловья да абстракция петкөдлысь эмакывьяс да нимвежтасьяс бёрын. Сійё индё дорьян объект вылө. *Ради* кывбөрлөн эм некымын мог вежортас сикас. Керёмлөн мог вежортасын сійё паныдасьлө *могысь* кывбөрлы синоним пыдди, шуам, *Вёрсё тёмдавны, сылысь гусяторьясё гёгөрвоны видлытёг, киподсё вёр-ваыслы бур вылө нётчыд пуктивтёг сюйсис сійё парма владениеё, лэптис кисё сьлөн дона пиянысь ёти вылө сёмын выишитчём могысь, сёмын ыкшасём ради* (Е.Уляшев).

Могысь: Керёмлөн мог вежортас. Примерьяс: *Джын чёссё да лэчсё сёмын лёсьөдіс да окталіс Вёралысь. И не сымда кокньөдчём могысь чинтис уджсё сійё, мыйта водзё кезлө надеяыс бырыштём понда* (И.Торопов), *Весигтё важ руюсён на аснырасьысьясёс, небзьөдыштём могысь, позьё йөршитлыны көрт бедьясён креставлём ичөтик ёшиньяса купеч амбарё* (И.Торопов), — *Но, Степанида, сійё өд эз нароинё, — Демитёс дорйиштём могысь шыасис Богданов гётыр, пызан сайысь чеччигмозыс* (П.Доронин), *Гриш тэрмасьтёг вёлаліс ёпаснөй пу, видлём могысь син пөвсё куньтыралёмён частёкодь видзөдлывліс ёпаснөй вороп кузя лоптланьыс* (П.Доронин), *Не сёмын кыйсьём могысь петісны найё, а медсясё сы могысь, медым бурджыка корсявны да тёмдавны пёрөдны туяна вёрьясё* (И.Торопов).

Дор: Дорьян объект вежортас. Примерьяс: *Аслас ёсьлунён и винёв вынён, ...сійён, мый германскөй фронт вылын на сувтёма большевикьяс дор... Марпа Ёльёк регьдён ставнысё пондіс венны* (И.Торопов), — *Менё на тай скөд вылад шуисны, тайё пө озырьяскөд йитчёма, найё дор*

пö тай олö да., — элясьмöн шуис Гурö Миш (И.Пыстин), Сэки найö вьль олöмыс **дор** медбөръя вир войтöдзыс пондасны сулавны! (И.Торопов).

Ради: 1) Керöмлөн мог вежөр тас. Примеръяс: ...Став коми войтырыс уна вермасны вöчны чужан кыв ёнмöдöм **ради** (Е.Игушев), Емель коддьöм зепъяссö тыртöм **ради** дасьöсь бырöдны вөр-ваысь ловъя ловсö (А.Микушев), И друг сэк, Прохор кывъяс бöрын, Микит муртса эз горöд, мый Прохор сёрнитö сöмын сёрнитöм **ради**... (В.Юхнин). 2) Объект, код понда мунö керöмыс. Примеръяс: Тайö тай мамныд **ради** шедöма, лоö тай черинянь пöжасны да воийöдны мортöс... (В.Безносилов), — Дарья, — чукöстис Иван гөтырсö, — вайлы миянлы ылі гөсть **ради** ырöшитö ли, суртö ли (Б.Шахов), Роч йöзлөн тёлка, медбур пиян Тэ **ради** пуктылісны лов (И.Вавилин).

Нога кывбөръяс

Нога кывбөръяс стöчмöдöны керöмлысь мунанногсö. Тайö кывбөр чукöрас пырöны ног, ногөн, **отсöгөн** кывбөръяс. Ног да ногөн кывбөръяс тöдчöдöны, мый керöмыс мунö аслыспöлöс, кутшöмкö эмторлы лöсялананогөн. **Отсöгөн** кывбөр гөгөрвоёдö керöм вöчантор.

Ног: Примеръяс: Öкся пöч сэн жö мöс шой дорас гартчö, ас **ногыс** такöдö мамöс да бабöс... (Н.Куратова), Кузь голя мича лэбачьяс, ас **ногыс** варовитигтыр, регыд бердiсны сикт сайö (В.Напалков), Бур вöрсö кералöм вöсна кыйсян угоддьöыс гöльмис, тöдчымöн чинiс пöтка и зверь, но Егор ас **ногыс** помкаавліс: кодкö лёк морт пö вомдзалöма, понсö урсалöма... (Г.Фёдоров), Сійö, дерт, тэ **ног** сылас (Ю.Васютов), Кодыр асланым **ног** сылам, шог-гаж морта-мортлысь кылам... (И.Куратов), Мед и тэ, лёк теолог, артмасын зэв миян **ног** (И.Куратов).

Ногөн/ногсён/ногаён: Примеръяс: И лög пүö-петö неморт **ногөн** ставсö пазöдлöмыс вьлö... (И.Торопов), ...быд морт пö донъялö мукöдöс сы **ногсёнджык**, кутийöма ачыс нин олöмас тиыксьöма (И.Торопов), Аскинас Латкин чеччис Кулөмдiнса патераас кöть и сьöкыд юрөн, но век жö морт **ногаён** вермис сулавны кок йылас (Г.Фёдоров), А сэсся, кор казялас, мый пицаля морт — ош **ногөн** кö, Куш Пель, дай сылөн Увтчысь Кöиныс бара на овмöдчисны татчö (И.Торопов), Ваня шуö, ...вай пö коми **ногөн** вöчам. Кöть пö пес, а пыртам... (Г.Юшков). Ног, ногөн кывбөра тэчасьяс тшöкыда вуджöны урчитанö. Пример пыдди: Зорöдсö вöлі лёк **ног** пузувтöма (Г.Фёдоров), Öні Митрук мöд **ногджык** ворсö, каяс дадь вьлö и манитö ас дорас көрöс (Е.Рочев).

Отсöгөн: Керöм вöчантор вежөр тас. Примеръяс: Öньö пöрöдö лэчыд чернас ёнкодö конда, орöдö сажень-мöд кузьта дiн кер, сирöд тувьяс **отсöгөн** шöри поткöдö... (И.Торопов), И талун Öньö, шойччөг сөтас аслыс да, пывсяныс **отсöгөн** бурдöдчыштас! (И.Торопов), Усьысь ва

отсөгнас жö и вöлі песöны кучиксö, нарошнö керöм ыджыд пу майканъ-ясöн... (И.Торопов).

Пайысь: 1) *Ö ш м ö с в е ж ö р т а с* тыдовтчö сöмын *ас* нимвеж-таскöд. Тайö вежöртасын *пайысь* кывбöр мунö ылыстчан вежлöглы сино-ним пыдди. Примеръяс: *Ас пайысь ме вочавидзи, мый абу век мыжаöсь гижысьяс* (ВК), *А ме ас пайысь кывзi Максимöс да мöвпалi...* (И.Торопов). 2) *Д о н ъ л а н в е ж ö р т а с*. Паныдасьлö сöмын морта нимвежтась-яс бöрын. Пример: *Ме пайысь, кор кöсьян, сэк и лок...*

12. КЫВЙИТÖД

Кы в й и т ö д — отсаян кывсикас, кодi петкöдлö сёрникузялөн членъ-яскостса, сложнöй сёрникузялөн юкөнъяскостса да сложнöй синтаксическöй тэчаслөн ашшöр сёрникузяскостса йитöдъяс. Кывйитöдъяс кывбöръяс моз жö тöдчöдöны кывъяскостса уна пöлöс йитöд. Но кывбöръяс кö йитöны торъякывъяс (эмакывъяс, лыдакывъяс, нимвежтасьяс) мукöд кывъяскöд, кывйитöдъяс йитöны синтаксис единицаяс: а) сёрникузялысь членъяс: *Сэni вöліны и томиник нывъяс, и челядя нывбабаяс, и гора гöлöса студентъяс, офицеръяс, гортлань писькöдчысь тошсялöм салдатъяс* (Г.Фёдоров), *Бiвлa-ын вöлі кöдзыд, но лöнь* (И.Коданёв); б) сложнöй сёрникузялысь грамматика подувъяс: *Пöра воас, и найöс перечалам кызд колö!..* (Г.Фёдоров), *Вöлöмкö, ме кыйöдча сизь бöрся, а ме бöрся — ур!* (С.Раевский); в) торъя сёрникузя-яс: *Юöны тани кöдзыд васö, пожсялöны чужöмсö да аттьöалöны кыздсö. Но сийö чöв олö* (С.Раевский), *Кум кукань петöмаöсь йöр сайö, мунöмаöсь кыр йылö. И öти на пиысь усьöма кыр горулö* (И.Изъюров). Кывйитöдъяс оз лоны сёрникузяса членъясöн. Налөн абуйöсь кыв вежлалан формаяс, син-таксис йитöдъяс петкöдлысь торъя морфологическöй пасъяс. Кывйитöдъяс топыда йитчöмаöсь мукöд кывчукöръяскöд. Тшöкыда наö пöрöны нимвеж-таслөн, урчитанлөн, кывторлөн кыв формаяс. Öнiя коми кывйын тайö вуджöмыс мунö зэв öдйö. Сёрникузяын кывйитöдъяс тшöтш вермöны босьт-ны ас выланыс мöд кывсикаслысь могсö. Пример пыдди, *но* кывйитöд вермö петкöдчыны эмакыв туйын: *Вот тайö «но»-ыс и конйыштіс тэнö и менö. Тайö «но»-ыс жö потишс туйтö тэныд семинар вылö, кодi лоö тöлысь по-мас* (Г.Юшков).

Мукöд отсаян кывсикасъяс моз кывйитöдъяс паныдасьлöны ловъя сёр-ниын и гижöдын. Налөн функцияыс да вежöртасыс уна пöлöс. Но сэк жö колö пасйыны, мый найö лыдаöсь, найöс позьö урчитны торъя кывворйөн. Таөн найö матынöсь морфемаяс дорö, кöть эськö кывйитöдъяслөн морфе-маяс дорысь ашшöрлуныс да функциональнöй сьöктаыс ыджыдджык.

Кывйитöдъяс позьö видлавны уна боксян да юкны торъя чукöръяс вылö сы серти, кутшöм сямa сёрникузяса йитöд найö петкöдлöны, кутшöм ин

найö босьтöны сёрникузяын, кутшöм грамматика вежöртас кутöны, кызди артмöмaöсь да мыйöн торъялöны тэчасног боксянь. Ставсö тайöс тöд вылын кутöмöн кывйитöдьяс позьö сикасавны татшöм подувьяс серти: а) артмöм серти, б) тэчасног серти, в) наöн петкöдлöм синтаксис йитöд серти, г) грамматика вежöртасьяс серти, д) сёрникузяын ин серти.

99 §. Кывйитöдьяс артмöм серти

Кывйитöд — сёрöн артмöм кывсикас. Урал да фин-угор подув кывьясын синтаксис боксянь сложнöй тэчасьяс абу вöлöмaöсь. Öти кыв динö мöд кыв либö öти сёрникузя динö мöд сёрникузя содтысьсö вöлöм кывйитöдьястöг; сийö вежöртассö, мый петкöдлö öнi кывйитöд, тöдчöдö вöлöм шуанногыс. Кывйитöд коми кывйын, мукöд фин-угор кывьясын моз жö, заводитö сöвмыны гижöда кыв сöвмöмкöд тшöтш, кор лоö коланлун вöдитчыны сложнöй сёрникузясöн, а сiдзкö лöсьöдны сёрникузяскостса йитöдьяс петкöдлысь торъя средствояс. Коми кывйын кывйитöд чукöр сöвмöм мунiс кык нырвизьöд: а) А с к ы в п о д у в в ы л ы н а р т м ö м кывйитöдьяс. Коми кывйитöдьяс пондiсны артмыны важ перым кадö медсясö юалан да урчитана нимвежтасьясысь, кывторьясысь. Ас кыв подув вылын артмöм кывйитöдьяс йылысь сёрнитiгöн колö босьтны тöд вылö подчинительнöй кывйитöдьяс, сы вöсна мый сочинительнöй кывйитöдьяс кызвыннас пырöмaöсь роч кывйысь. Важ коми кывйын вöлöма *тиöтишкö* кывйитöд, кодi важ гижöдьясын паныдасьлöма *но* вежöртасын, но öнiя коми кывйын сийö оз нин паныдасьлы. Талун паныдасьлысь кывйитöдьяс пöвстысь позьö индыны татшöм важ колясьяс: *кö* подчинительнöй кывйитöд вöлöма нин важ перым кывйын, артмылöма урал подув кывса *кx юалан нимвежтасьысь. *Кыздз/кызди* кывйитöд артмылöма важöн жö, фин-угор подув кывсянь воöм юалан нимвежтасьысь суффикс содтöмöн. *Мед* артмöма *мед* кывторйысь. *Мыйöн* кывйитöдлөн мыгöрыс кысьсö важ *тз юалан нимвежтасьянь. Тшöкыда сьöкыд индыны, кутшöм кывсикасысь кывйитöдыс артмöма. Помкаыс сыын, мый сийö либö мöд кывсикасыс медводз вуджöма урчитанö либö кывторйö да сöмын та бöрын — кывйитöдö; б) Й ö з к ы в й ы с ь п ы р ö м к ы в и т ö д ь я с. Коми кыв вылö ёна тöдчис роч кыв, та вöсна комиö уна кыв пырöма рочысь, тшöтш и кывйитöдьяс, кызди синтаксис единицаяс костысь йитöд петкöдлысь средствояс. *Да, и, а, но, зато, али, или, либö, ли, ни, то* да с.в. — ставыс тайö рочысь пырöм кывйитöдьяс. Öтияс на пиысь воисны водзджык, мöдьяс — сёрöнджык. Пример пыдди, *и* сочинительнöй кывйитöд öтвывтан функцияын паныдасьлö 14-öд нэмся важ коми гижöдьясын нин. Подчинительнöй кывйитöдьяс пиысь рочысь пырöмаясöн лоöны сöмын сэтшöм кывйитöдьяс, кодьяс дасьöн локтöмaöсь коми кывйö, стöчджыка кö, кыв-источникас нин вöлöмaöсь кывйитöдьясöн. И, мöдарö, оз лоны мукöд кывйысь пырöмаясöн сэтшöмьяс, кодьяс кыв-ис-

точникас вёлёмаось мёд кывсикасён и вуджём бёрас вочасён лоёмаось кывйитёдьясён. Пример пыдди *да* подчинительной кывйитёд, коді пырёма коми кывйё кывторйён, а сэсся вочасён пёрёма кывйитёдё.

100 §. Кывйитёдьяслён тэчасног

Тэчасног серти ёнія коми кывйын кывйитёдьясё позьё юкны прёст да тэчасаяс вылё. а) П р ө с т к ы в и т ё д ъ я с ё н лоёны сэтшёмьяс, кодьяс артмёмаось ёти кыввужйысь: *а, да, и, но, жё, ли, либё, ни, нисё, кё, мед, мый* да с.в. Прёст кывйитёдьяс вермёны шусьыны ётчыд, кыкысь либё унджыкысь. Примерьяс: *Лун и вой дугдывтёг ключ ваыс пуй, булькйёдлё да, лыа чирьясён ворсёг, лишной васё мёддёдё юас* (С.Раевский), *Ёмидзё, дерт, вотёмаось видз вылё ветлысь зиль нывбабаяс, либё* купайтчыны ветлысь челядь чёсмасьёмаось (С.Раевский), *Тэнад рёмпоштан веркёсын сёстём ваас ворсёдчёны и шондй, и кымёрьяс, и кодзுவьяс...* (С.Раевский), *Бара нин Домналён гёлёсыс медся гораа юракылё то* ётилаын, *то* мёдлаын (Г.Фёдоров), *Абу, оз тыдавын ни* лэбачьяс, *ни* урьяс... (С.Раевский); б) Т э ч а с а к ы в и т ё д ъ я с ё н лоёны сэтшёмьяс, кодьяс артмёмаось кык либё унджык кывйысь. Тэчас кывйитёдьяс кызвыннас артмёмаось нимвежтась-ясысь (ётиыс на пиысь вермё лоны кывбёра нимвежтасён), нимвежтасьясысь да кывторйысь: *сийён мый, сы вёсна мый, сы понда мый, сы кузя мый, сы ради мый* да с.в. Примерьяс: *Ягыс сёстём, татысь ни ёти пёрёдём либё пёрём пу он адды, сы вёсна мый* йёзыс видзёны, *дэзьёритёны тайё ягсё* (С.Раевский), *Кор меным мыйлакё друг гажтём лоліс — то* ли чечча гожся асылё да ывлаыс кымёра, *либё* войтёвтёма, *либё* кёбрега-жытника костысь миянлысь пёвъя чомнымёс разёмаось и пёвьясё ставсё нудмаось, *сы понда мый* пёвьясё ми *виричьяс* да кильчё вывьясысь чукёртлім орчча керкаясысь — *сэки* менам дзугыльмём *вежёртасын* друг югнитліс *дум, мый* ме медся ыджыда *быдма* — кымёрёдз; *мый* ме некор *ог* пёрысьмыв, кыдзи ыджыд *мам* да ыджыд *бать* (П.Шахов).

101 §. Кывйитёдьяслён функция да вежёртасьяс серти торьялём

Синтаксис боксянь кывйитёдьяс торьялёны сочинение да подчинение йитёдьяс тёдчёдысьяс вылё. Тайё юклёмыс петё подчинение йитёда да сочинение йитёда сёрникузяс торйёдёмысь. С о ч и н и т е л ь н о й к ы в и т ё д ъ я с тёдчёдёны йитёдьяс: а) сёрникузялён ётсёма членъяс костысь: *Увьяс косттіыс муёдзыс воалісны лым чирьяс да* сылісны *сэні* (М.Игнатов), *Кёлуйсё* сылысь *найё* мыччалісны *вагон* ёиинь *пырнин, кор* кызкё да *мыйкё* ачыс *Домна* вермис *жё* медбёрти *сюисьыны тамбурё, а* сэсся *и* *вагон* пытикё (Г.Фёдоров), *Кызьяс! Кызьяс! Тулыснас и* арнас *Бытьё* сисьяс, *югзёданныд* *парма* (М.Елькин). Подчинительной

кывйитӧдъяс пиысь тайӧ функцияс овлӧ сӧмын *кӧть* кывйитӧд. Примеръяс пыдди: — *Ӧти чӧрт, тани кӧть гортын!* — кинас *ӧвтышитис Калина* (Я.Рочев), *Но Геня эз кыв мудзсӧ, сійӧ дась вӧлі ӧні котӧртны карӧдз да шуны Рюриклы: «Заданиетӧ выполнитӧма. Ковмас — верманныд ыстыны кӧть войын, кӧть лунын!»* (Я.Рочев), *Кӧть рытын, кӧть вой шӧрын лок, Назарика вердас аслас юкваӧн, тиыг оз водтӧд узыны* (Г.Фёдоров), *Кӧть водз асылын, кӧть сёр рытын, кор сійӧ (Тер Миш) восьлалӧ сиктса улица кузя, немся кычан оз увтышитлы сы вылӧ* (Е.Рочев); б) сложносочинённой сёрникузялӧн ӧта-мӧдсыйс зависиттӧм предикативнӧй подувъяс костысь: *Ывлаын июнь шӧр, а кӧдзыдыс век на оз кӧсйи сетчыны* (М.Игнатов), *Прӧйдитас минут дас вит, и отряд бара восьлалӧ водзӧ* (М.Игнатов), *Ловлы шоныдыс татысь на чуктӧ: Татчӧ локта, и олӧмӧй югдӧ* (М.Елькин). Подчинительнӧй кывйитӧдъяс тӧдчӧдӧны сложноподчинённой сёрникузялӧн сюрӧса да содтӧд предикативнӧй юкӧнъяс-костса йитӧдсӧ: *Но пемыдыд и ёсь синмыдлы пемыд, кӧть кутиӧма читкырась, он сійӧс видзӧдласнад вен* (Г.Юшков), *Зэв мича вӧлі рытыс, быттьӧ выльӧн на дзимбыралӧмаӧсь, дзирдалӧ сӧмын шондыс* (Г.Юшков).

Сложнӧй синтаксис тчасын ашшӧр сёрникузяс вермӧны йитчыны кычан сикас кывйитӧдъяс отсӧгӧн. Сочинительнӧй кывйитӧдъяссянь моз жӧ подчинительнӧй кывйитӧдъяссянь вермӧ заводитчыны бӧрынджык сулалысь сёрникузяс, кор сійӧ лоӧ сложноподчинённой сёрникузялӧн, да кор сылӧн содтӧд юкӧныс сулалӧ сюрӧса юкӧн водзас. Примеръяс: *Сӧмын кутиӧмсюрӧ изъяс вылас быттьӧ нянь шӧрӧмъяс вылӧ кодкӧ кисьтӧма песок чирьяс. Да чирьясыс югъялӧны и песоклӧн дорысь гырысьджыкӧсь, и рӧмнас абу еджыд, а рудовкольквиж и бронза рӧма* (М.Игнатов), *Быттьӧкӧ и тэрмасьтӧг ставсӧ вӧчӧ-керӧ Викень, а со тай, кузянад нин лӧсьӧдӧма. Кӧть эськӧ и зэв сьӧкыдырысь ставыс сетчӧ сылы. Сы вӧсна мый оз вермы сійӧ сідз-тадзсӧ керны-вӧчны...* (И.Торопов). Кывйитӧдъяссӧ сочинительнӧйяс да подчинительнӧйяс вылӧ юклӧмыс тӧдчӧдӧ синтаксис йитӧдсӧ, но сэк жӧ тӧдчӧдӧ кывйитӧдъяслӧн кыввора вежӧртасъяслысь унапӧлӧслунсӧ.

Кывйитӧдъяс мукӧд кывъяс моз жӧ вермӧны лоны ӧти вежӧртаса да уна вежӧртаса. Уна вежӧртаса кывйитӧдъясыс петкӧдлӧны йитӧдъясыслысь некимын сикас, та вӧсна вежӧртас сертиыс пырӧны некимын чукӧрӧ. Пример пыдди: *и* кывйитӧд вежӧртас сертиыс вермӧ лоны: а) *лы ддӧдлан а: Йӧзыс ветлӧдлісны таті и видзьяс вылӧ, и вотчыны...* (С.Раевский); б) *ӧтвывтана: Гӧгрӧс чужӧма, ёсиник ныра Лёня тушанас и арлыднас медся ичӧт, сійӧ сӧмын на помаліс коймӧд класс* (И.Коданёв); в) *паныдсувтӧдана: Уна фашистскӧй танк лои жугӧдӧма, и век жӧ ми этиа вермим мунны водзӧ* (В.Осипов); г) *содтана: И ньӧти эз яндысь татиӧм думъяссьыс: сы вылӧ эм сылӧн и тӧдӧмлун, и кужанлун, и сямыс-характерыс йӧзӧн веськӧдлыны*

тырмас (Б.Шахов); **да** — а) **отвытана**: *Ми Юлякӧд сувтім лыжи вылӧ да мӧдӧдчим важ мельнича дорӧ* (С.Раевский); б) **паныд сувтӧдана**: *Нонна эз шогӧ усь: «Ошйысьысьылӧн горшыс паськыд, да нинӧм ньылыштнысӧ лӧд...»* (В.Напалков); в) **содтана**: *А Епим локтіс война мӧд вонас, ранитчӧма, да век нин мужик* (Н.Куратова); **мый** кывйитӧд вермӧ лоны изъяснительнӧй да помка вежӧртаса; **мед** (**медым**) — изъяснительнӧй, помкаа, мога.

Сочинительнӧй кывйитӧдъяс

Коми кывйын медтшӧкыда паныдасълӧны татшӧм сочинительнӧй кывйитӧдъяс: *а, али, да, да и, дай, зато, и, или, кызди — сідзи, ли, либӧ, не сӧмын — но и, не сы мында — мыйта, не то... не то, ни, нисьӧ, но, то... то, то ли... то ли да мукӧд*. Вежӧртас сертиыс сочинительнӧй кывйитӧдъяс юксӧны вит чукӧр вылӧ: **отвытана**, **паныд сувтӧдана**, **торйӧдана**, **орччӧдана**, **содтана**. а) **Отвытана** вежӧртас кутӧны *и, да, ни* кывйитӧдъяс, кодъяс шусьӧны лыддьӧдлӧмӧн. *И* кывйитӧд овлӧ **отчид**, кыкысь либӧ некымынысь шусянаӧн. **Отчид** шуигӧн сійӧ индӧ **отсяма** членъяслӧн да **отсяма** юртӧмъяслӧн лыддьӧдлӧм помасьӧм вылӧ: *Кызди и быд во, тулыс мыськӧ-пожъялӧ муыслысь чужӧмбансӧ, сетӧ унзӧлысь садьмӧм вӧрлы и лӧбачьяслы вель вынйӧр* (В.Напалков), *Полойыс да юыс быттьӧ скӧрмӧмаӧсь ӧта-мӧд вылас, и кыкнанныс мӧдӧдчӧмаӧсь асланыс туйӧд* (И.Коданёв). Кыкысь либӧ унджыкысь шусяна кывйитӧд тӧдчӧдӧ сёрникузялӧн **отсяма** членъяслысь да сложносочинённӧй сёрникузялӧн грамматика подувъяслысь **отсямалунсӧ**. **Отвытана** вежӧртасыс та дырйи тӧдчӧ нӧшта ёнджыка. Кыкысь либӧ унджыкысь шуӧмыс петкӧдлӧ, мый лыддьӧдлӧмыс абу помасьӧма, тӧдчӧдӧ лыддьӧдлан шуанногсӧ: *Тані позь и чери вугравны, и уткаясӧс лыйлыны, и сьӧла-дозмӧрӧс кыйны, чӧд, пув вотны, а мӧдлапӧвсьыс — ӧмидз* (И.Пыстин), *Уткаяс — зэв визувӧсь: найӧ и лӧбалӧны, и плавайтӧны, и сунласьӧны* (С.Раевский), *Ӧкуль тьӧттӧс лои серпасалӧма и борйын пукалӧгӧн, и турун куртигӧн, и юрасигӧн* (В.Безноси́ков). Сёрникузяса членъяс да сложносочинённӧй сёрникузялӧн грамматика подувъяс йитӧгӧн *и* кывйитӧд вермӧ босьтны векныдджык вежӧртасъяс: **кад**, **помка**, **условие** да **следствие**, **результат** — сійӧ тыдовтчӧ контекстсьыс. **Када йитӧдъяс петкӧдлӧгӧн** *и* кывйитӧд вермӧ йитны сэтшӧм синтаксис единицаяс, кӧні керӧмъясыс, лӧӧмторъясыс, эмторъяслы лӧсялана признакъясыс, состояни́еясыс: 1) **ӧти** кадаӧсь: *Ӧтчид сы (пелысь пу) дорті мунігӧн ме друг шемӧсми: видзӧда и ог эскы аслам синъяслы* (С.Раевский), *Мунан и любуйтчан ывла вывнас* (С.Раевский), *Пӧрысь таллянка вочасӧн аддзӧ тайӧ ладсӧ: норакодъ и кузя юргысь шыясӧн ворсӧ, паськыда босьтӧ и ӧттиӧтши быттьӧ дзольгӧ-сяльӧдчӧ визув ва моз* (И.Торопов), *Корсюрӧ пӧльыштліс небыдик лун тӧв*,

и кыдзьяс вашкөдчисны өта-мөдыскөд (С.Раевский), Көтө кык-куимысь нин пужъявліс, **и** сынөдас еджыд бобувъяс лэбалісны некымын час... (И.Коданёв), Интереснө, ме таті недель кык сайын на прөйдитлі, **и** кутишөм мича, гажа тані вөлі (С.Раевский), Куа кыйдөсөн зіліс өні мездысьны яналөмсьыс, аслыс ни понйыслы шойччөг эз сетлы: лөзъягыдөн мунасны да пемыдөн локтасны; ачыс лым сюръя кодь, **и** понйыс голякылө йизьшөм гөннас (Г.Юшков); 2) овлөны сьөрсьөн-бөрсьөн: Мороз первойөн воис ас садяс **и** тувкышитіс меным мышкө (В.Тимин), Югыдыс чегис синъяснысө пожемъяслысь да козъяслысь, **и** найө шемөсмывлісны (М.Игнатов), Но кутишөмкө кык-куим лунөн арся төлыс нетикуис-орйөдліс сылысь (пелысь пулысь) гөрөдөны нин удитөм коръяссө, **и** мича пуыс коли пасьтөм кодь (С.Раевский), Кырсьыс пуыслөн рана улас кулышитчөма, **и** сы пыдди чургөдчөмаось моль кодь гөгрөс сир курыд синва войтьяс (С.Раевский), Ме воськовті сылань (истанлань), **и** сійө уськөдчис котөртны водзө (С.Раевский). И кывйитөда тэчасьясын юкөнъяс костас тшөкыда овлөны п о м к а да следствие йитөдьяс: А өні пемдө водз, **и** колө удитны на сывны ассьыс помтөм сыланкывсө (С.Раевский), Оз вевъявны **и** та вөсна мыйсө оз думышты! (В.Тимин), Кияс кымлөны, **и** видза зептын (С.Раевский), Öшиньясысь сылі кыз гыöрыс, **и** керка пытшкын югдіс (С.Раевский); условие да следствие вежөртас: Ов йөзлы бур вылө, **и** найө некор оз вунөдны тэнө (шусьөг), — ...Дядь меным гижө: петкөдлы асьтө бур боксянь медся кыв кутана уджын, **и** армия бөрын ме пыр жө босьта тэнө ас дорө (В.Тимин). Да кывйитөд вежөртас боксянныс матын **и** кывйитөд дорө. Векджык овлө өткаөн, но вермө шусыны кыкысь либө унджыкысь. Кыдзи **и** кывйитөдлөн, стөчджык вежөртасыс восьсө контекстын. И кывйитөд моз жө сійө вермө төдчөдны када йитөдьяс: өти кадө либө сьөрсьөн-бөрсьөн мунан керөмьяс, лоөмторьяс, эмторьяслы өти кадө либө сьөрсьөн-бөрсьөн лөсялана признакьяс, состоянияс: Шы ни төв. Ва весьтын сөмын жбыръяліс планер моз юрсигусь, **да** көнкө ситурун пыын шарөдчис чирк (С.Раевский), ...Дозьясныс тырисны, **да** кумнанныс гортланьө мөдөдчисны (Г.Фёдоров). Када вежөртасыс сіджө вермө сьөктаммыны помка, условие да следствие вежөртасөн: Асывнас лои көдзыд, **да** ме садьми, пиньяс сөмын зяткакылөны (С.Раевский), Сэсся **и** кадыд на оз вичмы: дженъыд гожөмыд пуксьылас, **да** быдтор колө удитны, мед эз мөдысь быд здукө мог су (Г.Юшков), Кадысь кадө вом доръясөдыс вуджөртлө нюм, **да** та вөсна думайтсьө, мый сылөн юрас пыр жуөны скөр мөвпьяс (М.Игнатов), — Уна вөрыс, **да** сійөн **и** оз жалитны (И.Коданёв), Асывнас лысвааліс, **да** луныс мичаысь-мича лоис (В.Безносиков). Ни кывйитөд вежөртас сертиыс матын **и** кывйитөд дорө. Паныдасьлө соссяна сёрникузясын. Петкөдлө лыддьөдлөм, сөмын соссянаөс. Вермө лоны өтка **и** кыкысь да унджыкысь шусяна: Понъяс оз омляваны **ни** шөйтны (В.Безносиков), Но та йылысь некодлы эз висьтавлы, **ни**

аскӧдыс Левоньыскӧд эз сёрнитлы (И.Изьюров), Бадь пу ӧні став пуяс пиысь медся мича да тишап. Татиӧм мичанас сӧсся оз овлы **ни** гождӧмын, **ни** арын, **ни** тӧлын (С.Раевский).

б) П а н ы д с у в т ӧ д а н а вежӧртас кутӧны а, но, да, зато, жӧ кывйитӧдьяс. Найӧ петкӧдлӧны паньд сувтӧдӧм, сёрникузялӧн ӧтсыма членьяс костын да сложносочинённой сёрникузялӧн грамматика подувьяс костын лӧсъявтӧм йитӧд. Тайӧ кывйитӧдьясыс шусьӧны сӧмын ӧтчид. Ӗнія коми кывйын паньд сувтӧданаяс пиысь медьёна бергалӧны а, но, да кывйитӧдьяс. Да лоӧ синонимӧн но кывйитӧдлы. Примерьяс пыдди: Сылаторын, кытчӧ лӧбисны кымӧрьяс, мыччысис ӧшкамӧшка и эз ӧти, а ӧтпырйӧ кык (С.Раевский), Оз тракйысь (табйӧй), а катӧ вывлань, бадь кустьяс улӧ; сӧсся вӧйи (С.Раевский), — Ачыс (визяорда) урысь на ичӧтджык, а визув да уджач (И.Коданёв), Сӧсся раскӧдыс вель дыр кытишлалі, **но** некутиӧм тишак эг нин аддзы (С.Раевский), Сійӧ (Сьӧд ты) абу ыджыд, **но** местаясын эв джуджыд, ваыс векни вискӧд тюрӧ Мизин юӧ (С.Раевский), Ывлаас ӧвтис нин тулыс кӧрӧн, **но** друг кӧдзӧдӧс (С.Раевский), Видзӧда: ӧтилаын руч кӧйялӧ, кыйӧдчӧ. Лыйны кӧть эськӧ, **да** буретш ружьей эз вӧв сьӧрысь (С.Раевский), Мустӧм эськӧ вӧлі неносгӧ керасьӧмсьыс, тиӧтшыдӧн ли кузя пӧлӧсаӧн мунліс черыс, **да** веськыд кинас эз на лысьтӧдчы, сідз нин доякывліс морӧсас да (Г.Юшков), Пенсия сылы петӧ, оз этиша, позьӧ эновтчыны уджалан маetasьыс, **да** велалӧм вывсьыд сьӧкыд нэмвӧйся сюрӧстӧ орӧдны (Г.Юшков). Паньд сувтӧдӧм кындзи а, но, да кывйитӧдьяс тшӧкыда петкӧдлӧны о р ч ч ӧ д а н а йитӧдьяс. Примерьяс пыдди: Васӧд местаясын мыччысьӧма нин вижсьюр, а пыдынджык, сука сулалысь коз пуяс костын, тыдалӧ на еджыд лым (С.Раевский), Берег пӧлӧныс — лыска вӧр, а дзик берег дорас сатикысьӧмаӧсь бадь кустьяс (С.Раевский), Абу и ыджыд лудік, **да** узьны оз сет (шусьӧг). А, но, да кывйитӧдьяс тчасьясын паньд сувтӧдана вежӧртассӧ вермас сьӧктӧдны у с т у п и т е л ь н ӧ й рӧм: Шондіыс донвидзысь небеса пыдӧсас, а небось тай тырмӧ эбӧсыс зарни югӧрьясӧ му вылӧдзыс койныс (В.Безносиков), Берегын эв номйӧсь, **но** ме дорӧ оз матыстчывны: мавтча антикомаринӧн (С.Раевский), Пукала час кымын нин, **но** чери оз сӧй, вугыр тай эз на вӧрзъыв (С.Раевский), Быд вой зӧрья му вылас волӧ ошкыс, **да** он тай босьт (В.Торопов). Жӧ кывйитӧд вежӧртас сертиыс матын а кывйитӧд дорӧ. Тайӧ кывйитӧд ӧтсӧгнас вермӧны йитчыны сложносочинённой сёрникузялӧн грамматика подувьяс, а сёрникузялӧн ӧтсыма членьяс — оз. Петкӧдлӧ о р ч ч ӧ д а н а да о р ч ч ӧ д а н а п а н ы д с у в т ӧ д а н а йитӧдьяс: Жарыд оз ви, кӧдзыд **жӧ** виӧ (шусьӧг). Зато кывйитӧд ӧтсӧгӧн йитчӧны кыдзи сёрникузялӧн ӧтсыма членьяс, сідзи и сложносочинённой сёрникузялӧн юкӧнъяс. Паньд сувтӧдан вежӧртасыс сьӧктаммӧ в о з м е с т и т е л ь н ӧ й р ӧ м ӧ н. Примерьяс: А Степан Ермолин? Сідзжӧ другасьӧ Тишакӧд, корсьюрӧ и юыштлывлӧ

отлаын, эскö сылөн быд кывлы, **зато** оз эскы гöтырыслы — комсомолкалы (И.Изьюров), Сэсса сылөн суседлөн ецö öти йöри мыні, **зато** ме лэпти нин мөд сын, воддза дорсьыс ыджыдджыкöс (С.Раевский), Мый нö вöчан, сьöлöмьд кöть нэрмö, — **Зато** томгяс олöны ме моз! (А.Тимушев). Паньд сувтöдана кывйитöдьяслысь функциясö вермö босьтны и кывйитöд: Сылөн (Григорий Фёдоровичлөн) война вылын повтöмлунысь боевöй орденгяс да медальяс, некор некод водзын эз дрöгмунлы, **и** друг медматысса йöз син водзын сійö лоис трусөн!? (Б.Шахов), ...Валялөн руд сингяс весьтын кутисны бергавны пемыдгöрд кытигяс, а вомыс калкмуні. Кöсйö шыасьны, **и** оз вермы... (В.Безносиков). Мукöддырйи и кывйитöдыслөн паньд сувтöдан вежöртасыс петкöдчö век жö кывторкöд тэчасын: Быттьöкö ставөн уджалисны сьöлöмсянныс, и Ермолин мыйкö зілис, кызди кажитчывліс трактористлы, **и век жö** уджнас йöзлөн сьöлöмныс эз бурмыв (И.Изьюров).

в) Торйöдана кывйитöдьясөн лоöны али, либö, ли, не то... не то, нисьö, то... то, то ли... то ли. Али, либö кывйитöдьяс петкöдлöны, мый лыддьöдлöм эмторгяс, керöмгяс, висьталанторгяс письыс збыль вылас вермас лоны сöмын öти; петкöдлöны торйöдана, разöдана йитöдьяс. Али кывйитöд векджык öтчыд шусяна, либö — вермö лоны öтчыд и некымыныс шусяна: Ачыс нылыс, юрсö чатöртöмөн, видзöдiс ю катыдлань, кытысь медбöрьяыс кылiс турияслөн курликтöм, но оз позь вöлі гöгöрвоны: видзöдiс нылыс ылысмысь теплоход вылö **али** кузь кока лэбачьяс вылö, кодгяс важөн нин пöрисны сьöд чутгясö (И.Изьюров), Сьöкыд шуны, сизим пöлс рöмысь кодi медмичаыс, — виж **али** турунвиж, алöйгöрд **али** кельылöз? (С.Раевский), «Оз эськö ков кедзовтны дöва-салдаткаяссö, некутиöм ногөн оз. (...) Оз öмöй совхозса юралысгяс татиöмторсö аддзыны, **али** налөн сöмын овмöсса план вöсна юрныс висьö?» Унаөн на пыис босьтöны визувтны кöнкö Тиман гöра боксянь **либö** джуджыд да паськыд турипувгья нюрьясыс (П.Липин), Казяласны кö (сьöлаяс) зверöс **либö** мортöс, пыр жö та йылысь сетöны тöдны öта-мöдыслы (И.Коданёв), Менам сöмын эз ло гижсьöм ни пуртөн, ни карандашён — **либö** татиöмтор вылас кадыс эз ло, **либö** жö тайö пызан вылас видзöдлiгөн пыр дум вылö волiсны школаса учительяс да сы вöсна (М.Игнатов). Öнiа коми кывйин нисьö кывйитöд векджык öтчыд шусяна, но овлö тшöтш кыкысь либö унджыкыс шусянаөн. Чорыд индöд та вылö абу. Индö чайтöм вылö, йитö сёрникузялысь öтсыма членгяс, сложнöй сёрникузялысь грамматика подувгяссö — оз. Примергяс пыдди: Сьöкыд удж да тиыг **нисьö** пöт олöм поводнöя нюкрöдлiсны комын куим арöса дöваöс, но сійö эз на вошты мичлунсö (В.Напалков), Маргя аддзис нылыслысь усьöмсö да сада **нисьö** садьтöм уськöдчис сы дiнö, весиг пöтöлöкöдзыс кайысь бисö эз аддзы (И.Пыстин), — А ме ногөн тэ, ефрейтор ёрт, абу прав, — цуткаён **нисьö** збыль вылö, пемыдiнсянныс пыкышитiс Рочев Парамоновлы (И.Пыстин), Но

узис сійö кокни унмөн: **нисьö** узис, **нисьö** оліс (Г.Фёдоров). *Ли, то ли... то ли, не то... не то* индöны абу стöч висьталöм вылö, а ч а й т ö м вылö. *Ли* вермö шусьыны öтчюд либö кыкысь да унджыкысь, *то ли... то ли, не то... не то* кыкысь либö немынысь шусяная, öтчыдысь оз шусьыны: *А чечча — бара нин пызан улын ли порог дорын чикырвидзö* (Н.Куратова), *Сэки господьыс ли* кодкö и чуйдiс: уставыд эм, лыддьыны кужсан, ачюд и сьылöд, ёна тай (Г.Юшков), *Ог тöд, ягö ли, нюрö ли* эндöма Тэа-меалөн öтувья шуд... (А.Ванеев), *Кокъясыс, то ли* мудзöмысла, *то ли* волнуйт-чöмысла, тiралiсны (М.Игнатов), *Матыстчи ыджыд пожöм дорö да аддза: пу саяс ур ноксьö: то ли* пожöм кольясö кильö, *то ли* пук öктö, *то ли* тиак йирö (С.Раевский), «Майбырья! Гортаныс воöны!» — *не то* шога, *не то* радлöмөн думыштіс Василёк (И.Изьюров), Сдайтöма пö (Тишков) ревизия бöрын ключьясö ОРС-ö да ачыс мунöма *не то* гортас, *не то* лэччöма районö (И.Изьюров). *То... то* — кыкысь либö унаысь шусяна кывйитöд, индö эмторьяслөн, керöмьяслөн, лоөмторьяслөн вежласьöм вылö, налөн с ь ö р с ь ö н - б ö р с ь ö н м у н ö м вылö: *Ывлаыс шоньыд-шоньыд, турун пиысь то* жбыркнитас-лэбзяс ичöтик тэрыб лэбач, *то* ылöдз чеччыштас кузь кокъяса чирк (И.Коданёв), *Турияс то* нора горöдласны, *то* мыйкö дыра чöв оласны (И.Коданёв), *Сьöд вой ывла вылас, а дедö петö нин сарайö, сэнi сьлөн пыр кутшöмкö да кутшöмкö удж эм: то* додö сыв синö, *то* телега гöгыль вöчö, *то* куран-коса (Н.Куратова).

г) О р ч ч ö д а н а (градационнöй) кывйитöдьясөн лоöны *кöть-но, кöть-а, кöть-да, дарöм-а, кызди — сiдзи, не сiдз — кызд, не (эз) сöмын — но и, не сы мында — мыйта*, кодзяс век артмöны кык юкöнысь. Тайö кывйитöдьяс отсöгнас йитчысь кык синтаксис единицаыс орччöдсьöны öтамöдыскöд, öткодзяссьöны кутшöмкö отношение серти: *Шондiыс кöть и шонтö, но* абу нин гожся кодь мелi (С.Раевский), *Кöть и* страк вöлі бөр локны карö, *но* тиыглун век жö тиöктiс сылы (Латкинлы) матыстчыны гортладор (Г.Фёдоров), *Талун кöть и* рытыс мича, гожöмын кодь шоньыд, *но* век жö воис ар (С.Раевский), *Кöть* сійö и зiлис кутны асьсö збодера, *но* тайö сьлөн эз артмы (И.Изьюров), *Кöть* ручлөн и нырыс ёсь, *а* дуксö кылö ылысянь (И.Коданёв), *Кöть* вöлі водз асыв на, *а* автобусын тырыс йöз (И.Коданёв), *Вöтыс кутшöм кöть* эз вöв шуштöм, *а* вемöсөн сё пöв вöлöма лёкджык на... (Г.Фёдоров), *Сцена* вылын йöктiсны нин нывкаяс. *Дарöм* поснийсь, *а* тырмö тай сямныс (И.Коданёв), *Дарöм* тай ичöтик лэбач, *а* мындöм мичлун кутö ас пышкас (И.Коданёв), — *Тöв* кезлö запас вöчö. *Дарöм* ичöтик, *а* сюсь (визяорда) (И.Коданёв), *Кутiс* шливгыны шоньыд зэр, кисьтіс ведраысь моз. Сэсся кымөрзяс *кызди* локтісны, *сiдзи* и мунiсны водзö (С.Раевский), — *Некытчö!* — скöра мурöстас Öльöксан и весиг оз видзöдлы шмонитысь челядь вылö, *кызди* мыччысьлас, *сiдзи* и вошö (И.Коданёв), *Но Миш Педьö кызди* кольлі пидзöсчания, *сiдз* на и сулалiс крест бердас чужöмнас топöдчöмөн (Б.Шахов), *Мед* прöститас *Лиза*, но Домнаён

чужтылём съод синма пиыс — Филипп жё — дзормөдіс нелямын вит арё-са Филипп Максимовичлысь эз сёмын юрсисё, **но и** сьёлөмсё (В.Напалков), Быдён корсис аслыс бурджык места, мед эськё позис **не сёмын** пукавны, **но и** нёровтчлыны, вугралыитны кузь туй мунігөн (Г.Фёдоров), Татиём-нас мортсё **не сёмын** найё (зонъяс), **но и** сиктсаяс пөвстысь некод и некор на эз аддзывлыны (А.Попов), Тайё лэбачьясыс (пыстаяс) кужёны **не сёмын** лөсьыда сьывны, **но и** радейтны коми йёз моз зарава юны (И.Коданёв).

д) С о д т а н а я с ө н лооны да и, дай, сідзжё, а сідзжё, а то и, да и то кывйитөдъяс. Тайё өтчюд шусяна кывйитөдъяс. Найё петкөдлөны кык синтаксис единица костын сэтшөм йитөд, кор мөдыс содтө воддзасё, паськөдö, стöчмөдö воддзаыслысь содержаниесö, индö результат вылö. Йöз кост сёрниын да серпаса гижөдъясын содтана кывйитөдъяс пиысь медьёна вөдитчöны да и да дай кывйитөдъясөн. Примерьяс: Поводдяыс мича, **да и** лымйыс абу на джуджыд (С.Раевский), Кымөръяс талун абу кызöсь, **да и** на пөвстын костъяс эмöсь, но некедз оз вермы петны шондыс... (С.Раевский), Эз нин сійö (Тишков) этиа лёксö вöчлы сылы **дай** мукöдлы (И.Изъюров), Бара колö мыркöдчыны, лунсö **дай** югыд войсö на босьтны, мый верман, мед карта улыд тöвнас оз тыртöммы, öти бак-сысьöн да гөрдысьöн көть мед коли жö сэтчö (Г.Юшков), Дерт, йöзад лоö делö **дай** гажтöм (Г.Фёдоров), ...Гортö полі локны, **дай** яндзим (В.Власов), Öнi ме важöн оз пукавлы сэнi вугыр шатинöн, **дай** кыйнысö лои нинöм (П.Липин), Посныд ёкыш, **дай** сійö на öтка-öтка, гыдьясьліс ботанас (Г.Юшков). Да и да дай кывйитөдъяс отсалöны петкөдлыны керöмьяслысь, овланторьяслысь öтa - мөд бөрся мунöмсö, результатсö: Шуис тадз, пуксис вөв вылö **да и** воши пүяс костö (М.Игнатов), Восьтіс **да и** аддзис (М.Игнатов), Мунім-мунім **да и** воим ю дорö, нимыс вунöма нин, Тимсерён ли, Висерён ли, буракö, шуйны вöлі (М.Игнатов), Тэчис додь тырыс кражъяс **дай** мөдіс нин гортас (Н.Куратова), — А ме быгыльтча паччөр вывсьыд **дай** дойма, — шуа ме (Н.Куратова), Колтаковский кывзас сылысь устнöй отчёт, юасяс, вермас лоны, буриндза зудьялас нюжмасьöмсьыс **дай** бөр лэдзас (Г.Фёдоров), Сідзжё, а сідзжё содтана кывйитөдъяс оз ков сорлавны сідз урчитана нимвежтаскөд да жö торйөдана кывторкөд. Найё торьялöны контекстын. Примерьяс: — Чолöмала тіянöс, курсант Оверин. Сиа виль вермөмъяс боевöй да политической дасьтысьöмын, **а сідзжё и** личнöй олöмын (В.Тимин), Размановлы сідз (нимвежтас) **жö** (кывтор) кажитчис интереснöйöн тайö юалöмыс, но чөв олiс, некутишöм воча кыв юрас эз чуж (С.Морозов). Содтана вежөртасыс вермас сьöктаммыны мөд вежөртасөн либö вежөртас рөмөн. Пример пьиди: а то и кывйитөдлысь содтана вежөртассö сьöктөдö у с т у п и т е л ь н ö й вежөртас: Батё мян ёна радейтліс асьыс крепидик, визув нывкаяссö и пыр новлөдліс сьөрсьыс то öтиöс, то мөдöс, **а то и** став

аравасё аскёдыс босьтас (Н.Куратова), *Сідзкё, бара во кольё весь, нинём тёдмавтёг, а то и* кык (М.Игнатов). Содтана вежёртасанас вермёны лоны нёшта мукёд вежёртаса сочинительной кывйитёдьяс. Медсясё отывитана и да да, паныд сувтёдана а кывйитёдьяс; мукёдыс шочджыка. Примерьяс: — *Мёвпыштлэй, кёні на сулалё враг, и тырмымён. Миян могным отсавны фронтлы* (Г.Юшков), *Дум вылё усьлі, и эз отчыдысь, боевой ёртёй: кёнкё улын, кымёрьяс сайын, сылён чужан муыс, кытчё бёрсё эз во* (В.Тимин), *Питирим ёна томджык Степан Фёдорович серти, комын сайё сылы, и мыгёрнас тёдчымён ичётджык* (И.Торопов), *Сикт лёсьёдчис пасйыны Великой Октябрь праздник. И школа тиётти* (А.Львов), *Бипур дорын чай югён, да ещё төвса рытын, челядь варовмисны, ота-мёд вежмёныс быдён зильё висътавыны мыйкё аддзывлёмтор либё кывлёмтор* (С.Раевский), *Татишмёньясас миян пурным прамёя люкавлё берегдорса пожёмьясё, ружтиг-краджигтыр утюжитё вужляёсь кыркётигыасё, а мукёдырийыс и зильё вомёнасьны* (И.Торопов), *Менам кык лун нин веськыд кок пыдёсёй лудіс, а тайё туй водзвылын* (В.Тимин), *Петіс (Оля), гашикё, гуляйтны, либё магазинё?* (М.Игнатов), *Гожёмнас югидвиж дзоридзыс вошё, сыысь артмё небыдик гён шар, либё гёнаюр, кызди шуёны сиктын* (С.Раевский).

Подчинительной кывйитёдьяс

Подчинительной кывйитёдьяс: *бытьё(бытьёкё, бытьёкёньсё), да, кор(кодыр), кё, кётъ, кызди(кыз), кызд бытьё, кызд сёмын, лёка, мед(медым), муртса, мый, мыйла, мыйён, пока, о́два, сы вёсна мый, сы понда мый, ыштё, ыштёкё* да с.в. Подчинительнойяс пёвстын торьялёны семантической да функциональной либё синтаксис кывйитёдьяс. С е м а н т и - ч е с к о й к ы в и т ё д ъ я с л ё н ёти, стёч вежёртас, паныдасьлёны найё кутшёмкё торья вежёртаса, ёти сикас содтёд сёрникузяын. Татшёмьяснас, шуам, лоёны кад вылё индысь *мыйён, пока* кывйитёдьяс либё *сы вёсна мый, сы понда мый, лёка* кывйитёдьяс, кодьяс кутёны сёмын помка вежёртас. С и н т а к с и с к ы в и т ё д ъ я с л ё н стёч вежёртасыс абу, паныдасьлёны найё уна сикас вежёртаса содтёд сёрникузясын. Татшёмьясён лоёны *мый, кызд(кызди), бытьё, мед(медым)* да мукёд подчинительной кывйитёдьяс.

Подчинительной кывйитёдьяс петкёдлёны татшём смыслёвой йитёдьяс: када, помка, условной, уступительной, откодялан, мога, изъяснительной. а) *Ка да* вежёртас петкёдлёны *мыйён, мыйён сёмын, пока* семантической да *да, кызд, кызд сёмын* синтаксис кывйитёдьяс. Примерьяс пыдди: *Но сайкалыштём бёрын, мыйён гёгөрвоис ассьыс ылаёмсё, сійё чорыдакодъ ёрчышитіс, лэптис кias шамыртём бедъ да лыйис повзёдчысь сизьлы* (Г.Фёдоров), *Тайё пыр откодъ шумыс, колесаяслён*

шлопкөдчөм шы да валөн ызгөмыс унмовсьөдисны мудзөм нылөс дзик пыр жө, **мыйөн** сійө сьөктаммөм юрсө пуктіс нопторйыс ылө (Г.Фёдоров), Сиктса том йөз тулыссянь, **мыйөн сөмын** сылас лым да косьмас эжа, шонді лэччөмсянь да асья кыа öзйытөдз тані колявлісны гажа рытьяс (И.Изьюров), **Пока** зарядка вөчан да мыссян-пасьтасян, кадыс и кольө (Н.Куратова), — Вай, Петрович, пуксьы өдйөдджык да мөдөдчам, **пока** югыд (С.Раевский), Магазинад пыран **да**, синмыд паськалө: чегөны полкаясыс эмбурсьыс (Н.Куратова), Рытья войнас, еджговмис енэжыс **да**, энъ сюзь петіс ортсө горссьыс, тапикасьыштіс джадж дорышөдыс, шенасьыштіс бордьяснас (Г.Юшков), Тайөс Микулай талун асыв чеччөмөн тиөтши и вежөртіс, аддзис өшинь пырыс едждөм ывласө **да** (Г.Юшков).

б) П о м к а кывйитөдьясөн лоёны сы вёсна мый, сы понда мый, сійөн мый, лёка, мыйла семантической да да, мый, мед(медым) синтаксис кывйитөдьяс. Бөрья кадө сложноподчинённой тэчасьясын помка йитөдьясыс тшөкыда петкөдлыссьөны сы вёсна мый, сы понда мый кывйитөдьясөн, кодьясөн вөдитчөны медясө художества, научной да публицистической гижөдьясын. Тайө сөрөн артмөм кывйитөдьяс. Примерьяс пыдди: Ваньө копьртчис, веиталыштіс топыд нитишө — сэтиөм жө еджыд коз под, гаикө, сөмын дженъыдджык өнтаяслөн серти, буракө, **сы вёсна мый** ачыс тані, еджыд ялаыс, дженъыдджык (И.Торопов), Бадь увьяс швичйөдлөны сапөгьясө, киясө, морөсө, сөмын чужөмөдз оз судзны, **сы вёсна мый** найө мөыс ичөтджыкөсь (М.Игнатов), Медводдзаыс коркө, тыдалө, сувтлысьөма кок йылө, **сы вёсна мый** өні ветла (М.Игнатов). Йөз кост сёрниыс позьө казавны лёка кывйитөдөн вөдитчөм. Тайө важ коми подчинительной кывйитөд; сійөс позьө паныдавны фольклор гижөдьясыс. Примерьяс пыдди: — Ме тэ сайө ог мун, ог мун, **Лёка** тэнад керкаыд вевтөм, — Ме тэ сайө ог мун, ог мун, **Лёка** тэнад джоджыд плакатөм, — Ме тэ сайө ог мун, ог мун, **Лёка** тэнад ведраыд пыдөстөм, ведраыд пыдөстөм, — Ме тэ сайө ог мун, ог мун, **Лёка** тэнад карнаныд тишупөдтөм (фольклор). Сөмын помка вежөртас жө вермө кутны мыйла кывйитөд, коді артмөма сөрөн нин да кодөн өтмоза вөдитчөны йөз кост сёрниын да серпаса гижөдьясын: Гаикө, сійөн сьөлөм доймө, Морөс пытикыс гажлун ямө, **Мыйла** нывка менө, зонмөс, оз нин радейт тувсовья моз (А.Размыслов). Помка йитөдьясө сідзжө тшөкыда вермөны петкөдлыны уна вежөртаса да, мый, мед, медым синтаксис кывйитөдьяс: Ачыс Заварин карса, пыравлөма велөдчыны Вөлөгдаса духовной семинарияө, философской классө, но абу өшиёма, вөтлөмаөсь, эз вөв ен нога дума **да** (Г.Фёдоров), Ывлаыс шоныд **да**, уна паськөм эз лөсьөдчы сійө босьтны (Г.Фёдоров), Туйсө толтөма **да**, ёна и ковмис собавны да зырийөн туй писькөдны (Н.Куратова), — Солыд өні абу **да**, черитө лоө косьтышавны (Г.Фёдоров), Нимкодясисны кыркөтшын козьяс, **Мый** тэ мича, а ме сэтиөм том, **Мый** эзв полигтыр льөм дзоридз розйөн Тэнад юр весьтыс

повзёдла ном (А.Ванеев), ...и бара на нимкодъыс босьтліс, **мый** татиём лёсьыда сылөн лёсийвсьома мича кыз керъяссё, кымын во нин колис, а тёвйыны петтёдз со мыськисны-вуштышитісны стенсё да бара на виль моз нюмъявны-ворсны мёдіс сирёд пожёмыслён сөнъяснас и югыднас (И.Торопов), Васька муніс будка дінас да сувтёдчис мышкён, **мед** оз чайтны кыйялёмён (Г.Юшков), Миян батьёлён вёлі кыз книга, ыджыд вок сійёс джадж пельёсын видзис, **мед** ми оз косявлёй (В.Лыткин), Виктор писькёдчис кёряс костёд ньёжсё, **медым** не повзёдны (Е.Рочев). в) У с л о в н ö й кывйитёдъясён лооны кё семантической да кор синтаксис кывйитёдъяс. Условной йитёдъяссё петкёдлігён медыджыд пайыс усё важ подчинительной кё кывйитёдлы. Примеръяс: Чайковскийлөн правительство быдёнёс вердас и пасьтёдас, лоас **кё** шыбитёма тайё властьсё (Г.Фёдоров), Йёраясёс чайтіс Васька: найё од туй вылад петавлёныджык, довгёны тэрмасьтёг, нинёмысь **кё** повнысё (Г.Юшков), А сэнi и ар нин. Вёр керкаыд, гаикё, тёв шёрсяныс видзёдлытём, чёсьясыд киссьомаёсь, плакаясыс вежём виччысьёны. Бара уськёдчылан, морт туйё **кё** асьтё пуктан (Г.Юшков). Бытьё либё эськё кывторъяскёд тэчасын кё кывйитёд петкёдлө у с л о в и е с ö к ö с ь я н а ö н , ч а й т а н а ö н , к о л а н а ö н : Егор эськё сідзи и вёчис, кыйдёсыс **кё** **бытьё** эрдын вёлі (Н.Куратова). Условной йитёд вермё петкёдлысьыны кор кывйитёдён, сэки условной вежёртасыс сёктаммё када вежёртасён. Када вежёртасыс условностьсё весиг чинтё. Примеръяс: И бытьё одйё котрав, **кор** эм сылөн врагъяс: кёин, вёркань, сан (И.Коданёв), Бёрыннас нин юавлі Степанлысь, мися, мыйла меё тишукін, да бытьё пё од тишук, **кор** тэ вёлі торъялан ныв чукёрас, **бытьёкё** мёд муысь (Г.Юшков). г) У с т у п и т е л ь н ö й вежёртасаён лоё кётъ кывйитёд. Примеръяс: Уджалё сійё (Фукс) дёрём кежсьыс, **кётъ** ывлаас и вель ыркыд (М.Игнатов), Менам век на эз дёбнитлы, а сійё, **кётъ** сёмын на воис, лэптис нин ыджыдкодь сынпи (С.Раевский). Кётъ уступительной кывйитёдкёд вермёны лоны и да эськё кывторъяс, кодъяс кывйитёдыслы сетёны содтёд торйёдан вежёртас: Кокныдыка узис, **кётъ и** сёрён нин лои водёма (В.Ширяев), А со кыз вёлі делёыс, **кётъ и** Калиса навкёдіс верёссё томдырся олём-вылёмсё казътылёмысь и (В.Безносовых), **Кётъ и** коландуныс абу, пёшти быд керка йёрын лязёны-увтёны пинчеръяс да пойнтеръяс, почтальонлысь сумканысё кватлалёны кузь пиньяса таксаяс да пель пёла дворняжскаяс (В.Безносовых), И чери кыйёмыс лои ёна гажаджыкён, **кётъ эськё** омёля шедіс, **кётъ эськё** унджыкысьсё кушён лэптылісны көвтымсё (И.Торопов). д) Ö т к о д я л а н йитёдъяс петкёдлысь кывйитёдъясён лооны: **бытьё** (**бытьёкё**, **бытьёкёнёс**), **ыштёкё**, кыздз, кыздз **бытьё**. Примеръяс: Тайё кадё рытья да асья кыаяс оз и янсёдчывны ота-мёдыскёд, **бытьё** кык чой видзёдчёны-любуйтёны ота-мёд выланыс (Г.Фёдоров), А сідзсё оз кажитчы Васькалы монъыс. «Мед, кутиём эм», — такёдіс нин эськё

асьсö, но эз дай тіркмунліс вивтырнас, **ыштöкö** кодзувкот ветлöдліс дöрöм увтіыс (Г.Юшков). е) М о г а вежöртас петкöдлысьясöн овлöны мед, медым синтаксис кывйитöдьяс: Клавдюк кольччис муас кывзысьны, **мед** некод найöс эз су, а Домна кутіс гусьöникöн кайны ньывкöса тэчöм пес чипас вылö, матыстчис занавескаа шöр öшинь дорö да ляскысис чужöмнас стеклö бердö (Г.Фёдоров), Оз ков ыджыд юр, **мед** гөгöрвоны, мыйта лёк сійö вöчис (Г.Юшков), А аскинас, рытладорыс, бара лэччылам сэтчö, **мед** кывтысь паракодсö суны (Г.Юшков), Локтіс нянь идралан кад да колö вöлі чукöртны общественнöй амбарö став лишалысь няньсö, **медым** сэсса юклыны быдöнлы ичöтикаöн (Г.Фёдоров), Империалистическöй кöзьеваыс отсöгöн да налөн тишöктöм кузя 1925-öд воын Латкин пöрийöдлөмөн кызкö бөр локтіс Сöветскöй Россияö, **медым** выльысь заводитны пакöститчыны (Г.Фёдоров). ж) И з ъ я с н и т е л ь н ö й йитöд петкöдлысьясöн лöбны мый, мед(медым), быттьö(быттьöкö, быттьöкөнöсь), кызди(кыздз), ыштö синтаксис кывйитöдьяс. Изъянительнöй вежöртаса кывйитöдьяс пиысь öнiа коми кывйын медьёна бергалöны мый, кыздз(кызди), мед(медым) кывйитöдьяс: Ме бура тöда, **мый** быд пöлöс мичлун чужтö мортлысь бурлун, мелілун (С.Раевский), Унатор сэттысь аддзылан и кывлан, **мый** весиг думыштнытö он кууж гортад олiгöн (Г.Фёдоров), Коді вöлі Космортөвкөд локтысь нывбабаыс — Домна эз тöд, кöть эськö кажитчис аслыс, **быттьö** коркö көнкö сійö вуджöртліс син водзтіыс (Г.Фёдоров), Висьтавлöны, **быттьöкөнöсь** Максимлөн батысь, Джыдж Ёгор, овмöдчылöма корöм вылын (И.Изъюров), Силантий пöль зэв ёна көсiй, **медым** сылөн внукуыс водзö нүдiс сылысь уджсö, сы моз жö тöдмаліс ывла вылын лöмторьяс йылысь (И.Коданёв), Сэсса заводитіс сьывны смуглянка-молдаванка йылысь, и ачыс эз и тöдлы, **кыздз** кутіс йöктыны (Н.Куратова), Öнi зэв нин бура аддзис, **кызди** насянь километр кык сайті мунісны кум дадюв (И.Коданёв), Но артмас кө вöйтöмьд, регыд и кылан кинад, **кызди** ён чери зутикас сырнад да пессыны кутас, сэсса мöд сэтшöм вынөн жö зутикас (Г.Юшков). Ыштö кывйитöд лöö синонимөн мый кывйитöдлы, но вöдитчöны тайö кывйитöднас шоча. Примерьяс: Нянь колö! А няньсö бурети оз вай Сöветыд, зэв эськö гöль дор сулалысьöн висьтасьö да. Быттьö оз аддзы, **ыштö** кач сёйöны да пыкталöны йöзыс (Г.Юшков), Он мортыд чайтлы, **ыштö** сэтöн овны кутан да сэтшöмтö удж уджавны (Г.Юшков). Подчинительнöй кывйитöдьяс кызди сложноподчинённой сёрникузяын содтöд юкöныс сюрöсаыскöд вермö йитчыны кы в и й и т ö д кы в ъ я с отсöгөн. Кывйитöд кывьясыс — ашöр кывьяс: нимвежтасьяс да урчитаньяс. Тшöкыджыка татшöмьяснас овлöны кодi, кутшöм, мый, мыйла, кор, көнi, кызди, кытысь да с.в. кывьяс. Примерьяс пыдди: Тöлыс мукöддырийи пугыртліс пукалысьяслы чужöманыс тиынсö, **кодi** вöлі курыд, но кызкö аслысног чöскыд көра (Г.Фёдоров), Поезд, **кодөн** Домна мөдöдчис Петроградысь гортладорö,

муніс зэв ньёжйё (Г.Фёдоров), *Тасянь, ю вывсянь, сійё кажитчис зэв га-жаён, бурети сэтшюмён, кутшюмён* мукёддырйи вёлі вётнас петкёд-чывлё (Г.Фёдоров), *Мукёддырйи, кодыр* кёнкё матіын ёнджыка пё-льыштём тёвруысь дзуртыштіс пу либё трачмунліс ув, морт черёбтыліс, сюся кывзысьліс, нюжёдчюмён бергёдліс юрсё (Г.Фёдоров). Кывйитёд кывъяс подчинительной кывйитёдъясысь торъялёны сійён, мый содтёд сёрникузясё сюрёса дінас йитёмысь ётдор найё индёны сюрёса сёрнику-зьясылён кутшюмкё кыв вылё да вежёны тайё кывсё содтёд сёрникузяс. Такёд тшётш кывйитёд кывъясыс петкёдлёны содтёд сёрникузьясылыс сюрёса дінас йитёдсё да лоёны сёрникузяс членён.

102 §. Кывйитёдъяслён сёрникузьян ин

С о ч и н и т е л ь н ы й кывйитёдъяс сулалёны наён йитан синтаксис единицаяс костын: прёстой сёрникузьян — сёрникузьялён ётсыма членъяс костын, сложносочинённой сёрникузьян — сылён предикативной юкёньяс костын. Примеръяс: *Нар вылё вольсалём кос турун мудзём бёрад кажитчыліс гён перина кодъ мусаён да* небыдён (И.Коданёв), *Тані сылён и* видз, *и* пасека, *и* синва кодъ сёдз ваа ю (Г.Фёдоров), *Кольё* немын лун, *и* найё (чёд) лёзёдасны (И.Коданёв), *Гырысь* пу лапъяс костті югыдыс пырис слабджыка, *да* мунысьяслы лои вель рёмыд (М.Игнатов), *Кёръяс* мянлысь вёлёгасё нуисны, *и* пищальнымёс, *и* чернымёс (И.Коданёв), *Лэбачъяс то* тювгысьяслыс вывлань, *то* сэтшюм жё тэрыба сунгысьяслыс увлань (И.Коданёв). Тайё индёдсыс кежёны жё да ли... ли кывйитёдъяс. Жё сулалё сёрникузя шёрын. Жё кывйитёд матын кывторлы: жё кывтор моз нуё т о р й ё д а н а (выделительной) функция. Сёрникузьян сулалё торйёдана кыв бёрас. Ли... ли кывйитёд сулалё оз сыён йитан синтаксис единицаяс водзас, а на бёрын: *Сёмын* кылё, *кызди* пыр на броткёдчыштё «скала» вылё юыс, *да* корсюрё заводитлас котсыны кустъяс пёвстын байдёг, *да* кёнкё тыын *ли*, *нюрын ли* чукёртё ассьыс семьясё сёрмём жыдач (М.Игнатов). Орчёдана кывйитёдъяслён воддза юкёныс сувтёдсё ёти синтаксис единица водзас, а бёръя юкёныс — мёд единица водзас: сложносочинённой сёрникузьян предикативной юкёньяс йитігён *коть(и)-но*, *коть(и)-а*, *коть(и)-да* кывйитёдъяслён воддза юкёныс вермас сулавны воддза предикативной юкён шёрас, бёръяыс — мёд юкён водзас: *Пёжар-ной машина коть* уна ва ваяліс би пытикё, *но* сійё некыз эз кёсйи сет-чыны (И.Коданёв), *Директор коть и* быд лун воывліс мастерскійё, *но* ыджыд тёлкыс сылён волёмысь эз жё вёв (И.Изыуров).

П о д ч и н и т е л ь н ы й кывйитёдъяс векджык сулалёны содтёд сёрникузя водзын. Век сулалёны содтёд сёрникузя водзас *бытьё*, *кыз* (*кызди*), *мед* (*медым*), *мый*, *сы* вёсна *мый*, *сы* понда *мый* кывйитёдъяс. Примеръяс: *Гортё* ёишь пыр вёзйысьё тёлысь, *Мед* эз кынмы сэн карна-

на ныв (В.Напалков), *Эз тӱдны и дзебысьяс-зэкъяс, Мый* кувсис сӱветскӱй поэт, *Быд югыдсӱ ӱзйӱдысь-ошкысь, Мед* му вылысь вешийс сӱдд вой, *Мый* вель олӱм сӱылысьӱс воштіс Сэк парма — да саймовтіс дай (В.Кушманов), *А лӱччан нюрӱ — мырпом сӱні кисьмӱ, гырысь, сӱӱкыд виж* моляса, *быттӱӱ* зарни ёкмыльяс гӱрддзасӱмаӱсь, вомад вӱзйысьӱны (Г.Фӱдоров), *Найӱ (аэропланъяс) йӱз муысь локтӱм кырныш чукӱр моз* чивъялісны сынӱдын, *быттӱӱ* корсисны, мый позӱӱ вартны (Г.Фӱдоров), *Проня помнитӱ, кыдзи* сійӱс тӱрыт нӱддлісны тюремнӱй канцелярияӱ допрос вылӱ (Г.Фӱдоров), *Медводдзаысь коркӱ, тыдалӱ, сувтлысьӱма кок* йылӱ, *сы вӱсна мый* ӱні ветла (М.Игнатов). Корсюрӱ гижысьыс вермӱ сувтӱдны кывйитӱдсӱ сӱрникузя шӱрас либӱ помас. Татшӱмторйыс ӱнджыкасӱ паныдасылӱ кывбура гижӱдъясын: *Зэрыс пырис сиктӱ кывтыд-помсян, Мыськис керка ӱшиньяс и ывла. Кӱттӱдӱс сӱдд юрсисӱ и Тося, Коскӱдз кӱса медым* быдмас сълӱн (В.Напалков), *Эг ӱд ӱтнам ме, мусай, уджйӱзӱс казътыв кын окопъясын куйлігӱн, аддзысьны медым* (С.Попов).

Кывйитӱдъяс вермӱны сулавны содтӱд юкӱн шӱрас, помас. Шуам, кӱ условнӱй кывйитӱд век сулалӱ содтӱд сӱрникузя шӱрын, содтӱд сӱрникузяыслӱн воддза кыв бӱрас. Воддза кыв бердас вермасны лоны зависитысь кывъяс, сӱки — татшӱм кывтӱчас бӱрас. Примеръяс пыдди: *Йӱраясӱс чайтіс Васька: найӱ ӱд туй вылад нетавлӱндыжык, довгӱны тӱрмасьтӱг, нинӱмысь кӱ повнысӱ* (Г.Юшков), *Нӱмнас ӱз ӱти ошкӱс чергӱдлы, неля-мынӱд тайӱ лоӱ, сюрас кӱ быттӱӱ* (В.Торопов). Када да помка йитӱдъяс петкӱдлысь да кывйитӱд век сулалӱ содтӱд сӱрникузя помын: *Ывлаыс шоныд да, уна паськӱм ӱз лӱсьӱдчы сійӱ босьтны* (Г.Фӱдоров), *Либӱ Горваӱ пырав, сӱтысь веськавлӱ жӱ бур чериыс. Кыбны на сӱтысь позӱӱ и, нӱӱжмӱдлӱ визувыс йиръясас да* (Г.Юшков), *Кор нӱ Печора вожас, да кӱтъ и дзоньнас Комисӱ босьтан, ас няньыс тырмыліс? Муртса арийыны. А таво и сійӱ на ӱз артмы, лӱкаліс гӱжӱмыс да* (Г.Юшков).

13. КЫВТОР

Кы в т о р ъ я с ӱ н шуӱны вежласьтӱм отсаян кывъяс, кодъяс петкӱдлӱны сӱрникузяын уна сикас смыслӱвӱй, модальнӱй да эмоционально-экспрессивнӱй рӱм, отсалӱны артмӱдны кывбердлысь, кадакывлысь да урчитанлысь ӱткымын грамматика форма, корсюрӱ индӱны сӱрникузялӱн юкӱнъяскостса да сӱрникузяыслӱн предикативнӱй подувъяскостса йитӱд вылӱ. Кывторъяс мукӱд отсаян кывъяс моз жӱ оз лоны сӱрникузяса членъясӱн, но торъялӱны найӱ сійӱн, мый ӱткымын кывтор вермӱ вежны дзонь сӱрникузя, примеръяс пыдди: — *Но?* — *гӱгрӱсмышитӱны Василий Петровичлӱн синъясыс* (М.Игнатов), *А вот...* *Мам сӱӱлӱмыс висӱӱ лун и*

вой ас челядь вёснаыс (Н.Куратова), ...Со и воис служитны мунан кад. **Медья!** (В.Тимин), *А өд во-мөд сайын на кос ни пөр вөлі, дженъыдик платтьоа, съөдөдз гожъялөм көмтөм кокъяса чепелыш — эстиөм вильыш руа ныв нисьö зон.* **И со тай** (В.Тимин). Мукөд отсасян кывъясыс кывторъяс торъялөны асланыс функцияөн, шуам, кывбөръяс кө йитөны торъя кывъяс ас костаныс, а кывйитөдъяс — сёрникузяса членъяс да сёрникузяс, кывторъяс отсөгөн тайö синтаксис единицясыс петкөдчөны стөчджыка, выразительнөя, эмоциональнөя. Кывторъяс вермөны сулавны быд кывсикас бердын да пырны сёрникузялөн быд член составö. Откодялөй: *ме öмөй ветла, гортö öмөй ветла, дыр öмөй ветла, воккөд öмөй ветла; менö на велөдліс, менö велөдліс на, велөдліс вит во на* да с.в. *Öмөй да на* кывторъясыс ашшөра нуны кыввора вежөртассö оз вермыны. Смыслөвөй төдчанлунсö найö вермөны босьтны сөмын сёрникузяын, кор төдчөдөны кутшөмкө кывлысь вежөртассö. Кывторъяс вермөны петкөдлыны у н а с и к а с в е ж ö р т а с ь я с; налөн семантикаыс петö висьталысьыслөн висьталантор дорö отношенииысь. Кывторъяс отсөгөн висьталанторйас мыйкө стөчмөдөны, торйөдөны, мыйыскө соссьоны, петкөдлөны мыйынкө майшасьöм, нимкодясьöм, висьталанторйөн шензьöм. Кывторъяс мукөд кывсикасьяс моз вермөны лоны öти да уна вежөртасаöсь. Сідз, *буретиш, öмөй кывторъяс öти вежөртасаöсь, а а да да кывторъяс вермөны лоны* некымын вежөртасын, шуам, *а кывторйөн вөдитчөны:* а) ю а л і г ö н: — *Ачым ог төд. Пола — вөт кө тайö, Илья Яковлевич, а?!* (Б.Шахов), — *Одессит, видзөд, мөсьяс. Ак, öнi эськө көдзыд йөв кружка. А?* (В.Тимин), б) ю а л ö м в ы н с ь ö д і г ö н: — *А мыйла тэ сөрмин төрыт? Эн кө сөрмы эськө, эз и сюйны, колөкө, пароход трюмас!* (Г.Фёдоров), в) г о - р ö д і г ö н: *А көдзыд! — Сідзи и чишкалө* (М.Игнатов), *А вай веськыда муна!* (М.Игнатов), *Со панласьöны нин бать-мамыскөд скворечпиян. А шумыс мыйта!* (С.Раевский), *Татшөм көдзыдыс öнөдз эз на кө вөвлы-а!* (М.Игнатов), г) ш ы ö д ч и г ö н: — *Дед, а дед! Видзөд, миян кыз вылө гөрө коръяс петөмайсь...* (С.Раевский), — *Витя, а Витя, — небыда шыасьö ныв* (Е.Рочев), д) с ё р н и т е м а в е ж и г ö н с ё р н и водзас: *Чёрный босьтө штатив да прибор тыра ящик да лөтйөдлө киясас, буракö, зильö төдмавын, мый съөкыдджык, сэсся штативсö мыччö Митдиновлы. И ми вөрзөдчам. А миян водзын паськөдчөма тундра. Восьлалам посньыдик бадь кустъяс пөвстті, каям муртса төдчыштана мыльк бокишаті* (М.Игнатов). Некымын вежөртас кутö тшөтш да кывтор. Сійөн вөдитчөны: а) висьталанторсö эскөдігөн: *«Горнөй уджъяс кузя десятник...» Да, ме десятник* (М.Игнатов), б) ю а л і г ö н: — *Дерт, көнкө, недөвөльнөйöсь? Пукаліс пö Лыабөжын, а прамөя эз отсась. Да?* (М.Игнатов), в) сёрни дырйи м ö д т е м а д і н ö в у д ж и г ö н, мый йылысь кө либө код йылысь кө казътылігөн, мый йылысь кө мөвпалігөн: *Да, жугөдөм эжа улын съөдөдö из шом. Абу из шом, а сы кодъ съөд му* (М.Иг-

натов), *Да, сійö нöишта радейтö рьтъяснас ноксыны «ФЭД» фотоаппаратöн, нимтö сійöс «лодырöн» да «японскöй городöвöйöн», сы вöсна мый аппаратыс некыдз оз кöсйы кыскыны плёнкасö и öтторъя орьöдлö сылысь дорсö* (М.Игнатов), — *Да... Öнi уна сэтшöм коньöрыс му вылас! — шуышитiс Домна да ланьтiс, мыйкö йылысь чорыда, тыдалö, думышитчис* (Г.Фёдоров), г) сёрникузя водзын висьталанторйыслы ыджыд-джык тöдчанлун сетöм могысь: *Да ме оз сы йылысь! Мый тэ шуин, кор сійö надзöн уджалöмысь тэнö видiс?* (М.Игнатов), *Да ме эг и кöсйы, медым казяс, меным сійö ёна кажитчис, но ме яндыси сыысь...* (М.Игнатов). Юалöм вылö шыасигöн сійö шусьö юалана интонацияөн мый? вежортасын; эскытöм, паныд кыв петкöдлiгöн кыз жö вежортасын. Унджык кывторйыс коми кывйын уна вежортаса. Уна сикас смыслöвöй, модальнöй да эмоциональнöй рöм петкöдлöм кындзи, кывторьяс вермöны артмöдны кыв формаяс, а сiдзжö (öткымын пöрйö) индыны сёрникузялөн юкөнъяс костын да сёрникузяслөн предикативнöй подувьяс костын йитöд вылö. Коми кывйын кывтор кутö ыджыд тöдчанлун. Асшөр сёрни, серпаса да фольклор гижöдъяс зэв озырöсь кывторьясöн. Öти сёрникузяын вермас лоны некымын кывторйöдз; тшöкыда овлö сiдз, мый орччöн öти бöрся мöд вермö сулавны некымын кывтор да пыртны сёрникузяö уна вежортас рöм: *Мыйла нö эськö и оз юав?* (В.Тимин), *А со и сизь клёнöдчö ёсь ныр-нас пуö: тук, тук, тук...* (В.Тимин).

Öнiя коми кывйын кывторьяс позьö видлавны артманног боксянь, тэчасног боксянь, функция да вежортас боксянь, сёрникузяын ин боксянь.

103 §. Кывторьяс артмöм серти

Коми кывторьяс — этша на туялöм категория. Налөн артмöм-лоём кузя торья уджъяс абуöсь. Артмöм серти, кывторьяс позьö юкны кык чукөр вылö: ас кыв подув вылын артмöм кывторьяс да пырöм кывторьяс. а) А с к ы в п о д у в в ы л ы н а р т м ö м к ы в т о р ь я с артмöмась мукöд отсаян кывьяс дорысь водзджык. На пöвстысь öткымын вöлины нин фин-угор подув кывйын, кöнi эз на вöвны кывбöрьяс ни кывйитöдъяс. То кывтор, кодi öнiя коми кывйын мунö сöмын кывтор пыдди, артмöма *t_х фин-угор индан нимвежтаслөн кывдiнысь. Индан нимвежтаслөн да индан кывторлөн öткодлуныс висьталö сы йылысь, мый индан нимвежтасыс да индан кывторйыс оз на вöлöм торьявны: öти и сійö жö торьякывйыс нуöма кык функция. Юалан ö кывтор мунö постпозитивнöя. Сiйö артмöма урал *ж индан нимвежтаслөн кывдiнысь. Сылөн архетипыс медводз используйтчылiс вом ёртыслысь вниманиесö кыскöм могысь. Мадяр сёрнисикасьясын öнöдз на тайö функцияын вöдитчöны e кывторйөн. Öнiя балтикабердса да перым кывьясын бергалöны энклитическöй кывторьяс, кодьяс артмисны *к_х урал кадся юалан нимвежтас кывдiнысь. Балтикабердса кывьясын индöм

кывдінсьыс сёвмисны юалан кывторъяс, кодъяс вежортас сертиыс лёсялёны роч *ли* кывторлы, перым кывъясын — кывторъяс, кодъяс тёдчөдоны стөча тёдтөмлун, лоны вермөм да лёсялёны *-то*, *-нибудь* роч кывторъяслы: удм. *-ке*, коми *-кө*. **К*₈ важ урал кадся юалан нимвежтас фин-перым кыв подулын нин вөлі кывторйөн. *Мед*, *на*, *пö* кывторъяслыс артмөмсö сьöкыд гөгөрво-öдны. Вермас лоны, мый найö артмисны кутшöмкö междометие сяма шы тэчасьясыс. Юалан вежортаса *öмöй* кывтор тэчсьöма нимвежтаса кык элементсы: *ö* да *мый*.

Кывторъяслөн абуöсь ас кыв артмөдан средствояс. Найö озырмöны мукöд кывсикасьяс тшöт весьтö. Кывторъясö медтшöкыда вуджöны нимвеж-тас, урчитан, кывберд, весиг кадакыв. Кывторъясö вуджигөн торьякыв воштö ассъыс категориальной вежортассö да босьтö ас вылас кывтор вежөр-тас. Шуам, урчитан воштö обстоятельство вежортассö да босьтö кывтор вежортас. Такöд тшöтш вежсьöны сылөн и синтаксическöй функциясыс: найö оз нин вермыны лоны сёрникузяса членөн, öткодьялöй: *Гостиницаö места эз сюр*, *бара рöдняös дöзмöдны лоö* (В.Тимин), *И көні бара думайтö узьмöдчыны* (Бойко)? (М.Игнатов). *Бара* кывтор петöма *бара* урчитанысь, кодлөн медводз вежортасөн вөлі «бөрлань» вежортас. Стöчмөдан *буретши* кывтор лоöма урчитанысь, коді артмöма *бур* да *эти* кывъясыс. *Нымөн* кыв-тор, коді урчитö качестволысь абу тыр тшупöд либö действилысь абу тыр öд да лёсялö роч *едва*, *еле* кывторъяслы, артмис *ным* «этша» вежортаса кыв подув вылын. *Моз* кывтор артмис *моз* кывбöрысь, коді петкöдлö матыслун, öткодълун, öтсямалун. Аслыспöлöс ногөн артмöма *дерт* кывтор, кодöс петкöдöны *дертысь* урчитанысь, а ачыс урчитаныс лоöма важ роч *дърть* кывйысь, кодлөн вöлöма «пом», «помалöм», «эштöдчöм» вежортас, да петан вежлöга *-ысь* суффиксыс. б) М у к ö д к ы в й ы с ь п ы р ö м к ы в - т о р ь я с. Коми кывлөн кывторъясөн озырмöмын ыджыд пайыс роч кывлөн. Роч кывторъяс, кодъяс пырисны комиö, торьялёны оз сöмын лыд-нас, но и унасикаслуннас. Рочысь пырöм кывторйыс эм пöшти быд семан-тической чукöрын. Найö тёдчөдоны уна пöлöс вежортас рöмьяс, кызвыннас сійö жö, мый вöлі кыв-источникас: *жö*, *али*, *дажö*, *кöть*, *вот*, *не*, *ещö*, *самöй*, *либö* да мукöд. Тшöкыда найö ёна нин вежöмаöсь ассъыныс шы тэчассö, шуам, *бöльö*, *öд*, *тыкö*, *медтыкö*.

104 §. Кывторъяслөн тэчасног

Тэчасног боксянь кывторъяс юксьöны прöст да тэчаса кывторъяс вьлö. а) П р ö с т кывторъяс артмöмаöсь öти элементсыс (*то*, *со*, *-кö*, *-ö*) либö жö коркö налөн вöлöма сложнöйджык тэчас, но öнiя коми кывйын налөн вöвлöм торьялуныс оз нин тöдчы (*бара*, *öмöй*, *сöмын* да с.в.). б) Т э ч а с а к ы в т о р ь я с артмöмаöсь кык либö унджык кывйыс: *вот и*, *вот эськö*,

со и, со тай, но вот, но да, но и, но өд, көть мед, ецё на, сёмын на, сёмын тай, сёмын и, нёшта на, век жё, и век жё, кыз жё, кыз эськё, көть эськё, весиг и, на и, со тай, мый тон да с.в. Найё сідзжё пыртёны сёрниас уна сикас рём. Шуам, но вот кывтор тэчас сёрниё пыртё кывкөртөд рём, индö воддза сёрниыскөд йитөд былö. Пример пыдди: Төданныд нин, көнкö, кытчö мунанныд? **Но вот** и бур (М.Игнатов), **Но вот**, и чомөр лои! — **Өксен** төчила кодь зумыд, быд вир сөн и мускул ворсөдчö, синъясыс вөрканьлөн моз югъялөны (В.Безносилов). Кывкөртөд рём жö пыртёны и век жё, со и тэчасьяс: **И век жё** сьёлөм вылас сьлөн эз вөв лөсьыд (И.Изыуров), **И век жё** жаль — дзескөдам йөзсö (В.Тимин), **Пыраліс** и Уклејко. Дөзми пö нин дитишвидзны, видзөда, бергалан изки моз, **со и** пыри отсыитны (В.Тимин). И кывторкөд тэчасын **вот** да со кывторьяс вермөны индыны кутшөмкө пом, результат былö: — **Вот и** бур, шойччыит сэсся, бара сымда майиасьöм тэнад лои, — **Октябрина** чупнитіс воксö бан бокас да петіс (Б.Шахов), **Дыш** велөдчынытö, медтö эськö вөрö дась пєсла моз сөмын институтад ветлыны, **вот и** өзтісны морттö, мед, колөкө, вермас кө, кусөдчö (Г.Юшков), **Сэк** пыр жö и тыдовтчас, брак али оз ло: өти помсö кө йштам, а мөдыс сынөдö йшьяс — **вот** тэд и брак (М.Игнатов), **Со и** веськалі дзескыдінö — енэжыс эз вөрзья и му вөрөмьяс эз төдчыны (В.Тимин). А өд, но өд тэчасьяс төдчөдөны кутшөмкө эскөдөмлы, мөвплы паныд кыв рём. Примерьяс: **А өд** ецö медальяс на вайис фронт вывсьыс, тишөтиш и медошкана салдатскöй медальсö — «За отвагу» (Г.Юшков), **Но өд** он сөмын асьтö төд, өвтыиш кинад быдтор былö; могөн на локтөма татишөм кузь туй помас, нёшта торья могөн мукөдсьыс... (Г.Юшков). Но и кывтор тэчас вермө пыртөдны сёрниё шензьөм, дивуйтчөм рөмьяс, сідзжө веськодълун, дөзмөм рөмьяс: — **Но и** керав, сідзтөкө, понөльсö. Тэ өд сөвтчысьыс! — кывйö сетчис Кальö Коля, сөмын эз на вермы дэльдөдчөтөгыс (Г.Юшков). Сөмын на тэчас төдчөдө керөм пансьөм либө лыд боксянь урчитөм: **Өшинь сайын сөмын на** югдыитны көсйö, а көзьяка пач вом дорын нин (А.Ульянов), сөмын тай — жалитөм: **Сөмын тай** оз на и быд аддзысьлөм гажөд мам сьёлөмтö (Н.Куратова), мый тон — эскөдөм, ышөдөм: **Мый тон** и не пастукавны — найö сөмын эз лэдзлыны мөсьяссö вуджны гортладор берегö, сэсся лун-лун вуграсьлісны, а кисьмөм бөрын вотлісны сэтөр, льөм да лежнөг (В.Напалков).

105 §. Кывторьяслөн функция да вежөртас серти торьялөм

Сы серти, кутшөм мог кутөны кывторьяс сёрни артмөдөмын, торьялөны татшөм чукөрьяс былö: а) содтөд смыслөвöй, модальнөй да эмоционально-экспрессивнөй рөмьяс петкөдлысь кывторьяс, б) грамматика формаяс артмөдысь кывторьяс, в) кывйитөд сям кывторьяс. Корсюрö грамматикаясын торйөдөны нёшта кыв артмөдысь *мед, не, кө* кывторьяс. *Мед*

отсөгөн артмё кывбердлөн да урчитанлөн медвылыс откодялан тшупод: *медбур, медионыд, медылысса, медмичаа, медзіля, медматын*. Не да кё отсөгөн артмёны соссяна да стöчмөдтөм нимвежтасьяс: *некутиём, некод, некымын, кодкё, мыйкё, кымынкё*, а сіджжё урчитаньяс: *некөн, неылын, некор, кёнкё*. Найё воштёмаёсь торья кывлысь ашшөрлунсё, та вёсна стöчджык найёс лыддыны кыв да форма артмёдысь морфемаясөн: *мед* да *не* — кывводзьясөн, а *кё* — постфиксөн.

Содтөд смыслөвöй, модальнöй да эмоционально-экспрессивнöй рöмьяс петкөдлысь кывторьяс

Кывторьяслысь тайё ыджыд чукöрсö вежөртаслун боксянь позьö торйöдны татшöм ичөтджык чукöрьяс вылö: содтөд смыслөвöй рöмьяс пыртысь кывторьяс, модальнöй да модально-волевöй рöмьяс тöдчöдысь кывторьяс, эмоционально-экспрессивнöй рöмьяс тöдчöдысь кывторьяс. 1) Содтөд смыслөвöй рöмьяс пыртысь кывторьяс чукөрö пырöны: а) индан *вот, то, со* кывторьяс: На отсөгөн висьталысьыс индö морт, эмтор либö лоёмтор вылö, ставтор вылас, мый вылö позьö индыны. *Вот, то* кывторьяс отсөгөн индöны мыйкё матыссатор: — ... **Вот** ёртöй мунö сельскохозяйственнöйö, а ме кö тишöти муна — лоас кык агроном. Кык агроном, но ни öти горняк оз ло (М.Игнатов). Мыйкё ылыссатор индигөн вöдитчöны *со* кывторйөн: — *Проня! Ад-дзан со эсiйö мортсö?* — *ва дорын век на пöкаживайтысь Латкин* вылö юрнас докнитлис *сiйö* (Г.Фёдоров), **Со** тай йöз чукöрысь торйöдчисны куимөн — кык ныв да зон, мöдöдчисны сикт помлань (И.Изьюров), **Со** сквореч лэбалö öтарö-мöдарö, картофель му вылын корсялö гагьясöс да ваялö найёс позьяс пияныслы. **Со** живкьялöны керка гөгөр чыкыш пара (С.Раевский). *Вот* кывторйөн вöдитчöны кодлыкö мыйкё сетигөн: — **Вот** тэныд справка, Фёдор Михайлович. Сы серти быд районса милицияын тэныд сетасны виль паспорт, — *Илья Яковлевич чорыда топöдлис Педьöлысь кисö* (Б.Шахов), ...**Вот** пакет, танi ставсö гижöма. Сетан Луинлы ли, Кривопановлы, аслыс экспедицияөн веськөдлысьлы ли. Гөгөрвоан? (Б.Шахов). Иندان, юалан нимвежтаскөд либö урчитанкөд тэчасын *вот* кывтор вермö петкөдлыны стöчмөдөм: **Вот сэки** ме и шуи висьтавыны öнiа том йöзлы менам арлыда том йöз йылысь, кодьяс сувтiсны паныд фашистьяслы (В.Осипов). *Вот* кывтор тшöкыда содтысьсö ловья сёрни йитигөн, кор мортыс висьталiгас сувтыштлывлö, вöчö костьяс: — *Эм сэтиём ичөтик зверь, ласичаөн шусьö. Вот. Тайö ласичаыс зэв ёна радейтö вöвьясöс... Войнас сiйö матыстчас вöв дорö да кыö бурысяс кöса, либö дзугö бурысьсö. Вот. А вöв сулалö, нежитчö, да думайтö ассьыс вöв думьясö. (...)* **Вот. А кöсасö да бурысьсö дзугö сы могысь, медым не усыны, бурджыка кутчысьны, быттьö пос вöчö...** (...) **Вот.** (...) (С.Раевский). Ин-

дан кывторъяс йитчöны сійö кывйыскöд, код вылö усьö логическöй личкöмыс. б) Урчитан-стöчмöдан буретии, *именнö, стöч, самöй, как раз, пöйти* кывторъяс сёрникузяын урчитöны, стöчмöдöны кывъяслысь либö сёрникузяслысь вежöртассö. Примеръяс пыдди: *И буретии сэки, пемыдас, вой вылас, лёк төв лыбис, падера, кыздисюрö пондiсны катласьны и куснясьны гөгöр сулалысь кузь пуясыс, ...* (И.Торопов), *А ме буретии лэбачьяс серти и казялі, мый кöнкö таладорың ва эм* (В.Тимин), *Но ачыс эз аддзы тöдса чужöм, ни сійöс эз чукöст. Да и кысь? Вит во да джын пöйти* коли (Б.Шахов), *Федя бура тöдiс Витяöс. (...)* *Найö быдмисны пöйти* öтлаын (С.Раевский). в) Тöдчöдан-векнöдан кывторъяс: *кöть, куш, сöмын, толькö, медтыкö, тыкö*. Тайö кывторъясыс логическöя торйöдöны кывъяс либö кывтэчасьяс да индöны сы вылö, мый эмторъясыс, керöмъясыс либö признакъясыс петкöдчöны сы выйöдз тöрмөн, кытчöдз позьö, стöчджыка кö, не унджык сыысь, мый петкöдлöма сійö кывнас либö кывтэчаснас, кодкöд йитчöмаöсь тайö кывторъясыс. Примеръяс: *«Миянтöг нинöм на оз артмы, — думайтiс мунiзмозыс Домень. — Куш* нывъяскöдыд этиа мый вöчад!» (И.Изьюров), *...старишина зiлис гөгöрвöдны менö, мый государствöным абу лысьтан мöс, кызд чайтöны öткымынъяс, да тöждысьö оз куш* ме вöсна (В.Тимин), *Медтыкö* аслас уджыс вöлі бур, *медтыкö* ачыс йöз водзын нинöмөн лёкөн эз пет (И.Изьюров), *Дыш велöдчынытö, медтыкö* эськö вöрö дась пeсла моз сöмын институтад ветлыны, вот и öзтiсны морттö, ... (Г.Юшков), *Дуня комнатаö пырöм бöрын сöмын* гөгöрвоис: *тайö на костын абу на медбöрья сёрни* (И.Изьюров), *Ме бара восьлала посводзкодьö, но сöмын тайö посводзсö писькöдöма лым толаын* (М.Игнатов), — *Мый нö? — Толькөнöсь* не пöрьясьны (Г.Фёдоров). Сöмын да толькö кывторъяс вермöны бергавны роч «исключительно», «единственно» кывторъяслы лöсялана вежöртасын: «нинöм мöдтор, мый висьталöма сійö кывнас, кывтэчаснас либö сёрникузянас, кодкöд паныдасьлöны тайö кывторъясыс»: *Сöмын* арся кузь зэръясыс нюласны помöдз (Е.Рочев), *Тэнö верда, мыйта лолыд лэптас: хурмайн, яблökөн, алычайн, грушайн и сливайн — быдсяманас. Но сöмын тэнö* (В.Тимин), *Ёртъяс, сöмын* водзö, эн жалитöй фашистъясöс, кодъяс мöвпалöны ленинградса уличаяс вылын гуляйтöм йылысь (А.Лыуров). *Кöть* кывтор кывйыслөн (либö кывтэчасыслөн) вежöртасыслы векнöдан рöм пыртöм кындзи да такöд тшöтш сійöс логическöя торйöдöм кындзи, сетö нöшта уступительнöй рöм: *Письмöясыд письмöяс и эмöсь, а сёрнитышитны, аддзысьлыны кöть* здук кeжлö — мöд делö... (М.Игнатов), — *Гöтырпу сiдзкö аддзин. Пусьысь-пöжасьысь кöть* лöö (И.Коданёв), *Накöд сёрниын Григорий Матвеевич гарышитiс, мый бур эськö вöлі, стрöитны кö аслыс кöть* ичöтик керка (Я.Рочев), *Быд мойдын эм ичöтика кöть* збыльторйыс (Г.Фёдоров), *Но кызд вöчны, мед югыдöдзыс оз казявны, либö кöть* мунöмöс оз аддзавны? (И.Пыстин). г) Вынсьöдан кывторъяслөн

чукорыс вель озыр, татчö пырö уна кывтор: *бара*, *быдöн/быдсөн*, *весиг/весигтö*, *вийöдз*, *дажö*, *жсö*, *и*, *ни*, *но* («ну», кор *но* кывторйыс сулалö водзын, да «же», кор *но* кывторйыс сулалö бöрын), *нö*, *öд* (*вед*), *прöстö*, *веськыда*. Вынсьöдан функцияысь öтдор тайö кывторъясыслы лöсялö тöдчöдан функция, а сідзжö уна пöлöс мукöд вежöртастор пыртöм. Примерьяс пыдди: — *Гортад и вöзйысь*. — *Ог бара*, — *быттö ыстöны нин*, *пыксьышитс нывка* (Г.Юшков), *Кöні бара* думайтö узымöдчыны (Бойко)? (М.Игнатов), *Либö чукчи, либö тар кыпöдчас, оз татчöс байдöг лэбзёмшы кодь кыв* — *вöрыс чуймывлö быдöн!* (М.Игнатов), *Степан быдсөн* пöсявліс татиöм мөвпсьыс (М.Игнатов), *Та йылысь думышитöгөн Леонид Семёновичлы быдсөн* лöсьыддэжык лои сёлöм вылас (М.Игнатов), *Ставөн бара шай-паймунісны, и здрөгнитісны весиг* (В.Безносиков), *Бать-мамныслы весиг* сьöкыд вöлі эськö тöдмавны ассьыс доня пуксö тайö буба чукөр костас (В.Тимин), *Öшинь* уланыс потышитöм сад йөръяс, *весигтö* дзоридзяса клумбаяс (И.Торопов), *Да, позьö шуны, сійö, Викень, весигтö* ас ногыс радейтö татиöм здукъяссö (И.Торопов), *Мый жсö* ваяс сылы локтан гожöмыс? *Шуд?* (Е.Рочев), *Менö пырысь-пыр жсö* кватитö көдзыд сынöдыс, *вачкö* чужöмö и оз сет лолышитны (М.Игнатов), *Гашкö*, сы вöсна и кажитчис öні карыс велькодэджыкөн, *томмыштöмайн?*... (Г.Фёдоров), *И* Көкыдлысь козинсö кык пельö юка, а көсьян кө, öтнадлы козьнала тэд (С.Попов), *Мыйла нö* öні, *татиöм* бура олғас, *бөрдö-шогалö* сьёлöмыс *Марья* пöчлөн? (Н.Куратова), *Мый нö*, *уджавнысö*, *чайтан*, *оз* вермы? (И.Изъюров), *Кызд нö* позьö, *медым* ставыс тани вöлі кольöм вося моз (В.Тимин), *А, гашкö*, *трестысь* мунтöдз на сёрниыс вöлі, *но* сыöдз *прöстö* эз кывсьы? (М.Игнатов), *Кокъясыс*, *кажитчö*, *асьныс* зильöны кусынтчыны, *окота* водны *веськыда* ва му вылас да куйлыны вөрзёдчывтöг (М.Игнатов). *Ни* вынсьöдан кывтор сулалö öти лыдакывйысь да эмакывйысь артмöм кывтэчас водзын либö лыда урчитан водзын: *Илларион тиöктыліс* меным пуксьыны вöв вылö, *медым* кокныддэжыка колльöдны туйö, *но* ме эг пуксьы: *ас* олöмын *ни* öтчыдысь на эг пуксьывлы вöв вылö, *көть* и *сиктын* быдмывлі, *кызкö* эз ло, *и* ме полі, *мый* уся (М.Игнатов), *Волховский сетіс стрөг* приказ: *торйöдны* салдатъяслысь наряд да тупкыны *Кулөмдінысь* воан-петан туйяссö Донлань, *Пожөглань*, *Кужбалань* да *Носимлань*, *кытишовтны* сиктсö лызь туйöн да *патрулируютны* сутки чöж, *медым* *весиг* *ни* öти шыр оз вермы петны сиктысь (С.Тимушев).

д) С о о т н о с я щ ö й я с ö н л ö ö н ы н а, н и н, е щ ö (е щ ö н а), н ö ш т а (н ö ш т а н а) кывторъяс, кодъяс сетöны содтöд рöмьяс кад да лыд боксянь кывьяслы да кывтэчасьяслы, кодьяскöд йитчöны. *На* да *нин* кывторъяс сёрникузяын зэв тшöкыда паныдасьлöны кадакывъя сказуемöйкөд да стöчмөдöны сійöс кад боксянь. *Нин* кывтор тöдчөдö керöмлысь, состояниелысь либö признакысь помасьöмсö, а *на*, мөдарö, тöдчөдö, *мый* керöмыс, состояниыс либö признакыс абу на помасьöма, а мунö водзö либö лоö на. Примерьяс

пыдди: Палаткаын асья рёмыд **на** (М.Игнатов), Гөгөрвоана лои, мый туйыс некодён муртавтём, и съёкыд здукьясыс суасны **на** (В.Тимин), Бур эськё, пёжасяс кё, да сёмын тай няньшомыс кёттём **на** (В.Тимин), Водзё сёрнитём вылө миян йитөдьясым вёліны жебдэжыкёсь **на** (В.Тимин), Пажнайттөдз Коноплёв ранитіс **на** гоз-мөд шавкаёс, мудзис шой кодьөдз, весиг сёян нурйыс быри (В.Безносилов), — Мамыд өд ён **на**, да и абу өтнасён. А тайё — пёрысь **нин**... (Г.Фёдоров), Дерт, и повтём ас эз **нин** лэбав, но погоньяс вылас шевкнитчём бордьяса пропеллера пасыс кутиёмкё ногён век жё быттьөкё йитіс на сійёс кельыдлөз енэжыскөд (В.Тимин). Ещө (ещё на), нёшта (нёшта на) кывторьяс пыртёны сёрникузяс висьталанторйыслы с о д т ө д р ө м «та кындзи» вежёртасын: Час-мөд мунём мысти бара воим мича вёра ягё, кыті восьлалім **ещё** час дорысь дыр (И.Пыстин), Но коми вёралысьяс виччысисны **ещё на** мыйкё тёдчанаёс да коланаёс, кодьястөг эськё войвыв природалён шоча овлысь милöstыс эз вёв тырвыйё лышкыдён (В.Юхнин), Сандра мөдіс серавны **ещё на** гажаджыка (В.Юхнин), — Батьыд гортын? — **ещё на** стрөдджыка юалис купеч (В.Юхнин), Бур слава ышөдө мортёс **нёшта** бурдэжык удж вылө (В.Тимин), Окотитан кё, верман на и аски зарядкасьыд мынтөдчыны — эв дельнөй удж менам **нёшта** эм (В.Тимин), Кольём во кос вёлі, а таво пыр на зэрласис да **нёшта** арся кодь көдзыд зэрён (Г.Юшков), Ю дорын **нёшта на** ыркыдджык, катыдсянь ва весьттіыс надзёникён кыссьёны ру визьяс, войся рулөн колясьясыс (М.Игнатов). Лыд боксянь төдчөдігөн вермёны төдчөдны и кад боксянь «сійё кадөдз, сэки» вежёртасын — но гежөда. Кад да лыд боксянь содтөд рөмьяс төдчөдігөн, соотносящөй кывторьяс вермёны овлыны т ө д ч ө д а н д а в ы н с ь ө д а н функциясы. Примерьяс пыдди: И бөжнас легөдышталө сылы, до-лыдасьё, мый эз и весьшөрө вош налөн луныс, а бура **на** и мойвиис (Г.Юшков), Пашка **на** гудөкавліс и (Н.Куратова), Мыйта **нин** выльыс миян лои (И.Изьюров), Ме **нин** ас нимсянь лётчикьясыслы тиөкті кыкнанлаас ичөтикаён нуны. Ме жё эг төд, гаикё, мыйкё тіян вежесис (М.Игнатов), Мыйся тэ морт?! Мөдысь бара ме тэкөд некытчө **нин** ог пет (Г.Юшков), Кывйыд — ньөв, кодарё **ещё** бергөдчас (В.Юхнин), «Югыдінасджык, Илья. Тан өд миян сёмын кудель някыльяс быдлаё шлапйөдлөма. Паськөмтё **ещё** льякөсьтан» (В.Юхнин), Мед көть пукалысь урсө оз аддзыв... Вомдзалас **ещё** (В.Юхнин). е) Ö т к о д я л а н бөльё, медся, самөй кывторьяс индөны өтув и өткодялан, и медвылыс тшупөдьяс вылө, сы вёсна мый верктуйыс петкөдчө буретш өткодь лоёмторьясё да признакьясё өта-мөдыскөд өткодялігөн. Бөльё кывтор өтсөгөн петкөдлыссьө өткодялан тшупөд вежёртас, а медся да самөй кывторьяс өтсөгөн — медвылыс тшупөд вежёртас. Примерьяс пыдди: Тані местаясыс **бөльё** косось, Таво вотёсыс **бөльё** уна, Коймөдысь чукөртіс миянө став соседьясөс **медся** мустём и лёк юөрыс — война (Н.Куратова), Сэні вошліс (би кыв) капуста

мачьяс пöвстö, мелькнитліс картупель градьяс костын да вьльысь ты-
довтчис **медся** матысса карта мышкын (В.Юхнин), Но Илья öні тöдіс
нин, мый алöй лента **медся** мича! (В.Юхнин). 2) Модальнöй да мо-
дально-волевöй рöмьяс тöдчöдысь кывторьяс. Тайö кыв
чукöрö пырöны кывторьяс, кодьяс петкөдлöны сёрнитысьлысь висьталан-
тор дорас отношениесö: майшасьöм, збыльлун либö чайтöм, эскöдöм,
тöдчöдöны, кодлы веськөдöма висьталанторсö — висьталысьлысь либö
кодлыкö мöдлы, — кодлыськö либö мыйлыськö эмсö либö абутöмсö да
с.в. Модальнöй кывторьяс пиысь позьö торйöдны модально-волевöй
рöмьяс тöдчöдысь, модальнöй, эскöдан, соссян, юалан да йöз сёрни вьлö
ыстысян кывторьяс. а) Модально-волевöй *бы, вай, давай, мед,*
эськö кывторьяс кутöны öтувья вежöртас — сёрнитысьлысь көсйöмсö,
вöзйöмсö либö тшöктöмсö петкөдлöм. Найö векджык сулалöны сказуемöй
бердын. *Вай, давай, мед* кывторьясöн вöдитчöны ышöдöм, көсйöм,
тшöктöм, корöм тöдчöдигөн. Примерьяс: **Вай** пуксьыв пызан дорас. Сёрни-
тыштам мунтöдзыд, ... (М.Игнатов), — **Вай** сетам тайö пуяс дорас
клятва — нэм чöж лоны вернöйөн öта-мöдлы (В.Напалков), — *Сета* кыв:
аски жö клуб лоö прöст. — *Важөн мед* тадзи (И.Коданёв), *Öні мед* кодкö
лысьтлас тадтö вомавны. *Öні Самарин* ачыс кодлы колö лабич ув индас
(Г.Юшков), **Мед** регыд нин люкала мусö. *И сьöлмöй горш моз оз веськав*
(Г.Юшков). *Эськö* кывтор пыртö сёрникузяс көсйöм, колöм, керöмлысь
либö состояниелысь позянлун, условность вежöртасьяс: *Да и меным, ста-*
риклы, эськö любö вöлі (В.Тимин). *Эськö* кывторкөд вермöны топыда йит-
чыны мукöд кывторьяс, кодьяс отсöгөн петкөдчöны содтöд рöмьяс: *көть*
эськö, сöмын эськö, мый эськö, мед эськö да с.в.: — *А мый эськö тэсö*
таніны? (Г.Юшков), *Висьталіс, мый арталö бурджыкөн не панны тані*
кутишöмкö активнöй действиес, *көть эськö* и вöзйöны кодсюрö сылы
(Латкинлы) вöчны тайöс (Г.Фёдоров). *Мый эськö* кывторьяс тэчаслы
өткодь вежöртасаөн лоö мый тон кывторьяс тэчас: **Мый тон** и не пас-
тукавны — найö сöмын эз лэдзлыны мöсьяссö вуджны гортладор берегö,
сэсся лун-лун вуграсьлісны, а кисьмöм бöрын вотлісны сэтöр, льöм да
лежнöг (В.Напалков). б) Модальнöй кывторьяс пыртöны сёрникузяö:
1) эскöдан (убеждайтан) рöм (öд, тай, дерт, көнешнö): *Öти мöслысь öд*
кык кучик оз кульыны (В.Тимин), *А сэсся öд, ми тöдім, тайö* небыд оласа
мортыс Сталинград, Кубань да Крым весьтын сынöдса тышгьясын усь-
көдöма фашистьяслысь дас көкьямыс самолёт (В.Тимин), — *Кужанныд*
ті мича нимьяс сетаवны. Сійö **тай** и шуа: *бура заводитінныд уджавны*
(И.Изьюров), *Пывсян ломтöмьид тай* абу пурьясьöм, гөгйöдзыд ваын со-
бавны оз ков (В.Безносииков), *Чепöсьян, но абу тай* югыд казармаад, май-
быр (В.Тимин), *Но, дерт,* пуксьылім жö сын черинянь дінад (В.Тимин),
Шуа: «Оз дерт век льöль... *Да öд оз жö пыр вой тöв Тэнад олöмын*
пöльт» (В.Уляшев); 2) чайтöм, майшасьöм рöмьяс (*бытьöкө, кө, кө-а, -ө,*

өдвакö, навернö): Юрбитанін татчöс ен тöдысьясылöн? ...Чой котыр али мый? **Өдвакö!** (Г.Юшков), *Оз лöсьяв мян батьöлы **бытьтьöкö** некутийöм йöрмöм ни матайтчöм, а со... корö кыдзи!* (Н.Куратова), — *Косьтысьтöгыд оз **кö** войй-а?* — *дрöгнитис гөлöсыс Ермолаевлөн* (М.Игнатов), — *Сöтана! Дозмөр **кö-а?**..* (Н.Куратова), *Кадысь кадö Сеня матыстчылis öшинь дорö, медым ывлавывса би югöрын видзöдлыны тетрадьö, стöч-ö шуавсьö* (В.Юхнин), *Тыдовтчис кызтаыс йилөн: сантиметр кум-ö-нель* (М.Игнатов), *Виччысьыштам, оз-ö кодкö горöд, да бара водзö* (М.Игнатов); 3) кöсйöм, веськодь отношение бöрьянтор дорас (-а, кöть, кöть-а): — *Мый тэд менам овьыс узьны оз сет, асьыд эн вунöд-а!* (М.Игнатов), *Со кыдзи гожьялöмьд. Пöшти сьöдöдз, эн дözмы **кöть-а*** (В.Тимин); 4) кывкöртöд либö öти кывйö воём (согласие): (*инö/нö/инöсь, либö, тон, небось, сідзкö*): *Зонкаяс здук-мöд чукрöдлісны на нырнысö, но бабыслы эз пондыны ырьянитны, кывсетчисны: — Мед **инö** мунам. Мед сöмын оз мешайтчы мянлы-а* (Н.Куратова), — *Но **инö**, сöмын öтиöс. — Коноплöv видлыштіс. Гычсö сёйыштіс и* (В.Безносиков), — *Ме — «мустöм»? — балчимтіс бугыльяссö* Öксен. — *Никöйд **инöсь** сьöлөмтö сывдіс?..* (В.Безносиков), *Арнас **тон** тыдовтчас, мый öні гадайтнысö* (М.Игнатов), — ***Либö** эз и ков сетчыны, кор пөтавнысö кутісны* (Г.Юшков), *Старик поліс воштыны писö — велöдчас да вермас энөвтчыны көр видзöмысь, **сідзкö**, и пöрысь батьысь* (Е.Рочев), *Любö лои: олöма йöз, а пыдди пуктöны том мортöс, оз **небось**, мукöд моз, лебезитны да сöмын милицияса мундирсö уважайтны* (В.Безносиков). Модальнö-öткодьялан кыз (кызди), *бытьтьö, кызз бытьтьö, кызз бы кывторьясөн вöдитчöны чайтана, абу ёна эскана признак либö вöчöмтор вылö индігөн, а сідзжö кутшöмкö лöмторьяс орччöдігөн. Öткодьялөм вежöртасыс наын зэв топыда öтлаасьöма модальность вежöртаскöд. Примерьяс пыдди: — Налы лöö сетöма сійöс **кыз** лекарство, — кывкöрталіс капитан да воча нюмуніс кос паськөмөн пөтысь нижнөй чиньяслы* (И.Торопов), *Вöлөмкö, Сашалы, **кызди** медся томлы, войяссö ковмывлöма колявны пызан вылын кум кусыньö кусыньтчöмөн* (М.Игнатов), — *Войнад збыль сьöкыдджык сулавны караулын. Сэжитö быд пу сайысь **бытьтьö** кодкö мыччасьö тэныд* (Г.Фёдоров), *Паськыд тугана пожöм йылö кыпöдöм электрической лампочка гөрдöдіс пу эжсö, да пожöмыс йылöдзыс **бытьтьö** вöлі öжигайтчöма* (И.Изьюров), *Окопыс **бытьтьö** сьöд вөнъ* (В.Лыткин), *Немечьясыс **бытьтьöкö** веськодясисны, гежöдика ракета сöмын лэдзлісны* (Г.Юшков). в) Э с к ö д а н кывторйөн лöö да кывтор. Сійөн вöдитчöны воча кыв сетігөн, кор сёрнитысь кöсйö вынсьöдны висьталанторйыслысь збыльлунсö, сетö кутшöмкö керөм вылö сöглас либö мыйынкö эскöдö вом ёртсö. Примерьяс пыдди: ***Да**, тайö вöлі, а öні со — ыджыд вокыс армияö мөдöдчö* (В.Тимин), — *А-а... — ме джөмдікодь. — **Да, да** помнита...* (С.Раевский). г) С о с с я н вежöртас кутöны абу да не кывторьяс: — *А-а, — нюзöдіс сійö*

(Фукс). — *Аттё бур кыв вылад. — Синъясыс дзоргёны зумыша, быттё кёсйёны шуны: локтінныд пё не ас кадё, мешайтчаннуд сёмын...* (М.Игнатов), *Не ёти ошлысь пёрччөддөма (Микул дед) пасьсё, чергөддөма вөрса кёзяинёс ёсь шыён да пуртён* (Г.Фёдоров), *Ме первойсё эг сетчы да зили письмёясын войт не бёрыньтчыны, мыйё волім нин, но воча кывйын — бара быд лунъя вьльторъяс и юалём: мый йылысь водзё гижны?* (В.Тимин), *Купечьяслысь көр яй кылёдысяслы, мед не прёзевайтны ытвасё, лоё ёна тэрмасыны* (Я.Рочев), *Авторыс моз жё чотіс тайё циркулярыслён стильыс, падвеж муніс воддза индөдъясыскөд, но нинём он вөч — ёні абунин 1941-өд во* (Г.Юшков), *Мый абунин войвывлань, та йылысь шуёма вөлі веськыда, оз на пё артмы* (В.Тимин), *Видз вывті мунны кокниджык дзескыд вөр туй дорысь. Абу найт* (Н.Куратова). д) Ю а л а н кывторъяс а, -ё, өмөй (мөй), ли, неужели, нё, мый сёрникузялы сетёны юалан шуанног да юалан вежёртас, торйөдөны сійё кывсё, коді кутё юалёмсё, а сіджө пыртёны уна сикас содтөд рөм (чайтөм, эскытөмлун, майшасём, шензём да с.в.). Примеръяс пыдди: *Да, но а месё?..* (В.Тимин), — *Ачым ог төд. Пола — вот кө тайё, Илья Яковлевич, а?! (Б.Шахов), — ...Тэ тай нё вөлі вит арёссянь нюзжөдчан вёжжэ дінё. — Эг жё кө витсянь-а?* (Е.Рочев), *И дыр-ё тадз ковмас жуывидзны меным?* (В.Тимин), *Вермас-ё Матвей личкыны-шылёдны ас пытисъыс ичөтсаяныс лоём тайё вабергачсё?* (И.Торопов), *Шорёй, шорёй, визувтлан-ё кадас, кор лөз ванад пөткөдчис бригада?* (Ю.Васютов), *Тані эмөсь и йөра, и көр, и ош, и рысь, и выдра, и мой, и низь, и кунича, сан и руч, норка и ур, сьөдбөж и көч. Да верман өмөй лыддьөдлыны!* (И.Пыстин), *«Первойысь өмөй нё сылы лоё ветлыны тадзисё?»* (М.Игнатов), *«Весьшөрё Зурганёс кыскам. Шыасьлі өд Манов дорё, да кывзас мөй сійё!»* (В.Власов), *Ок, вунөдлытөм гожся асыводзьяс! Төдан мөй сэки, мый тэнё водзын виччысьёны не сёмын татшөм югыд да мича асывьяс, но и бушкола лун-войяс* (И.Изьюров), *Тэ өд чужин эн мөй ыб дор сёнын, паськыд гудыр юөн мыйла кёсьян лоны?* (Ю.Васютов), — *...ми ёні долженёсь мөвпавны не бергөдчөм йылысь, а именнө юсё вуджөм йылысь. Неужели огё вермөй?* (М.Игнатов), — *Сэсся нё збыль кёсьян аслад кратайтчысь кёзяйкаыдкөд мунны? — төждысьөмпырысь юалис Проня* (Г.Фёдоров), *Волас оз нё коркё Илларионлөн керкаыс?* (М.Игнатов), — *А ме нё ог ветлөдчы? Мукөд бабаыс на тиөтши ёні кутас дай. Мед вот волас арыс* (Г.Юшков), — *Тэ мый? Он верит? Ме кыв сеті, став йөз водзас...* (И.Коданёв). е) Йөз сёрни вылө ыстысян кывторъясөн лоёны мися да пё кывторъяс. Ас сёрни вылө ыстысигөн вөдитчөны мися кывторйөн. Примеръяс: *Мися, ачым том и вына!* (А.Лужиков), *Надея кутіс, мися, регыдөн бурда, но абунин тай ме ног вөлөма* (В.Безносиков), *Ме и шуа: «Мися, Вассушкакөд эськө төдса нин да... Дзик раминик сьёла кодь ныв-бабаыс, а менам садкө оз овмөдчы»* (В.Безносиков). Мөд мортлысь сёрнисё висьталігөн вөдитчөны пё кывторйөн. Такөд тшөтш вермас петкөд-

чыны сёрнитысьыслён йёз сёрни дінё эскытöмлун либö öти кывйö вотöм. Примеръяс пыдди: *Öвтышитис сöмын кинас, заборö мыджсьöмөн, бур туй пö* (В.Тимин), *Коркö пö öд ваыс воас жö, кодйыштам ещö* (Н.Куратова), — *Тайö жö Самарин, мутисö венас! — серöктис Горынин. — Пукалим, важвоасим и вильвоасим, сэсся шуö, исласьны пö ветлам* (Г.Юшков), — *...Кык пöвстөн пö öти уджсьыс оз босьтлыны. Некытчö оз мунны ни, ваö пö* пырам кытчöкö мунöм дорысь. Сёрнит сэсся накöд! (Г.Юшков), *Оз эскы вöли, сералö, кытысь пö кос лыа шöрас ва чужис* (В.Тимин).

Эмоционально-экспрессивнöй рöмъяс пыртысь кывторъяс

Тайö чукöрас пырысь кывторъяс оз пыртны висьталанторйас содтöд смыслöвöй рöмъяс. Найö сöмын ёнмöдöны висьталанторйыслысь вырази-тельностьсö, эмоциональностьсö. Эмоционально-экспрессивнöйясөн вермöны лоны *вот, вот вед, кыз, кыз сöмын, кыз тай, мый сэн, кутишöм, мыйта* да с.в. кывторъяс. Примеръяс: — *Вот, вот, сиди и шуис, пеж лов пö, нароинö пö, смекайтчыны да мед мыждыны — пыравлöма* (Б.Шахов), — *Вот тадз!* (Тайö сылөн печать пыдди нин) (В.Тимин), — *... Пеж лов тэ, пеж лов... И кызди сöмын тэнö муыс кутö?! (Б.Шахов), Кыдз тай гыпнитас-клопкыяс пач пытикас. Йиркмунö пачыс* (И.Пыстин). *Кутишöм, мыйта* кывъяс горöдан сёрникузяын воштöны колана нимвежтасъяслысь вежöртассö да горöдан шуанногкöд öтлаын тöдчöдöны, ёнмöдöны семантикасö сийö кывйыслысь, кодкöд йитчöны, сетöны висьталанторйыслы уна сикас эмоциональнöй рöм: нимкодьясьöм, шензьöм, скöрмöм да с.в. Примеръяс пыдди: *О, кутишöм сьöкыд, кор тэ мыжман, Оз тупкы зэрысь койыс* (Ю.Васютов), *Кутишöм абу прöстöй ставыс тайö, сьöкыда вежöртана, и... кутишöм мича да кыпыд, кор заводитан гөгöрвоны, аддзыны мичлунсö, казавны кыпыдлунсö* (И.Изъюров).

Форма артмöдысь кывторъяс

Тайö кывторъясыс петкöдчöны кык функцияын: 1) найö пыртöны сёрниас содтöд вежöртас рöмъяс и 2) артмöдöны грамматика кыв формаяс. Медся кывтор отсöгөн артмö качественнöй да öткымын относительнöй кывбердьяслөн да урчитанъяслөн медвылыс тшупöд. Примеръяс пыдди: *Öд пöрысьяслы кажитчö, мый буретиш налөн олансерыс, привычкасыс медся бурöсь, шуöмъясыс да кесйöдлöмъясыс медся вежöрайсь* (В.Юхнин), — *Медся водз тайö вопросы интересуйтö, дерт, отечественнöй лесопромышленникъясöс* (В.Юхнин). *Бы, вай, давай, мед, эськö (эськөн)* кывторъяс отсöгөн артмöны кадакывлөн торья аналитическöй формаяс. *Бы, эськö (эськөн)* кывторъяс юöртана сёрнитанногын петкöдлöны уна сикас модальнöй вежöртас: позянлун, кöсийöм, условие,

вежавидзёмён вөзйём да с.в. Отсаян кадакывьяскөд да кадакывподкөд тэчасын петкөдлөны вөвлытём керёмлысь результатсө. Примерьяс: *Англичанин сөнъясын визувтис потомственной колонизаторьяслөн вир, и лорд, мойдса мудер руч моз, кужис эськө раминикөн кажитчысь зверсянь во-часён пөрны ставсө сёйысьсө* (В.Юхнин), *Первойсө пө эськө ставсьыс зйя босьтчывлас быд удж бердө, но өдйө зэв көдзалө и...* (М.Игнатов), *Натөг акционерной обществоса представитель вөлі эськө киястөмкодьён, кызди и ачыс обществоыс эз вермы эськө овны сюсь агентьястөг* (В.Юхнин). *Мед* (медым) кывторьяс юёртана сёрнитанного 3 морта өтка да уна лыда кадакывьяскөд тэчасын артмөдөны кадакывлысь тшөктана сёрнитанног да такөд тшөтш пыртөны сёрникузяс ышөдөм, тшөктөм, көсйөм, мыйөнкө сөгласитчөм да с.в. вежөртасьяс. Примерьяс: — *Смотри, мед оз төдлы көзяиньд, а то...* (Г.Фёдоров), — *Ок, талун и өддзөдчылам жө! Мед весиг тэнсьыд овтө рекордистлысь моз газетьясын печатайтисны!* (М.Игнатов), *Эк тэ, шыась, муса ёртөй, Вынён тырас мед рудзмунөм ки, Медым кусас курьд сьблөм би* (В.Лыткин). *Давай, вай* кывторьяс бергалөны тшөктана да юёртана сёрнитанного кадакывьяскөд да сетөны накөд тэчасын ышөдөм, керём вөчны корөм, мыйкө вөчны вөзйём вежөртасьяс: — *Вай* шойчча сэсся, — *тишөти жө* нюммунис Мартынов (Г.Фёдоров).

Кывйитөд сяма кывторьяс

Кывйитөд сяманас лоёны с о д т а н а да, дай, и, ни, жө, сідзжө, тожжө, тишөти, ли кывторьяс. Найө төдчөдөны мөвпыслөн эмторьяс костын уна сикас йитөд, йитөны синтаксическөя торйөдөм сёрни юкөнъяс вежөртас сертиыс. Примерьяс: *...төвбыд сэсся бара мөдас дөра швачкыны-кыны, ной шөрт печкыны да...* (И.Торопов), *Гашкө, и Витальыс на волас дай* (Н.Куратова), *А өні со ыстис бать дорас, тундралөн лым еджыд эрдьясө, көні сійө чуэслөма көрпи моз жө* (Е.Рочев), *Юр сюянін эм, ломтысьны пескыс эм жө* (Н.Куратова), *Тайө керкаас Марья пөч томиникөн на воліс верөс саяс. Удитис пөрысьмыны. Керкаыс пөрысьмис жө* (Н.Куратова), *Носков тишөктис Гриньлы, медым сёян дасьтас и меным тишөти, да сетис индөд ыдждөдөны палатка* (М.Игнатов), *...а сійө жө өти здукөн удитас аддзыны ставсө ас гөгөрсьыс да, гашкө и, думьясьыд тишөти* (М.Игнатов), *Видзөдөны — водзын, веж турунөн дорөсалөм векньыдик курья йы-лын, сөдз да дэбыдмөм ваас, чөла куйлөны кык нывбаба, нывьяс ли* (И.Торопов), — *... Видзөдлам, мыйла чери вөтчис миян бөрся, ставыс пыийис ли ...* (И.Торопов). *Ни* да *и* кывторьяслөн семантикаыс өткодь. Торьялөны найө сійөн, мый *и* овлө эскөдана сёрникузяын, а *ни* — соссянаын, примерьяс пыдди: *Син улас усис кыркөтишдорса джуджыдинө вөчөм коляс, пуксянін лөсьөддөма и* (А.Лынов), *Уджалөны и заводьясын. Кодлы мый кажитчө...* (И.Изьюров), *Шочиника ветлө сэтчө пөчө челядьсө видлыны,*

асьныс волёны **и** (Н.Куратова), — Чужёмыд тай еджыд: нырыд **и**, бан бокъясыд **и** (М.Игнатов), Быд ногыс зйля вётлыны кёдыдсё ас пытыкысь, но некыдз ог вермы. Котёртны прамёя вын абу **ни** (М.Игнатов), Муста — Тунтури йылысь сэки пёшти некён эз кывсьы, военной сводкаясын эз гаравсьы **ни** (В.Безносиков).

106 §. Кывторъяслён сёрникузян ин

Сы серти, кутшөм ин босьтёны кывторъяс сёрникузян, найёс позёо юкны кык пельё: урчитөм ина кывторъяс да вежлясян ина кывторъяс. Сёрникузян ин серти урчитөм кывторъясён лоёны: а) кывторъяс, кодъяс век сулалёны сйё кы в о д з а с, код дорё йитчёны. Препозитивнөй ин вермёны босьтны соссяна абу да не кывторъяс, кывбердлысь да урчитанлысь медвылыс тшупод петкөдлысь *медся* кывтор. Примеръяс пьдди: Видз вывтё мунны кокниджык дзескыд вөр туй дорысь. *Абу* нйит (Н.Куратова), Ок, ёна колё көр видзысьлы поводдясё тёдны, медым **не** сорасьны (Я.Рочев), — **Не** прёстё сйёс танё быд жыдач видё, — бара серёктёс Калина (Я.Рочев), Сэки сйё (Кузьма) **не** ёти лишнөй сё шайт пуктас аслас зептё (Я.Рочев), Пёжалуй, сёмын сэнё, больничаян куйлигөн, Васса первойёс гёгөрвоис ёти ыджыдтор: бур другъяс да пöдругаяс **медся** донайсё олөмад (И.Изьюров), — Вот и шуим комсомольскöй собрание вылын — мöдöдны фермаё кык мортёс. Виктор **медся** водз сöгласитчис (И.Изьюров); б) кывторъяс, кодъяс век сулалёны сйё кы в б ö р а с, код динё йитчёны. Коми кывлы лöсялö постпозитивнөй кывторъясён вöдитчөм. Постпозитивнөйясён лоёны вынсьöдан (*нин, нö*), юалан (-а, -ö, öмöй), соотносящöй (*на, нин*), модальнөй (*кö, кö-а, нö, тай, тон*) кывторъяс. Примеръяс: Вербованнөй вылад лачатё кутны йöз понйөн вöралөм кодь **на** (Г.Юшков), — Вөрö кая. Кык чом сэнё. А öнёсö колхозын **на**, кытчö ытасны (Г.Юшков), Гортысь бөръя письмёйс воис неважөн **на** (В.Тимин), Палаткаын асья рöмьд **на**. Ставөн **на** узьёны (М.Игнатов), — Ой, книга лавкаё кö веськалём-а? — чуймискöдь Пекла да прамöй дыр чатрасис джодж шöрас сулалёмоз. — Эсы мында?... (В.Безносиков), Ме эг тöд, дыр-ö мунём, уна-ö колис кадыс тайö адас?! (С.Раевский), Öд и асланым дзик ставыс öмöй туйö, сьöлөмын мый эм, медбөръя туйö? (Ю.Васютов), «Зэ-рас öмöй? — юрсö вывлань чатёртёс Черных да содтёс воськовсö (И.Коданёв), Тöлалёс тай ёти войö, да сэки вöлё кымынкö пöрöма-а (Г.Юшков), Колхозад öтүвтчөм бöрын **нö** мян сиктсаяс скöтнөй двор стрöитасны сиктсаян неылö (Н.Куратова), Öбразлы **тай**, енлы кöть ог эскöй, иньпöв пельöсьясын век на абу дзескыд (Ю.Васютов).

Кывторъяс, кодъяс вермёны босьтны синтаксис тэчасьясын р а з н ö й и н, коми кывйын абу жö этша. Татшöмъяснас лоёны *дай, кöть, öд, но* (препозицияын тöдчöдö ышöдан (побудительнөй) вежёртас,

кодi лöсiялö роч «ну» кывторлы, а постпозицияын кутö вынсьöдан (усилительнöй) вежöртас да лöсiялö роч «же» кывторлы), *ни* кыв водзын сулалiгöн кутö вынсьöдан вежöртас, кыв бöрын — содтана да с.в. Примерьяс пыдди: *Дай* эм-ö сьöлöмыс сэтiиöм йöзыслөн? (И.Изьюров), *Дай* мыжана сьсö Варук оз и лыдды (Н.Куратова), — *А* ме нö ог ветлöдчы? Мукöд бабаыс на тиöтии öнi кутас *дай*. Мед вот волас арыс (Г.Юшков), *Тэ* — туй морт: мудзин — шойччöг колö. Посводзас и водыит *дай* (В.Безносиков), *Öтчыд көть* кутлыны рад ме Аньыслысь гаддясьöм ки, Казь-тышитны кыв, кодöс гусьöн Сьöлöмын новлöдла ме (С.Попов), Регыдик кежлö сувтлiгъясöн ме зiльлi *көть* мыйтакö отсыитны сылы (вöвлы), виалi да вöтлалi дзизгысь вир юысьясöс, но тайö вöлi сэтiиöм удж, кодлөн помыс эз тыдав, водзö мунтöм удж: нач кымöрыс эз чин, а кажитчö, пыр öтарö содiс (М.Игнатов), Но кыз вöчны, мед югыдöдзыс оз казьяны либö *көть* мунöмс оз адзывны (И.Пыстин), Сиктса мужикыд *öд* сэтiиöм, заводитас кө мыйкö вöчны, помавтöгыд оз эновт (Н.Куратова), *Öд* и тiяны колö мунны, и нылысы тиöтии (Г.Фёдоров), *Тэ öд* чужин эн мöй ыб дор сёнын, паськыд гудыр юөн мыйла көсьян лоны? (Ю.Васютов), Тöдöны *öд*, мый воим татчö эг гожъялöм могысь (В.Тимин), *Танi* эрдыс во-мöд сайын на вöлi куш, *ни* öти пу эз вöв, а öнi со быдмöны сыв кузьта кымын томиник пүяс (С.Раевский), — Книгаястö öд он сёй, пасьтавын-кöмавын оз шогмыны *ни* (В.Безносиков). Коми кывйö п ы р ö м к ы в - т о р ь я с сёрникузяын векджык сувтöны сийö жö местаас, көнi сулалiсны кыв-источникас. Пример пыдди, роч *же* кывтор, кодi сулалö торйöдан кыв бöрас, коми кывйö вуджöм бöрын кутö асьсö сiдз жö: *А сэсся бöрынджык асьным жö* пондiм вöтлысьны учитель бöрсяыд дай (Н.Куратова), *И* оз позь нюжмасьны — аски *жö* нин, гаикö, таö вермас воöдчыны кодкö мöд (В.Тимин). Сийö жö позьö шуны тшöтш юалан ли кывтор йылысь, кодi торья кыв либö кывтэчас дiнö йитчигöн экспрессивнöя торйöдö сийöс да век сулалö сы бöрын: кызди рочын, сiдзи и коми кывйö вуджöм бöрын.

107 §. Кывторьясöс мукöд кывсикасьясысь торйöдöм

Коми кывторьяс пöвстын паныдасьлöны уна мукöд кывсикаса кывъ-яскöд öткодя шусяна-гижана кывъяс. Асшöр кывсикасьясысь кывторьяс торйöдiгöн колö пыр кутны тöд вылын, мый асшöр кывъяс век вочавидзöны юалöмьяс вылö да лоöны сёрникузяса членъясöн, а кывторьяс оз вочавидзны некутшöм юалöм вылö да оз лоны сёрникузяса членъясöн. Тайö критерийыс оз лöсiяв сэк, кор öткодя шусяна-гижанаөн кывторьяс лоöны мукöд отсаян кывъяскöд (кывбöръяскöд да кывйитöдъяскöд), öд став отсаян кывсикасыс оз овлы сёрникузяса членөн. Öткодь шы тэчаса отсаян кывъяс сёрникузяын медводз торьялöны асланыс функция серти. Орччöдам öткымын пример: *О, кутишöм* (кывтор) сьöкыд, кор тэ мыж-

ман, *Оз тупкы зэрысь позйыс* (Ю.Васютов), — *Тэ, буди, талун гажса, Степан?* **Кутишюм** (нимвежтас) праздник кузя? — *серөктышитіс Дуня* (И.Изьюров), **Кутишюм** (кывтор) абу прөстөй ставыс тайё, сьёкыда вежёртана, и ...**кутишюм** (кывтор) мича да кыпыд, кор заводитан гөгөрвоны, аддзыны мичлунсё, казявны кыпыдлунсё (И.Изьюров), *И бур, мый сэки вывтисё эз тэрмасьны том гозья, эз повзьяны ыджыд уджсьыс да со кутишюм* (нимвежтас) керка зымөбтісны, югыд и шоны, асьыныс нэмсё тырмас да и кодлыськё челядьныслысь на тишюти... (И.Торопов), *Микулай лыбөдчис бөрөздасьыс пидзёсчаньён, петіс ортсөдджык, пуксис кутишюмкё из былё, кодёс кималаснас казяліс, кытишовтіс синнас ас водзсё, сёмын мый* (кывтор) бөрас эз видзөдлы (Г.Юшков), **Мый** (нимвежтас) ті коддьёмыслы тан вөчны? *Миян понтоньяс өд оз лэбавны...* (В.Тимин), — *Гортад и вөзйысь.* — *Ог бара* (кывтор), — *быттё ыстёны нин, пыксьышитіс нывка* (Г.Юшков), *Луныс бара* (урчитан) вөлі кымөра (И.Пыстин), — *Мыйся тэ морт?!* *Мөдысь бара* (кывтор) ме тэкөд некытчө нин ог пет (Г.Юшков), *И бара* (урчитан) тыртөм степын нюжалісны колоннаяс (В.Тимин), *Пельёсын, ныв водзын, пукалө Гриша, лёсьыда ворсё гудөкөн, кокнас ачыс тишюти* (кывтор) тапйөдлө джоджсё (И.Пыстин), *Вөлаяс дзуртөмөн нюрғөны водзё пужа костті чукыльбөсь туй кузя. Накөд тишюти* (урчитан) шытөг вешийны вуджөрьясныс (И.Пыстин), *Марья, Тараслөн гөтырыс, пыртіс ва да тишюти* (кывтор) кутіс отсасьны мужикыслы нопсё сөвтны пукалысьскөд варовитізмоз (И.Пыстин), *Петімөй. Микөд тишюти* (урчитан) матыс да ылыс рөдвуж, вежай-вежань, суседьяс (В.Тимин), *Посни челядь сылөн (Грунялөн) эз вөвны, куш* (кывтор) асьныс гозья олісны, кыкнанныс уджалісны фабрикаын (Г.Фёдоров); *Виль өтава подья, куш* (кывберд) да паськыд видзьяс вылын то өтилаын, то мөдлаын зымвидзисны-сулалісны уна чалькоста гырысь зорөдьяс (И.Изьюров); — **Вай** (кывтор) сетам тайё пужа дорас клятва — нэм чөж лоны вернөйөн өта-мөдлы (В.Напалков), — *Шуёны, куритчөм пө нинөм бурсё оз вай* (кадакыв) (В.Тимин), — **Вай** (кывтор) пуксьыв пызан дорас. Сёрнитыштам мунтөдзыд... (М.Игнатов), *Скорөй помощыд өд нуё, а бөрсё оз вай* (кадакыв) (М.Игнатов), *Микулай тишюти* (кывтор) шуис видлыны шегьясьышитны шудыскөд (Г.Юшков), *Тайёс Микулай талун асыв чеччөмөн тишюти* (кывбөр) и вежёртіс, аддзис өшинь пырыс едждөм ывласё да (Г.Юшков), *Пасьтаси, көмаси, мыс-си, тишюти* (кывтор) бипур дінө сибөдчи (Г.Юшков), *Чеччас (Афанасья) шондіыскөд тишюти* (кывбөр), *пужас-пөжасяс, мөскөс лысьтас да вердас-юкталас, керка пытишкөссө пелькөдас дзим-дзурк, и сёмын сы бөрын чук-салас верөссө* (И.Коданёв), *Видзөдліс Ольөксан вөртас весьтас, а сэт гөрөддө нин, кымөр увьясыс быттё* (кывтор) банйыштөмаөсь, и асья кыа кодзув ворсөдчө өтилаын, өгыр тор моз ырялө (Г.Юшков), *Вера босьтіс висьысь кисө кыкнан кинас сэтишюм ногөн, быттё* (кывйитөд) тайё вөлі зэв донна, но кокниа жууглантор, да мөдіс копыртчыны сыланьё

(В.Юхнин), *Век, мися, эн кедзовт, каитчан кӧ колхозас пырӧмсьыс, бӧр пет дай* (кывтор) (Г.Юшков), *Мед тадзи, век на веж зонмӧн, асьсӧ пет-кӧдлыны Павел эз и лысьт дай* (кывйитӧд) *эз и сяммы эськӧ* (Г.Юшков), — *Но и мун, кытчӧ мӧдӧн. Эн тан сулав. — А ог на кӧ?* (кывтор) (Г.Юшков), *А мужикылӧн кӧ* (кывйитӧд) *зептас сьӧмыд оз зӧльӧдчы, бурджык нин йирӧ пырны* (В.Безносиков), — *Гӧтырпу сідзкӧ аддзин. ... Пусьысь-пӧжасьысь кӧть* (кывтор) *лоӧ* (И.Коданёв), *Кӧть* (кывйитӧд) *Кузьмалы кызь вит арӧс на сӧмын и тыри Изьва кузя кайигӧн, налӧн ӕртасьӧм кодъ артмис* (Б.Шахов), *Ӧні мед* (кывтор) *кодкӧ лысьтлас тадзтӧ вомавны. Ӧні Самарин ачыс кодлы колӧ лабич ув индас* (Г.Юшков), *Мӧскас и кутчысисны дӧбаясьд, мед* (кывйитӧд) *кызкӧ-мыйкӧ бергӧдчыны во гӧгӧрсӧ* (Г.Юшков), — *Тэ мый?* (кывтор) *Он верит? Ме кыв сеті, став йӧз водзас...* (И.Коданёв), *Сійӧн эг и жугыльтчыв, мед йӧзыс казялісны да гӧгӧрвоисны, мый* (кывйитӧд) *ог шыблась аслам кывйӧн* (Г.Юшков).

14. МЕЖДОМЕТИЕ

Междометие — вежласьтӧм кывъяслӧн лексико-грамматическӧй чукӧр, кодъяс оз лоны ашӧр ни отсаян кывъясӧн, да кодъяс отсӧгӧн сёрнитысь петкӧдлӧ асьыс сьӧлӧмкылӧмсӧ, пытшкӧсса тӧждъяссӧ, кӧсйӧмьяссӧ, керӧм вылӧ кодӧскӧ ышӧдӧм да с.в. Примерьяс: — *Мый нӧ, ноко?* ...*А-А*, — *нюжӧдӧ сесся дышпырысь* (М.Игнатов), *Ыш!* — *тӧдлытӧг яндысьтӧма артмис Павеллӧн* (Г.Юшков), *Э-э?! — друг горӧдіс батыс* (Г.Юшков). Междометие оз вежлась, сылӧн абуӧсь торъя грамматика формаяс, но сылӧн эм грамматика тӧдчанлун и аслыспӧлӧслун. Междометие пырӧ кывлӧн грамматика тэчасас, бергалӧ быд кывлы лӧсялана оланпасьяс да индӧдъяс серти. Междометие вермӧ лоны сёрникузяӧн либӧ петкӧдчыны сёрникузя тэчасын, но век сулалӧ аслас местаын. Синтаксис тэчасын междометиеяс мукӧд кывъяскӧд йитчӧны шуанног отсӧгӧн. Междометие-яслӧн эм асланыс сӧвман вын, кодӧ петӧ сёрникузялӧн синтаксическӧй тэчаскӧд налӧн топыд йитӧдысь. Ӧткымын междометие вермӧ йитчыны мукӧд кывсикасьяскӧд синтаксис боксянь ӧтувья тэчасӧ, примерьяс пыдди: — *Ноко мариш* *уліас да пӧсьӧдчывлы!* *Сэн тэныд абу пӧрысь пӧлястӧ ӧбӧдитӧмыд кодъ!* (М.Игнатов). Овлӧ, мый междометие мунӧ сёрникузяса членьяс пыдди: «Ура» (дополнение) *горзігтыр челядь разӧдчисны пес корсьны, а ме перйи вецмешӧкысь чайник, кружка, чай банка* (С.Раевский), — *Но? Тэ нӧ сідзкӧ аминь-кымынь-гатиш-пук* (сказуемӧй)? (М.Игнатов), *А коли ӧд сысянь кадыс — ой-ой-ой* (обстоятельство)... (А.Дёмин), *Миян ӧд могъясыс — ого* (сказуемӧй)! (В.Тимин). Междометиеяс кокниа йитчӧны кывторьяскӧд, примерьяс пыдди: *Лӧсьыд тадз мӧвпавны, ас пытшкад пестыны-ломзӧдны югыд би чут. Ок и лӧсьыд!* (В.Тимин), *Анна Николаев-*

на менö на велöдлiс, **ой и стрöг** (В.Тимин), **Аттö жö**, мися — аслым моз шуи (Г.Юшков), **Окма жö** эськö да! Йöзыдлы тай абу жаль, кöть и сiйö жö Виталей коддьöмыслы... (И.Торопов).

108 §. Междометиеяслөн вежöртасьяс серти торъялöм

Междометиеяслөн нимтан (номинативной) функцияыс абу, найö оз ним-тыны ни эмтор, ни признак, оз индыны на вылö, а тöдчöдöны аслыссикас сёрни шыяс, кодьяс пыр петкöдчöны мортлөн пытшкöсса тöжд, сьöлöм-кылöм, кöсйöм, корöм; серпасалöны вөр-валысь, пемöсьяслысь, лэбач-пöткалысь шыяс, а сiдзжö мортлысь шыяс, кодьяс тöдчöдöны вежöр да вир-йялысь кылöм (психо-физиологической реакция) öткымын збыльвивса лöбмтор вылö. Тайöн найö торъялöны ашöр кывсикасьясысь. Междометиеяслөн вежöртасьяс топыда йитчöма шуанногкöд, сёрни тэчöмкöд, сёрнитанногкöд, контексткöд. Междометиеяслөн кöть и абу нимтан функцияыс, но эм аслыспöлöс вежöртас: — **Ой-ой-ой!** — *равöстiс Öгрö*. — *Петя?!* *Петя?!* *Мамтö öд нин со нöйтö* (Г.Юшков), — **Но-о!**? — *кутиöмкö дзуртан гöлöсөн шыасис сiйö, повзим ми быдсөн* (Г.Юшков), — **О-о!** — *менам весиг иусис* (Г.Юшков). Воддза сёрникузяс **ой-ой-ой!** междометие петкöдлö повзьöм, мöдас **но-о!** — шензьöм, коймöдас **о-о!** — чуймöм. Междометиеяс вермöны лоны у н а в е ж ö р т а с а ö н. Сiдз, **ок!** междометие вермас кутны в ы н с ь ö д а н вежöртас: **Ок**, *кыдз ме сылы сэк эски, кутиöм ыджыд лача сы вылö кутi* (Г.Юшков), вермас петкöдлыны уна сикас этш вылысь вежсьöм (эмоция): н и м к о д я с ь ö м: — **Ок**, *öд сюсь асланысь!* — *нимкодя вочавидзис Лыткин* (Г.Юшков), с к ö р м ö м: — **Ок**, *вот нö!* — *ырыштчöмön уськöдчис Епрем Öльöшыд* (Г.Юшков). Уна вежöртасöн овлöны: *о!*, *о-о!*, *эх!*, *ой!*, *а-а!* да мукöд междометие.

Вежöртас серти междометиеяс ю к с ь ö н ы к у и м п е л ь ö: эмоциональной, императивной (ышöдана) да шы сетан междометиеяс вылö. а) Э м о ц и о н а л ь н ö й (уна пöлöс сьöлöмкылöм да этш вылысь вöрзьöм петкöдлысь) междометиеяс: *а!*, *о!*, *ах!*, *ай!*, *ай-ай-ай!*, *ок!*, *ой!*, *о-го!*, *но!*, *но-о-о!*, *эх!*, *эк!*, *экма!*, *окма!*, *ойя да ойя!*, *ага-а!*, *да!*, *у!*, *у-ук!*, *уф!*, *ы-ы!*, *ха-ха-ха!*, *хи-хи-хи!*, *ы-гы-гы!*, *оть-оть-оть!*, *оль-льоль-оль!*, *ура!*, *тёпу!*, *господи!* да с.в. Öти и сiйö жö междометиеяс вермö петкöдлыны ошкöм и дивитöм, повзьöм и долыдасьöм, нимкодясьöм и зывöктöм. Уна сикас сьöлöмкылöм петкöдлан сямьс урчитсьö сiйöн, мый междометиеяслөн кыввора вежöртас петкöдлöмын зэв ыджыд тöдчанлун ворсöны контекст, сёрни ситуация, шуанног, чужöмлөн вежсьöм, киöн шеныштöм. Найö вермöны петкöдлыны нимкодясьöм, шензьöм, повзьöм, шогсьöм, дивитöм, скöралöм, вермöм, ыджыдалöм, ошйысьöм, лöглун, лёк вылö радлöм, ёна кöсйöм, мудзöм, серам, мелiлун, олöм дорö веськодълун да с.в., сiдзкö петкöдлöны висьталысьяслысь лов кылöмсö. Коми кывйын тайö чукöрыс

зэв озыр, и кызыс на пиыс уна вежортаса. Эмоциональной междометиеяс пиыс позь торйодны нёшта татшөмъясёс: 1) междометиеяс, кодъяс петкөдлөны бур сь ө л ө м к ы л ө м — нимкодьясьөм, гөрдитчөм, мелілун, ошкөм, вермөм, долыдлун да с.в: а-а!, ак!, о!, о-о!, ок!, ого!, ого-го!, ай-да!, ура!, оть-оть-оть!, оль-оль-оль!, аттө! да с.в. Примерьяс: — **О-о!** — *ефрейтор бара серөктіс гажаа и лэптис чуньсө.* — *Военной гусятор* (В.Тимин), **О,** *мичаысь-мича лэбачьяс!* (С.Раевский), — **Ок,** *өд сюсь асланьыс!* — *нимкодя вочавидзис Лыткин* (Г.Юшков), *Сөлө бабыс видзөдіс нывка вылө да нюмвидзис.* — **Ай да** *нывка! Ай да бобө!* (Н.Куратова), **Аттө** *лөсьыд ныв! Овлөны тай, небось!* (В.Тимин); 2) междометиеяс, кодъяс петкөдлөны лёк сь ө л ө м к ы л ө м — дивитөм, скөралөм, дөзмөм, лөглун, лёк вылө радлөм, веськодълун да с.в.: ак!, о-о!, ок!, но-но, тьпу, тьфу, фи, чөрту да с.в. Примерьяс: — **О-о!** *Зэв тай сөстөм кылан! Чери сьөмөсь на нырыд. Мыссьы да вөлись тадзтө сёрнит* (Г.Юшков), *Энө кисьталөй кызсюрө кизьөр мавтассө. Ковмас на...* **Ак,** *разбойникьяс!* (В.Тимин), **Ок,** *вот пө!* — *ырыштчөмөн уськөдчис Епрем Олёбыш* (Г.Юшков), — **Но-но,** — *нурбыльтіс Поликарп.* — *Америкаө оз на лэбзыны* (Г.Юшков), — **Тьпу!** *Мед тэнө морыс лыяс! Со деньгаыд!* — *Чёрный петө, веськөдчө, кык чунь костас кутө уна кусыньбөн чукралөм деньгасө, быттө полө ляссьөмысь, да мыччө Фукслы* (М.Игнатов), — **Ой!** — *дойда-на шпыньмуніс Саяна* (Г.Юшков), *Ок, виччысь, Стас, бесыд матын гөгралө. Эн сетчы.* — **Тьфу** *тэ!* (В.Тимин), — **Чөрту!** *Тат оз позь вуджынысө!* — *пöшти горзіс тракторсьыс петігмоз Карпов...* (М.Игнатов); 3) междометиеяс, кодъяс петкөдлөны шензьөм, майшасьөм, чуймөм, думайтөм, жалитөм, повзьөм да с.в.: а-а!, ак-ак-ак, ой!, ой-ой-ой!, ой-я да ой-я!, уп!, ак, трасича!, ок!, ок-ок-ок!, м-да!, но-о!, о господи!, сө дивө!, сө мокасьтө!, чөв!, э-э! эхма! да с.в. Примерьяс: **Ак, ак, ак!** *Видзөдлөй, кызди тиыкөдө мортөс ошкөмыс* (В.Тимин), *А кымын морт сэні тиыглысө, пыкталөмнас, куліс?* **Ой-ой!** (Г.Юшков), — **Ой-ой-ой!** — *равөстіс Öгрө.* — *Петя?! Петя?! Мамтө өд нин со нөйтө* (Г.Юшков), — *Кывлін, Анфиса, Дарья тьөтлөн куканьыс вошөма. Дерт, көнкө, ошьяс косявлісны, ой-я жө да ой-я. Семен лун өд* (И.Коданёв), — **Уп!** *Тайө ті?! Тайкө весьөпөртанныд* (М.Игнатов), **Ак, трасича!..** *Ме гымньөв моз чепөсийи ас койка вылысь, исковті чуньясөн тасма сайті и, унзіля на, устав серти лэдзи киясөс* (В.Тимин), **Ок-ок-ок!** *Унаысь жө эськө шулі челядьыс-лы, гашкө пө огө на жө рөзвал вылө лэдзөй бать горттө?* (Н.Куратова), **Ой,** *сылөн тай зэв уна юрыс лөөма, менам бара петас оз сы мындаыс?* (Г.Юшков), *Мороз ышловзис:* — **М-да...** *Ворсси великөй комбинаторысь на регыдджык* (В.Тимин), *И друг... менам табйөй вөйи.* «**Эк-ма,** *сакөс вунөді...*» — *думышиті да лэпти берегө чаль кузя йөри* (С.Раевский), — **Но-о?** *Сідзкө, гөгөрвоана, мыйла сійө сөрмис,* — *төдчөдө Василий Петрович пинь-нас шөрт кутігмоз* (М.Игнатов), **Но-о?!** — *чуймөма нюркнитіс Лыткин.*—

Володьлы, лешаклы, бара масът! (Г.Юшков), Видзёда. Но сё дивё! Кольём
 वोся нылыд! И нёшта на шаньмёма (В.Тимин), Сё мокасьтё, да тайё жё
 жоньяс! (С.Раевский), — Чёв?! — сёмын и артмис Насталён (Г.Юшков),
 — Чёв, чёв! — Аддылы өд, аддылы (Г.Юшков), «Э-э, — думайта, — та-
 дзитё верман тэ, Бойко ёрт, кытчөкө мөдлаё веськавы...» (М.Игнатов),
 — О, господи! — пөчө моз шай-паймуні Рая (Г.Юшков), — Мый, сё госпо-
 ди? — чуймис Наста (Г.Юшков), — ...Ва веркёсё польснитіс-кайліс нейджыд
 кельчи, мыні вугырсьыс да уйышитіс лапкорьяс улё. — Хо, и меным шедлё-
 ма. ... (В.Безносиков). Мукөддырийи эмоциональнөй междометиеяс кутёны
 в ы н с ь о д а н л и б ö т ö д ч ö д а н в е ж ö р т а с . Т а т ш ö м ь я с н а с ё н д ж ы к а с ö
 овлёны ак!, ок!, ой!, о-о!, у!, ук! междометиеяс. Примерьяс пыдди: Ак,
 эськө өні көдзыд йёв кружка. А? (В.Тимин), Ок, кыз ме сылы сэк эски,
 кутиём ыджыд лача сы вылё куті! (Г.Юшков), Ок, и чөскыд. Сэтиёма
 вёлі горийёй косьмё, да пыр и веськаліс (И.Коданёв), Ой, сійё тай зэв нин
 уна ытишкёма (Г.Юшков). б) И м п е р а т и в н ö й (ышөдана) междоме-
 тиеяс: ау!, ого-го!, э-э-э!, эй!, но!, но-о!, ноко!, марш!, брысь!, кыш!,
 шыть!, тпру!, тс-с!, ш-ш-ш! да с.в. Найё петкөдлёны т ш ö к т ö м ы с -
 л ы с ь у н а с и к а с р ö м д а ю к с ь ö н ы н е к ы м ы н ч у к ö р в ы л ö .
 1) Т ш ö к т ö м , к о р ö м , ы ш ö д ö м öтүв вежёртаса междометиеяс:
 тс-с!, ш-ш-ш!, но!, но-но-но!, ноко!, нолы!, нолё!, нолтё!, нолтёсь!, на!,
 тпру!, шы-шы-шы! да с.в. Примерьяс: — Но-но, но! — тэрмөдліс Кочев
 Лыткинёс (Г.Юшков), Ноко, зон, вод да гожъялышит, а ме видзөдла (В.Ти-
 мин), Ноко, волёй! — горөдіс Степан здук-мөд мысти (Г.Юшков), Вай пё,
 ноко! Тэ пё өд сы пыдди колин (Г.Юшков), Тпру! — ныв весьтё тшапа
 сувтөдіс вөвсё зон (И.Изьюров), — Шы-шы-шы! — өлөдана пушкышитіс
 Поликарп (Г.Юшков). 2) Ч у к с а л ы с ь м е ж д о м е т и е я с : эй!, -э-э-э!,
 ау!, о-о-о!, о-го-го!, алло!, караул! да с.в. Примерьяс: — Эй, ефрейтор
 ёрт! А дыр-ё мем тан ковмас пукавы? (В.Тимин), — Эй-эй! Мый вөчан?
 Ноко, пукты бөр! (М.Игнатов), — Коля! Э-э-э... (И.Коданёв), Татчө
 локтөй! Татчө! О-о-о... (И.Коданёв). 3) Междометиеяс, кодьяс отсөгөн
 в öтлöны ли б ö к о р ö н ы м а т ы с т ч ы н ы к у т ш ö м к ö л о в ь я
 лолös: кысь-сь-сь! (вөтлöны ыжъясös), шыть! (вөтлöны поньясös), брысь!
 (вөтлöны каньясös), марш! (вөтлöны мортös) да с.в.; пруть-пруть-пруть!
 (корöны куканьясös), чиб-чиб-чиб! (корöны чаньясös); баль-баль-баль!
 (корöны ыжъясös), кыс-кыс-кыс! (корöны каньясös), цып-цып-цып! (корöны
 чипаньясös), гуль-гуль-гуль! (корöны гулюясös) да с.в. Примерьяс: Понйыс
 уськөдчыліс вөтчыны, но Микулай удитіс горөдны сылы: «Шыть!»
 (Г.Юшков), — Шыть, — гусьёник өлөдіс Микулай понсö и, мед оз уськөд-
 чы бёрсьыс, эз весиг лэдз волис йывсьыс пицальсö, сідз пырышитіс понöля-
 инас (Г.Юшков). в) Ш ы с е т а н м е ж д о м е т и е я с п е т к ö д л ö н ы в öр-
 валысь, уджалігөн уджалан көлуйлысь шыяс, пемöсьяслысь да лэбачьяс-
 лысь горзём, мортлысь шыяс, кодьяс төдчөдöны вежөр да вир-яйлысь

кылём (психо-физиологическōй реакция), өткымын збыльвывса лоёмтор
 вылө да с.в. Шуам, вёр-валысь шыяс: *сярк-сярк* (гымлөн чорыда йирк-
 нитөм), *мурр* (гымлөн муркйөдлөм), *журрр* (шорлөн жургөм) да с.в.; гортса
 пемөсьяслөн шыяс: *ув-ув-ув*, *вув-ув-ув* (понлөн увтөм), *у-у-у* (понлөн ом-
 лялөм), *тяв-тяв* (понпилөн увтөм), *няв* (каньлөн нявзөм), *мурр* (каньлөн
 кургөм), *муу* (мөслөн баксөм) да с.в.; лэбачьяслөн шыяс: *кикуруллю* (пе-
 туклөн горзөм), *крав-крав* (ракалөн кравзөм), *кити-кити-кити* (катша-
 яслөн китшсьөм), *кук-ку*, *ку-ку* (көклөн көкөм), *пить-пить-пить* (сьөлалөн
 шыяс), *кот-кот-кот* (тарлөн шыяс) да с.в.; гут-гаглөн шыяс: *дзиз-з-з*
 (гутлөн дзизгөм), *тинь-нь-нь* (номлөн тиньгөм), *ыз-з-з* (лөдзлөн ызгөм) да
 с.в.; мортлөн гөгөрвоны позьтөм шыяс: *ы-гы-гы* (серам), *ы-ы-ы* (бөрдөм),
апчхи (несйөм) да с.в. Коми кыв зэв озыр шы сетан междометиеясөн.
 Найөс оз ков сорлавны серпасалан урчитаньяскөд. Серпасалан урчитаньяс
 кызвыннас йитчөны кадакыв да сылөн формаяс динө да стөчмөдөны када-
 кывлысь вежөртассө уна боксянь. Шы сетан междометиеяс сёрникузяса
 членьяскөд веськыда оз йитчыны. Примерьяс: *Шондйис каяс вылөдджык, и*
керка вевтяс вывсянь заводитө тёпөдны войтва, первойсө ньөжйө —
тёп, тёп, сэсся пыр өддзө, заводитө тюрөдны (С.Раевский), *Триньк! —*
ори вугыр көвйис... (В.Безносовых), *Ва веркөсын сөмын «тольс» да*
«тольс», вөйтөм вугырлөн табйис өтырышья йөктө (В.Безносовых),
«Виз-з!» — джуджыд берегсө юковтис жилка; «туп-туп-туп» — морөс
кудийсь вөзйисьсө сьөлөм (В.Безносовых), *«Б-булс» — зумыд бөжнас чери*
сетөбтө кырсь сора ва веркөсө да суньштө йирө (В.Безносовых), *Ув-ав,*
лөкысь кутис увтны понйис, да пыр и гөгөрвоис, кодөс (Г.Юшков),
Асывнас, вольпась вывсьыс чеччөм бөрын, сараяс петас, а гидсяньыс небы-
дика, дзик скрипка моз, нюжөдасны: «М-ме-э-э-э-э-э!..» (В.Безносовых),
«Увак-вак!.. Увак-вак!» — эз узьсьы койтысь лягушаяслы (В.Безносовых),
— У-и... У-и... ить... — гажса сьылисны найө (жоньяс) (С.Раевский),
— «Фью-ить... вить... вить, фьюить... вить... вить» — гора сьылис сийө
(мича кай), тыдалө, гажөдөс ассьыс пөвсө (С.Раевский), *А кадыс мунө-*
котөртө. Сылысь мунөмсө лыддьөдлө көнкө Парчөгын көк: ку-ку, ку-ку!
(С.Раевский), «Жбырк!» — и сырчик абу нин кер вылын (В.Безносовых),
«Кар-р!» — мөдлапөвса ньыв вылын шыасис пөрысь рака (В.Безносовых),
«Ку-у-вик! Ку-у-вик!» — горөдөс (кулик-истан) да котөртис туй кузяыс
водзө, быттьө менө корис вөтчыны ас бөрсяыс (С.Раевский), *Утка мамыс*
чипөстис: «Га-га-га!» Кыдз тай, зонмөй, арөстисны томджык уткаысыс:
«Ага-га-га!» (В.Безносовых), *Думыштан, кыдзи сьылиад веськалө көдзыд*
лысваыс, да йирмөг босьтлө: бр-р-р?! (С.Раевский), — Уф-ф, пөдны куті,
бөчкаын буль-болькерис Никодим (В.Безносовых), *— Ы-ык-к! — артмис*
Никодимлөн. Көзөда ваыс быттьө плетялис морттө: ... (В.Безносовых),
Ого-го! — кылис кодлөнкө гора серам (В.Тимин), *Өти мыйкө дольыштас,*
мөд содтас, коймөд гөрддзыштас. Сэсся ставыс — вак-вак (Г.Юшков),

«**Ха-ха!** Рака кө итык йылын, сідзкө часөвөй сы ни садь узьё» (В.Тимин), — **Хы-ы**, — серөктис ныв. — *А бур поводдя дырйиыс өд лөсьыд. Сідз өд* (Е.Рочев). Тайё кум чукөрсьыс өтдор междометие пөвстын торьялөны в е ж а в и д з ө м петкөдлысь формаяс, кывъяс, кодъяс кутöны чолö-малöм, янсөдчөм, аттьöалöм да с.в. вежөртасъяс: *видза, видза олан, видза оланнөд, видза колян, чолöм, аттьö* да с.в., но найöс оз быд пöрйö лыддыны междометиеясөн.

109 §. Междометиеяслөн тэчасног

Тэчасног серти междометиеяс юксьöны подув да артмөмаяс (кытчö пырöны и тэчас междометиеяс) вылö. П о д у в м е ж д о м е т и е я с артмөмаөсь: а) öти гора шыысь: *а!, о!, у!, э!* либö кык или некымын шыысь: *ай!, ой!, эй!, ак!, ок!, ук!, эк!, ик!, уф!, но!, фу!, ау!, ого!, ага!, эхма!, окма!, ойя!* да с.в. Подув междометиеяс вермöны шусьыны кыкысь либö куимысь. Та дырйи тшöкыда (но оз век) артмöны выль вежөртаса междометиеяс, öткөдялöй көть: *ай! и ай-ай-ай! (ай-йй-йй!)*. *Ай!* междометие петкөдлö дой, повзьöм да с.в.; *Ай-ай-ай (ай-йй-йй)* междометие кутö нин мöд вежөртас — дивитöм, чирьштöм: *Кыз нö мый? Ай-йй, Холопов! Найö тэнö, по идее, пöръявлöны, а тэ эскан быдторйö, мый висьталасны, эскан кос пуйывса туриö!* (М.Игнатов). А р т м ö м а я с — сэтшöм междометиеяс, кодъяс вуджөмаөсь ашшөр кывсикасьясысь, шуам, *пом!* (эмакывлөн кын форма), *иань!* (кывберд) да с.в. — *Вот чöртыд!* — *артмö Иван Алексеевичлөн, сйö босьтлö ныр вывсьыс öчкисö, сэсся бөр öчкиасьö* (М.Игнатов). Артмөмаясөн жö лöны междометиеяс, кодъяс петкөдчöны кызди зумыд ф р а з е о л о г и ч е с к ö й т э ч а с ъ я с: *аттö дивö, вот и дивö, сё мат, сё збыль, сё майбырöй, сё мокасьт, сё морö* да с.в. Примерьяс пыдди: *Бурөн шүөмыд нö кодлы оз лөсяв. Но, сё морö, рёбöта!* — *Вианныд нö, шүө? Сё морö баруна! Но и чудеса тэ висьталан, Домна!* (Г.Фёдоров), *Сё мокасьтö, да тайö жö жоньяс!* (С.Раевский), *Видзöда. Но сё дивö!* Кольöм वोся нылыд (В.Тимин), — *Мый, сё господи?* — *чуймис Наста* (Г.Юшков), *Егули гач!* *Эк раскудрались, сөтана пызь* (В.Тимин). Мöд ног татшöм междометиеяссö позьö шуны тэчас междометиеясөн. Междометиеяс чужöны да сöвмöны кызыннас ас кыв подув вылын. Медтöдчанаөн та дырйи лöө налөн синтаксис боксянь петкөдчöм, кор тайö либö мöд кывсикаса кыв босьтö ас вылас содтöд эмоциональнöй рöм да пондö петкөдлыны сёрнитысьлысь пытшкөсса аскылöмсö. Уна междометие коми кывйö пырис роч кывйысь: *мари!, стоп!, караул!, господи!, пока!* да с.в. Междометиеяс мичмөдöны, озырмөдöны йöзлысь сёрнисö, сетöны сёрниыслы эмоциональность. Междометиеяс өтсöгөн посни челядьöс кокни велöдны сёрнитны (пон увтö: «ув-ув-ув», мöс баксö: «му-у»), горзöм-сьылöм сертиыс аддзытöг тöдмавын зверь-пöткаöс («кот-кот-кот» — тар, «пить-пить-пить» — сьöла).

**ТАЙӦ НЕБӦГЫН ВӦДИТЧАН КОМИА-РОЧА
ГРАММАТИКА КЫВВОР**

- АБУ АС несобственный, -ое, -ая; нарицательный, -ое, -ая; **абу ас эмакыв** нарицательное существительное.
- АБУ АСШӦР 1. связный, -ое, -ая; **абу асшӧр морфема** связная морфема; 2. зависимый, -ое, -ая; **абу асшӧр кывпод** зависимый инфинитив; **абу асшӧр кыв** зависимое слово.
- АБУ ВЕСЬКЫД 1. непрямой, переносный -ое, -ая; **абу веськыд вежӧртас** не прямое значение, *видзӧд сідзжӧ Вуджӧдан*; 2. относительный, -ое, -ая; **абу веськыд кад** относительное время.
- АБУТӦМ нулевой, -ое, -ая; **абутӧм морфема** нулевая морфема; **абутӧм суффикс** нуль-суффикс.
- АБУТӦМ(ЛУН) отсутствие; **тӧдчана абутӧмлун** значимое отсутствие; **абутӧм вежӧртас** значение отсутствия.
- АБУ ТЫР неполный, -ое, -ая; **абу тыр качество** неполнота качества; **абу тыр сӧрникузя** неполное предложение; **абу тыр аскодялӧм** неполная ассимиляция.
- АДДЗАНА очевидный, -ое, -ая; **аддзана кад** очевидное время.
- АДДЗЫВТӦМ неочевидный, -ое, -ая; **аддзывтӧм колян кад** неочевидное прошедшее время.
- АРТМАННОГ способ(ы) словообразования; **эмакыв артманног** словообразование существительных; **кадакыв артманног** способы глагольного словообразования; **артманног серти кыв чукӧрьяс** группы слов по типам словообразования.
- АРТМӦДАН образующий, -ее, -ая; **кыв артмӧдан** словообразовательный, -ое, -ая; **кыв артмӧдан суффикс** словообразовательный суффикс; **кыв артмӧдан система** словообразовательная система; **кыв артмӧдан вежӧртас** словообразовательное значение; **кыв артмӧдан тип** словообразовательный тип; **форма артмӧдан** формообразующий, **форма артмӧдан суффикс** формообразующий суффикс.
- АРТМӦДӦМ образование; **кыв артмӧдӧм** 1. словообразование (дисциплина), *видзӧд сідзжӧ Кывартмӧм*; 2. образование новых слов.
- АРТМӦМ 1. происхождение; **кывйитӧдыас артмӧм** происхождение союзов; **кывторьяс артмӧм** происхождение частиц; **вежлӧг артмӧм** происхождение падежа; *видзӧд сідзжӧ Лоӧм*; 2. производный, -ое, -ая; **артмӧм кыв** производное слово; **артмӧм урчитаньяс** производные наречия.
- АС собственный, -ое, -ая; **ас ним** имя собственное; **ас субъекта вежӧртас** собственное субъектное значение.
- АСАЛАН 1. родительный падеж; 2. притяжательный, -ое, -ая; **асалан категория** категория притяжательности; **асалан вежӧртас** притяжательное значение; **асалан рӧм** оттенок притяжательности.

АСАЛАНТОР обладаемое.

АСАЛЁМ притяжательность, обладание.

АСАЛЫСЬ обладатель.

АСВЫЙЁНА независимый, -ое, -ая; **асвыйёна торъякыв** независимое слово; **асвыйёна вежортас** независимое (от контекста) значение; **асвыйёна субъект** независимый субъект; **асвыйёна кывпод** независимый инфинитив.

АСКОДЯЛЁМ ассимиляция, уподобление; **шы аскодялём** ассимиляция звуков; **прогрессивной аскодялём** прогрессивная ассимиляция; **регрессивной аскодялём** регрессивная ассимиляция.

АСКЫЛЁМ состояние; **пытшкёс аскылём петкөдлысь кадакывъяс** глаголы внутреннего состояния.

АСЛЫСАЛАН принадлежностный, -ое, -ая; **аслысалан вежлөгъяс** принадлежностные падежи; **аслысалан йитөдъяс** принадлежностные отношения.

АСШӨР 1. самостоятельный, -ое, -ая; **асшөр вежортас** самостоятельное значение; **асшөр кыв** самостоятельное слово; 2. свободный, -ое, -ая; **асшөр морфема** свободная морфема; 3. знаменательный, -ое, -ая; **асшөр кывсикасьяс** знаменательные части речи.

БОСЬТАН притяжательный падеж

ВЕЖАН заместительный, -ое, -ая; **вежан функция** функция замещения; **вежан-индан функция** функция замещения и указания; **вежана кывбөръяс** послелог замещения, *видзөд сідзжө Вежөм*.

ВЕЖЛАЛАН изменительный, -ое, -ая; **кыв вежлалан** словоизменительный, -ое, -ая; **кыв вежлалан суффикс** словоизменительный суффикс; **кыв вежлалан система** словоизменительная система; **кыв вежлалан парадигма** парадигма словоизменения.

ВЕЖЛАЛЁМ изменение; **кыв вежлалём** словоизменение; **кыв вежлалёмлөн колясьяс** остатки словоизменения.

ВЕЖЛАСЬТӨМ неизменяемый, -ое, -ая; **вежласьтөм кыв форма** неизменяемая словоформа; **вежласьтөм кывсикас** неизменяемая часть речи.

ВЕЖЛАСЯН (слово)изменение; **вежласян парадигма** парадигма словоизменения; **вежласян формаяс** формы словоизменения, *видзөд сідзжө Вежласяна*.

ВЕЖЛАСЯНА изменяемый, -ое, -ая; **вежласяна формаяс** изменяемые формы; **вежласяна кывсикасьяс** изменяемые части речи.

ВЕЖЛӨГ падеж, падежный, -ое, -ая; **вежлөг категория** категория падежа; **вежлөг чукөръяс** группы падежей; **вежлөга формаяс** формы падежей, падежные формы; **вежлөгъяслөн вежортасъяс** падежные значения; **вежлөгъясөн вөдитчөм** употребление падежей; **вежлөгъяс серти вежласьём** изменение по падежам, *видзөд сідзжө Вежлөгасьём*.

ВЕЖЛӨГАСЬӨМ изменение по падежам, склонение; **подув вежлөгасьөм** основное склонение; **индан-асалан вежлөгасьөм** лично-притяжательное склонение.

ВЕЖӨМ замещение; **вежөм вежөртаса кывбөр** послелог замещения.

ВЕЖӨРТАС значение; **паськыд вежөртас** широкое значение, **векньыд вежөртас** узкое значение; **подув вежөртас** основное значение; **содтөд вежөртасьяс** дополнительные (второстепенные) значения; **вежөртас вежсьөм** изменение значения; **вежөртас векньөдөм** сужение значения; **вежөртас ёнмөдөм** усиление значения; **вежөртас кутысь** значимый, -ое, -ая; **вежөртас кутысь юкөн** значимая часть; **вежөртас паськөдөм** расширение значения; **вежөртас рөм** нюанс, оттенок значения; **вежөртас-тор** оттенок значения; **вежөртас чусмөм (вушйөм, воштөм)** утрата значения.

ВЕЛӨДАНТОР предмет изучения; **морфологиялөн велөдантор** предмет морфологии.

ВЕНЛАСЬӨМ конкуренция; **формаяслөн венласьөм** конкуренция форм.

ВЕСЬКӨДЛАН(а) управляемый, -ое, -ая; **веськөдлан кыв** управляемое слово; **веськөдлан юкөн** управляемая часть; **веськөдлана кывтэчас** управляемое словосочетание.

ВЕСЬКӨДЛӨМ управление; **вежлөга веськөдлөм** падежное управление; **зэ-лыда веськөдлөм** сильное управление; **личыда веськөдлөм** слабое управление.

ВЕСЬКЫД 1. прямой, -ое, -ая; **веськыд объект** прямой объект; **веськыд сёрни** прямая речь; **веськыд дополнение** прямое дополнение; 2. абсолютный, -ое, -ая; **веськыд кад** абсолютное время; **веськыд када вежөртас** значение абсолютного времени.

ВЕТЛӨМ-МУНӨМ движение; **ветлөм-мунөм вежөртаса кадакывьяс** глаголы движения.

ВОАН предельный падеж.

ВОМГОРА устный, -ое, -ая; **вомгора сёрни** устная речь; **вомгора юөр** устное сообщение.

ВӨЧӨДАН понудительный, -ое, -ая; **вөчөдан сёрнивизь** понудительный залог; **вөчөдан вежөртас** понудительное значение.

ВУДЖАН 1. переходный падеж; 2. переходный, -ое, -ая; **вуджан кадакыв** переходный глагол; **вуджан вежөртас** переходное значение, значение переходности.

ВУДЖАН(ЛУН) переходность; **кадакывьяслөн вуджанлун** переходность глаголов.

ВУДЖӨДАН(а) переносный, -ое, -ая; **вуджөдан(а) вежөртас** переносное значение, *видзөд сидзжө Абу* **веськыд** 1.

ВУДЖТӨМ непереходный, -ое, -ая; **вуджтөм кадакыв** непереходный глагол; **вуджтөм вежөртас** значение непереходности.

ВУДЖТӨМ(ЛУН) непереходность; **кадакывьяслөн вуджтөмлун** непереходность глаголов.

ВУЖ корень, *видзёд* **Кыввуж**.

ВУЖКЫВ язык-основа.

ВЫНСЬӨДАН усилительный, -ое, -ая; **вынсьөдан вежөртас** усилительное значение; **вынсьөдан кывтор** усилительная частица.

ВЫНСЬӨДАН-МОРТА усилительно-личный, -ое, -ая; **вынсьөдан-морта нимвежтас** усилительно-личное местоимение; **вынсьөдан-морта форма** усилительно-личная форма.

ВЫНСЬӨДАН-ТӨДЧӨДАН усилительно-выделительные, -ое, -ая; **вынсьөдан-төдчөдан суффиксьяс** усилительно-выделительные суффиксы.

ДЖЕНЬДӨДӨМ ФОРМА краткая форма, *видзёд сідзжө* **Дженьыд**.

ДЖЕНЬЫД краткий, -ое, -ая; (кывбердлөн) **дженьыд форма** краткая форма (прилагательного); **дженьыд кывдін** краткая основа.

ДЗЕСКӨДӨМ ограничение; **функция дзескөдөм** ограничение функций; **дзескөдөм рөм** оттенок ограничения.

ДЗОНЬ ЛЫДПАСЬЯС целые числа.

ДІН основа *видзёд* **Кывдін**.

ДОНЬЯЛАНА оценочный, -ое, -ая; **доньялана вежөртас** оценочное значение; **кадакыв вежөртас доньялана тшупөдыяс** оценочные ступени глагольного значения; **субъективнөя доньялана формаяс** формы субъективной оценки.

ЁНЛУН интенсивность; **керөмлөн ёнлун** интенсивность действия; **качество петкөдчөмлөн ёнлун** интенсивность проявления качества.

ЗУМЫД 1. устойчивый, -ое, -ая; **зумыд кывтэчас** устойчивое словосочетание; **зумыд йитөдыяс** тесные связи; **зумыд морфема** устойчивая морфема; **зумыд вежөртас** устойчивое значение; 2. твердый, -ое, -ая; **зумыд кыв порядок** твёрдый порядок слов; **зумыд бала серти (вежласьны)** (изменяться) по твёрдой схеме; **зумыд артманног бала** твёрдая схема словообразования.

ИЗМӨМ застывший, -ее, -ая; **измөм формаяс** застывшие формы, *видзёд сідзжө* **Кын, Кыммөм**.

ИНА 1. местный падеж; 2. пространственный, -ое, -ая; местный, -ое, -ая; **ина кывбөрьяс** послелоги места; **дор ина кывбөрьяс** бокоместные послелоги; **бөр ина кывбөрьяс** заднеместные послелоги; **водз ина кывбөрьяс** переднеместные послелоги; **ув ина кывбөрьяс** нижнеместные послелоги; **выв ина кывбөрьяс** верхнеместные послелоги; **ортсы ина кывбөрьяс** внешнеместные послелоги; **кост ина кывбөрьяс** промежуточно-местные послелоги; **муртөс ина кывбөрьяс** предельноместные послелоги; **ина вежлөгьяс** пространственные (местные) падежи; **пытшкөс ина вежлөгьяс** внутриместные падежи; **ортсы ина вежлөгьяс** внешнеместные падежи; **матыс ина вежлөгьяс** приблизительно-местные падежи;

ина вежортаса урчитан наречие с местным значением; **ина-асалан кывбёр** послелог с местно-притяжательным значением.

ИНАСЬОМ локализация.

ИНДАН указательный, -ое, -ая; **индан нимвежтас** указательное местоимение; **индан кывтор** указательная частица; **индан вежортас** указательное значение.

ИНДАН-АСАЛАН определённо-притяжательный, -ое, -ая; **индан-асалан категория** категория притяжательности и определённости; **индан-асалан суффиксыяс** определённо-притяжательные суффиксы; **индан-асалан вежлөгасьом** определённо-притяжательное склонение; **индан-асалан вежортас** определённо-притяжательное значение.

ИНДАН-УРЧИТАН указательно-определятельный, -ое, -ая; **индан-урчитан вежортас** указательно-определятельное значение.

ИНЫСЬ ИНЁ ВУДЖАН КАДАКЫВ глагол движения, перемещения в пространстве.

ИЧӨТМӨДАН уменьшительный, -ое, -ая; **ичөтмөдан суффикс** уменьшительный суффикс; **ичөтмөдан-меліөдан суффикс** уменьшительно-ласкательный суффикс; (керөмлөн) **ичөтмөдан сикас** уменьшительный способ глагольного действия; **ичөтмөдан вежортас** значение уменьшительности.

ЙӨЗ СЁРНИ косвенная речь; **йөз сёрни петкөдлан вежортас** значение косвенной речи; **йөз сёрни вылө ытысян кывтор** частица косвенной речи.

КАД время; **кад категория** категория времени; **кад вежортаса урчитан** наречие времени.

КАДА временной, -ое, -ая; **кад(а) формаяс** формы времени; **када кывбёр** временной послелог; **када кывйитөд** временной союз.

КАДАКЫВ глагол; **кадакывлөн вежортасыяс** значения глагола; **када-кывйысь артмөм эмакывьяс** отглагольные существительные.

КАДАКЫВБЕРДСА приглагольный, -ое, -ая; **кадакывбердса кывтор** приглагольная частица.

КАДАКЫВПОД, КЫВПОД инфинитив.

КАЧЕСТВОА качественный, -ое, -ая; **качествоа кывберд** качественное прилагательное; **качествоа урчитан** качественное наречие.

КЕРАНТОРЪЯ творительный падеж.

КЕРӨМ, КЕРӨМ-ВӨЧӨМ действие; **керөм вылө индөм** указание на действие; **керөм мунанног** способ глагольного действия.

КЕРӨМ ВӨЧЫСЬ, КЕРЫСЬ субъект.

КОЛИЧЕСТВОА количественный, -ое, -ая; **количествоа-лыда вежортас** количественно-счётное значение.

КОЛЯН прошедший, -ее, -ая; **колян кад** прошедшее время; **колян када ногакывьяс** деепричастия прошедшего времени.

КОЛЯС реликт.

КОСТ пауза.

КӖСЙӖМ волеизъявление; **кӖсйӖм петкӖдлысь междометиеяс** междометия волеизъявления.

КУД состав; **шы куд** фонемный состав; **морфема куд** морфемный состав.

КЫВ 1. язык; **кыв единица** единица языка; **кывлӧн пытшкӧсса тэчас** внутренней структура языка; **кывлӧн тшупӧдыс** уровни (ярусы) языка; **мывывса кывъяс** языки мира; 2. слово, *видзӧд* **Торъякыв**.

КЫВАРТМӖМ словообразование (дисциплина).

КЫВБЕРД прилагательное; **качествоа кывберд** качественное прилагательное; **кывберд вежысь нимвежтасъяс** адъективные местоимения.

КЫВБӖР послелог; **кывбӖра тэчас** послеложная конструкция.

КЫВВОДЗ приставка.

КЫВВОР лексика, словарный состав, вокабуляр.

КЫВВОРА лексический, -ое, -ая; **кыввора вежӧртас** лексическое значение.

КЫВВУЖ, ВУЖ корень, корневой, -ое, -ая; **кыввуж морфема** корневая морфема; **торъякывлӧн вуж** корень слова; **ӧткодь вужъя кывъяс** однокорневые слова; **кыввужпомса шы** конечный звук корня.

КЫВДӢН, ДӢН основа; **кадакывдӢн** глагольная основа; **нимкывдӢн** именная основа; **эмакывдӢн** основа существительного; **кывберддӢн** основа прилагательного; **урчитан кывдӢн** основа наречия; **нимвежтас кывдӢн** местоименная основа; **лыдакывдӢн** основа числительного; **кывдӢн дженьдӧдӧм** усечение основы; **кывдӢнпомса шы** звук конца основы.

КЫВЙИТӖД союз; **кывйитӖд сяма кывторъяс** союзные частицы; **кывйитӖд кыв** союзное слово; **кывйитӖд чукӧръяс** группы союзов.

КЫВЙӢВ флексия.

КЫВПЕЛЬ слог; **кык кывпеля кыв** двусложное слово; **куим кывпеля кывдӢн** трёхсложная основа.

КЫВПОД *видзӧд* **Кадакывпод**.

КЫВСИКАС часть речи.

КЫВТОР частица; **кывтор чукӧръяс** группы частиц.

КЫВТЭЧАС словосочетание; **зумыд кывтэчас** устойчивое словосочетание; **абу зумыд кывтэчас** свободное словосочетание.

КЫВ ФОРМА словоформа.

КЫВ ЧУКӖР разряд слов; **лексико-грамматическӧй кыв чукӧръяс** лексико-грамматические разряды слов.

КЫК двойной, -ое, -ая, дву-; **кыкпӧвста соссьӧм** двойное отрицание; **кыкпӧвста вежӧртас** двуступенчатое значение; **кык субъекта** двусубъектный; **кык объекта** двуобъектный.

КЫКА 1. двойственный, -ое, -ая; **кыка лыд** двойственное число; 2. парный, -ое, -ая; **кыка кадакывъяс** парные глаголы; **кыка кывъяс** парные слова.

КЫКПӖВЪЁВТАН(а) двойной, удвоенный, -ое, -ая; **кыкпӖвъявтана соссяна тэчас** конструкция с двойным отрицанием.

КЫКПӨВЬЁВТӨМ редупликация, удвоение; **суффикс кыкпөвьёвтөм** редупликация суффиксов.
 КЫН, КЫНМӨМ застывший, -ее, -ая; **кынмөм вежлөг формаяс** застывшие падежные формы, *видзөд сідзжө* **Измөм**.
 ЛАДМӨДЧӨМ согласование.
 ЛОВТӨМ неодушевлённый, -ое, -ая; **ловтөм эмакывьяс** неодушевлённые имена существительные.
 ЛОВТӨМЛУН неодушевлённость.
 ЛОВТӨМТОР неодушевлённый предмет.
 ЛОВЬЯ 1. одушевлённый, -ое, -ая; **ловья эмакывьяс** одушевлённые существительные; **ловья-ловтөм категория** категория одушевлённости-неодушевлённости. 2. спонтанный, разговорный; **ловья сёрни** спонтанная речь.
 ЛОВЬЯЛУН одушевлённость; **ловьялун категория** категория одушевлённости.
 ЛОКТАН будущий, -ее, -ая; **локтан кад** будущее время; **локтан када шөркыв** причастие будущего времени.
 ЛОНЫ ВЕРМАНА потенциальный, -ое, -ая, возможный, -ое, -ая; **лоны вермана керөм** потенциальное действие; **лоны вермана вежөртас** возможное значение.
 ЛОӨМ происхождение, появление, возникновение; **вежлөг формаяс лоөм** происхождение падежных форм; **вежөртасьяс лоөм** возникновение значений; **выль категорияяс лоөм** появление новых категорий, *видзөд сідзжө* **Артмөм, Чужөм**.
 ЛОСЯВТӨМЛУН несоответствие.
 ЛЫД число; **уна лыд** множественное число; **өтка лыд** единственное число; **лыд категория** категория числа; **лыд петкөдлысь** суффикс суффикс числа.
 ЛЫДА числовой, -ое, -ая, количественный, -ое, -ая; **лыда формаяс** числовые формы; **лыда кывбөрьяс** количественные послелоги; **уна лыда суффикс** суффикс множественного числа.
 ЛЫДАКЫВ числительное; **лыдакыв вежысь нимвежтас** квантитативное местоимение.
 ЛЫДА-МОРТА счётно-личный, -ое, -ая; **лыда-морта нимвежтасьяс** счётно-личные местоимения.
 ЛЫДДЬӨДЛАН(а) перечислительный, -ое, -ая; **лыддьөдлана вежөртас** значение перечисления; **лыддьөдлана шуөм** перечислительная интонация; **лыддьөдлан пöрадок** порядок перечисления.
 МАТИ ВУДЖАН ВЕЖЛӨГ приблизительно-переходный падеж.
 МАТӨ МАТЫСТЧАН ВЕЖЛӨГ направительный падеж.
 МАТӨДЗ ВОАН ВЕЖЛӨГ приблизительно-предельный падеж.
 МАТЫС приблизительно, -ое, -ая; **матыс вежөртас** приблизительно значение; **матыс ина вежлөгьяс** приблизительно-местные падежи.

МАТЫСТЧАН приблизительный падеж.
МАТЫСЬ ПЕТАН ВЕЖЛӖГ приблизительно-исходный падеж.
МЕДВЫЛЫС превосходный, -ое, -ая; **медвылыс тшупӖд** превосходная степень.
МАТЫСЬ ЫЛЫСТЧАН ВЕЖЛӖГ приблизительно-отдалительный падеж.
МЕДВОДДЗА первичный, -ое, -ая; **медводдза вежӖртас** первичное значение, *видзӖд сӗдзжӖ* **Подув**.
МОГ цель; **мог петкӖдлысь кывтор** целевая частица; **мог кывбӖръяс** целевые послелогии.
МОГМАН достигаемый падеж.
МОРТ лицо.
МОРТА личный, -ое, -ая; **морта нимвежтас** личное местоимение; **морта суффиксыас** личные суффиксы; **морта формаяс** личные формы.
МОРТА-ЛЫДА 1. лично-числовой, -ое, -ая; **морта-лыда формаяс** лично-числовые формы; **морта-лыда категория** категории лица и числа; 2. финитный, -ое, -ая; **морта-лыда кадакыв** финитный глагол.
МОРТАСЬӖМ спряжение.
МОРТТӖМ 1. безличный, -ое, -ая; **морттӖм кадакыв** безличный глагол; **морттӖм сӗрникузя** безличное предложение; **морттӖм предикативнӖй кывьяс** безлично-предикативные слова; 2. неличный, -ое, -ая; **морттӖм нимвежтас** неличное местоимение.
МОРТТӖМ-ЛЫДТӖМ неизменяемый, -ое, -ая, инфинитный. -ое, -ая; **кадакывлӖн морттӖм-лыдтӖм формаяс** инфинитные формы глагола.
МОД (МУКОД) КЫВСИКАС ТУЙЫН ПЕТКӖДЧӖМ транспозиция; **эмакыв туйын петкӖдчӖм** субстантивация; **кывберд туйын петкӖдчӖм** адъективизация; **урчитан туйын петкӖдчӖм** адвербиализация.
МУНАННОГ способ протекания; **действие мунанног** способ грамматического действия; **керӖм мунанног категория** категория способа действия.
НИМ имя; **абстрактнӖй ним** абстрактное имя; **вещественнӖй ним** вещественное имя; **конкретнӖй ним** конкретное имя; **ловья ним** одушевлённое имя; **ловтӖм ним** неодушевлённое имя.
НИМ(а) именной, -ое, -ая; **ним категория** именная категория; **нима кывтӗчас** именное словосочетание; **нима сӗрникузя** именное предложение.
НИМВЕЖТАС местоимение.
НИМТАН 1. именительный падеж; 2. назывной, -ое, -ая; **нимтан функция** назывная функция.
НОГ способ, образ действия; **нога кывбӖръяс** послелогии образа действия.
НОГАКЫВ деепричастие; **ногакыв сикас** типы деепричастий; **ногакыв урчитан туйын петкӖдчӖм** адвербиализация деепричастий; **ногакывлӖн керӖм** деепричастное действие.

ОМÖЛЪТАН уменьшительный, -ое, -ая; **кадакыв вежöртаслön омöльтан тшупöд** уменьшительная ступень глагольного значения.

ОРТСЫ внешний, -ее, -ая; **ортсы ина вежлöгъяс** внешнеместные падежи; **ортсы качество** внешнее качество; **ортсыса субъект** внешний субъект; **ортсы кывйыв** внешняя флексия.

ОРЧЧÖДАН(а) сопоставительный, -ое, -ая; **орччöдан вежöртас** значение сопоставления; **орччöдана кывйитöд** сопоставительный союз; **орччöдана-паныд сувтöдана йитöдъяс** сопоставительно-противительные отношения.

ОТСАСЯН(а) 1. служебный, -ое, -ая; **отсасяна кывъяс** служебные слова; **отсасяна кывсикасъяс** служебные части речи; **отсасян морфема** служебная морфема; 2. вспомогательный, -ое, -ая; **отсасяна кадакыв** вспомогательный глагол.

ÖНІЯ 1. современный, -ое, -ая; **öнія коми кыв** современный коми язык; 2. настоящий, -ее, -ая; **öнія кад** настоящее время; **öнія када ногакыв** деепричастие настоящего времени.

ÖТВЫВТАН(а) 1. обобщённый, -ое, -ая; **öтвывтан нимвежтас** обобщённое местоимение; 2. собирательный, -ое, -ая; **öтвывтан категория** категория собирательности; **öтвывтан эмакывъяс** собирательные существительные; **унатор öтвывтана вежöртас** значение собирательной множественности; **гозйöн öтвывтана вежöртас** значение собирательной двойственности; 3. соединительный, -ое, -ая; **öтвывтана кывйитöд** соединительный союз; 4. совместный, -ое, -ая; **öтвывтана кывбöр** послелог совместности.

ÖТИ одно-, моно-, **öти вежöртас кутысь** моносемантический, -ое, -ая; **öти субъекта** односубъектный, -ое, -ая; **öти субъекта ногакыв** односубъектное деепричастие; **öти юкöна сёрникузя** односоставное предложение.

ÖТКА 1. единственный, -ое, -ая; **öтка лыд** единственное число; 2. единичный, -ое, -ая; **öтка кыв** отдельное слово; 3. одиночный, -ое, -ая; **öтка кывбöръяс** одиночные (несерийные) послелоги; **öтка определение** одиночное определение; **öтка ногакыв** одиночное деепричастие.

ÖТКАТОР единичность.

ÖТКОДЯЛАН(а) 1. сравнительный падеж; 2. сравнительный, -ое, -ая; **öткодялан конструкция** сравнительная конструкция; **öткодялан кывйитöдъяс** сравнительные послелоги; **öткодялан кывтор** сравнительная частица; **öткодялан кывбöръяс** послелоги сравнения; **öткодялан тшупöдъяс** степени сравнения; **медвылыс öткодялан тшупöд** превосходная степень сравнения.

ÖТЛААСТИТАН(а) сопоставительный, -ое, -ая; **öткодялан-öтлааститан метод** сравнительно-сопоставительный метод.

ÖТСЯМА однородный, -ое, -ая; **öтсяма кывйитöдъяс** однородные союзы; **сёрникузяса öтсяма членъяс** однородные члены предложения.

ӨТСЯМАЛУН однородность.

ӨТУВЬЯ совместный, -ое, -ая; коллективный, -ое, -ая; **өтувья вежөртас** совместное значение; **өтувья субъекта вежөртас** значение коллективного субъекта; **өтувья субъекта шөркыв** причастие коллективного субъекта.

ӨТУВЬЯЛУН совместность.

ӨШМӨС источник; **өшмөс вежөртас** значение источника (действия, предмета).

ПАНЫД противоположный, -ое, -ая; **паныд вежөртас** противоположное значение; **паныд вежөртаса кыв** антоним; **паныд сувтөдана кывйитөд** противительный союз.

ПЕРТАС облик, форма; **шы пертас** фонетический облик; **кадакыв пертас** глагольная форма.

ПЕТАН исходный падеж.

ПЕТКӨДЧӨМ явление.

ПОДУВ 1. основной, -ое, -ая; **подув форма** основная форма; **подув вежөртас** основное значение; **подув кывсикасьяс** основные части речи; **подув вежлөгасьом** основное склонение; 2. положительный, -ое, -ая; **подув тшупөд** положительная степень; **подув мортасьом** положительное спряжение.

ПОЗ 1. гнездо; **суффикс поз** гнездо суффиксов; **кыв артмөдан поз** словообразовательное гнездо; 2. серия; **кывбөр поз** серия послелогов; **позья кывбөрьяс** серийные послелогии.

ПОМАСЬӨМ завершённый, -ое, -ая; **помасьом действие** завершённое действие; **помасьом колян кад** завершённое прошедшее время.

ПОМАСЬТӨМ незавершённый, -ое, -ая; **помасьтөм колян кад** незавершённое прошедшее время.

ПОМКА причина; **помка вежөртас** значение причины (действия, состояния); **помка(а) кывбөрьяс** послелогии причины; **помка(а) кывйитөд** причинный союз.

ПОМТШУПӨД предел.

ПӨВСТА кратность.

ПРОСТМӨДӨМ опрощение.

ПЫРАН вступительный падеж.

ПЫРӨМ заимствованный, -ое, -ая; **пырөм кывьяс** заимствованные слова; **пырөм кывторьяс** заимствованные частицы.

ПЫРТАНА 1. вводный, -ое, -ая; **пыртана кывторьяс** вводные частицы; **пыртана шуанног** вводная интонация; 2. вставной, -ое, -ая; **пыртана тэчас** вставная конструкция.

ПЫРТӨД введение; **морфологияө пыртөд** введение в морфологию; **кыв туялөмө пыртөд** введение в языкознание.

ПЫТШКӨС внутренний, -ее, -ая; **пытшкөс ина вежлөгьяс** внутреннеместные падежи; **пытшкөс кывйыв** внутренняя флексия; **пытшкөсса тэчас** внутренняя структура; **пытшкөсса өтувьялун** внутреннее единство.

РАЗОДАНА распределительный, -ое, -ая; **разодана вежортас** распределительное значение.
 РЕФЛЕКСИВ возвратный, -ое, -ая; **рефлексив вежортас** возвратное значение; **шёр рефлексив вежортас** средне-возвратное значение; **мёда-мёд рефлексив вежортас** взаимно-возвратное значение.
 СЕРПАСАЛАН(а) изобразительный, -ое, -ая; **сerpасалан междометие** изобразительное междометие; **сerpасалан урчитан** изобразительное наречие.
 СЕРПАСАЛЁМ описание.
 СЕТАН дательный падеж.
 СЕТЧАНА уступительный; **сетчана вежортас** уступительное значение; **сетчана кывйитёд** уступительный союз.
 СЁРНИ речь; **веськыд сёрни** прямая речь; **йёз сёрни** косвенная речь; **йитёда сёрни** связная речь.
 СЁРНИВИЗЬ залог; **сёрнивизь категория** категория залога; **сёрнивизь вежортаса суффиксыяс** залоговые суффиксы; **рефлексив сёрнивизь** возвратный залог; **вёчөдан сёрнивизь** понудительный залог.
 СЁРНИКУЗЯ предложение.
 СЁРНИТАН разговорный, -ое, -ая; **сёрнитан кыв** разговорный язык.
 СЁРНИТАННОГ наклонение; **сёрнитанног категория** категория наклонения; **юёртана сёрнитанног** изъявительное наклонение; **тшөктана сёрнитанног** повелительное наклонение.
 СЁРНИТАНТОР предмет, объект речи.
 СИБАВНЫ примыкать; **урчитан сибалё кадакыв дорё, кадакыв сибөдө урчитан** наречие примыкает к глаголу.
 СИБӨДӨМ примыкание.
 СИКАС разряд, класс, вид; **морфема сикас** разряд морфем; **вежортас сикас** виды значений.
 СИКАСАВНЫ классифицировать.
 СИКАСАЛЁМ классификация.
 СОДТАНА присоединительный, -ое, -ая; **содтана кывтор** присоединительная частица; **содтана кывйитёд** присоединительный союз.
 СОДТӨД 1. дополнительный, -ое, -ая; **содтөд вежортас** дополнительное значение; **содтөд предмет, керөм вежортас** значение дополнительного предмета, действия; **содтөд рөм** дополнительный оттенок; 2. придаточный, -ое, -ая; **содтөд сёрникузя** придаточное предложение.
 СОРАСА, СОРА, смешанный, -ое, -ая; гибридный, -ое, -ая; **сора(са) вежлөгасьём** смешанное склонение; **сора(са) кадакыв форма** гибридная глагольная форма; **сора(са) кывсикас** смешанные части речи.
 СОССЬӨМ отрицание; **кык пөв соссьём** двойное отрицание.
 СОССЯН(а) отрицательный, -ое, -ая; **соссян вежортас** отрицательное значение; **соссян кывтор** отрицательная частица; **соссян кадакыв** отрица-

тельный глагол; **кадакывбердса соссян кывтор** отрицательная приглагольная частица; **соссян нимвежтас** отрицательное местоимение; **соссян мортасьом** отрицательное спряжение; **соссян шörкыв** отрицательное причастие; **соссян ногакыв** отрицательное деепричастие.
 СТОЧМОДАН(а) уточняющий, -ее, -ая; **стöчмодан кывтор** уточняющая частица; **стöчмодан-ötвывтан вежörtас** уточняюще-обобщающее значение.
 СТОЧМОДТОМ неточный, -ое, -ая; неопределённый, -ое, -ая; **стöчмодтöм лыд** неточное (приблизительное) количество; *видзöд сідзжö Урчиттöм*.
 СУФФИКСПУ суффиксоид.
 СЬÖКТА нагрузка; **функция сьöкта** функциональная нагрузка.
 СЮРÖС основа, основной, -ое, -ая; **вежörtас артмöдысь сюрös** смыслообразующая основа; **сюрös функция** основная функция; *видзöд сідзжö Пöдүв 1*.
 ТОРЙÖДАН(а) 1. лишительный падеж; 2. разделительный, -ое, -ая; **торйöдана кывйитöд** разделительный союз; 3. распределительный, -ое, -ая; **торйöдана вежörtас** распределительное значение; 4. исключительный, -ое, -ая; **торйöдана кывбör** послелог исключения.
 ТОРЙÖДОМ обособление; **торйöдöм определение** обособленное определение.
 ТОРЪЯКЫВ, КЫВ слово; **торъякыв чукör** разряд слов; **кыв форма** словоформа; **кыв состав** состав слова; **кыв юкön** часть слова; **торъякывьясь бергалöм** функционирование слов.
 ТОРЪЯЛАН(а) отличительный, -ое, -ая; **торъялана признак** отличительный признак.
 ТОРЪЯЛАНЛУН различие.
 ТÖДЧАН(а) значимый, -ое, -ая.
 ТÖДЧАНЛУН значение, значимость.
 ТÖДЧÖДАН(а)–ВЕКНЬÖДАН(а) ограничительный, -ое, -ая; **тöдчöдан-векньöдан кывтор** выделительно-ограничительная частица.
 ТШÖКТАН(а) повелительный, -ое, -ая; **тшöктана шуанног** повелительная интонация; **тшöктана сёрнитанног** повелительное наклонение.
 ТШÖТ счётный, -ое, -ая; **тшöт система** счётная система.
 ТШУПÖД 1. степень; **керöм тшупöдыяс** степени глагольного действия; **кадакыв вежörtаслön тшупöдыяс** степени глагольного значения; **ötкодьялан тшупöдыяс** степени сравнения; 2. уровень, ярус; **кывлön тшупöдыяс** языковые уровни.
 ТЫР полный, -ое, -ая; **тыр форма** полная форма; **тыр кывдін** полная основа.
 ТЫРТÖМ пустой, -ое, -ая; незначащий, -ее, -ая; **тыртöм морфема** пустая морфема; **тыртöм юкön** незначащая часть.
 ТЭЧАС 1. структура; **сёрникузя тэчас** структура предложения; **кыв тэчас** структура слова; **пытшкöсса тэчас** внутренняя структура; **текст тэчас**

структура текста; **кывлӧн шы тэчас** фонетическая структура слова; 2. сочетание, конструкция; **суффикс тэчас** сочетание суффиксов, суффиксальная комбинация; **кывбӧра тэчас** послеложная конструкция; **эма-кывъя-кывберда тэчас** сочетание существительного с прилагательным; 3. составной, -ое, -ая; **лыдакыв тэчас** составное числительное; **тэчаса предикат** составное сказуемое.

ТЭЧАСА сложный, -ое, -ая; **тэчаса кыв** сложное слово; **тэчаса лыдакывъяс** сложные числительные; **тэчаса кывдін** сложная основа.

ТЭЧАСНОГ строй, структура; **кывлӧн грамматика тэчас ног** грамматический строй языка; **текстлӧн тэчасног** структура текста; **кывлӧн пытшкӧсса тэчасног** внутренняя структура языка; **сёрникузя тэчасног** структура предложения.

УНА множественный, -ое, -ая; **уна лыд** множественное число; **уна лыда суффикс** суффикс множественного числа.

УНАТОР множественность; **унатор ӧтвывтана вежӧртас** значение собирательной множественности.

УРЧИТАН 1. наречие; **урчитана нимвежтас** адвербиальное местоимение; **урчитанӧ пӧрӧм** адвербиализация; 2. уточнительный, -ое, -ая; **урчитан-стӧчмӧдан кывторъяс** определительно-уточнительные частицы; **урчитана кывйитӧдъяс** уточнительные союзы.

УРЧИТОМ определённый, -ое, -ая; **урчитом морт** определённое лицо; **урчитом субъекта шӧркыв** причастие определённого субъекта; **урчитом морта-лыда ногакывъяс** деепричастия определённого лица и числа; **урчитом кывпод** определённый инфинитив.

УРЧИТТОМ неопределённый, -ое, -ая; **урчиттом нимвежтас** неопределённое местоимение; **стӧч урчиттом вежӧртас** неопределённое значение; **урчиттом кывпод** неопределённый инфинитив; **урчиттом лыд** неопределённое количество; **урчиттом керысь** неопределённый субъект; **урчиттом керыся шӧркывъяс** причастия неопределённого субъекта.

УРЧИТТОМЛУН неопределённость.

ЧУЖӖМ происхождение; **вежлӧг формаяс чужӖм** происхождение падежных форм; **вежӧртас чужӖм** происхождение значения, *видзӧд сідзжӧ Артмӧм, Лоӧм*.

ШӖР средне-: **шӧр рефлексив вежӧртас** средневозвратное значение; **шӧр ина кывбӧръяс** среднеместные послелоги.

ШӖРКЫВ причастие.

ШУАННОГ 1. произношение; 2. интонация; **лыддьӧдлана шуанног** перечислительная интонация; **тшӧктана шуанног** повелительная интонация.

ШЫ звук, фонема; **шы тэчас** звуковой состав; **шы содтӧм** вставка звука; **содтысян шы** вставочный звук; **шы воштӧм** выпадение звука; **шыяс вежлалӧм** звукозамена; **шыяскостса процессъяс** звуковые процессы.

ШЫПАС буква.

ШЫ СЕТАН звукоподражательный, -ое, -ая; **шы сетан кадакыв** звукоподражательный глагол.

ЫЛӖС, ЫЛӖССА приблизительный, -ое, -ая; **ылӖс лыдакывъяс** приблизительные числительные; **ылӖсса локтан кад** неопределённое будущее время; **ылӖсса ӧткодьлун** приблизительное сходство.

ЫЛЫСТЧАН отдалительный падеж.

ЫШӖДАН(а) побудительный, -ое, -ая; **ышӖдана модальной вежӧртас** побудительное значение; **ышӖдана междометие** побудительное местоимение.

ЭМАКЫВ существительное; **эмакыв вежысь нимвежтас** субстантивное местоимение; **эмакывӧ пӧрӧм** субстантивация.

ЭМЛУН наличие; **эмлун серти признак** признак по наличию ч.-л.

ЭМТОР предмет.

ЭСКӖДАН(а) утвердительный, -ое, -ая; **эскӖдан(а) кывтор** утвердительная частица.

ЮАЛАН(а) вопросительный, -ое, -ая; **юалан нимвежтас** вопросительное местоимение; **юалан кывтор** вопросительная частица; **юалан шуанног** вопросительная интонация; **юалан пас** вопросительный знак.

ЮАЛАН-ЙИТАН вопросительно-относительный, -ое, -ая; **юалан-йитан нимвежтас** вопросительно-относительное местоимение.

ЮКЛӖМ дробный, -ое, -ая; **юклӖм лыдакывъяс** дробные числительные.

ЮКӖМ членение; **кыв морфемаяс вылӧ юкӖм** морфемное членение слова; **кывсӧ мӧд ног юкӖм** переразложение слова; **кывсӧ выль пӧв юкӖм** вторичное членение слова.

ЮКСЬӖМ разделение.

ЮӖРТАНА 1. изъявительный, -ое, -ая; **юӧртана сӧрнитанног** изъявительное наклонение; 2. повествовательный, -ое, -ая; **юӧртана сӧрникузя** повествовательное предложение; **юӧртана шуанног** повествовательная интонация.

ЮӖРТАНТОР сообщение.

ЮРИНДАЛЫСЬ

В о д з к ы в	3
П ы р т ö д. Морфология грамматика туялысь мукöд наукаяс пöвстын: сылöн велöдантор да могъяс (Г.Федюнёва)	7
М о р ф е м и к а	10
1. Коми кывлöн морфема куд (Г.Федюнёва)	11
1 §. Морфема	11
2 §. Морфемаяслöн сикасьяс	11
3 §. Морфемаяскостса системнöй йитöдъяс	13
2. Коми кывйын морфонологическöй петкöдчöмъяс (Г.Федюнёва)	17
4 §. Морфемаяслöн шы тэчас	17
5 §. Коми кывйын морфонологическöй петкöдчöмъяс	19
6 §. Морф	20
7 §. Торъякывлöн морфема тэчас	22
3. Коми кывлöн морфонологическöй тип (Г.Федюнёва)	23
К ы в с и к а с ь я с т у я л ö м. Парадигматика	27
4. Торъякыв – морфологиялöн велöдантор (Г.Федюнёва)	27
8 §. Грамматика вежöртас	27
9 §. Грамматика форма	28
10 §. Грамматика категория	29
11 §. Торъякывъяс сикасалöм: юрподувъяс	30
12 §. Коми кывсикасьяс	32
13 §. Коми кывсикасьяслöн дженьыд история	34
А с ш ö р к ы в с и к а с ь я с	38
5. Эмакыв (Г.Некрасова)	38
14 §. Эмакывлöн лексико-грамматическöй кыв чукöръяс	39
15 §. Эмакывлöн грамматика категорияяс	43
16 §. Лыд категория	44
17 §. Индан-асалан категория (Г.Федюнёва)	54
18 §. Вежлöг категория	59
19 §. Вежлöгасьöм	60
20 §. Вежлöгъяслöн вежöртас тэчас	62
21 §. Качество тшупöд категория	95
6. Кывберд (В.Лудыкова)	96
22 §. Кывбердлöн лексико-грамматическöй кыв чукöръяс	102

23 §. Кывбердлөн грамматика категорияс. Ӗткодялан тшупӧдъяс	116
Ӗткодялан тшупӧдъяс петкӧдлысь формяслӧн бергалӧм (Г. Некрасова)	119
24 §. Кывбердлөн качество тшупӧдъяс	125
25 §. Кывбердлӧн эмакыв туйын петкӧдчӧм	133
26 §. Морттӧм предикативнӧй кывъяс	135
7. Лыдакыв (Г. Федюнёва)	139
27 §. Лыдакывлӧн лексико-грамматическӧй кывтӧчасъяс	141
28 §. Лыдакывлӧн грамматика категорияс. Пӧрадок индан категория	144
29 §. Ӗтвывтан категория	146
30 §. Лыдакывлӧн мукӧд кывсикасъяс туйын петкӧдчӧм	146
8. Нимвежтас (Г. Федюнёва)	155
31 §. Нимвежтас кыдзи кывсикас	155
32 §. Эмакыв вежысь (субстантивнӧй) нимвежтасъяс	156
33 §. Субстантивнӧй нимвежтасъяслӧн грамматика категорияс. Лыд категория	157
34 §. Вежлӧг категория	162
35 §. Кывберд вежысь (адъективнӧй) нимвежтасъяс	195
36 §. Адъективнӧй нимвежтасъяслӧн грамматика категорияс. Лыд категория	198
37 §. Ӗткодялан тшупӧдъяс категория	198
38 §. Лыдакыв вежысь нимвежтасъяс	198
39 §. Урчитана нимвежтасъяс	199
40 §. Урчитана нимвежтасъяслӧн грамматика формяс	205
9. Кадакыв (Е. Цыпанов)	207
41 §. Кадакыв кыдзи кывсикас. Сылӧн тӧчасног	207
42 §. Кадакывлӧн лексико-грамматическӧй чукӧръяс	210
43 §. Вуджан да вуджтӧм кадакывъяс	213
44 §. Кадакывлӧн морта формяс	216
45 §. Кадакывлӧн грамматика категорияс	219
46 §. Морта-лыда категория	219
47 §. Сӧрнитанног категория	231
48 §. Кад категория	237
49 §. Сӧрнивизь категория	261
50 §. Аспектуальность йылысь	283
51 §. Керӧм мунанног категория	288
52 §. Кадакыв керӧмлӧн тшупӧдъяс	310
53 §. Кадакывлӧн морттӧм сикасъяс	316
54 §. Кывпод	318
55 §. Шӧркыв	324
56 §. -Ысь суффикса ӧнӧя када шӧркыв	330
57 §. -Ан суффикса ӧнӧя када шӧркыв	332
58 §. -Ана суффикса ӧнӧя када шӧркыв	335

59 §. -Ӧм суффикса колян када шӧркыв	337
60 §. -Ӧма суффикса колян када шӧркыв	341
61 §. -Тӧм суффикса соссяна шӧркыв	342
62 §. Ногакыв	344
63 §. -Мысьт суффикса ногакыв	353
64 §. Ӧнӳ када ногакывъяс	354
65 §. -Иг(-ig), -игъяс суффикса ногакыв	355
66 §. -Игӧ(-igӧ), -игъясӧ суффикса ногакыв	357
67 §. -Игӧн(-igӧн), -игъясӧн суффикса ногакыв	359
68 §. Урчитӧм морта ногакывъяс	362
69 §. -Игам(-igam) суффикса 1 морта ӧтка лыда ногакыв	363
70 §. -Иганым(-igany) суффикса 1 морта уна лыда ногакыв	364
71 §. -Игад(-igad) суффикса 2 морта ӧтка лыда ногакыв	364
72 §. -Иганыд(-iganyd) суффикса 2 морта уна лыда ногакыв	367
73 §. -Игас(-igas) суффикса 3 морта ӧтка лыда ногакыв	367
74 §. -Иганыс(-igany) суффикса 3 морта уна лыда ногакыв	369
75 §. Ӧнӳ када -игмоз(-igmoz) суффикса ногакыв	370
76 §. Ӧнӳ када -игсор(-igsorӧн) суффикса ногакыв	372
77 §. Ӧнӳ када -игтыр(-igtyr) суффикса ногакыв	373
78 §. Ӧнӳ када -игчӧж суффикса ногакыв	376
79 §. -Игкості(-igkosta) суффикса ӧнӳ када ногакыв	378
80 §. -Ана, -анаа суффиксъяс ӧнӳ када ногакывъяс	381
81 §. -Анмоз суффикса ӧнӳ када ногакыв	383
82 §. -Ӧмӧн суффикса ӧнӳ/колян када ногакыв	384
83 §. -Тӧг суффикса ӧнӳ/колян када соссяна ногакыв	387
84 §. Вӧвлытӧм керӧм вылӧ индысь -игкежлӧ суффикса ногакыв	392
85 §. -Тӧдз суффикса ногакыв	396
86 §. -Мӧн суффикса герундиум	399
10. Урчитан (Г.Федюнёва)	404
87 §. Коми урчитанлӧн тэчасног	407
88 §. Тэчасног боксянь прӧст урчитанъяс	407
89 §. Артмӧм урчитанъяс	410
90 §. Транспозиция отсӧгӧн артмӧм урчитанъяс	419
91 §. Урчитанлӧн лексико-грамматическӧй кыв чукӧръяс	427
92 §. Урчитанлӧн грамматика категорияс	432
Отсаяна кывсикасъяс	435
11. Кывбӧр (Г.Некрасова)	435
93 §. Кывбӧрлӧн торъякывъяскӧд паныдасълӧм	435
94 §. Кывбӧра тэчасын йитӧд	438
95 §. Кывбӧрын кыв вежлалӧмлӧн колясъяс	439
96 §. Кывбӧра тэчасъяслӧн сӧрникузын ин	442

97 §. Артманног серти кывбөр чукörьяс	443
98 §. Вежörтас серти кывбөр чукörьяс	448
12. Кывйитöд (<i>Э.Попова</i>)	487
99 §. Кывйитöдьяс артмöm серти	488
100 §. Кывйитöдьяслөн тэчасног	489
101 §. Кывйитöдьяслөн функция да вежörтасьяс серти торьялöm	489
102 §. Кывйитöдьяслөн сёрникузяын ин	501
13. Кывтор (<i>Э.Попова</i>)	502
103 §. Кывторьяс артмöm серти	504
104 §. Кывторьяслөн тэчасног	505
105 §. Кывторьяслөн функция да вежörтас серти торьялöm	506
106 §. Кывторьяслөн сёрникузяын ин	516
107 §. Кывторьясöс мукöд кывсикасьясысь торйöдöm	517
14. Междометие (<i>Э.Попова</i>)	519
108 §. Междометиеяслөн вежörтасьяс серти торьялöm	520
109 §. Междометиеяслөн тэчасног	524
С о д т ö д . Тайö небöгын вöдитчан комиа-роча грамматика кыввор (чукöртis-лöсьöдis Г.Федюнёва)	525